

中國方志叢書·西部地方·第卅一號


據

清·馬忠良原纂  
光緒三十二年鉛印本

影印

西 康

# 越雋廳志



sk01/12

成文出版社印行



\*10101402\*

中國方志叢書·西部地方·第卅一號


據

清·馬忠良原纂孫鏘增修  
光緒三十二年鉛印本

影印

西 康

# 越 雋 廳 志



成文出版社印行



\*10101403\*



中華民國五十七年三月壹一版

# 越雋廳志

全三冊

定價：新台幣六四〇元正

發行人：黃成助

出版者：成文出版社

臺北郵政信箱二二六〇五號  
電話：九二二〇一〇號

印刷者：正大印製廠

三重市長生街二號之一

內政部登記證內版臺業字第一二四七號

版權所有

PDF  
Digitized by  
www.scribd.com

# 中國方志叢書導言

## 論方志在史籍中的地位及功用

論我國史籍的源流，要以尚書和春秋最古。章學誠（一七三八—一八〇一）有六經皆史的說法，認為古人未嘗離事而言理，六經皆是先王的政典。龔自珍（一七九二—一八四一）認為六經是周史的宗子。易經是卜筮的史，書經是記言的史，春秋是記事的史。國風是史官採自民間的詩而要付之司樂的，雅頌是史官採自士大夫的，禮記是一代的律令，皆歸史官守藏。這樣看來，都是與史有緣的。參證後來把會典、通典、通考各種專記律令文獻的著作，也列入史籍，適足說明我們要研究社會全面文化的時候，自然會擴大史料的徵集範圍。否則，只能局限在政治史的小圈子裡。無論如何，依今日圖書分類愈趨精密的眼光來看，尚書和春秋，應該是上古的珍貴史籍。

自從漢代司馬遷作史記，班固父子作漢書，一般人的觀念中便有經和史的分辨。魏晉南北朝以至唐初，私家修史的風氣大開，詩賦雜說，論著更多，彙存的書籍越來越豐富。本來根據內容把圖書分類列為七略，到了晉時又有四部的劃分。把兵書、方技、術數併入子部，詩賦歸入集部，成為經、史、子、集四部。這種分類的意義，好像是說，經是民族的大本原，史是社會文化發展的跡象，子是個人發掘的理性，集是個人自由精神的感情表現。經史高高在上，冥冥中鑄成東方文化注重通貫綜合的學術精神特色，只求互相涵攝並存，蔑視抽象的分派對立，技藝在學術上不被尊重，於是文人學士把經史纏在一起，甚至文史也弄得分拆不開。一直傳沿到清代乾隆開館重整四庫，分類仍然照舊，史部中羅列了十五類子目，而方志只有一五〇種。史籍雖然很多，後人却終不能整編歸納成一部完備而有系統的中國通史和文化史。試看民國十九年瞿兌之在方志考稿序中嘆道：「吾國人之不能認識了解吾民族性者蓋有由矣，無真史故也。史不能明全體社會活動之迹，而徒措意於一二人之殊功美行，亦猶乎吾曹今日但知環吾左右者之思想行動大抵相同，而不知距吾曹稍遠者其思想行動乃膠附於數百年之前而少所變也。」又余紹宋也在方志考稿序三中慨說：「今者國史之業，既無專司，而著作體裁亦宜畧變。必當參用通志之例，廣載各地方社會情形，而不能偏重於中央政治，乃事理之當然，亦時勢所必至，若是則有賴於方志者益多。近世以來，政治凌夷，雖屢變而不能中理合度協於人情，國事乖軌，職是之由。」這樣看來，我國累存的史料確是不少，可惜史學研究上還待重行檢討哩！

唐宋以來，史籍的編纂却也演進許多：官修的演化爲編年體的皇家實錄、紀傳體的正史、有關禮法的會典、偏重地理的方志；私修的也有紀傳體的正史、別史、編年體的通鑑、以事爲綱的紀事本末、屬於典志的通考、通典專史，體裁和內容都有進步。史學上也誕生了兩位傑出人物。一位是唐代的劉知幾（六六一—七二一），他取諸家所作的史籍，闡明義例，商榷利病，遺存傳世的有史通一書，獨具評論性。另一位是章學誠（一七三八—一八〇一），曾爲和州、永清、亳州修志，又做過畢沅的幕僚，修纂湖北通志。他是重視方志，親歷其事，而又提出具體建議的第一人。這兩位皆是值得推崇的史學碩彥。

人類自從有了時間觀念，再也斬不斷過去、現在、未來的鎖鏈，這是歷史興趣的根源。有了空間觀念，又渴求地理的知識。生活演進，使文物制度日漸繁複。歷史的探討便由幾何直線擴展到橫面的伸展。中國的土地大，人口多，山川氣候不同，先前的交通遠不及近日方便，更容易形成地方特色。只憑少數人編纂的國史，顯然不能囊括各地的社會全盤現象。地方志隨時代前進，倡於明代，盛於清代，現已成爲史籍中的要角了。這便是我們要介紹方志的緣由。

方志自從明代提倡編纂，清代便昌盛起來。托庇於國學首先注重經史，再加文史素來兼顧的餘輝，早年館庫所收的方志，皆有特定的水準。其實，在政府的通令鼓勵下，各地主纂方志的，莫不兢兢業業，收集的史料，皆是可資信實的，並不限於官府的藏本。據朱士嘉統計：清代編成的地方志有四、六五五種，康熙間完成一、二八六種，乾隆間又有一、〇二四種；直隸最多，有四〇三種，四川、江西、山東、河南、陝西、浙江皆各有三百種以上。他在一九三〇年統計我國方志便有四、九一二種，一九三五年統計總數爲五、八三二種，九三、二三七卷，一九三八年又查知七三〇種，一九五八年再查知七〇〇種。這樣，總數就達到七、二六二種。比起正史來，卷帙浩繁，真不是任何人可以憑他一生精力而能全部瀏覽一遍的。但是我們原也不必去做那種迂事。祇要知道這是歷史方面還未開發的山林，可以發掘的寶藏很多。現在試依顧頡剛在中國地方志綜錄序引述的一般方志紀事要目如下：地理——沿革、疆域、面積、分野；政治——建置、職官、兵備、大事記；經濟——戶口、田賦、物產、關稅；社會——風俗、方言、寺觀、祥異；文獻——人物、藝文、金石、古蹟；便知方志內容廣泛，而且它的取材，來自檔案、函札、碑碣，是很可信實的。真正說「以校正史，則正史顯其粗疏」而已。這是說地方志在數量和內容方面也成爲史籍中的要角。

民國十九年瞿兌之出版方志考稿，賅括江蘇、河北、山東、河南、山西、遼寧、吉林、黑龍江八省的方志，一一列明了纂修年月、纂修人姓名、舊志沿革、卷數目次，並且辨體例，評得失，尤其注意特殊史料，是輔導研讀方志的文獻。此外，民二十年故宮所藏方志編目刊行，二十二年國立北平圖書館承京師圖書館和北海圖書館合併之後，藏有方志三千八百餘種，也編有目錄。

二十三年朱士嘉編中國地方志綜錄，羅列了五千多種。朱士嘉在北平所見的不過三千種，後又訪得上海涵芬樓直省志目，徐家匯天主堂藏書、金陵大學、南洋中學、中山大學諸書目，並知王綬珊藏有一千多種，又索得美國國會圖書館方志簡目、日本內閣文庫、宮內省圖書館、日本帝國圖書館等志目，遂完成了蔚為大觀的綜錄。令人驚異的是國外的巴黎和越南的遠東圖書館，美國哈佛大學也藏有我國的方志，國內的教會校館更對方志發生興趣，這個時代的中西史學精神也就可以窺見一斑。

我國昔日的史家似乎拘束於史料的體例形式，精神已墮入治亂衰替的循環律陷阱，偏重政治史的小圈子，不敢放胆解釋人性各方面活動史實，但是今日經過科學洗禮以後，我們要弄清楚幾點：(一)憑藉文字和古物研究歷史，並不能使過去的事實完全再現，再說每件歷史事實皆有它的特殊面，能使它再現的，僅是倚靠我人的經驗和直覺。(二)科學可以捉住相同的事物，正因為我人能控制它的再現，可以求出它的共相和通性或定理、定律，但是史學上就不簡單了，我們要儘量注意它的特殊面。(三)現代史學在政治、經濟、社會、宗教、藝術以至文學方面應有廣泛的研討。(四)歷史研究者須有哲學的氣質，參用科學的方法，獲取藝術的成果。(五)對史實的特殊相若不加解釋，只能做一個史料收藏家，算不得是真正的歷史學者。

我們現在應該知道，中國歷史在傳統的史籍以外，方志是有地域性的，另外還有一種家譜是氏族性的史料。這方志與家譜，足可幫助史家分別根據人、時、地、物四個因素來研究事態的始末，展開嶄新的歷史敘述。為了適應時代需要，樹立清晰而有系統的概念，我們把選印本方志叢書的範疇，暫定為鄉、縣、府、郡、行政區的地方史，及各種敘一物一事的專志等（如瀘水志、廬山志）。

明清以來，方志成為地方官參照施政的要覽。若說依據方志便能瞭解該地的全情，未免過於誇張，所以研讀方志只能說有助於瞭解一地的過去情況，提供歷史專題研究的翔實資料，而且要從多種方志去探求同一節目，效果就高得多，現在把方志的功用，試述幾個實例如下：

- (1) 朱彝尊日下舊聞，陸心源宋史翼，顧炎武天下郡國利病書，大多係由各種方志取材。
- (2) 陳垣的元人也里可溫考，據至順鎮江志而作。
- (3) 張亮丞菲律賓賓史上的李馬奔 (Limahong) 真人考，據閩粵方志而成。
- (4) 日人桑原隲藏作蒲壽庚事蹟，援引閩粵方志多種。
- (5) 日人加藤繁中國經濟史考證，何炳棣中國人口論，皆據很多方志的資料。

(6) 專從物產而言：乾隆時豐潤縣志記載扇子本為朝鮮進貢大臣隨員售來民間，但品級低劣，不為一般人喜愛，豐潤人利用竹枝、風景、花鳥畫改良後，風行一時。這是涉及朝貢而又有興趣的史料。又如何炳棣曾利用方志研究中國的早熟稻種。

(7) 元李好文長安志圖，詳載如何利用水力。很多方志皆有河工、灌溉、築堤的經費、徵工等資料，可供稽考。

(8) 地方賦役的負擔，也可從方志比較輕重。

(9) 往日的水陸交通、驛站距離，也可查知考證。

(10) 鄉村市集、地方商業、對外貿易、典當、礦業，皆可在方志查考。蘇州府志有論孫春陽雜貨店的記述。高陽縣志論棉紡工業及第一次世界大戰期間的發展及各地市場情況，直敘到其後的衰落。這是工商榮衰遞變的史實。

(11) 章學誠永清縣志對縣衙組織和差役的待遇，也是今日不易找到的資料。

(12) 往昔教育制度的社學、義學、書院、學田、科舉應考生的旅費等，也可從方志查考。

(13) 風俗、節日、寺院、壇觀、碑碣、古墓，在方志中均有豐富的記載可資考證。

(14) 少數民族如苗、獠的風俗，方志記載也很可靠。

(15) 歷任地方官的姓名、科舉名錄，更是考證上的極好資料。

從這些功用看來，方志確也含有一部份地理資料。乾隆四庫全書把它列入史部十五個子目之一的地理目，便是這個原故。到此，我們也要敘一敘方志的起源。有人認為漢袁康的越絕書，晉常璩的華陽國志是方志鼻祖；但那偏重地理性的圖經更可算是方志的前身。考據起來，由隋煬帝詔令天下各郡上呈當地風俗習慣及地圖，唐代令各郡每三年呈報人口一次，宋代又令潤月的年份要編圖經上呈朝廷，皆是圖經進展的實跡。宋代的志書已增列人物藝文，但遺存的很少。元代創編一統志，明代修纂一統志，因而徵求各省志書，方志的型態漸成一格。清代方志大盛，民國繼續修纂，有些省區會急迫的限令於六個月內完成，內容自然就不免浮濫的譏評，所以刊本雖多，選讀的時候還須思量一下。本社致力於影印中國文史社會科學名著有年，此次選印的方志叢書，是完全依循前面所述的觀點，精選善本影印發行。更進一步，倘若國內外人士藏有孤本，本社願收入這部叢書，以貫徹素來發揚中國文化的精神。

中華民國五十六年六月二十五日何光謨謹識於成文出版社

成 德  
德 成

光緒丙午夏五  
江夏吳光耀題

鏘以光緒二十七年秋奉檄履越嚮任下車即以廳志詢諸生並刊給徵修廳志諭諸生多有言前紳馬襄鄰年丈有志稿亟從其三嗣君旭東茂才索觀之見其編次翔實裒然成六巨冊爲越嚮設廳以來未有之盛事懿歟美哉顧其爲書如天文星野久爲志家所叢詬又祀典祠廟各志爲各州縣所同均非本廳獨有之事皆可從刪至如全境輿圖漢夷戶口均皆不甚詳核余以爲天下之大由州縣積非測量覈實無以施治於民越嚮僻在邊疆無明測繪學者嘗鈔浙江輿圖局程式稟請

前署督憲岑公開局測量准而未行遽調兩廣去矣又念中國戶口所稱四百餘兆者皆外人揣測之詞而各州縣詳報歲冊多係



戶書仿造管判定新式門牌上載

聖諭十六條下載淺明規約而以各戶男女丁口列後編成字號用備稽查正擬發行余亦以被議去矣竊查四川通志內引越嚮舊志未見傳本道光初甯遠府志核與通志無大異同前擬開辦學堂因教輿地一科須從本地而起嘗屬廳士高培德編成越嚮要略所謂具體而微者已去年秋同年馬梓材明府奉諱里居以先丈志稿不忍久祕思交局排印以竟先人未竟之緒又以鏘從事修補有年屬爲訂正余答以

朝廷新政方興舊章多所修改際此時代不如稍緩數年守此舊冊未善也適遵義蹇仲常司馬分守是邦正奉

大學堂通飭遵式編纂鄉土志又奉

大憲檄催呈送廳志以備調查貽書前來敦促開印而春浦教授梓材明府兩昆季又以其續纂各條見示時會所迫殆有不得不然者耳余既卸越鸞篆於廳事本不必過問顧以數年心血亦不忍竟付銷沈兼以生平結習敝帚自珍耿耿在懷不能竟已爰據舊稿所載略爲脩補凡襄鄰先生所編者曰原纂以春浦教授梓材明府所補者曰續纂以鏘所手訂者曰新增其中惟學校夷務較爲詳備蓋學堂爲今日各事之總匯而夷務則越鸞分駐之原因也是編宗旨不敢掠美前人全更體例亦不能拘守舊法昧所應增區區之心如是而已知我罪我則非鏘之所敢自知者矣是

為序時

光緒三十二年歲次丙午季春朔旦

賜進

士出身降選教職前任四川甯遠府越巒同知古明州孫鏘識於

成都寓廬

序

夫志猶史也其來舊矣周禮小史掌邦國之志外史掌四方之志邦國云者王朝之志也四方云者卽今郡縣之志也我

朝大清一統志萃諸名家之麟筆蔚爲百代之鴻規故自

京畿而下屬在郡縣各自爲志俾得據以信今傳後而補史氏之所未備也昔江淹有云自古修史之難無出於志此後來君子之事耳嘗見雄州望縣文獻有徵或易纂輯成帙若夫邊荒夷地蠻花犴草之間如越嶲一廳舊屬邛部乃蜀省之南徼自昔簡篇闕略古蹟罕到雖有人心欲爲之恐亦無從稽考創始不綦難哉茲有本郡歲貢生馬襄鄰明經忠良不憚其煩窮數十年採訪之力

率三令器纂輯告成於是乎邊郡越城居然有志矣何幸如之現據其季子拔貢馬枏攜稿句序於余披覽一過見其考据有本紀載詳明列星列宿列圖知其爲井鬼分野也曰郡曰衛曰廳知其沿革之互異也論其形勝則東望峩眉西接吐蕃南橫小相嶺北繞大渡河更知爲成都之西南屏藩也其他山川疆域戶口人又田賦物產以及政事之隆替時世之治亂蠻夷之順逆風氣之變遷莫不條分縷析俾人豁目賞心將見守斯土者自此可以驗民風而定因革察土俗以施政教皆於是賴焉洵足以信今而傳後者也昔宋儒眞西山曰凡爲此邦吏者不可無志書朱子知南康郡下車即詢郡志識者以爲知務予忝守甯遠數載自到任時即

欲倡修郡志屢詢紳耆奈以舊無全稿礙難創辦縱有一二採呈者率多挂漏迄未匯輯成編竟不果行今覽越巒志竣大可於甯遠所轄者略見一斑竊喜馬氏橋梓煞費苦心克成厥志其有功於邊陲者非淺鮮也因不禁欣然而爲之序光緒二十一年桂秋之月上浣

欽加三品銜 賞戴花翎升補道二品頂戴 奏署成都府知甯遠事東鄒唐承烈書



叙

夫國之有典家之有乘此志之所由昉也而府廳州縣之有志又爲全省通志之所本卽一朝會典之所攷據者也志顧不綦重哉稽古以來堯典舜典夏商周書唐虞三代猗歟盛矣孔子作春秋而筆削予奪之權正焉司馬遷作史記而治亂興亡之迹明焉陳壽作三國志其善叙事則稱有良史才者也自漢唐以迄宋明代有典章規制明備已惟我

朝之

大清會典一書爲立政之隆規固已軼宋明駕漢唐實與唐虞三代比隆矣顧自嘉慶十八年重修以來迄今八十餘年光緒十三



年

勅諭在廷重修會典

特簡總裁纂修協修諸臣開館讐校咨取天下各直省郡縣志以資採擇行文至越檇廳廉承乏是邦詢以志書闕如攷越爲古西南夷地秦置郡縣漢司馬相如建節至蜀遂通邛笮晉隋唐宋之間置縣改郡或改爲建昌府或棄爲邛部國王元時屬四川行省又屬雲南行省明洪武改置越檇衛越檇之名始此

皇朝定鼎仍爲越檇衛設教授訓導官道光間改越檇通判爲撫彝同知易衛爲廳民樸俗厚惟漢蠻雜處治理繁劇蓋自庠序學校之教興詩書禮樂家誦戶絃彬彬乎邊隅之鄒魯矣今欲徵文

攷獻度必有賢人君子網羅掌故藏之名山傳諸其人者余同年  
選拔生馬君湘奉其尊人襄鄰明經所輯稿本來見余爲就正於  
唐冕周太尊訂其錯訛賜作序文一篇斯志已臻完善馬君又  
問序於余余維拾遺補闕地方官之責也安能以不文辭詳閱志  
載分門別類凡夫天地山川之形勝疆域城池之沿革學校黨庠  
之樂育士習民風之樸純以及選舉科目政績武功衙署屯營古  
蹟寺觀街衢市場農田水利閭閻戶口蠻夷土寨路徑橋梁物產  
動植靡不詳且備焉誠足以信今而傳後矣而余竊有深冀者越  
嵩爲邊疆控制蠻夷之區隘多防營居民鮮少今則生息繁滋二  
百數十年之間沐浴

聖朝之雅化士世縹緲之業民安耕鑿之天忠信以爲甲冑禮義以爲干櫓固已放牛歸馬永息諸夷擾攘之兵會看起鳳搏鵬復觀三代文明之盛也豈不懿歟余故樂斯志之補其闕略以聿觀厥成也而叙之光緒二十一年六月中浣

賞戴花翎升用知府 特授越嵩軍糧府桐梓傅廉頓首拜撰

光緒丁丑夏軍糧府何公命余等五六人脩理越志舊志僅寫本  
十餘頁他無所攷積月餘無成公亦謝任局散後因舊志及各卷  
宗推廣參以雜採並老成之言粗成四卷挂一漏萬未質高明乙  
酉丙戌間余遊定水於友人處獲讀四川通志凡有關越者概行  
錄歸參入各條令門人及兒輩另錄然其書至嘉慶二十二年止  
後無所攷如職官土職於是年後未能歷敘故甯越都司從簡保  
安都司從略叅府守備亦未能按次集載土職更難查閱兵制增  
減未全核實悉載誠不可以爲書惟後有賢明欲成此事不無小  
補藏不予觀者一恐見笑一恐遺失

丁亥冬廳人馬忠良遂菴氏記

男柎校訂



越鵠廳全志例言

一廳志向無傳本四川通志所引略見一二甯遠府志大都采錄通志雖有增輯無甚異同

一原纂創自光緒丁丑迄今計三十年馬襄鄰封君極一生精力竭意搜討稿已屢易封君故後少子梓材明府又多續纂藉觀厥成

一原纂卷一天文星野猶襲舊志體例近世志家多從刪削定熱河志例也惟太陽出入隨節異時確可據依非同捫籥近世安岳縣志逐節與順天比較又似太瑣茲從簡要惟審畫長一方志關繫綦重廳屬漢夷雜居邊衅一開動煩

欽

宵旰故

歷聖諭旨凡有關於地方者敬謹纂錄又如

宸翰所及亦足備一方掌故者約錄於篇皆補原纂所未及焉

一廳屬氣候各地攸殊廳城與大樹堡相若南界若小哨相  
嶺北界若保安海棠寒度較多茲亦分別言之藉資調燮  
一方志以地圖爲要本廳左右夷巢本非測量所能及閒從  
土人探訪又多語焉不詳惟前年法教士明秉鈞君贈我法  
文一圖由大相嶺起至王家屯止雖臚載未詳而方位當比  
舊圖爲準拓開大幅添註小名庶幾差爲得實近日駐俄星  
使胡惟德用法人本譯成西藏全圖頒行來蜀余之用是此

物此志也

一古之越巂非今之越巂然竊水巂山均在廳界則界限不妨稍寬故沿革一條原纂附錄府志茲又增入

一統志越巂廳沿革說表用備稽查

一廳屬山水源發夷巢自古不通往來遂成絕境間有行旅非鄉導不能行茲編所陳多從蓋闕雖仿水經注體仍多挂漏之譏

一本廳爲四邊之一漢夷錯壤防堵爲難故關隘一門稍爲詳悉

一公署應列城池之後驛傳應列關隘之後原纂既已編定



各志自爲起訖無關大旨悉從其舊

一學校爲萬事總匯近日兵農工商無不基本於學本廳創  
建學堂一區規模未爲大備他日生徒鱗集逐漸擴充固意  
中事耳

一祠廟除 祀典外本與寺觀例視惟近日創辦蒙小學堂  
以期教育普及則此等公宇正可借地開堂有則必登不嫌  
瑣屑

一本廳地屬夷疆兵事較民事爲亟故兵制武功屯田邊防  
各志較爲詳明猶李元度平江縣志詳團練始末意也

一職官一志分汛本宜附詳茲文武長官尙多闕略則未弁

更難稽查原纂所遺無憑輯補至歷任政績原纂寥寥數語  
漏略可知文獻待徵應俟來哲

一 聖蹟一志爲各方志所無惟世傳帝君降生越篇則列  
在人物志前尙屬未乖大義

一 夷俗與漢俗不同其實燔黍捭豚茹毛飲血大都與我上  
古相倣惟有語言而無文字閒用唐古忒字識者亦不甚多  
茲將夷語加詳推而廣之庶幾用夏變夷之一助云

一 藝文一志章學誠氏議編文徵尙已越篇僻陋在夷本無  
專書可纂茲從嘉慶四川通志例凡有文字散附各條如無  
事無人無地可附者仍存藝文志一門其中雅俗兼收亦過

而存之之意也

一原纂細目之中又有總目一天文二地輿三食貨四賦課  
五禮典六武備七歷任八科目九人材十俗尚十一外紀十  
二紀事查公署驛傳列於賦課事不相因藝文隸於紀事尤  
爲挂漏概從刪削免致混淆

一近日志家如秀山縣志有官事表潼川府新志有歷代兵  
事紀皆倣古人繫年錄意中國之西南夷其爲邊患久矣宋  
郭允蹈蜀鑑末附西南夷始末而宋以後則闕如余於此志  
撰有建南繫年錄因匆促成書未及印入俟周諮博采另議  
單行


一志書編纂原應考訂詳明如宋司馬溫公脩通鑑 本朝  
徐乾學脩 大清一統志類皆書局自隨鏘本降選人員  
行篋本無多種偶因流滯從事纂脩史學既非專長文字亦  
自知舛陋惟學堂之規畫夷務之經營與夫兵民生命之攸  
關未嘗不三致意也識者諒之 孫鏘又識

夫養身之要

王儒先生小像  
古越王安寫於紫岩城



己 硯 齋 田  
 元 會 是 圖  
 楚 硯 階 涉  
 筆 墨 是 娛  
 撫 調 而 夜  
 崇 與 我 俱  
 罕 戶 壁 墨  
 罕 又 滌 絲  
 譜 書 箇 書  
 度 巧 庸 行  
 步 身 示 鼎  
 畱 告 大 亦



越嶲廳全志

編纂姓名

原纂

候選訓導本廳歲貢生馬忠良襄鄰

續纂

六品銜陞授順慶府教授前永甯大竹縣教諭馬湘春浦

同知銜雲南候補知縣歷署陸涼羅平等州馬枏梓材

增脩

賜進士出身降選教職前任四川越嶲廳同知孫鏘玉鳴 浙江人

欽加知府銜四川候補同知署理越嶲廳同知蹇念恆仲常 貴州人



原分纂未詳

新採

越巒廳學訓導庚午科舉

人

楊有成

如膏邳州人

議叙知縣癸卯補行辛丑恩科舉

人

陳在鑫

品三中所填人

候選訓導

廳

歲貢

生

張純仁

景范大樹堡人

留學日本師範生

廳

廩

生

饒應暄

子明大樹堡人

留學浙江龍津學堂學生

廳

文

生

陳毓麟

振趾中所填人

遊學成都

廳

廩

生

高培德

潤之中所填人

遊學成都高等學堂

廳

廩

生

饒應銘

鼎三 大樹堡人

遊學成都

廳

廩

生

高羣英

子偉 本城人

廳

廩

生

田學林

懋齋  
土城人

遊學日本大坂實業預備學校廳 文

童

蔣福銘

業成  
本城人

遊學成都和文傳習所廳

增

生

楊得春

志安  
本城人

遊學浙江龍津學堂 廳

文

生

高培祿

廉鄉  
中所壩人

遊學成都

廳

文

生

戴本坤

子厚  
大樹壩人

廳

文

生

戴崇高

鳳窩人

柏

香

坪

外

委

胡允齡

祥生  
江西人

繕書

廳

附

生

劉鴻賓

廳

文

童

程啓鈺

廳

局

書

程啓鈔

廳

營

書

唐國楨

校對

遊學成都通省師範學堂廳

附生

余瑞騰

龍驤中所屬人

遊學成都

廳

附生

周繼增

如川本城人

遊學成都武備學堂

廳

文童

周明鏡

季涵中所屬人

遊學成都

廳

文童

馮銘

成齋河東人

分繪

廳

局

書

蔣錫榮

受之本城人

廳

戶

書

李如圭

本城人

廳

廳

人張如金

生羅長明

朗軒  
安順場人

監

總繪

四

川

官

報

書

繪

圖

房

寫

生

王安  
幼梅  
浙江人

繙譯

夷語繙譯

邛

部

宣

撫

司

頭

目

張啟文

本城人

走養風之三



學校附書

祀典全○今剛

洞廟節○今存

卷六

兵制

武功附善後機宜

屯田附差徭各邊防後○今附善

土司

卷七

職官

政績

卷八

選舉

封蔭

卷九

聖蹟

人物目○原分小

忠義

列女作○原女

流寓

附仙釋

卷十

風俗

夷俗

○今附夷譜

卷十一

祥異

雜記

卷十二

藝文

○原纂文詩統載今擇其有類可附而失移者均著存此

越雋廳全志

序文

例言

編纂姓名

目錄

卷一

○原篇是卷係天文星野今改錄如左而以圖表附焉

聖諭

宸翰

天文太陽出入表

附氣候

輿圖



卷二

沿革 附府志備考  
一統志表說

疆域 增

形勢

山川

城池

關隘 附鄉鎮市村

水利

津梁

古蹟 附坊表碑

寺觀

金石

卷三

方物

物產

鹽法 附木政

卷四

公署

田賦 附倉庫各款

戶口

蠲緩

驛傳 附鋪遞里塘

卷五

越嵩廳全志卷一之一

聖諭

康熙二十年八月己丑勇略將軍雲南貴州總督趙良棟奏  
建昌衛土司安泰甯招聚賊衆逆跡顯然請行剿滅

上諭建昌地關重要川陝總督哈占將軍王進寶四川巡撫杭愛等  
多方招撫土司安泰甯勿致生事若抗拒不服該將軍酌撥官兵  
速行翦除欽此

康熙四十一年六月乙丑兵部議准四川提督岳昇龍奏四  
川大涼山小涼山野獠向來梗化今獠目馬比必等率衆歸  
誠請授爲土千戶頒給印信

從之

康熙五十六年二月癸丑兵部議覆四川巡撫年羹堯奏越  
巒衛阿羊蠻加巴貫子等擾害地方殺死官員臣調兵於十  
一月初八日抵越巒差員曉諭仍前抗違臣卽撥將弁堵截  
自十三日至二十七日攻克巴沽白石巖寨殺傷賊蠻數百  
加巴貫子遠竄臣於二十八日撤兵回省查加巴貫子等二  
逆應令該撫速行設法擒獲

從之

雍正元年三月甲申兵部議覆川陝總督年羹堯奏川陝事  
宜一建昌所屬越巒衛地方甚爲寥闊每多蠻獠出沒搶奪

從之  
今僅設守備一員兵二百五十名實難分撥防禦請改設遊擊一員在守備即爲中軍再添千總一把總一兵二百五十名分防彈壓下部議

雍正四年四月戊子四川巡撫法敏奏川省邊界番夷干犯法紀者請一面會同督撫提鎮具奏一面相機擒拏治罪並請嚴飭督撫提鎮約束沿邊弁員務以安戢邊境爲主不得一毫需索以致開釁生事得

旨治內地當先寬而劑之以嚴治邊夷宜先威而繼之以恩方克有濟朕非好大喜功偏於殘忍之主此數處番夷咸沐

聖祖數十年寬仁厚德自應傾心向化總緣地方官不實心任事苛求見小激出事端復隱匿養姦致令伊恩不知感威不知畏所以大不法之案重見疊出今若照爾迂見而行爾能令所屬各員盡皆一塵不染乎儻再有不法事出將不肖員弁正法以謝罪於番夷乎抑別有料理之法乎若漫然不料事之始終亦並無深謀遠慮止據無稽之迂談奉爲指歸信而不疑是豈封疆大臣之識見耶今爾所見亦不可謂全無用處但尙非其時俟將此歷來不法之積習極力振作整頓一番使伊等懍然知法當遵知威可畏然後再行爾此奏嚴飭將弁屬員遵守弗違彼時可保地方百姓永遠享昇平之福也欽此

雍正四年十二月戊午朔四川巡撫法敏奏建昌所屬苗獮種類不一冕山賊蠻金格關壽阿租等狂悖不法從前並未殲其兇首因調漢土官兵分路進剿而金格等潛匿山箐茲又添兵深入梁山搽捕除各處調來土兵量給口糧外查官兵內地行走無支給口糧之例但官兵深入崇山峻嶺購米維艱與出口無異請暫照松潘戍守兵丁之例支給口糧於官兵應領米折銀兩陸續扣還得

**旨**向來官兵凡在內地行走者例不給與口糧朕思內地亦有遠近之分行走不無遲速之別宜酌加恩澤以獎勵勤勞今建昌官兵因進剿賊蠻已經深入梁山此地舊稱險遠並非內地可比而賊

徒金格等潛匿荒僻之區尙未授首見在官兵各處搽剿奮勇效力甚屬可嘉查前歲進剿南坪時官兵俱經給與口糧今進剿梁山官兵著照南坪之例一體支給口糧以示朕撫恤兵丁之至意

欽此

雍正五年正月乙未川陝總督岳鍾琪奏普雄即梁山東通烏蒙鎮雄西接建昌南連雲南北達嶺邊馬邊敘馬等營在烏蒙鎮雄恃爲退步者卽此地也其中番族甚多而賊番金格等負隅抗拒從前調遣漢土官兵進剿金格等逃匿山箐復遣建昌鎮臣趙儒化林協副將張成隆等會同前往相機剿撫前後俘馘甚多所獲牛羊馬匹無算彼處番苗數十餘

族相率乞降鎮臣趙儒等隨加化誨令將逆首金格等拏獻  
茲於十二月初三日逆首金格阿租已經擒獻并誘擒關壽  
一併解省審究臣請仰仗

天威乘此勝兵將其餘番族一一招撫庶可一勞永逸得

后賊番金格等依恃險僻肆行不法以搶奪爲生且煽惑普雄一帶  
番苗負隅抗拒爲地方百姓之害其來久矣當日岳昇龍年羹堯  
亦曾奏請用兵征剿皆未擒獲渠魁使兇苗革心革面前歲因賊  
蠻阿底加巴等搶奪不法遊擊蘇凱差遣兵丁追捕賊衆聞風遠  
颺該弁將阿租之父姑姑踢打身死阿租遂與其叔金格挾仇報  
怨夤夜聚衆劫擄鐵廠民人又將營兵魏國臣綁去砍死以祭姑



姑似此兇惡性成干犯法紀斷難寬貸是以朕允地方督撫提鎮之請令建昌總兵趙儒化林協副將張成隆等率領漢土官兵前往相機剿撫岳鍾琪悉心經理調度有方趙儒張成隆勇敢當先奉行得宜在事官兵當寒天冰雪之時不避險阻奮勇效力直抵普雄地方今據岳鍾琪奏報寨峒賊衆咸知畏威懷德悉就剿撫將賊首金格阿租關壽三人擒獲投獻等語渠魁既已伏辜其餘黨再加詳悉料理安插則從此番地甯謐居民安堵甚屬可嘉岳鍾琪著該部議敘在事官員兵丁俱著加恩議敘賞賚欽此

雍正六年二月壬午朔兵部議覆川陝總督岳鍾琪奏川省苗疆善後事宜一建昌土司惟河東河西宣慰司甯番安撫

司三處地方最廣而河東半近涼山半近內地請仍授安承  
爵之女安鳳英爲長官司約束涼山一帶其附近內地者俱  
改隸流官管轄至河西甯番徧近內地悉改歸流其阿都宣  
撫司阿史安撫司及紐結歪溪等土千百戶共五十六處一  
併改流近衛者歸衛管轄近營者歸營管轄並擇番苗之老  
成殷實者立爲鄉約保長令其約束一建昌舊設通判應裁  
改置一府設知府一經歷一裁建昌衛及左中前三所禮州  
守禦所改置一縣其甯番鹽井二衛俱裁改置二縣各設知  
縣一典史一會川衛改併會理州移會川營千總帶兵一百  
名分防州屬之會理苦竹者保三寨以上一州三縣俱隸新

設府轄一建昌爲邊疆重地請於越嶲所屬之柏香坪添設  
守備千總把總各一駐兵三百名冕山貼近乾縣添設遊擊  
一中軍守備一千總二把總四駐兵五百名移冕山營中軍  
守備駐甯番衛城添兵二百五十名甯越營原設守備應改  
爲都司添設千總一兵一百五十名鹽井衛添設遊擊一千  
總二把總一兵二百五十名其原設守備改爲中軍守備帶  
把總一兵一百名移駐河西會川所屬之披砂添設遊擊一  
中軍守備一千總二把總四兵五百名再撥建昌鎮標中軍  
守備一帶兵八十名移駐建昌東之木托撥建昌鎮標右營  
遊擊一千總一帶兵二百五十名移駐建昌西北之熱水各

與該地之原設弁兵協同防守一苗民頑蠢性成地方文武官員如有勒索科派等弊應計贓治罪上司失察亦一併究擬一各衛所漢苗雜處田土交錯多有欺隱致相訐告地方官應於農隙之時履畝親勘務俾各守己業永杜爭端一苗獠等類每爲漢人奴婢應令地方官查明槩行發還如果有身價酌量追給贖回違者治罪一番漢交界之處每月立定場期三次彼此公平交易該管官差兵役稽查不許漢民用強短價及兵役藉端措勒其或私入夷穴交易別有勾結情弊從重治罪地方官失察者一併議處一苗民既知向化即與齊民無異令該管流官一體編入保甲互相稽查一禁止

漢民誘騙蠻人什物儻被控告訊實照例追贓治罪外如有  
兇蠻無故將漢民綁擄以及被漢民誘騙不告官司肆行綁  
擄者將惡蠻從重治罪一苗蠻散處邊方每有此處土司所  
轄而居住彼處者遇有事故每多隱漏應令該管官編造戶  
冊分清住址儻有事犯即於地方追究一苗獠舊俗多以利  
刃隨身口角細故逞兇殘殺今既改土歸流應飭地方官轉  
飭該管頭目人等嚴行查禁不許帶刀出入並不許私藏鳥  
槍違禁等物一苗民散處山箐易於逃遁如遇地方失事汛  
官帶兵巡捕地方官差役嚴拿並移會鄰汛協力窮追務獲  
如有狗庇疏縱及牽累良苗者將該管官弁分別議處

從之尋定建昌新設府曰甯遠

雍正六年二月乙酉戶部議覆四川巡撫憲德奏越嶲衛官馬廠等處番民五百二十五戶願入版圖認納蕎糧一百四十一石以充賦稅應如所請令其每年照數輸納越嶲衛所就近撥充營汛兵餉

從之

道光十三年二月辛未內閣奉

上諭軍機大臣等那彥寶等奏官兵疊勦夷匪清溪縣境肅清一摺此次夷匪滋擾經提督桂涵密派將備帶兵馳往沙坪及几子山水桶溝等處截擊官兵行至沙坪三路並進奮勇攻擊斃賊千餘

人零匪分散次日移營富林汛聞山後香樹頂有賊派兵馳剿左右兜擒殺賊百餘轟斃亦多餘匪奔竄進剿几子山該處係賊匪眷屬藏匿聚匪無多旋赴水桶溝搜捕該處係馬林住居寨堡山梁險峻槍礮轟擊斃賊二三百人馬林房屋當即焚毀又有阿吾一支夷匪約千餘人占踞山梁前來攻撲官兵三路繞道前進轟斃落巖無算餘匪從後山逃竄提訊各犯據供馬林等意欲奪回漢民地畝分給耕種我們亦因漢民太多占住地方是以隨同焚搶至清溪縣避難民人漸次復業該匪並不占踞屯集沿途禾苗亦未蹂躪辦理迅速頗合機宜前經降旨令那彥寶前往督辦清溪見已肅清那彥寶可以無庸前往惟馬林一犯必應拏獲重懲

著該提督設法搜擒以淨根株阿吾地方亦須屯兵以遏分竄之路勿任漏網其大樹堡夷匪畏懼斂迹竊邊一路派兵防堵俟清溪夷匪殲除卽往查辦俾夷疆一律震驚欽此

道光十三年七月己丑內閣奉

上諭楊芳奏疊次攻克險隘石峒曲曲烏等處野夷繳械投首全境廓清一摺覽奏欣悅此次野夷滋事業將清溪越窩竊邊等處剿捕完竣經楊芳帶兵進剿曲曲烏石圈子野夷由窪拖至大坪林箐茂密道路險削連日攻克布益頭二三道溝腦趕至大坪山梁進破窩石爬崖偏崖各峒直抵烏斯坡峒卽曲曲烏夷地該夷尙敢抵死抗拒我兵奪勇攻擊搶過險隘一擁直前擒剿賊匪多名



滾崖跌斃男女甚衆搜獲刀矛器械悉數焚毀糧石牛羊分賞將士各野夷聞風震懾石圈子夷日里維保先後帶領該夷一百五十餘名曲曲烏頭人甲興等帶領該夷一千一百四十餘名並率領附近曲曲烏之新津古等夷分起繳械投首該提督諭令各降夷自行指證將隨同熟夷焚搶之阿黎羊書等一百三十餘名提出訊明並將賊目逃兇一同正法該夷等環視行刑咸知畏服所辦甚屬可嘉楊芳著賞給白玉翎管一件白玉搬指一箇黃瓣大荷包一對小荷包四箇並發玉柄小刀六把象牙柄小刀四把大荷包十對小荷包十箇著分賞出力將士所有攻克險隘石峒之奮勇弁兵及轉運各員著鄂山會同楊芳查明擇其尤爲出力者

酌量奏請鼓勵毋許稍有冒濫傷亡弁兵並著查明具奏欽此  
道光十三年九月乙亥楊芳奏四川夷匪清溪峩邊及曲曲  
烏石圈子等處疊經剿撫完竣惟越鶴廳屬逃匿兇夷及河  
外野夷曾經出巢滋事必應搜捕淨盡馳抵越鶴後督飭將  
弁接獲兇賊窩列等正法其著名兇夷多於河外野夷地方  
藏匿查明野夷中巴姑阿路二支兇玩最著該夷巢山險路  
歧爲衆夷出入門戶稔惡熟夷藉爲匪徒淵藪當卽移營渡  
河徧傳安分之吉施等十九支頭目先行安撫巴姑阿路二  
支畏罪後到對衆數其罪惡衆夷願爲嚮導請兵剿洗參將  
王玉林等進剿巴姑殺賊多名生擒賊目阿別等副將何占

魁等分路夾擊阿路該夷奔竄老林焚按殆盡該頭目哱却  
曾經率同衆百戶自行投見尙知畏罪貸其一死交土百戶  
嚴加管束吉施土百戶等獻兇夷十六名內哱基則等父子  
二人爲黑瑪溪滋事首犯松光林什別一支該頭目患病亦  
遣其妻出巢迎見極爲畏懼將所獻兇夷分別正法暫留兵  
千五百名分布彈壓餘兵全撤歸伍 奏入

晉封楊芳一等果勇侯交部優叙賞花杰花翎欽此

道光十四年八月庚申內閣奉

上諭瑚松額等覆奏辦理夷案完竣情形一摺四川峽邊廳十三支  
赤夷內雅札等支夷因夷地荒歉乏食並因所管娃子竊空漢民

竹筍致被毆斃藉圖報復出巢滋釁旬結馬邊廳支夷糾集焚搶  
經楊芳前往督同將備按名查拏茲據該將軍等查明楊芳函稱  
峩邊廳屬十三支赤夷內惟雅扎一支與烏拋家石畢等向不安  
分見在赤夷十二支頭人俱來投首情願將各本支附和滋事娃  
子自行清出捆獻雅扎與石畢等爲此案起事首犯恃其地險抗  
不出見經楊芳調兵派令將備分路直搗巢穴殲斃賊匪三十餘  
名並將雅扎賊首哈兒立時殺斃生擒黑骨頭夷目雙甲等其烏  
拋賊首石畢亦經義勇隨同官兵一併擒獲其餘未投各支聞風  
知畏陸續投見願同十二支赤夷公舉夷長各自鈐束娃子永保  
安靜是此次夷案業已辦理完竣其各犯起釁根由著訊明分別

定擬並將該地方官查明一併據實參奏朕思我邊等境漢夷雜處全在該地方官撫綏得宜方可邊圉永靖乃楊芳上年奏報三廳地方一律肅清竊邊二十四地皆所親歷並稱撫其馴服誅其獷悍不至復行滋事何以未及半年卽有此焚搶之案且此次趕緊辦理調派兵將已閱數月之久若能杜絕萌芽不至再肇釁端方爲辦理妥善儻經此次懲創之後該夷等再有句結滋擾搶劫逞兇情事更屬不成事體楊芳兩次在彼督辦情形是所熟悉瑚松額鄂山俱有控制之責著悉心籌畫設法防範毋貽後患方爲不負委託如辦理草率閱時未久復有夷匪滋事該將軍等不能當此重咎也欽此

道光十四年十二月丙申內閣奉

上諭四川峽邊夷匪出巢滋擾上年卽係楊芳督辦據奏三廳地方一律肅清峽邊二十四地皆所親歷並稱撫其馴服誅其獷悍不至復行滋事未及半年該夷匪仍肆焚搶復經楊芳統兵前往剿撫於本年八月間函致瑚松額等率稱事有把握卽可完竣其餘支夷永保安靜乃甫及月餘該夷匪又復出巢擄搶輒以求釋前獲之雙甲爲詞是楊芳節次辦理此案總未妥善茫無把握鋪飾妄奏本應照部議革職姑念前在回疆著有勞績稍示懲儆以觀後效楊芳著降爲二等侯革退御前侍衛以總兵前往甘肅候補毋庸來京陛見瑚松額鄂山部議降二級留任本屬咎所應得念

其於該夷匪滋事雖未親往督辦於楊芳辦理夷案不善尙不瞻徇情面據實參奏著加恩改爲降一級留任不准抵銷欽此

道光十七年十一月壬子內閣奉

上諭凱音布等奏夷務實在情形請厚集兵力多籌糧餉以張撻伐一摺四川夷匪連年出擾屢經降旨飭令該將軍總督等或勦或撫認真妥辦該將軍等自當激發天良籌畫盡善爲一勞永逸之計乃因循數年徒事補苴糜餉老師邊陲未靖若使鄂山尙在必當重治其罪凱音布在彼多年始則隨同鄂山將就了事茲復會同蘇廷玉冒昧陳請遽籌大舉此等小醜跳梁重煩兵力多糜糧餉殊屬不值且內地夷匪滋事從來無此辦法總緣積年經理不

妥日久愈費周章多歡親歷戎行所有會剿及善後事宜均屬責無旁貸張必祿由該處總兵擢任提督剿堵是其專責於該夷匪滋擾邊境剿辦既未淨盡防堵又未得宜該將軍等種種紕繆實屬有孤任使凱音布多歡張必祿均著交部嚴加議處多歡著革去花翎蘇廷玉於防剿夷務情形未能籌畫妥善復與凱音布連銜瀆請殊屬無能著降補四川按察使以示懲儆欽此

道光十七年十一月丁巳內閣奉

**上**諭昨因凱音布等辦理四川夷務未妥並冒昧瀆陳當降旨將該將軍等交部嚴加議處茲據兵部等衙門定擬具奏凱音布在四川多年於剿捕事宜既未辦理妥協復會同蘇廷玉請兵請餉部



議請將該將軍革職實屬咎所應得姑念凱音布究未親至軍營著加恩降爲二品頂帶拔去花翎仍帶革職留任八年無過方准開復蘇廷玉雖未親至軍營然身膺重寄不思籌畫萬全冒昧陳奏與凱音布厥罪維均業經降補臬司著拔去花翎仍帶革職留任八年無過方准開復張必祿多歡上年俱親往查辦將就了事以致夷情未靖著卽照部議革職張必祿留於該省交寶興差遣多歡著卽回旗欽此

道光十九年二月壬申內閣奉

上諭軍機大臣等據寶興奏川夷自道光十七年溜馬磔官兵失利後大肆鴟張千百成羣直撲村場市鎮肆行焚殺上年出掠經兵

勇殺斃多匪亦有擒獲峩邊廳之十三支及干洛三溪有互傳木刻出擾之議見在四廳一帶原派防堵兵勇未便裁撤惟馬邊道路歧雜防範較難請酌調精熟槍礮刀手兵五百名委已革提督張必祿帶往作爲遊兵在各路周歷儻有夷匪竊發卽出其不意用鷓鴣之法轟擊一經逃竄無庸追捕等語四川省各路夷匪深恃懸巖斗壁往往出巢焚掠迨經官兵進剿輒復竄匿老林我兵不能進攻著如該督所議平時惟當妥爲防堵俟其出巢滋擾卽痛加勦戮如其逃竄入山亦無庸追捕務使該夷匪等知我備禦甚嚴受創數次自必不敢出山劫掠庶居民得以安堵而兵力亦不至重煩方爲妥善欽此

道光十九年四月丙寅內閣奉

諭軍機大臣等寶興奏夷匪出巢滋擾酌添防兵一摺上年雷波馬邊廳等處夷匪屢出擾害業經勦辦完竣何以本年二月間復有焚掠等情據稱越窩之西糾糾米吉施等支夷衆聽從馬邊等廳夷匪勾結是否有漢奸從中煽惑抑係上年勦捕未能淨盡根株該廳地方縣長數百里兵力單弱不足以資防堵著照所請酌添兵丁分段設守並飭令署提督桂明分派各兵周密布置竭力防範相機勦堵齊慎早晚到任務當會同商辦總使夷匪知所儆畏永遠不出巢滋擾方稱妥善該夷匪等藏匿老林原不值重煩兵力深入窮追然兵集則逃兵撤復出相尋不已糜餉老師終非

良策著寶興等悉心籌畫計及久遠不可徒顧目前意存姑息將就了事欽此

道光十九年六月庚午大學士軍機大臣等議覆四川總督寶興籌議防邊章程五條一添兵額以資防禦查馬邊等廳縣原設兵額四千一百一十三名實形單薄應如該督所請於該省營務稍簡之處抽撥額兵二千名分駐馬邊雷波越嶲峩邊屏山各廳縣並添募練勇一千六百名妥爲防堵一改營制以資控馭查馬邊廳原設遊擊守備各一員越嶲雷波各廳均原設叅將都司守備各一員峩邊廳原設叅將一員守備二員勢難兼顧應將綬定協副將改爲馬邊協副將

綏定協中軍都司移駐三河口作爲馬邊協中軍都司三河口守備移駐煙峰汛作爲右營守備大昌營守備移駐該廳作爲存城守備即以馬邊營遊擊改爲綏定營遊擊綏定營右營守備作爲綏定營中軍守備其大昌營地方安靜改設千總一員亦可無誤越舊廳之大菩薩等處以建昌鎮左營遊擊守備移駐巡防以南坪營都司移駐峩邊廳之麻柳壩以松潘鎮右營都司移駐南坪營以青雲營守備移駐雷波廳之三校岡以小河營守備移駐屏山縣之茨竹坪其青雲小河兩營改設千總把總分駐足資彈壓所有馬邊等四廳暨屏山縣移增各協營均定爲三年邊俸題調要缺一築礮

堡以嚴保衛修築礮堡最爲安民要務各廳縣多修堡寨務使附近散處民人遷居堡內其村場市鎮依山傍水周圍環砌垣外挖深壕堡內丁民責令團首督率教演官給鳥槍擡礮定期校閱分別賞罰無事則耕作營貿有驚則閉柵登陴足資守禦一定巡查以壯聲威每年春夏之交請飭建昌道前往越嶲邊等處永甯道前往馬邊雷波屏山等處均各巡查一次秋冬之交由建昌鎮提督分赴巡行以重邊防一優獎勵以昭激勸見在馬邊越嶲兩廳同知撫邊緊要應俟三年俸滿以升銜留任再滿三年准題調選三項知府升用其戎邊雷波兩廳通判三年邊俸期滿准其應題應調同知

直隸州知州升用

從之

道光十九年十月丁卯四川越鶴馬邊等廳距省遙遠奉

命提鎮等各就所轄按期分駐巡防欽此

道光二十年正月戊申四川提督齊慎奏督辦馬邊廳等處  
邊防將新舊兵勇嚴定賞罰章程逐日訓練數月以來咸知  
奮勉一洗從前惰怯積弊得

旨果如是無怪乎從前愈辦愈壞也欽此

咸豐十一年四月壬午內閣奉

上諭前因粵匪竄及畢節距川省較近諭令駱秉章於入川後或親

赴南路督剿或分兵勦辦斟酌情形辦理本日據崇實奏敘永防兵不敷分布請飭田興恕撥兵助剿並因李藍二逆四處紛竄松潘番匪越嶺夷匪復行滋事儻粵匪復行闖入更難收拾請飭駱秉章速行赴蜀會同籌辦等語粵匪竄擾畢節本日已諭令田興恕等帶兵會同川兵勦辦駱秉章由沙市起程計已早抵川境著即兼程前進與崇實將各路軍務會同籌商分別緩急派兵勦辦以期各匪次第蕩平毋稍遲誤將此由六百里諭令知之欽此

同治二年六月十二日內閣奉

**上**諭駱秉章奏生擒逆首石達開等並剿滅髮匪巨股一摺逆首僞翼王石達開由廣西倡亂竄擾湖南湖北江西安徽占踞金陵復



擁衆出犯浙江福建廣東等省邊境紛擾慎黔注意川疆志在必逞其攻城戕官荼毒生靈罪大惡極久爲覆載所不容此次川省將士人人用命將積年巨憝一鼓生擒並將全股髮逆殄滅實足以申天討而快人心太子少保四川總督駱秉章運籌決策調度有方深堪嘉尚著賞加太子太保銜尤爲出力之總兵唐友耕著記名遇有提督缺出請旨簡放其餘出力員弁兵勇著駱秉章查明請獎候旨施恩欽此 同日奉

上諭議政王軍機大臣等石達開在粵逆起事首惡中最爲狡悍善戰此次銳意窺川其勢甚張其計甚狡駱秉章知該逆善於乘虛伺隙豫派兵勇沿途截剿用使積年巨憝一鼓殲除調度合宜實

不愧封疆重臣等因欽此

同治二年七月十二日內閣奉

上諭駱秉章奏請將生擒逆首石達開案內尤爲出力之士千戶懇恩改獎等語煖帶密土千戶嶺承恩松林地土千戶王應元前經駱秉章奏請鼓勵均經降旨加恩賞給宣撫司職銜並分別給予勇號副將銜茲據奏稱該土千戶皆隸邛部宣撫司統轄加以宣撫司職銜於體制究有未協等語嶺承恩着改給土游擊世職頒換煖帶密土游擊印信仍賞給桓勇巴圖魯名號王應元着改給土都司世職頒換松林地土都司印信仍賞加副將銜均着由部給發號紙准其子孫承襲仍歸邛部宣撫司統轄以示區別而資

感奮欽此

同治六年八月丙午內閣奉

上諭崇實駱秉章奏官軍勦辦夷匪獲勝並籌辦建南邊防一摺越  
屬夷匪出巢滋擾經崇實等分路勦擊疊次獲勝冕甯野夷又復  
分股出竄九盤山夷匪竟敢潛入靖邊營汛地將拘禁夷目七名  
乘夜劫逃官軍追逐紛紛遠竄此股夷匪詎知邊防兵單乘間出  
巢滋擾一遇官兵旋即逃遁並未大受懲創著崇實等督飭丁永  
陞會同越屬文武相機防勦並飭甯遠府知府督飭練勇會同冕  
甯靖越各營員隨時防範以免此擊彼竄至滇省自楊盛宗進勦  
迤西各營潰退之後沿邊土匪蠢起建南又復喫緊亟應趕緊設

防該將軍等見已飭令劉寶國募勇調兵前往會鹽一帶著卽責令扼要布置以固邊圉將此由五百里各諭令知之欽此

同治六年十月丙午內閣奉

上諭駱秉章奏番夷出巢滋擾當經官軍擊退一摺越嶲生番句結馬邊夷匪竄至距雷波廳百餘里之谷堆地方經駱秉章檄飭兵練土司等前往會剿併力將夷匪擊退敗遁老巢仍著飭令該廳文武各員嚴加防範毋使此擊彼竄將此諭令知之欽此

同治七年九月丙申內閣奉

上諭崇實奏進剿冕甯夷匪疊勝建南大路暢行見會剿西昌交脚夷巢一摺建南大路因夷匪橫行久絕行旅提督周達武總兵李

有恆丁承陞等由冕甯督隊進攻將阿禹各支及界木大小馬廠等處夷堡先後焚毀並攻破東山寺山腰夷巢斃賊甚多建南道路一律疏通見會合大兵進駐西昌縣境爲偪攻交腳夷巢之計勦辦甚屬得手交腳老巢地險夷悍非痛加勦洗不能盡拔根株著崇實吳棠仍飭周達武等乘此聲威四面雕擊以期揜渠埽穴用竟全功建南善後事宜卽著嚴飭該處地方文武悉心經理其投誠之大小部落及交出被擄漢人並著檄飭在事各員妥籌安插毋令別生事端將此由五百里各諭令知之欽此

同治七年十二月甲辰朔內閣奉

上諭崇實吳棠奏官軍攻勦西昌交腳夷巢疊勝招撫大小部落乘

勝進勦一摺四川西昌縣之交腳汛爲猓夷來往通衢其間部落如林而竹黑大木桿哞牛壩等處尤爲強悍旬衆擄掠民間被害甚慘八月間經提督周達武總兵李有恆等四面雕勦先後將竹黑大木桿夷堡一律平毀官軍進紮哞牛壩後山十月十七十九等日疊敗賊於婁落赤碧璣等處約姑落各踞匪堅壁不出官軍分路設伏進攻陣斃逆匪多名賊股同時擊退竹黑大小夷部悉詣軍營求撫勦辦尙爲得手著崇實吳棠飭令周達武等乘勝進攻節節掃蕩一面將哞牛壩遁匪摻除淨盡並檄飭地方文武各官妥籌善後以靖邊陲欽此

同治八年正月辛巳內閣奉

上諭軍機大臣等崇實吳棠奏官軍進攻吡牛壩夷匪部落投誠建  
南一律肅清一摺建南夷匪煽亂十餘年久爲川省邊境之患經  
崇實奏派周達武征剿疊勝此次進攻吡牛壩羣夷畏服乞降責  
令呈繳軍器放還難民回軍越巂修碉建堡用資保障卽著崇實  
等檄飭該提督會同該地方文武將善後事宜詳細規畫務期亂  
萌永戢以固邊陲將此由五百里各諭令知之欽此

附錄

紫光閣繪像函文

光緒十二年六月日護理四川總督部堂按察使司按察使游 任內卷查 原任總督部堂丁 案准

直隸總督李 函奉

醕邸來函准軍機處交出剿辦粵匪歷奉

諭旨二十道欽奉

懿旨交神機營繪圖呈覽並開具節略寄交前來查內有同治二年生擒石達開一案係駱文忠任川督時事其出力人員均係四川文武員弁暨土司人等應請就近察辦祈將單內所開



人員及當日戰狀地形分別確查速覓高手畫工繪圖剋期繪成覓寄來津以便彙齊轉送

醕邸核酌進呈

御覽將剿辦事跡畫像

紫光閣壁上及度置閣中

昭代武功蜀都掌故敬希妥速等由准此除繪駱文忠並唐總兵各像外自應派員前往查明當日紮營打仗擒賊之處逐一詳細繪圖貼說並將土千戶王應元土司嶺承恩參將楊應剛各像一并詳細繪出呈送備案

計開

同治二年六月十三日奉

上諭駱秉章奏生擒逆首石達開並剿辦髮匪巨股一摺

在事出力人員

四川總督駱秉章

總兵唐友耕

知府蔡步鐘

土千戶王應元

都司慶吉

土司嶺承恩

都司謝國泰

參將楊應剛

地理

金沙江 係會理州地

松林小河

馬鞍山

紫打地

賊目石達開

駱文忠公遺像



越齋營參將楊應剛遺像



煖帶密土游擊崩承恩遺像



像遺元應王司都土地林松



越巒廳全志卷一之二

宸翰

高宗純皇帝詠火浣布

聞有火浣布出蜀越巒廳取視敕督臣隨獻言情形番地五巒山  
草根石縫生又號不朽木其性純陰精績以織為布窮檐日月恒  
油漬或致污投火烈燄明燄息布如洗因以數段呈試之如所言

火浣誠副名初非奇特物未見斯疑驚者薄爾雅疏

爾雅火龜疏去扶南東萬里有者薄

國復五千里許有火山國中白鼠時出山邊求食人捕得之以毛作布名火浣布按火鼠即火龜也

大秦漢書評

漢書西域傳大秦國有火浣布豔稱異

域珍耳食傳虛聲

御選唐宋文醕評宋曾鞏送趙宏序

我書德入正  
宸翰



蠻夷之爲邊郡害者與敵國異敵國者秦越之謂也秦勝越越未折而入於秦也越勝秦秦未折而入於越也然一勝則敵必懼而不敢擾塞而吾國以安若大勝則彼折而入於我土地闢而政化同霸王之業也若夫蠻夷者其地本吾之地也其民本我之民也一日賊民人盜府庫則名之曰叛然終不能出吾疆土而他之也以兵向之則走走則散布山谷與齊民不殊末由區別而使戮當其罪也兵所不至則又保聚賊殺延蔓而不已與之相角逐則疲於奔命不戰而先自困也其頓兵一舉而盡殲之乎則地勢險隘深阻蓋天實爲之不可得而盡殲也蓋天地之性必不使數百萬人一朝盡殲矣又其地毒蒸磽瘠非生其土者居之則不能生卽

使盡殲其人非可遷民以實之者也然則蠻夷之不可以兵治也  
決矣若非長吏扶信明義以漸化寇盜爲齊民固無第二術矣然  
而武夫悍卒之所爲必與信義相反如鞏所稱斬力勝賊者暴骸  
者戮降者是已豈武夫悍卒獨非人而無人心哉利在是害在是  
趨利而避害則必出於是矣斬力勝賊者百勝豈能無一敗百勝  
不足以威一敗足以啓侮賊固不恥敗也我恥於敗故得賊殺之  
窮極慘酷以息恨以立威於是有暴骸者不知蠻夷之性本不畏  
死何畏暴骸其禽獸歟禽獸固不畏暴骸也其猶有人心歟則彼  
亦知剜割剖裂非人所爲愈不服而愈不畏迨乎殺之不可得而  
殺計益無聊於是誘之降而殺之而暴之於是蠻夷麕驚鳥亂至

死不服而民不聊生矣凡若此者皆與信義反而武夫悍卒之長技也故蠻夷不可以兵治決也

臣鏘謹案曾氏鞏送趙宏序爲宋之潭州言也其於越嚮殆

如風馬牛之不相及然今之斬力勝賊者暴骸者戮降者所在皆是而長吏之扶信明義者幾何人哉則

**御**評蠻夷不可以兵治一語雖謂爲凡爲撫夷者言可也敬錄如右以著於

宸翰之列而曾氏原文則從略焉

**御**選唐宋文醕評孫樵書田將軍邊事

古無遠戍之事周平王以畿內之民戍申其民怨思故其詩曰揚

之水不流東薪彼其之子不與我戍申蓋自是始戍夫洛邑至申國遠未千里而戍者卽興怨思孔子不以爲無良不順命而刪其詩特著之經以詔萬世此以知甲兵之守必食此土之毛乃可使守此土也在易地中有水師說者謂伏至險於大順之中夫地中無水則爲槁壤地固倚水以立也然必水由地中行地能容水而水性乃得使決他方之水以灌之則不但賊夫地並賊夫水矣勞帥以戍遠何以異是秦壞先王法制使蒙恬戍北尉佗戍南漢武循其覆轍北擊匈奴南事百越丁男被甲丁女轉輸天下騷動府藏空虛惟正之供不足用乃任言利之臣剝民以附益之迄今嚴助嚴安賈捐之諸傳具在所述百姓流離困苦之狀令人酸鼻駭

目刺心而不忍卒讀夫大君者天下之父母也父母之於子固欲  
其有土之可居而養土地者固所以養我赤子且安其居者也然  
以土地之故使無辜赤子芟夷斬伐如草木焉則如人以田宅之  
故而取赤子於慈母之懷而殺之至愚之所不爲而秦皇漢武爲  
之豈非孟子所謂以其所不愛及其所愛哉於戲公則生明私則  
生愚一絲毫之私卽生一絲毫之愚延而及之橫流極於天地可  
不畏哉韓愈曰遠徵軍士行者有羈旅離別之苦居者有怨曠騷  
動之憂本軍有饋餉煩費之難地主多姑息形迹之患急之則怨  
緩之則不用命浮寄孤懸形勢銷弱且與賊不相諳委臨敵恐駭  
難以有功若召募土人必得豪勇與賊相熟知其氣力所極無望

風之驚愛護鄉里勇於自戰徵兵滿萬不若召募數千千古以愈  
言爲韙焉由斯以譚出師征討猶尙以遠調爲失計況乎戍守必  
年時久長又安可以異地之人爲哉况乃山川悠遠繩渡懸飲毒  
蒸蟲飛之區五穀鮮少轉運之苦萬狀疫癘之作無時而使他鄉  
之民荷戈而戍之可不戰而自殲是直以其卒予敵驅赤子而入  
之水火也其安可爲哉孫樵之論誠萬世不刊矣

臣鏘

謹案屯田之法越窳非不行也積久弊生遂成虛設而  
防營諸勇仍須召募而來幸其習與性成強忍耐苦素與諸  
夷相習臨敵不懼足以彈壓一方雖口糧給自公家尙非虛  
費以視夫成都頑民相去遠矣孫樵之論已附刊邊防志中

此卷專錄

御評所謂公則生明私則生愚一語為民父母者其忍不為赤子謀

所處哉

越巂廳全志卷一之三

天文太陽出入表 附氣候

越巂廳在赤道北二十八度三十八分

節氣

日出

日入

冬至

卯正三刻九分

酉初初刻三分

小寒

卯正三刻七分

酉初初刻八分

大寒

卯正三刻一分

酉初初刻十四分

立春

卯正二刻七分

酉初一刻八分

雨水

卯正一刻十分

酉初初二刻五分

驚蟄

卯正初刻十分

酉初三刻二分



春分

卯正初刻〇分

酉正初刻〇分

清明

卯初三刻二分

酉正一刻〇分

穀雨

卯初二刻五分

酉正一刻十分

立夏

卯初一刻八分

酉正二刻十一分

小滿

卯初初刻十四分

酉正三刻一分

芒種

卯初初刻八分

酉正三刻七分

夏至

卯初一刻六分

酉正三刻九分

小暑

卯初初刻八分

酉正三刻七分

大暑

卯初初刻十四分

酉正三刻一分

立秋

卯初一刻八分

酉正二刻十一分

處暑	卯初二刻五分	酉正一刻十分
白露	卯初三刻二分	酉正一刻〇分
秋分	卯正初刻〇分	酉正初刻〇分
寒露	卯正初刻十三分	酉初三刻二分
霜降	卯正一刻十分	酉初二刻五分
立冬	卯正二刻七分	酉初一刻八分
小雪	卯正三刻一分	酉初初刻十四分
大雪	卯正三刻七分	酉初初刻八分

案曰方志之作志地輿也而古來志家往往稽求星野以某地入某星幾度某星有兆某地徵之自左傳而下以至歷代

五行志莫不皆然延至近世頗有悟其非者

欽定熱河志不載星野而會稽章氏尤力伸此說若今四川府廳州縣各志其不載星野者亦已多矣夫方志既爲地輿而作故凡有關於地輿者皆所當載如太陽出入時刻特其一也越鶴一廳疆域不爲小矣其出入夷巢人迹不到者姑且勿論以一綫大道計之其北起臨河堡南至相嶺頂袤延三百餘里已非逐處細測不能遽得其詳余閱道光安岳縣志天文上卷詳星野天文下卷詳節氣及太陽出入時刻咸豐冕甯縣志天文一詳星野天文二詳氣候今余此志既刪星野因略載太陽出入時刻表於前而又附氣候於後蓋頗欲采二

志之長而舍其短歟查越嶺氣候大都與冕甯相彷彿然百里之中寒暑異焉則仍不可以執一論也茲故仿冕甯縣志而分別其大要如左

廳城氣候大要與大樹堡相同惟廳城少甚暑之日大樹堡少甚寒之日南路小哨以上北路若保安海棠深溝皆寒多暑少

廳城與大樹堡平陽見雪甚少相嶺頂則常常有之小哨以下見雨小哨以上卽見雪保安海棠亦往往未冬先雪西界陽糯雪山除五六月外終年積雪不消故爲廳界十景之一云

春正月多陰夜風時起有微雪二月三月間多晴多大風俗謂之火風火風甚則蠟蟲早出蟲商忌之總春令多晴或多風平陽見

雨雪甚微

夏四月上半月多晴多風下半年多晴多晚雨無風五月夜多雷雨率起申酉時其終日晴者不過數日而已六月晝多晴夜多雨時有迅雷或下雹總夏令無風而多雨早晴而晚陰三伏之中一夕夜雨便似秋寒

秋七月多陰少晴多夜雨八月上半月申酉時輒陰雨甚至徹夜下半年雨漸少而風漸多九月多晴少雨總秋令中秋以前常多雨云

冬十月多晴有風有霜微雪十一月十二月多晴有大雪總冬令晴日居多風起則寒甚

總一歲之令春冬多晴有風夏秋多雨少風若旱乾時則雨少而風大又晝多晴夜多雨故終歲無盛暑三伏之中民皆服單袷一二件或襲馬褂或羊皮半臂雖官紳亦少有穿紗羅者統扇等物不過三五日一用而已每遇陰雨便如他處八九月時若深溝若海棠若保安若小哨兵民非靠火不能煖其體至冬月則家家靠火矣其石炭價上者無烟每百斤不過錢七八十文次者或減一二十文剛炭之價每斤不過六七文兵民則用柴木作火圍爐相向矣紳糧家雖甚寒少有穿棉衣者老者不過一羊皮馬褂若重裘則絕無也

大風之來聲震林木故民間板屋多用溪石上壓懼風揭也其風

往往起於亭午至明日黎明始止

大風之日晝必陽暉煦麗夜必星月清朗少有陰霾雨雪者  
霍之來雲氣慘淡有風挾之而行多在苞穀將熟時遇之輒折營  
兵見之用洋鎗向空中施放其勢稍殺或久雨陰霾時亦然蓋風  
俗然也

每歲清明前後數日便撒穀種無異他處至收穫時較他處約遲  
一月餘山花俱早開蔬菜上市亦早豌豆正二月可食大樹堡則  
冬月臘月已可食矣秋苡洋芋應候而熟民間尤恃以爲生粟  
有種者其質頗良不減於雲土云地氣較煖故也

以上  
新增

越雋廳全志卷二之一

沿革志

禹貢梁州之域古西南夷地秦時嘗通為郡縣漢置蘭縣

秦時已置郡縣漢初

廢之武帝通西夷復置

或曰闡縣邛都縣

漢置越雋郡領縣十一曰邛都曰闡即今越雋邛都則長官司是

屬越雋郡

武帝時司馬

如招撫西南夷通零關橋孫水以通邛都開爨道通南中置越雋郡今甯遠府是

晉省縣劉宋復置蘭縣屬沈黎郡蕭

齊復廢周武帝改邛部縣置邛部郡又有平樂郡隋開皇初郡廢

縣屬越雋郡唐屬雋州咸通中陷於蠻貞元中收復

節度使韋皋遷將王有道等與東

兩林昔那時帥兵於故雋州大破吐番斬其驍將遮遮一年間盡復雋州之地

懿宗時為蒙詔所據改越雋為建昌府

遂隸之宋棄之為邛部國王

藝祖以玉斧畫大渡河曰此外吾不有也

元憲宗時內附中統

五年立邛部安撫招討使司屬成都元帥府至元十年置建昌路



立雅羅斯宣慰司以統之割屬羅羅斯宣慰司初屬四川行省尋

屬雲南行省二十一年改曰邛部州明洪武二十五年改邛部軍

民州罷宣慰司尋廢州改置越嶲衛軍民指揮使司永樂元年改

邛部州為邛部長官司屬越嶲衛越嶲之名始此屬四川行都司案府志明洪武改設越嶲衛

領千戶所五驛四邛部長官司於國朝順治十六年投誠云國朝仍號曰越嶲衛改設越嶲衛守備一舊

設教授一康熙四十一年添設訓導一屬建昌監理廳雍正六年

屬甯遠府乾隆二十五年改設越嶲廳分甯遠府撫民水利通判

一隸甯遠府二十六年添設經歷一照磨一經歷分駐大樹堡通

判照磨訓導駐廳城嘉慶十三年奉文教授改撥甯遠府道光十

五年奉文改通判為越嶲撫彝同知與參將守備同城經歷照磨

### 訓導仍舊

按蜀志云越嶲衛漢邛都及闡二縣地也邛都即當衛治闡縣即邛部長官司治在建昌北二百八十里石城週二百九十丈不及四里治北半舍外有舊城寰宇記所謂奴諾城諸葛武侯征蠻所築憇軍之所以奴諾川爲名其界東至馬湖澧州司南至甯番小相公嶺西至喇八關外北至大渡河南岸高山峻谷居十之九土地瘠薄不生五穀惟畜牛羊馬射獵以供饗殮漢置越嶲郡領縣十一曰邛都曰闡即今越嶲及邛部長官司華陽國志闡縣故邛人邑治邛部城接寒關今省宋書州郡志沈黎郡領闡縣漢舊縣作闡晉太康地理志無

隋志越巂郡邛部縣舊置邛部郡又有平樂郡開皇初并廢

關廢

縣廳北隋改置邛部縣

元和志邛部縣西南至嶺州二百六十里本漢闌縣地周武帝於邛部城置縣仍以舊城為名屬邛部郡開皇三年改屬嶺州元志建昌路領邛部州在路東北大渡河之南唐立邛部縣後沒於蠻至宋時封其酋為邛部王今其地夷稱為邛部川治烏弄城昔麼蠻居之後仲由蒙之裔奪其地憲宗時內附中統五年立邛部州安撫使至元二十一年改為州

明統志洪武中改邛部軍民州尋廢改置越巂衛軍民指揮使司在都司城北二百八十里永樂初又分設邛部長官司於衛

治東屬之

舊志邛部舊州在衛北二十里

附錄甯遠府志備考

禹貢梁州南裔漢初為邛都國元鼎五年開置越巂郡屬零關

道王莽改郡曰集巂東漢復故晉徙治會無縣今會理州大安二年

改屬甯州咸康八年仍屬益州劉宋還治邛都齊時縣廢止曰

越巂獠郡梁時開置巂州周天和二年置西甯州隋開皇十八

年置巂州大業初復曰越巂郡唐武德元年復曰巂州三年置

總管府尋改為中都督府屬劍南道至德二載沒於吐蕃貞元

十三年收復太和五年復為蠻寇所陷移治臺登今冕甯縣咸通三

年爲蒙詔所據改曰建昌府宋時羈縻屬於大理元憲宗時內  
增至元十二年置建昌路分其地置總管府治建安州設羅羅  
斯宣慰司以統之屬四川行省尋改屬雲南行省明洪武二十  
五年罷宣慰司置建昌府屬四川布政司尋改爲衛置行都司  
領之並增置前衛軍民指揮使司二十七年又置四川行都指  
揮使司成化二年設建昌兵備道萬曆三年省前衛

國朝康熙八年仍曰建昌衛屬建昌監理廳仍設建昌分巡道並  
置總鎮府雍正六年裁衛置甯遠府領廳一州一縣三

以上原纂

### 增錄

大清一統志越嶲廳沿革說並表

越嚮廳漢置闌縣屬越嚮郡後漢因之晉省劉宋復置曰闌縣改屬沈黎郡蕭齊復廢後周武帝改置邛部縣兼置邛部郡隋開皇初郡廢仍屬越嚮郡唐屬嚮州咸通後陷於蠻宋時爲邛部王國元憲宗時內附中統五年立邛部州安撫使隸成都元帥府至元十年割屬羅羅斯宣慰司二十一年改曰邛部州屬建昌路明洪武中改邛部軍民州二十五年置越嚮衛軍民指揮使司屬四川行都司永樂元年改邛部長官司屬越嚮衛本朝仍曰越嚮衛雍正六年改爲廳屬甯遠府移通判駐守

兩漢	三國漢	晉	宋	齊	梁	周	隋	唐五代	宋	元	明
闌縣	闌縣	闌縣	復置屬沈	邛部縣	邛部縣	邛部縣	邛部縣	邛部王	邛部縣	越嚮衛	
屬越嚮郡					武帝置邛	廢一縣屬	屬嚮州咸國			中統五年	洪武中改

黎郡

部部又有越鷓郡  
平樂郡

通中沒於  
蠻

立邛部州邛部軍民  
安撫招討州尋廢州  
使隸成都改置越巂  
元帥府至衛軍民指  
元十年割揮使司屬  
屬羅羅斯四州行都  
宣慰司二司  
十一年改  
為州

越嶲廳全志卷二之三

疆域志

蜀志越嶲衛漢邛都及闡二縣地其界東至馬湖澧州司南至甯  
蕃小相公嶺西至喇八關外北至大渡河南岸今按其疆界在布  
政司南一千二百里在甯遠府北三百六十里東至雷波廳屬脚  
密邊交界三百五十里西至陽糯雪山交冕甯縣七十里南至小  
相公嶺交冕甯縣界九十里北至大渡河交清溪縣界三百里西  
北抵打箭鑪界東北抵峩邊界東南抵冕甯縣屬靖遠營界西南  
抵冕甯縣紅海界南北廣三百九十里東西袤四百二十里至縱  
橫一千餘里



土夷考云大渡河南岸為臨河堡與河北羊肆崖水口相對堡之上通大小衝山及海腦填熨夷村舊熨人聚落也 九種志

云熨人重儒信佛居傍城郭與漢人無異相見之禮惟長跪不拜亦有讀書入學者臨河堡之下通鬼皮羅黑麻溪片馬廠諸

夷山徑峻絕通望山在其處 通望朝陽昔曾設縣城今廢 寰宇記黎州通望軍在

大渡河南三十里唐至德元年在通望山下山自河南與朝陽

衆山相連入嵩州界過臨河堡十里為鎮蠻堡又名大樹堡 經今

歷歷 堡在兩山峽口北臨大渡河與河北羊腦山相望為大小

衝諸番往來之所五里為火燒營五里為李子坪七里至曬經

關 志云關在越嶲衛東三百里高嶺山關旁廣石即三藏法師曬經處有題咏 又十里為白馬舖為宰獾鐵口諸

番市易處十里至河南驛

唐李晟破吐番處有碑

八里至八里堡路通草八

柏橋普馬等寨又十里即平夷堡也在高山峽內路通筍坑紅

水黑麻等寨十二里至古隘堡路通那歷洗馬姑乃易集水戶

八柏等寨其南隘廣不盈丈兩岸壁立千仞峽內水淙淙奔流

即唐韋皋所置清溪關也

詳見邊防志今地名觀音巖

唐琉璃仗義二城俱在其

處

今廢

二十里至平垣堡鞬軒於此設食焉有古隘口路通泥水

二十戶等寨與煖歹諸夷相近又十里至鎮遠堡東連煖歹椒

園燕子窩諸夷西通洗馬姑赤利草必落等寨又十里為鎮夷

堡在高山稍平坦處又十五里即鎮西千戶所甯遠營守備駐

此城城負高阜南臨深坎西通竹麻哨阿迷羅等寨東過煖瓜

羅米頗柯羅回諸夷屹然一要害

明萬歷間兵備道富好禮於此開路三百里曲通錢眉設煙墩塘房有開路議余承勛文

載驛傳志

去所五里為海棠關又十里為鎮西驛

此數處參差與今有別

又十五里

為溝水堡東通戴羅白石乾溝西抵竹麻洗馬姑等番有兵戍

之又二十里為蔡葉堡在峽內平地亦於此飭廚傳焉又十五

里為梅子堡路通蠟梅得那補蝦蟆窩等夷焚劫無虛日二十

里為利濟驛十五里為青岡關關北通宰兒姑青岡關南通廣

洪魚洞諸寨越襜之門戶也魚洞者水入魚洞河也

有大小魚洞

又十

五里至通濟堡在窩水西岸十里為越縞衛衛在窩水西廣平

之地羣山環繞西通羊圈託烏雪山東通普雄大小赤口馬湖

諸夷邛部長司舊設治東屬其提調去衛十五里有龍泉山窠

字記要衝城下有龍泉水出龍泉山也下爲龍泉驛又十五里爲炒米關關在高山峽內關卽韋皋所築要衝城矣有鎮雄堡者去道五里而近路通普雄兩河口等處又十五里爲通相堡一名小哨十五里爲長老坪在小相嶺之北西通羊圈託烏東通普雄黑骨頭諸夷又十五里爲相嶺關關設在相嶺絕頂又十里爲靖邊堡在相嶺南通甯番衛界三渡水外生番東通桐槽那賈沈查等夷過此有新添九盤白石登相四堡共四十五里

此與今之稱名小有參差然皆實迹故增載疆域志

以上原纂

凡身之...  
...

越窩廳全志卷二之二

形勢志

關沫若微牂柯山水崎嶇勢要險阻通志

東望峩眉西接吐蕃南橫小相嶺北繞大渡河為蜀郡西南屏藩  
得坤之用舊志

地當車馬之衝冠蓋相望路出山川之險夷疆毗連上下幾千年

漢唐下各有增損縱橫七百里雷馬間難分險夷天府南來雄州

第一坤維西峙峻嶺無雙誠滇蜀之咽喉為西南之鎖鑰以上原纂

衛東望岷峩西連吐蕃控黎雅之咽喉當南蠻之衝要邛夔有事

衛其必爭之所也紀要新増

附顧祖禹方輿紀要四川行都指揮使司連接滇蜀隔閔番戎  
為邊陲形勝之地漢武開西南彝欲通身毒道北方開氏笮南  
方開瀾昆明蓋自瀾以西南道阻險羣蠻糾結於抵拒也北方  
開氏笮其後諸葛武侯定南中道出越瀾蠻皆順命宋元嘉二  
十七年吐谷渾王慕利延為魏所逼上表求入保越瀾

胡氏曰此即唐時吐

蕃與雲南窺蜀之路蓋自漢武開昆明之後後人遂通此路

許之不至梁史大同三年武陵王紀都督

益州先是蜀亂建甯越瀾之地累朝不能有及紀開越瀾通建  
甯於是貢獻踵至唐武德七年以韋仁壽為簡較南甯州都督  
寄治越瀾時仁壽兼領瀾州貞觀二十二年嚮州都督劉伯英請討松外  
諸蠻以通西洱天竺之道敕將軍梁建芳發巴蜀諸州兵擊敗

之諸蠻部皆來歸附遂通西洱河招降其部帥此卽漢所欲通

道也

新唐書西洱河蠻道由鄜州走三千里由嶺州千五百里

韋皋嘗言嶺州爲西南往來通道捍

蔽數州貞元四年收復嶺州屢破吐蕃太和中李德裕復經營於此以扼南詔志云司山川清秀土田膏腴蓋西南之雄鎮也案曰此篇紀要所敘今甯遠府之形勢也與越嶲關係極重故附錄之



天  
子  
之  
訓  
示  
年  
一  
二  
三  
一

越嶲廳全志卷二之四

山川志

鳳尾山 治城內東南 文廟後十景之一即鳳尾文山孤峰瘦削不高而秀上有婆娑古樹關一文郡風綺麗之象映帶巒宮眞天然獨出也

阿露山 一名陽糯雪山俗名鐮頭尖十景之一卽雪山朝霽處上有紅海治西七十里積雪盛夏不消夷名阿露山峰尖岫穎蟬聯數十里如玉筍出林彩旗插天霞光逼人畫工難肖遠映冕邑打箭鑪數百里天晴則鮮豔奪目天陰則積霧彌漫土人因之以卜晴雨

小瑞山 治南五里俗名小孤山孤峰獨臥四無倚傍

獅子山 有三嘯天獅子治西南二十五里氣勢高聳橫插霄漢  
上吸天光雲霞陰翳俯瞰羣峰羅列拱向

金馬山 治南二十里十景之一南中八郡志云衛南十五里金  
馬山文昌帝君降生處有祠焉卽化書所稱誕於越瀉之間也互  
詳聖蹟寺觀各志

鹽舉人李鳳翔登金馬山感懷詩我來金馬遊到院日剛午下視村落問景象同一俯石立水自  
流雲飛山若舞因感動靜機逐逐何太苦世有大丈夫風教賴與主浮華等浮雲行藏惟中矩出  
爲天子臣勤勞期報補蒼生入我懷時澤以霖雨功立名不虛始信儒非腐書生志願慙歸來賦  
解組寄傲在林泉重理圖書府天倫慶團圓知心詩酒伍革薄而崇忠俾世快爭觀動靜不失時  
寸心可千古相期在相符加鞭力更努

大瑞山 俗名大孤山治東南二十五里四面無倚縣亘十餘里環吉山而底土城撫中所而帶長江

石龍山 治西南二十里山中有石突起蜿蜒如龍土人慮其活斷爲數節

小相公嶺 治南七十里即南天相嶺十景之一舊志載其地石磴崎嶇爲涼山北境界夷出掠之所商旅往來必派兵護送蓋其形象高聳爲武侯所開故稱相公嶺晴天北俯較場河東天王塹一帶俱在目前山頂有今日山頭四字碑

學使鍾駿聲小相嶺詩登高一望何雄哉萬山合沓風雨來日脚終古照不到四時無夏多陰霾  
上有巉巖峭壁森崔嵬下有奔流激湍相喧騰忽然巨石時崩摧驚濤濺雪殷其雷我行自北經  
邛徠僕夫愁歎心騰噴口噓冷雲不可吸瑟縮直欲寒爐煨陰崖魑魅復至睢眦偵伺如嘲詆

古有夷夏各有限，猿獮裸處生疑猜。傳聞涼山逼嶺背，其中桀黠多渠魁。丞相一去渺轍迹，剝落銅鼓生青苔。吁嗟文人亦多事，唐蒙司馬非良才。鑿開混沌守犄角，括取鐘鼓拋蒿萊。懷古忽忽若有失，紅旗一簇移林隈。羈縻或者亦善術，風吹畫角鳴聲哀。絕徑犖确懼顛躓，蠻煙毒霧迎人開。懷然肌粟不可處，去去萬馬蹏聲催。願移裸羅關前石，高築山中偃伯臺。

活龍山 即天王嶺山頂爲鯨鯢封處十景之一治北十里山形發源白塔山萬朶芙蓉繚互起伏蜿蜒十餘峰方至天王嶺委宛曲折其形飛舞如生龍搖曳下即鶴水舊呼活龍奔江

龍寶山 治東北十里與活龍山隔江挺峙山圓如寶四壁無倚以在活龍山之前故名今爲汎地

白塔山 治西南五里山形高峻莊嚴秀發爲西南羣山之主凡山之脈皆由此而分舊修石筆今圯

木魚山 治東二十七里在活龍山後銀頂山之中山形圓峻幹  
補東北水口使無漏洩爲越城屏障故嚮水至此若無出處必繞  
兩傍山巒數折而後去

金盞銀頂山 治北三十里高標秀麗光彩煥發有金銀氣

碧雞山 治東一百二十里山形崖岸高出羣峰舊有銅廠以在

夷地難開而山不時放臺

○案在東北  
三四十里

一獅子山 治西北三十里瓦巖挺峙坐臥如獅形

一獅子山 治北二百六十里大樹堡南口形如踞勢欲活春夏

草長宛如羽毛爲全堡風水科甲始此鍾毓之奇也

扇子嶺 治東十里五峰羅列如彩旗掩覆畫屏張挂

嘯龍山 治東十二里俗名王家嶺綿亘橫繞拱向東城

叛番王大  
陷埋此

鴛鴦塘山 治東二十里山勢高橫明陶都督家啟墓下有鴛鴦

飛走止於此處故名咸豐五年夷務之亂始此

磨盤山 治東十五里接東山餘脈孤峰盤據形如磨石

太陽頂 治西北十五里當活龍山之下在泉山之中產烏金俗

號煤炭越賴以火

蜡關頂 治北九十里山形峭削左壁右巖羊腸一綫下為白沙

溝同治二年粵逆北竄半殲於此

分水嶺 治北一百七十里山勢挺拔二水南北中分

○案在海  
棠之北

觀音巖 治北二百里下即深溝上為懸巖巖似刀截上有飛觀

# 音像下有古寺羊腸一路

建昌道鄭成基觀音巖詩路轉溪迴嵐翠昏蜂密如削劈雙門藤蘿繞樹能蕉立亂石堆巖虎豹  
蹲野鳥避人衝渡口羣猿驚客下山根香龕一禮慈雲像水月無邊是法源 又山程行已倦斜  
日亂峰西飛瀑沖雲下香龕傍石低危橋愁馬渡隔水聽猿號記得來時路春風句又題

廳副榜游月恆深溝觀音巖詩山勢嶙峋水勢西溼雲籠護冷煙低堆冰積雪迷人迹裂石奔巖  
得馬蹠一派濤聲常作雨千尋鳥道下臨溪眼前不少神仙地南海移來一并題

學使鍾駿聲觀音崖詩一峰徑一折折處但嵐光林靜有鶻血草深聞麝香危橋驚板側亂石闖  
溪忙險絕西南路崎嶇似西陽

灑經關頂 治北三百六十里南北縣巨各十餘里山形渾厚頂  
一巨石卽灑經文石十景之一上修關帝廟唐國師有獅象前面  
走文星把水口若問真龍穴灑經關下有云云

顧汝學灑經石詩一片灑經石云是唐僧留何人能說法致令石點頭



應貢生許亮卿步曬經石原韻佛子元英去詩人顧况留墨光與禪迹千載曬關頭 宋元明幾  
載光怪久淹留笑爾真頑性多年不點頭

學使鍾駿聲晒經關詩西來何事墮河渠大石斑斕半子虛我亦有經還未晒朝朝憶得腹中書

靈光山 俗名燈盞窩治西五十里山形如几週圍有山包

竹馬山 治西北百餘里山巖聳拔通河道路地多狐獸

石門山 治西北二百一十里諸峰交聳挺拔雄健隋史萬歲開

石門以通南詔即此

馬鞍山 治西北二百里山形秀麗似鞍同治二年參將楊應剛  
駐紮於此

營盤山 治西北三百里紫打地場山有大石相傳有金鴨銀鼠

光緒三年六月水漲墜於河

以上原纂

劉老鴉山 光緒二十八年七月初二日雨甚山裂水淹紫打地

場今改名官祭山

新增

令牌山 治西北三百五十里此山甚大出人熊豺狼虎豹與打箭鑪姊妹山相連

木樞山 治西北三百七十里上有茨格達海週圍約七八里下有耳海有小河自打箭鑪流出歸瀘江

菩薩嶺 治東北一百七十里山形起伏中高下低道光中甯越都司陳世亨建佛祠於上

文筆山 治北大樹堡後小相嶺餘脈名曰脈露頂與清邑筆架山對峙果勇侯楊芳建筆於上

以東一路盡為夷地萬山叢雜自轟轟山外難為枚舉

以上俱原纂

嵩水 治東五里水經注云嵩山有嵩水言越此水以章休盛也

經帶衛地北繞廳城 嵩水即繩若水似隨水而更名

上皆通志

發源

冕邑之靖遠營經涼山夷地木邪溝入柏香木廠溝下匯兩河口

水及各處山溪水沿吉家山麓而北受炒米關水頂山橋下受魚

洞河水至較場東受小瑞山水至洗澡塘合獐獍河水東入臨日

河

炒米關河 治南三十里發源冕屬之紅海入南管受諸山溪水

經炒米關東向合嵩水雨漲旱乾俗名乾河

魚洞河 有二一治西南二十里舊志號龍泉即金馬魚洞處源

出金馬山下石縫中由頂山橋合舊水

小瑞山河 治南十里發源西山白巖諸峰爲堰口河合各山溪水東向至較場後入嵩水夏秋方漲

琵琶川 古志治南十里有琵琶川唐書貞元中封苴夢衝爲懷化郡王已而夢衝復拊吐蕃章舉召至琵琶川斬之

玉帶水 治北關外即箐溝堰繞城而東嘉慶中通判白書丹建玉帶廻環坊

大魚洞 治北三十五里舊志稱越嵩衛北有羅羅河東流與大渡河合衛北魚洞河源出吐蕃又流與羅羅河合

獐獏河 治北三十里源出瓦巖大寨諸山溪水夏秋漲泛洪濤

巨浪汜濫無束東流合鷁水入臨日河軍門周達武建有鎖夷橋

學使鍾駿聲猓羅河詩亦有蠻獠習狂愚不可馴怒流能轉石野渡慣欺人雨急添新漲途危慎此身錐刀嗟爾輩不厭往來頻

普雄河 治東南二百里源出夷地繞東北行至馬日損後有開

建橋受越嶠諸水至峩邊歸化汎合大渡河

大渡河 治北三百里卽古濊江也水經注源出崑都崙山與岷

江同源曲屈南行經巴底巴旺二土司地界又曲屈南行經懋功協之慶甯營地界又南行經打箭鑪而下至灣東磨西面又南行至越屬之老鴉漩始折而東經紫打地至大樹堡爲瀘江爲大渡河南北有渡由此東下受夾江縣青衣江水至峩邊歸化汎受越

雋普雄諸塞水爲銅河五百里達峩眉縣至嘉定共歸岷江 水  
經注云大渡河水出徼外至龍牛道南流入於若水又經越雋大  
箝縣入繩山海經曰巴遂之山繩水出焉東南分流爲云其一支  
東逕廣柔縣注於江其一南逕旄牛道至大箝與若水合自下亦  
通謂之繩水矣 雜說一名羊山江源出鐵豹嶺卽岷山羊膊嶺  
之別名 輿圖源發自茂州西南徼外大小金川司界經大邑之  
西北有數道流合西南流 上下魚巖西打箭鑪東經瀘定橋沈  
邊土司界凡六百餘里至清溪縣又南百餘折而東流經越雋又  
東流入峩眉縣 自黎大所中鎮入峩眉縣土人名中鎮河經縣  
西南首四十里入嘉定府界爲陽江西南合青衣水流十五里至

府東南合岷江 羊膊嶺水分一派一南流爲大江一西南流爲  
大渡河河源自灌縣西南大邑縣邛州西北境霧沖圓覺牛心三  
山川西諸山西十三度一分極三十一度八分數水西南流經小  
金川大金川司南北合數小水至上下魚通曰大渡河又南有格  
霍河自東南來會西有瀘河來會 大渡水卽濊水漢地理志大  
渡東南至南安入濊濊水出汶江縣徼外南至南安東入江過郡  
三行三千四十里濊乃濊字之誤 打箭鑪河出大雪山三池泉  
水滙而北流合木鴉河東坡河至大岡山會大渡河東南至安定  
橋受什月河又受松林鹿子二河有老鴉河自西南注之經闌家  
營南有流沙河西北飛越山仙人洞合清溪縣諸水注之又東北

受金水河又東南越鶴河來會 又東南經峩眉縣西南境大峩  
山前山南六十里有小水二自西南山合來注之又東經三峩山  
麓又東北至嘉定府西南有青衣水來會寰宇記云大渡河在通  
望縣南十五里志云廢通望縣在河南九十里其北有羅目溪水  
入峩眉有通望山自大渡河南與衆山相連入鶴州志又云大渡  
鎮西有陽山廢縣唐初屬登州又立陽山鎮唐武德元年改置陽  
山縣屬登州貞觀二年割屬鶴州 大渡河源出吐蕃經黎州城  
南九十里東注嘉定入於江臨河有大渡巡檢司戍之隋設大渡  
縣今廢爲鎮宋初建隆三年王全斌平蜀以圖來上議者欲因兵  
威復越嶲藝祖以玉斧畫大渡河曰此外吾不有也於是爲黎之



極邊昔時河道平廣可通漕船自玉斧畫後忽陷下五六十丈水至此澎湃如瀑從空而落春撞怒號波濤洶湧船筏不通名爲噎口殆天設險以限夷狄也舊有寨將欲載杉木板由陽山入嘉定賢以數片試之板至噎口爲水吞沒須臾片片自沫水浮出蠻聞之益不敢窺伺 又記云通望軍在大渡河南三十里唐至德元年在通望山下自河南與衆山相連入鶴州界過臨河堡十里爲鎮蠻堡又名大樹堡 附流沙河 方輿志云漢水發源自飛越嶺寰宇記云漢水在漢源縣百二十里從和姑鎮山谷中經飛越縣界至通望縣合大渡河不通舟楫志云此漢水俗呼爲流沙河 唐咸通十一年各蠻夷入寇造浮橋濟大渡河至新津返明年復修邛峽

關大渡河諸城寨至宋藝祖以玉斧畫大渡河而邊患與漢水相終始 國朝同治二年石逆自滇入蜀二月九日前隊賴逆至大樹堡以布接舟造浮橋而渡分司張溥率漢夷團衆擊之邀其後隊計斷浮橋死者甚衆四月石逆自冕邑據紫打地總督駱秉章遣雅州府蔡步鐘軍門唐友耕等分據河北岸安慶填洋泗營無雨驟漲斃賊無數石逆就擒其黨盡殲河之力也

○案原纂述大渡河甚詳但雜引各書源委未

甚明斷須互  
參後水道篇

葛峻起大渡河詩大渡河邊日色黃行人到此觸離腸西來印笮千山遠南去牂牁萬里長玉斧當年曾畫界平羌今日盡歸王爲衝使命勞行役征蓋遙遙指夕陽

吳柯萱大渡河詩萬工坡底閭招舟控絕諸蠻最上頭六詔風煙馳絕徼雙崖戍蠹瞰奔流舊會畫斧羈縻定我獨乘輶汗漫遊到此柳風兼嶺雪往來重見月盈鉤

耳鍋河 治西北三百二十里左水由洪垵流出右水由冕屬流出合為一江在瀘江右下至烏龜石合瀘江上有涼橋同治二年粵匪偽翼王石達開就擒即此水陡漲為之

海棠河 治北一百四十里

平垵河 治北一百八十里發源秀水坪由平垵而深溝而河南站過白馬鋪西走驪經關脚底底羅入大渡河灣環繞通衢橋皆前甯越都司陳世亨建

河南站河 治北二百一十里即李屍大破吐蕃處河源見前

出洛河 治西北三百五十里源出打箭鑪歸瀘江

深溝河 治北二百里源見前兩山欲合水由中行雲木沉沉夏

可重裘嘉慶間有毛姓者湖南老秀才遊學至此動世外之想修廟建橋卓有可觀

月亮沱 治西北三百四十里沱側一大石上有盆積水石中可玩月沱在上土司署

壺盧頸 治北二十里駕水下流至此仍是波濤洶湧去而復回盤旋其頸而後去在大屯東側

溫泉 俗呼洗澡塘治北二十五里即溫泉春禊處舊志引流可

以療疾

○案互詳古蹟志

三洞泉 治東三十里發源東山窟中順流下可以溉田

以上原纂

案曰原纂所述山川逐條分注各自源流中或不甚詳實余

因貽書馬梓材明府謂將各水源委叙述明細用備參稽嗣  
據明府續纂有越嶲廳水經說首列嶲水源委又言廳城之  
水有六保安營之水有七甯越營之水有六大樹堡之水有  
五東路田塢三場之水有九西路河道七場之水有十蓋已  
大小畢舉矣余謂越嶲漢時郡也水經注引應劭云有嶲水  
言越此水以章休盛也考漢時越嶲轄地甚廣若今甯遠府  
則其郡治也嶲水既在今廳治南則越嶲爲廳治專名固宜  
又廳治以大渡河爲北界而廳屬之水無有不入大渡河者  
則大渡河又爲廳治各水之總匯亦宜余視篆兩年未能徧  
歷境內且大半夷地亦眞有人跡不能到者據蜀水考所述

驗之今地諸多未核惟齊召南氏水道提綱源委分明茲特據以爲經又仿酈道元水經注法以爲之注不惟越嚮衆水厥有會同而後之工測量者考其訛謬逐條更正亦足見精鑿有米不嫌揚秕在前云

江道編云江水南經嘉定府城東南有陽江水西自大渡河東北經峨眉合北來之青衣水東流繞城南注之原注陽江卽大渡河源自灌縣西南境大邑縣邛州西北境霧中圓覺牛心三山以西諸山數水西南流經小金川司大金川司南北合數小水至上下魚通曰大渡河下會瀘河折東南流至安定橋蜀水考補注康熙四十年賜名瀘定橋折西南流又折而南至化林營左右受小水甚多又南稍西右受什

月河水

水道  
提綱

梭陳登龍蜀水考大渡河又過瀘定橋至冷磧以公溝水注之  
又經沈邊土司界什月河注之朱錫穀補注什月河在大渡河  
西夷界中胡林翼 皇朝一統圖作什丹河考今越舊界內

無名什月河者惟西北與打箭爐分界處是曰田灣新其水發

源鍋蓋山西北流繞木堆雞窩茅坪草科大坭口田灣場西北

會碗墳之水合流過阿迷落石約猛虎墳轉北至桃壩合流入

大渡河續纂梭石約一作施約亦作施葯土人羅長明呼施約二

字音同什月是則什月河即施約河歟施約河下流過田灣又

今之所謂田灣水也新大渡河又南流有小馬廠水注之水發

源梳損逕葉大坪至小馬廠與田灣水合入大渡河新大渡河

又南流有海耳挖水注之水出紅巖子逕茨格達有海嘗有靈

物窟其中時見怪異其水停蓄不流蓋天池也新紅巖子繞木

啞續至海耳挖板橋下是曰海耳挖水土名黑老鴉水下流入

大渡河新大渡河又東南流有出落溝水注之水發源瓦路溝

過柯洛沱至葱損過三老坡循仙風坡傍野雞塔右抵上山塔

岡新由葱損發源西流過出落溝至上渡入大渡河續

又南折東南流有松林河鹿子河自西南來注之提

大渡河又東南流有松林小河注之松林河發源紅堪紅堪上

有碕二如牛角形高不可及相傳武侯南征脩以禦蠻避兵處



此安然無患平時則蛇虺居之狐狸窟焉亦奇蹟也張如金說

新紅埧水繞木耳猛塚

續纂

至木納灣灣埧水入焉灣埧水至白

露與紅埧水合是爲洪水溝松林河水又西流循西油房至大  
巖房田坪子過歸里改池之水又入焉改池番民素刁悍前土  
千戶王應元調土兵征之改名歸善臺是也改池西有剽老鴉  
山光緒二十八年秋七月二日崩水淹紫大地新街余親往履  
勘捐廉撫卹以羊一豕一仿古廋縣浮沈禮改名官祭山嗣奉  
大憲撥款二千金余同甯越營都司馬驥伯良散賑度地中埧  
改題安順場事詳關隘志紫大地新街子舊有鐵索橋過橋卽  
礮房溝溝上爲松林地有松林地土千戶署同治二年春粵匪

石達開由冕甯小路竄入踞紫大地場土千戶王應元撤鉄索  
橋扼守松林小河擒石達開有功經總督駱秉章保奏

賞換土都司印信號紙加副將銜事互詳土司志新松林河西至

月亮沱入大渡河

續纂

沱側一大石上有盆積水石中可玩月

原纂

大渡河又東流過安順新場場於西路爲巨鎮有山藥杉板絲  
茶等貨地臨大渡河估客於此下織比新街子爲尤便云大渡  
河循下坝逕中渡中渡對岸即清溪縣屬之安慶坝石逆之役  
軍門唐友耕遣其部下李文彬扼守於此大渡河又東流過馬  
鞍山下馬鞍山最高峻西連文筆峰石逆之役越舊營叅將楊  
應剛與煖帶密土司嶺承恩同紮此山山之東即小水小水發

源麁子坪左循瓦西至魁沙右逕殷百戶海陽會至新場卽喜  
樂場有嶰羅阿三皮水入焉右傍三墩下趨於小水入大渡河  
小水有礮橋二山水發時土人編竹木爲之昔吐谷渾於河上  
作橋謂之河厲殆此類歟水道提綱有鹿子河今無其名然小  
水發源麁子坪鹿子麁子字形互異鹿河小水亦互受通稱矣

增新

始折東流

提綱

大渡河又過卡落溝是爲大漩巖石嶽崎車馬不能行下臨不  
測之淵水勢迴洑聲若龍吼過者不敢逼視北折東流過利積

堡

增新

源至此已七百里此水外即邊界界西即諸水入鴉礮江者

○提案網

此二十三字當在化林坪下若松林河上下百里雖皆番地與鴉礮江絕遠矣

有老鴉河自西南來注之

網堤

老鴉河土人呼曰老鴉漩

新

發源擦羅東山西流繞擦羅場即

積玉場合公易海之水

續纂

公易海東連筲箕灣西近銅廠爛泥

坪粵匪石達開自冕甯小路竄入由此擦羅水過張擯子土岩

子與鷹角嘴之水會其水發源瑤河填過大紅山麓至土岩子

與擦羅水合擦羅水又北過南瓜店與竹馬水合

新

竹馬水發

源竹馬南山西北流過竹馬堡

續纂

有王千戶舊署不半里有礮

橋水迅沙溜土人用此濟行人焉循上紙廠下紙廠過新店子

巨石當衝溪聲甚大逕石門坎即新脩萬福橋處余有記載關  
津志竹馬水又過諸垵循圖寶山麓與擦羅水合同入涼橋卽  
楊應剛携石逆手同行處出洗馬姑村後又謂之洗馬姑水循  
涼風擗過松林坪至廣元堡堡對利積堡土人橫大索於河上  
懸以溜桶以濟行人桶用大木刳之爲二鏤空其中如馬槽狀  
人臥其上以索牽之卽達彼岸矣洗馬姑水至老鴉漩入大渡  
河大渡河又東流經龍頭石對岸爲菩薩擗大渡河至此一束  
舉人陳在鑫謂於此造鐵索橋至清溪縣屬大冲山合富林營  
大路可免楊泗營義渡之險龍頭石隘處僅寬三十餘丈約費  
三萬金可以集事云大渡河又東流過江店子傍川興店至草

八牌循閻王扁屈曲東趨過二臺子至納耳埧有小河入焉新增

發源大紅山西流繞喬普馬至納耳埧北流入大渡河續大渡

河又東流循大寶山麓至獅子口亦有小河流入新源出大灣

西山瀚海西流至獅子口入大渡河續納耳埧糧民劉光美謂

大渡河若造鐵索橋龍頭石不如獅子口蓋束水處相同惟過

河至龍洞營其地較為平坦易治云今其子劉萬華肄業省垣

測繪鐵道學堂他日或有實行之日也大渡河又東行屈北折

東過斷河埧至梯子岩又東流至耍耍溝耍耍溝水自南來入

注之耍耍溝水新發源松林坪東山西流繞耍耍溝鄧公場入

大渡河續纂

又東北至晒經關北有水自南來注之

綱提

大渡河又東流過觀音巖至鐵口埧宰羅河水入焉宰羅河水

發源海棠北分水嶺

新

北流過窰廠至平埧會白魁山水匯流

直下過深溝大灣平夷堡八里堡河南站

續

有挖落溝之水自

東南來會合流鐵索橋下

新

至白馬堡又會龍馬堡前山之水

至宰羅入大渡河

續

經闌家營南有流沙河西北自飛越山仙人洞合黎大諸水來注

之

綱提

按蜀水考什月河注之下便云又至清溪縣西龍洞營流沙河

注之又折而東經漢源廢縣又東經越嶲廳界魚洞河注之又

經晒經關云云考流沙河與大樹堡對岸與什月河相去絕遠  
又魚洞河之水本合普雄河以匯巖潤河而入大渡河未聞於  
宰羅河以西有所謂魚洞河徑注大渡河者茲亦不足深辯已  
惟大渡河既得宰羅河水又東流過紅岩子循丁家坪傍胡瓜  
山又過孤磊山熨夷村有金鐘山古文昌宮觀音廟在焉相傳  
爲馬龍故里云大渡河又東流過風王廟至海螺埧海螺埧之  
西爲小馬谷小馬谷之東南爲大瑤灣亦名大魚灣其二地文  
物與大樹堡埧大渡河又東流獅子山之水自南來注之新水  
發源楊家山北流過熨夷村東繞海螺埧入大渡河續大渡河  
北岸有闌家營或曰渥洼營古出神馬即其地也有流沙河入



焉流沙河水發源清溪縣之飛越嶺東南流入大渡河冬春水  
涸僅通約略夏秋泛濫行旅多戒心焉大渡河又東流過大樹  
堡津口有義渡碑大渡河水有流沙河衝入水勢激盪亦謂之  
大漩大渡河又東流至偏牆岩與清溪之楊泗營相對其南有  
晒經關後諸水自南來注之新水發源晒經關後山北流過李  
子坪至火燒營會大維山水源出大維山又有料林坪水西流  
繞城東南穿場過城西合大維山晒經關後山諸水過獅子山  
峽口北流入大渡河續

又東流北受金水河提

清溪縣志發源峩眉縣野牛山南流至馬留林東流合順水河

至金口隘入大渡河此係河北之水本志從略大渡河又東流至臨河堡麻家山水西流至校場合大維山水入大渡河大渡河又東流過龍潭口至水打埧有古牛山水過豹皮溝循二坪子大地頭至水打埧入大渡河大渡河又東流過桂賢村有西街河水東源由馬廠鳳窩茶林片馬西源由石板溝合流月兒山下是爲西街河北流入大渡河大渡河又東流過呷撒至桂賢村有通望山水通望山唐時置縣屬黎州有故城遺址增新其水東北流至鬼皮羅殆古者獯夷似鬼故有此名今則改鬼爲桂遂呼爲桂賢村其地爲甯越營分汛駐此增新通望山水至此過石門坎入大渡河續纂其對岸即萬工堰同治二年石逆之役

唐友耕之軍駐此大渡河又東流黑麻溪水自南來注之水發源黃茅墳東北繞西街片馬黑麻溪入大渡河

折東南流北受一水

提綱

以清溪縣志校之疑卽羅目江茲亦從略

新增

又東南有越鶴河自西南來會

提綱

越鶴河源出越鶴衛南山兩水北流至陶家營合而北流

提綱

甯遠府志云甯水在越鶴廳城東二里源出涼山夷地

大清一統志謂之東河今攷越鶴南山以治南七十里小相公嶺

山爲最高卽所謂南天相嶺爲越鶴十景之一也

新增

甯水發源

相嶺北山之黑海北流逕銀風溝循長老坪汎至小哨汎卽古

之通相堡鶴水逕其下其南源出涼水井過臭水溝至小哨來  
會鶴水又北流至乾龍灘大南菁之水自西來注之水發源大  
南菁上雪山會各山溪之水過火燒坡至白泥灣續纂前爲武安  
軍駐紮處後改續備後軍今又改爲防營後軍是其地也大南  
菁水屈南北流過受降汛土人呼爲炒米關方輿紀要云唐韋  
皋所築要衝城在此 一統志謂之炒米寨則誤入清溪縣  
下矣大南菁水過乾龍灘東合於鶴水鶴水又北行過張家灣  
逕太平坎俗名乾河埧至鄧家埧之馬道于有龍泉山水自西  
來注之新龍泉山之水發源深溝大花樹上卽陽糯雪山會各  
山溪之水直流至茅草埧之石梯伏地不見過金馬山而出爲

魚洞河河即龍泉水續府志源出金馬山下名湧泉流入東河  
 是也水循金馬山麓出魚洞河橋過中所填中所填之南二里  
 為陶家營相傳有陶都督葬此越鶴南關外真武觀明時都指  
 揮陶亨應夢建此殆其人歟提綱云越鶴河至陶家營今驗之  
 無水殆昔者無中所填之名越鶴衛南惟陶家營最古故渾言  
 之也龍泉水東流出中所填市橋過鄧家填有田千餘頃賴以  
 灌溉故俗名田填至馬道子入鶴水其北流過頂山橋下堡子  
 繞姚家灣至螞蝗溝入越鶴河大河之水自東南來會注之新  
 大河之水發源芥首山直流而北續經曾家坪下至大河大河  
 上下十餘里間土地肥沃無水旱患越鶴產米此為最已張廷

獻者大河人素驍勇諸夷衆憚之一方資其保障倡議築大河城無應者竟不果卒爲兇夷所害惜哉大河水又過黑包鬻阿佈塘東循柏香汛落模堡吉家山汛馬蝗溝北流注於越舊河越舊河又西北流小瑞山之水自西南來注之新源出獅子山增直流而下至李子蘭則沒夏秋泛濫冬春則涸是爲白流乾河續至丁山橋村下傍山有永安橋爲建南通衢新合而北流經衛東東北流有猓羅河自西來會提小瑞山之水東入白家河續西匯較場會於舊水是曰東河此越舊河之正流也越舊河又北流至越舊廳城東新白塔山之水由乾海浸發源迤南者爲打虎溝雙龍泉之水繞城西

南東合各碾堰之水至龔家灘合東河之水續前同知李忠清

建橋於東門外以通河東一株樹等處後圯於水前同知傅廉

改建鐵索於龔家灘名曰平東橋是也越鶴河又北流城西北

諸水注之新其一由紅海發源出大菁會於前同知秦岐翔所

築西山大堰名曰三道水白石廠溝繞西北至弔橋溝分為二

水一繞北城根曰玉帶迴環一過東嶽廟前亦曰玉帶水均匯

碾堰諸水至梁家河入於東河一由三鍋莊會羊打寨董家山

等處分而為三一出三鍋莊直流過北壇響水洞繞東而北至

官地合東河一由羊打寨直流而下逕報恩寺轉南繞東名曰

倒流泉入一株樹合於東河一由董家山直至王家墳新村青

龍嵒至魏家堰入天皇堰合東河

以上俱續纂

越嚮河又北流至河

東過天王山麓其水屈曲迴環若往而復有若壺盧然俗呼爲壺盧頸是也越嚮河又北流過大屯大屯諸小水入焉又北流有奴諾水自西來注之奴諾有故城在王家屯村寰宇記奴諾城諸葛武侯所築憇軍之所以奴諾川爲名今不可詳已其水新發源長海由後山會弔峰岩窰山喇伯關瓦岩各山溪之水過大寨之獅子山入奴諾之水繞西北而轉南至袴襠溝續纂以入於越嚮河又有板橋河猓獾河之水自西來注之板橋河水新發源大巖出六澤溝直下至廣洪之定軍山潛出大魚洞東流至板橋河又有關頂汛之水發源馬路溝過青岡關合于板



橋河其獐羅河之水發源長海出核桃茶園東流過瓦岩至黃龍遊江處合奴諾河續纂又謂之獐羅河 一統志云羅羅河

在越窩廳北二十三里有二源皆出番界東北流合魚洞河入

大渡河此語就其下流言之亦曰獐羅河夏秋泛漲波濤洶湧難渡冬春

消涸如履平地志言如此驗今猶然自同治九年周達武創建

鎖夷橋緝以鐵索至今行人不病涉焉今稽其上流有小魚洞

瓦巖廣洪弔口巖諸水會流於此東流北折與板橋河合流至

袴褶溝入越窩河新

又北會臘梅營水提綱

越窩河又東北流至鐵馬普雄胎西二河之水入焉續纂越窩河

又北流過上白岩下白岩河之東有碧雞山右爲銀頂左爲金  
盃各山均有銅鑛光緒二十七年冬月余同委員劉鐸察看登  
木魚山遙望見之因在野夷界內可望而不可即焉越嚮河又  
此過北凹姑至納溪溝增新新橋汛之水發源瀚海過利濟汛出納  
溪溝又有大岩之水流過連三營與納溪溝水合續纂入越嚮河  
越嚮河又東流過蘆車坪茅草埧舒文頂有白沙溝蒼葉坪諸  
水自北來會增新一水源出大小龍塘流會銀廠溝過鳳凰營至  
打土合白沙溝河一由大小乾溝發源流會堡頂之水過制夷  
關會白沙溝南流至巖脚合蒼葉坪河蒼葉坪之水發源棗陽  
山南流過腊梅汛之銅廠溝風洞岩腊梅代會平夷關清水塘

白石村各溝之水直流蔡葉坪汎西而南合乾溝之水會白沙溝之水南入越窩河打土夷堡之上爲保安營屬麥子汎汎之東山有關帝廟道光十九年四川總督寶興建也余嘗至廟上有礮臺四座下視諸夷堡皆在目中爲保安營北路扼要東窺兩山峽內見越窩河與蔡葉坪河合流處迴環如帶亦勝觀也蔡葉坪汎南有橋二屢脩屢圯行者苦之海棠陳欽仕謂宜於蔡葉坪東山鑿一新路至麥子汎山麓水勢平衍新脩石橋遂派營兵夷兵分扼防守如此則行旅之人旣免水險又無夷患矣他日有心者其善圖之

新  
增

又東北百數十里有甯越營水自西來會

提  
綱

越嶺河至打土北會蔡葉坪白沙溝諸水東流北折過夾硬子  
芭蕉背驪馬得林雜等堡增新又東北流過上官六格有馬鬣嶺  
之水來會增新水發源馬鬣嶺東流繞雙和場會摘落涼山水水  
發源摘落涼山屈北東折過林雜與馬鬣嶺水合合流至岩潤  
土舍是爲岩潤河岩潤河又東流有落落溝水入焉水出自落  
落溝一名猓獠溝南流東折過敲脚汛入岩潤河續纂岩潤河又  
東北流有甯越營河水自西來注之甯越營古名海棠關在廳  
治北百四十五里東西兩路各土司土舍土百戶等均所管轄  
俗稱金海棠蓋通省都閩府缺此爲優矣營在四山之中衆流  
承注水合流東達於五角營故謂之甯越營大河云增新南源發

老卡子迤南之平夷關北流過新安汎之爛坭溝有轎頂山之  
水來會源出轎頂山匯各山溪之水東流過木廠溝入爛坭溝  
合平夷關水北流至正西站續纂正西站即古鎮西驛方輿紀要  
云鎮西千戶所本越鸞衛地明嘉靖中析置甯越守備駐此其  
城背高阜南臨深坎西通竹麻哨阿迷羅等砦東通暖歹瓜羅  
米頗柯羅回諸夷屹然一要害也又有新驛在所東近嘉定府  
峩眉縣界明隆慶中越鸞指揮程昱議復羅回舊路直抵峩眉  
至四川省城避出大渡河與相公嶺之險蓋洪武間景川侯曹  
震實始請開此驛云光緒三十二年新選樂山縣烏程周廷華  
少萊探知川蠟居奇洋蠟亦一大漏卮非開復舊驛則道路迂

緩行旅艱難無以便蟲商而擴株式其意甚盛有志者或竟成  
耳程昱之議別詳驛傳志可覆按也平夷關諸水合流過鎮西  
站下北入甯越營河增新其西源出竹馬南山之海會各山溪之  
水東北流繞甯越營城東南過較場與繞城西南之水合流至  
五角營其北源發於分水嶺南流過煎茶坪繞城東北至五角  
營同入於甯越營河續纂又有乾溝之水自南來注甯越營河又  
東北流有大菩薩損水來會水出大菩薩損余前年登竹馬損  
遙望見之其土人云上有大木數十圍火燒七日不死傳聞之  
詞亦一異也增新大菩薩損水東流過石廟子合甯越河是爲兩  
口河一源由老箐坪北流一源由朝陽山西南流繞林落茶林

石板溝一源由泥美珠南流同會於兩口河合流出夷門過馬日損向化汛東南流入岩潤河向化汛有把總駐此其地名大田埧過橋爲雞打鼓有嶺土司署嶺氏世爲暖帶密土千戶兼襲邛部宣撫司同治二年粵匪石達開竄入紫打地土千戶嶺承恩隨同越巒營叅將扼守馬鞍山協擒石達開有功總督駱秉章保奏

賞換暖帶密土游擊印信號紙並加副將銜光緒二十五年伊孫嶺鎮榮又以乾相營軍務保奏

賞加總兵銜暖帶密有土司署不常厥居因兼襲宣撫司土職故每寓越巒廳城東隅辦公又常有土兵三百餘名分防各隘亦

土游擊責焉每月領餉散給口食專用土游擊印信其上稟公  
事則用宣撫司印焉事詳土司志新

又東北百餘里會大渡河提

越窩河至岩潤土舍又名岩潤河又東北流有黑麻溪水入焉

新

水發源黃茅插東北流繞西街片馬黑麻溪入臨日河續

府

志云鶴水在廳城東二里源出涼山夷地由越城之北流入猓  
獠河又東入臨日河此之謂也府志又云大渡河在城北二百  
二十里源出大小金川流入馬湖江距城五百里流達嘉定江  
河南烟瘴惟此爲甚按府屬諸水自小相嶺以北者入馬湖江  
自小相嶺以南者入金沙江今攷元和志大渡水經通望縣北



二百步今越嶲東北界有通望山下有通望縣故城清溪縣志云大渡縣陽山縣通望縣皆在大渡河南是其證已

大清一統志大渡河在越嶲廳北二百二十里源出吐蕃自鐵口野夷流入與雅州清溪縣接界又東經鬼皮落野夷入峩眉縣界水勢浩大烟瘴特甚蓋大渡河至此而出界越嶲廳之境亦至此而盡矣

又案曰是篇既成或謂原纂分志各川既舉其要矣今又雜采各志以大渡河爲綱以衆水入大渡河者爲目得毋疑於累贅乎余謂不然昔酈道元著水經注自河水以至日南諸水亦已源委詳盡矣末卷又述禹貢山水澤地所在大都與

前註互相發明蓋先哲爲之非自今伊始也今以原纂所述擬禹貢山水澤地所在以續纂新增所述擬河水等篇之敘述源流當亦大雅之所許也余藏四川各府廳州縣志不下百二十種大都舊志體例少所增刪惟仁和王壽松秀山縣志山水一篇記述明晰雜采詩文同符酈注若善化張龍甲楚珩彭縣志桐城方旭和齋蓬州志敘山則仿山海經叙水則仿水經注而彭縣志又能測量經緯方位瞭然足爲後來地志表準余尤愛之惜越嶲錯壤夷番非彭縣內地之比雖欲悉力摹仿才固不逮勢亦有所不能耳若必考驗經緯按定鳥道人里纖悉無遺則理而董之請俟來哲

定善願之示

越巂廳全志卷二之五

城池志

蜀志越巂衛漢邛都闡二縣地有石城週二百九十丈不及四里治北半里有石城寰宇記所謂奴諾城諸葛武侯所築憩軍之所以奴諾川為名今不可考

元置邛部州舊築土城在今治北二十五里王家屯場外

今圯地號古城

明洪武初築土城永樂初指揮李毅相度地勢遷築土城包砌以石即今城處週七里一分計一千二百七十八丈濠闊三丈厚一丈二尺平列四門後多坍塌嘉靖四年建昌兵備道胡東臯重加修葺較前高厚屹然可觀

明翰林院庶吉士漢嘉安磐重修越鷓城記嘉靖三年秋九月城越鷓越鷓古邛部地也自漢迄元頗據升降沿革代異入國朝爲邛部州尋廢始置越鷓衛去京師萬餘里實爲荒服邛笮羌獍交錯左右旣隘且僻惟孤惟危衛故有城積歲莫理狐兔穴居犬豕可越百餘年來雖夷人竄服不敢轉羶以驚擊柝而訛聞虛駭亦往往急矣按察副使姚江胡子東臯汝登奉天子命來整其旅周視久之乃語諸屬曰城築恐滕城惡病莒先民已然茲惟陋甚假令諸夷不逞卒至其門爲禦暴集潰其何以知吾經武於是如吾家而垣缺吾可以一夕安乃語諸千戶曰黃廷自南而東者汝城之曰李芳自西而南者汝城之曰曹泰自東而北者汝城之曰陶葵自北而西者汝城之乃語指揮曹君元曰凡而器用財具唯汝出入凡卒徒之在役凡庶官之童茲卒徒者唯汝申警而程督之別遣千戶高輔城鎮西之海棠總之以都指揮徐君銳元輩承胡子之意乃度乃勵乃度伐石於山取磚於陶新附於舊石附於土城端以磚兼覆土石積而累之引而續之高凡一丈九尺闊凡一丈有奇周回凡四里凡四越月而城成凡城之費皆出胡子規畫是役也板榦之平畚築之備土物有程工日有素戒事以時而民不敢告勞致用有經而費不及衆艾獵城沂不過焉且胡子之經略塞徼也法以伏奸恩以起窮誠以照獄正以養士一以堅約介以自束夫伏奸

威也。淵竊惠也。照獄明也。養士義也。堅約信也。自束廉也。六者具而憲度舉矣。故茲城之成之也。無難焉。胡子之言曰：展采在志，集事在才。不以難自隘者，志也。不以劇自擾者，才也。元有志而才，城也。元功也。是胡子之謙美也。訓導上官元介、諸生劉良走漢嘉謁記於磐磐舊業記事。嘗聞春秋之義於父師，春秋之義凡城。雖時且義重民力也。是城也。安可無記記之。而海棠城之成於徐君銳及高輔者，別自爲記。從藝文志移入。案海棠城記今不見。

國朝定鼎撫念州郡諭城池有坍塌殘毀者准有司稟報發帑補修。乾隆三十一年重修。五十一年地震多傾。五十三年清溪縣知縣署越襦通判事馬履忠揀料鳩工重修石城一座。仍高一丈二尺。增以垛口加高六尺。周圍四里三分。身長六百五十一丈。拱列四門。北曰迎恩，東曰光化，南曰阜財，西曰仰止。俱有城樓。東西各一，南北各二。南北有月城。四門俱有水洞。南北較高。雉堞巍然。工

程鞏固同治二年髮逆竄擾城鄉居民賴此保衛夷匪猖亂亦不敢犯東北沖折十餘丈同治五年同知梅震煦勸諭居民捐資補修加修更房四間礮臺四座

治東二里鬻水自柏香下合衆流遠城東西山溪水自打虎溝入山南角遶南城而東北有釣橋溝水自玉帶橋而東皆天然之池也向傳城身如龜形以南北關外街房爲首尾

城分四面而鼓樓居中嘉慶丁丑毀於火後復建形勢高聳交通四面上塑魁星財神題秀毓天南額光緒乙酉復災同知蹇誥建城凡四街分東西南北爲正街西街中有小鼓樓分南北南曰文壽北曰武曲東之中自衙署外分南北北曰半邊街南曰屏牆巷

北之西二巷曰城隍巷周家巷北之東一巷曰劉家巷南之西二巷曰龔家巷參署巷參署巷之北接連數巷曰三倒拐南之東二巷曰文廟街丁家巷路徑交通爲一小城

同治六年同知梅震煦籌公款銀五百兩立案設更防局交學中局士借舖戶生息爲四城更夫費四五六七八九月各城一名共四名十冬臘正二三夷務喫緊各城二名共八名往來羅織又南關外又越嶺營外委一員帶防兵紮西南二城定越營管帶帶防兵名一紮北東二城瞭望烽火嚴防夷患保護城防

光緒辛巳年五月地震磚石有迸裂處同知蹇詵培修

學使鍾駿聲越嶺城詩千里孤懸此一城萬山蠻洞出奇兵頻年嘗贍生民淚何處攻心漢將營  
嶺外丹梯艱接域峰巔銅鼓能長征不須輕議千秋事玉斧當年亦老成



廳拔貢許亮卿登禱城東樓詩六街人影散紛紛鐘鼓樓前夕又曠萬戶燈光迎月上  
一城樹色與山分江纏九曲通蠻塞地接零關逼漢軍滿目晴暉望秋月長空煙靄止氤氳  
石城東望控雕題人境蕭條水一溪小市環開官署外邊峰直接驛亭西千重障嶺  
雲轟萬頃江田落日低  
我是趨庭倦遊子登臨愁聽杜鵑囀 右三詩從藝文志移入

海棠今為甯越營城亦前明嘉靖四年觀察使胡東皋所修

○案其車

詳前越 城記中

後塌圯

國朝雍正八年越嶠營守備金德昭監築

土城高八尺零五分有奇計一百丈門二道光中同知葉樹東重修門三東西北

柏香營雍正元年川陝總督岳鍾琪奏請柏香為普雄蠻出沒之所宜修建土城蓋造官署兵房八年重慶府通判韓國衡監築土城高一丈周一里九分八釐計三百九十五丈南北二門

大樹堡向無城道光十三年夷酋馬龍倡亂經歷彭先華上稟果  
勇侯楊芳率師征勦馬龍授首平定後謂此地山環水抱地靈人  
必傑宜修城以衛之城作山字形城樓作紗帽式門四南北東西

○以上原纂

○案楊芳有專奏疏稿  
詳武功志下其銘附下

陣縣孫鎮越嶠大樹堡城銘并序惟道光十有三年夏四月四川提督前果毅勇侯臣楊芳以越  
嶠土夷怙惡不悛奉我

皇帝簡命躬赴大營晉討雲靈不火之鄉路接虢虎風炎不毛之地河隊站鳶侯於是張 本朝之  
威靈建大將之旗鼓孫武九地九天匪徒革面諸葛七擒七縱將以攻心歷數其頻年之遁逃寇  
攘虐我邊氓何難爲崇朝之草雉禽獮桓子大武侯迺戰戰于戈韞囊弓矢范湯解網師禹舞階  
知 聖慈許其自新稱 恩旨待以不死蠻姬番女夾道壺漿繡額雕題望塵膜拜而侯猶復計  
慮夷性荒忽日久患生因視疆隅仰宏 廟畧擬城大堡重遮小醜彼若讐服則同覆載遂其生

成彼若臨張則肩門戶而爲撻伐所謂有備無患善後得宜者矣客有自軍中來盛稱新城然頗  
嚴其鉅艱不果城也囑下士預銘以趣膚功銘曰蜀南之阻實爲建昌夷火朝騰夕照錦江大渡  
河內邛黎爲殃牧是州者厥計鮮臧蜀漢武鄉是得上策有唐韋泉亦區主客逮宋元明修彼矛  
戟擾我邊陲需我玉帛於鑠楊侯新城丕基夷貉懷來則冠帶之去順即頑則羈縻之羈縻不可  
則剽殄之維茲新城崇墉言言維茲新城執訊連連維茲新城攸馘安安一勞永逸暫費與患凡  
百有位惠我兆民誰其尸之示此刻文

保安營道光二十年始安設城爲前同知王者政創修門二南北

越巂廳全志卷二之六

關隘志 附鄉村鎮市

東 大水溝 蔣家溝 一窩樹 虎口礮 袴襠溝 刮金坂

平河關 以上俱詳  
礮防志

北 兵家灣 城北七里蟲商過境時派勇看守 新

天星關 治北十里天王山勢極峭拔上有明劉綎殄滅蕃酋王

大咱等叢塚題鯨鯢封處碑為十景之一又有土人掘地得此碑

倒折蠻夷絕滅八字碑 原

板橋河壩 治北三十五里蟲商過境時派兵看守 新

喇伯關 治西北二十五里上逼雪山山西山最險處 原

青岡關 治北四十里北通宰兒姑南通廣洪魚洞諸寨邊防志

通濟堡 在青岡關南十里在鶴水西山形聳拔越鶴門戶以上原寨○邊

防志

關頂 青岡關上

新橋 關頂北麓二里

溝東邊 新橋北二里

利濟站 溝東邊北三里保安營南十里以上新増

保安營 治北七十里原屬越鶴營內鳳凰營汛轄連三營地在

深箐道光十九年二月夷人燒燬四川總督寶興巡閱後徙高阜處奏設保安營徙建昌右營都司及抽撥各營兵鎮之地極陡峻

有雄視萬山之狀原

慕

學使鍾駿聲發保安營詩盡日馳驅儘未遑危坡百道當康莊峰前魑魅窺人過澗底蛟龍引路  
長春過棠營花尙斬秋生繁葉夜添涼披衣又復穿雲去嶺樹重遮隘八荒

又宿保安營寒甚戲作長途畏酷暑何似雨漫漫借此一杯酒同消五月寒戈鋌拋玉壘雲霧上  
金鞍不識炎涼味安知行路難

鳳凰營 保安營北五里舊有營汎道光十九年被夷焚燬

連三營 與鳳凰營相近遺址僅存

麥子汎 即梅子營 治北八十里在蒼葉坪南十五里路通蜡梅得那補

蝦蟆等處夷

制夷關 治北八十五里舊有營兵及夷兵駐防後燬於夷尙未

脩復

白沙溝

治北九十里在制夷關麓

以上  
新增

蔡葉坪

治北一百里在清水堡南二十里在峽內平地於此設

廚傳以禮使臣

邊防  
志

臘梅營

治北一百一十里

清水塘

即靜夷  
塘

治北一百二十里

老卡子

治北一百二十二里

新安汛

治北一百二十五里

以上  
新增

鎮西站

治北一百三十里

海棠關

治北一百四十里南十里為鎮西驛十五里為清水堡

東通戴通白石乾溝西抵竹麻洗馬姑等蕃有兵戍守

志通

雷越營 治北一百四十里 即海崇關 明嘉靖中置鎮西千戶所屬越

黨衛 國朝初改雷越營設守備駐此雍正六年改設都司修築

土城周百丈 按海棠雷越係一處通志歧而二之或以先有關而後置營也○以上原纂

學使鍾殿聲宿海棠營夜大雷雨詩驟雨傾三峽驚雷繞一營風威隨電發雲氣與潮平絕徼羣  
登地征人萬里情桃燈不成寐樞馬又長鳴

平垣 治北一百七十里

建昌道鄭成基宿平垣詩此地春尤晚山風冷刺人六年曾再宿三月客來頻揮汗昨宵事擁  
今日新世情同一慨涼熱有何真

清溪關 治北一百里唐置 互詳古蹟及邊防志○原纂

附錄顧祖禹方輿紀要清溪關在黎州所南百三十五里大渡河南（洪源志關在黎州西南界  
又南七百二十里至陽州）其地連山帶谷夾淵臨溪倚險結關恃為控禦西南夷入犯此其必



經之道也唐至德初南詔閣羅鳳乘亂陷越嶲會同軍（見會川衛）據清谿關貞元四年吐蕃合雲南兵入寇繼而雲南兵至瀘北引去吐蕃攻兩林驛旁及東蠻又分兵寇清溪關及銅山韋臯遣黎州刺史韋晉與東蠻連兵破蕃於清溪關外未幾吐蕃復寇清溪關又分兵攻東蠻韋臯命管鎮要衝城督諸軍禦之復遣嶺州將劉朝彩出關連戰大破之新唐書韋臯擊清溪關以通好南詔自此出邛部經姚州而入雲南謂之南路爲唐重鎮清溪關已沒於南詔臯收復之也太和四年李德裕爲西川帥上命修塞清溪關以斷南詔入寇之路德裕言通蠻細路最多不可塞惟重鎮守可保無虞（德裕謂黎雅得萬人成都得二萬人則蠻不敢動）又言議者聞一夫當關之說謂清溪可塞臣訪蜀老將清溪之旁大路有三其餘小徑無數皆東蠻臨時爲之開通若言可塞則是欺罔朝廷須於大渡水北更築一城迤連接黎州以大兵守之方可既而德裕徒關於中城（近越嶲衛東北境）西南有昆明軍西有寧遠軍築九城自清溪關南巡大定城又三百五十里而至臺登於是關不果塞咸通十年南詔寇鶴州定邊鎮將（時分西川置定邊節度於邛州）安再榮守清溪關蠻攻之再榮退屯大渡河北與蠻隔水相射蠻密分軍伐木開道路自雪坡至沐源川（雪坡在越嶲縣界沐源川今馬湖府沐川長官司）尋渡青衣江陷犍爲

焚掠陵榮二州境唐史時南詔酋世隆自將侵瀼州攻清溪關戍將絕大渡河走諸屯皆退保北  
涯蠻於是攻黎州乾符二年高駢帥西川復戍清溪等關五代時關沒於蠻祝穆曰唐長慶二年  
韋齊休從使雲南還謂雲南所以能爲唐患者以開道越巂耳若自黎州之南清溪關外盡斥棄  
之疆場可以無虞不然憂未艾也及唐之亡禍果由此宋棄瀼州不守而蜀遂無邊患土穹攷今  
越巂衛東北二百二十五里有古隘堡其南隘廣不盈丈兩岸壁立千仞峽內溪流淙淙卽古清  
溪關也（舊志關去臺登五百五十里或云去建昌衛五百里）德裕所置琉璃仗義二城亦在  
其處云 新增

平夷堡 治東北一百二十里邛部長官司東接峨眉縣界邛部  
屬夷也明萬曆十三年時嶺氏微弱部夷黑骨普雄等酋爲亂郵  
傳不通大兵誅討斬馘千數其東近峨眉者數百家相率歸附故  
置平夷歸化二堡其獍羅鐵口普雄三村於邛部屬夷中尤爲桀

驁云通志

學使鍾駿聲平夷堡詩一曲平蠻罷遠征椎牛醢酒氣縱橫滔滔溪水因何事尚作空山戰鼓聲  
建昌道鄭成基平夷堡道中詩夜雨晴原好山雲曉未開懸巖驚浴石澗水響奔雷隲鳥避人去  
野猿連臂來敢辭行役苦匝月計程回

古隘堡 在平夷堡南二十里

河南站 治北二百四十里即西平橋唐李晟大破吐蕃處詳古蹟志

學使鍾駿聲宿河南站詩山山不住鬪嶙峋夾路飛泉奪去津大石撐空人避雨陰崖行盡路逢  
春觀風未易通番漢出險方知少棘榛聞道羈縻新有術可能同作葛天民

白馬堡 治北二百五十里在曬經關北十里有營兵塘房新

曬經關 治東北二百六十里峯巒高峻置關其上

李子坪 在曬經關東北五里

火燒營 在李子坪北五里

鎮蠻堡

即大樹堡

在火燒營北五里在兩山峽口北臨大渡河與河

北羊腦山相望為大小沖諸蕃往來之所

臨河堡

鎮蠻堡東十里亦在河南岸河北有羊肆崖漢水口與

北相對

以上通志  
俱原纂

大渡河

治北二百八十里

互詳山川  
志新増

附錄顧祖禹方輿紀要大渡河出雅州西北生羌界一名沫水史記司馬相如除邊關關益斥西至沫若水此即沫水也（沫音妹水經注沫水出廣柔徼外東合青衣水入江通釋云大渡河一名羊山江出鐵豹嶺羊一作陽鐵豹嶺即岷山之異名也）流經雅州蘆山縣北又西南流經黎州所西折而東南經建昌行都司越鶴徠北境東流入嘉定州界歷義眉縣南至州城東南而入於大江自昔設險於此以禦蠻彝肅齊永明二年大渡獠恃險驕恣益州刺史陳顯達襲破之唐長壽元年吐蕃酋長曷邏率部落請內附遣張元遇將兵迎之軍至大渡水西曷邏事洩為國人所擒大歷末吐蕃南詔寇西川李晟追破之於大渡河貞元十九年韋臯使黎州經畧使王有道

將兵過大渡河深入吐蕃界太和三年南詔將嵯顛入寇陷邛州徑抵成都陷外郭節度使杜元  
穎保牙城拒之尋大掠而去自大渡水南還明年李德裕爲帥築仗義城以制大渡河清溪關之  
阻（關見前）咸通二年南詔陷安南復陷巂州以牽制西南西川帥蕭瑄率屬蠻鬼主邀敗之  
於大渡河十年南詔陷巂州攻清溪關官軍退屯大渡河北蠻乘船筏爭渡官軍潰還蠻遂陷黎  
雅十三年路巖帥西川亦扼大渡河治故關（邛嶲關也）乾符初復入寇緝舟大渡河以濟黎  
州刺史黃景復俟其半濟擊之蠻敗遁斷其浮梁蠻以中軍旂幟當其前而分兵潛出上下流各  
二十里夜作浮梁詰朝俱濟襲破諸城柵景復還黎州設伏以待蠻至敗却追至大渡河南會蠻  
歸至之羅谷（在越鴉衛南）遇國中發兵繼至遂復寇大渡河與唐夾水而軍又自上下流潛  
濟與景復戰連日西川援軍不至蠻衆日益景復不能支軍潰南詔乘勝陷黎州乾符二年高駢  
爲西川帥至成都時南詔方入犯至新津而還駢遣騎追至大渡河殺獲甚衆修復邛嶲關大渡  
河諸城柵五代梁乾化四年南詔寇黎州王建遣王宗範等追敗之於大渡河蠻走渡河橋絕溺  
死者數萬人宗範將作浮橋濟大渡河攻之蜀主召還自是蠻寇益少宋乾德中以爲邊界（視  
穆曰大渡河唐西川要害也大渡之戍一不守則黎雅邛嘉成都皆擾宋初乾德王三年全斌平

蜀以圖來上議者欲因兵威服越羈藝祖以玉斧畫此河曰外此吾不有也於是爲衆之極邊昔時河道平廣可通漕船自玉斧畫後河之中流忽陷下五六十丈水至此澎湃如瀑從空而落春撞號怒波濤洶湧舳舻不通名爲噎口殆天設險以限中外父老云舊有寨將欲載杉木板繇陽山入嘉定貿易以數片試之板至噎口爲水所吞沒須臾片片自沫水浮出蠻人聞之益不敢窺伺○政和末大理通貢有上書乞於大渡河外置城邑以便互市詔問得失知黎州宇文常言太祖觀地圖畫大渡河爲境歷百五十年無恙今若於河外建城邑開邊隙非中國之福也議遂寢寶祐初蒙古忽必烈侵大理出大渡河至金沙江元至順初羅羅斯土官撒加伯以兵撤毀棧道潛結西蕃聚兵大渡河進寇建昌以應雲南諸王禿堅等尋擊平之明初傅友德平西南奪設大渡河千戶所造舟以達建昌曹震言建昌驛道經大渡河多死瘴癘請置驛於鞞眉蓋大渡之爲險要也尙矣 新增

東路 馬日擯向化汎

詳調防志

西路 竹麻擯

王土都司有舊署

洗馬姑

治北二百十里四山俱是夷巢光緒二十年夷人出擾

焚燒殆盡

以上新增

路南五里牌

城南五里越鷲營撥兵駐防

炒米關

即受降汎

治南三十里關在高山峽內即韋皋所築要衝城

寰宇記要衝城下有龍泉水出龍泉山下也下為龍泉驛

今按關與龍泉

相隔十里關東南即南箐河相傳向時通為一鎮云○以上原纂○案大清一統志要衝城在雅州府清溪縣下注內炒米關作炒米寨

鎮雄營

治東南三十里路通普雄兩河口等處東連柏香西南

十五里為通相堡

一名小哨

白泥灣

舊為武安營駐劄今改續備後軍

互詳屯練志

柏香營

治東南三十里一名柏香坪為普雄諸夷出沒之處雍正

正六年增設都司駐防築城周二里今奉裁設千總外委各一員

爲越窩營重汛

詳兵制志

小哨一名通相堡

治南五十里往來通衢爲越窩營分汛駐防

學使鍾駿聲雨至小哨詩詰曲閩王礪崎嶇長老坪濕雲催雨至急水出溪行蠻女拖裙立番兵帶劍迎長途尙千里不敢闕征程

廳拔貢許亮卿小哨驛詩幾行村店亂峯環半壁斜陽鎖暮煙古驛樓臺深樹裏荒街燈火晚風前一輪斜挂邊城月十里中分相嶺天極目東南雲漢表橫空秋色浩無邊

長老坪 小哨南十五里西通羊圈托烏東通普雄黑骨頭諸夷

最爲緊要

小相公嶺關 治南七十五里在小相公嶺絕頂南十里爲靖邊

堡通冕山營界

今爲靖遠

三渡水外生蕃東通桐槽那噴沈啞等夷

邊防

考○以上原纂



學使鍾駿聲自小相嶺天寒多雨詩終古窮荒未遇春危崖立馬亦傷神水通滇蜀原分路山到蠻夷不讓人處峯巒藏虎豹幾曾郊數出麒麟何時覓得鞭陽石放出青天日一輪

建昌道鄭成基寒食過小相嶺詩去年躡此嶺晴旭滿山麓今春茲復來雲霧迷雙目勁風吼長林積雪欺短竹小雨散濛濛亂石堆簇簇路滑戒輿夫磴危怯童僕須臾上峰巔冰花結草木緬想疇昔情迴然幻寒燠行行下場坡斜日照空谷 又歸自西甯再過小相嶺遣興陟嶺攀援日未斜苔凝石骨樹交加三春過半人增老千里遄歸輿轉賒遠白尙堆高嶂雪嬌紅開遍傍山花最憐碧水滔滔急伴我東行直到家 又曉過相嶺時因越襦夷人不靖前往查辦是日雪霽易於行走衝寒躡險慢勞形萬古邛嶲客乍經雪霽平巒千嶂白月明絕頂九霄青簷冰處處如垂箸石磴層層狀繫鈴從此籌邊瀘水外好期綏撫慶平甯 又自建歸霧中過相嶺黑霧欲成雨層巒拾級登遠雲平似水護樹白鋪冰絕頂寒威栗排空風力增始知高險處須要此心澄 又盤空人馬似飛騰凌曉衝寒冒險登到眼叢山皆積霧懸巖密樹盡凝冰罡風撲面真高絕石磴梯雲不記層行過嶺來剛數里陽和頓覺此心澄

清寇鎮

廳西元和志在邛都縣西北五十八里

通志今無考○原纂

曾家坪 城南三十五里與柏香坪相犄角有營兵駐防

秀水溝

小哨南十里有越嶺營兵駐防

以上  
新增

案曰越嶺夷疆也亦巖疆也北至臨河堡南至小相公嶺約三百六七十里中通線路左右兩山皆夷巢也其食土千百戶夷兵餉者爲熟夷其不食餉者爲野夷野夷恃搶劫爲生涯而熟夷則不然駕馭熟夷不得法則勾引野夷者皆熟夷也東西山外無地不有夷堡卽無路不有夷人出沒數其關隘何止數百如邊防考讀史方輿紀要所載特其大略耳然勾引野夷者熟夷也而激怒熟夷者漢奸也余在任時僅誅漢奸雙金山一名而番夷則皆撫而育之從未見諸夷出巢

滋事然而誅一漢奸而漢奸不止一人雖一衿之士千金之家亦多盤剝營生積成夷怒者則以公德未明無有自愛以愛人者故也天心仁愛必無剿絕蠻夷之時夷性堪馴亦斷無終古不化之理他日學堂林立科學發明夷人子弟皆知向學兼之川滇鐵道火軌交馳五鑿勃興富源不匱三五十  
年後夷人將投誠之不暇改土歸流如運諸掌豈尙有搶劫  
慮哉關隘一志亦姑存其目可也

新  
增

### 附鄉村鎮市

南鄉十八地以中所填爲首在治南二十里古稱魚洞站也明設  
五所一曰中所中所之名由此場期二五八日翼帶各鄉百貨交

易文風饒盛爲越鬪冠冕外又有柏香汛 大河 阿補塘 吉

家山汛 土城 小哨 落摸堡 馬蝗溝 乾河堤 五里牌

陶家營 河上坪 頂山橋 青山嘴 蘿蔔地 陰涼石

江陰塘 姚家灣 鄭家灣原寨

案曰南鄉不止十八地此外尚有下堡子 山嘴 大孤山

小孤山 李子園 砦子上 鄧家堤 張家灣 白泥

灣 觀音巖新增

北鄉十八地以王家屯爲首治北二十里古稱通濟堡也場期一

四七捍禦各村交易饒茂防守有資有汛防二外又有 大屯

大寨 老鴉溝 大魚洞 小魚洞 瓦巖 釣口巖 罈罐磬

獾獾河 板橋河 五里牌 後山 山腳下 吳家堡 青

岡關 宰夷撥 茶園 天王擯原纂

案曰北鄉不止十八地此外尚有喇伯關 青龍嘴 廣洪

高蕎堡新增

近城東鄉四地 河東 一窩樹 小王家屯 白家河壩

東西兩路以海棠甯越營居中地當通衢四面交達為都司駐紮

所

馬日擯一名大田 雙和場 秀水坪 平埧 甲子馬 泥母豬

礪廠 平夷堡 順江場 鎮西 五里牌 臘梅營 上官六

格為土司駐紮所曰煖帶密曰煖歹田以上原纂

案曰右東路十二地其平真礮廠平夷堡鎮西臘梅營皆越  
嚮之北路不盡屬東路也而東路自有所謂七場者馬日損

場期二五八 雙和場 二五八 秀水坪 一四七〇 泥母豬 一名泥美珠 場期二五八 太平場 下

鳳窩 均無場期 要要溝 一四七〇以上新增

路西 紫大地為各場之首離王土司駐紮松林地二里一切番夷不

法藉以治之外又有洗馬姑 腊耳壩 積玉場 新場 銅廠

海耳挖 俗呼黑老鴉 田灣 小水 鐵鑿鑿 笱箕灣 老鴉漩 高

橋 喜樂場 竹麻 猛虎損 小龍灘 馬掌坪 灣東 原

案曰右西路十九地其實有四十八地皆王土都司之所轄  
也其所謂七場者紫大地 場期三六九 洗馬姑 一四七 腊耳壩 二五八 積玉

場又名擦羅喜樂場又名新場海耳挖二五田灣一四今松林地自

有松柏場二五紫大地遷中填改名安順場場期仍其安順場

改設緣由附詳於后增

安順場 光緒二十八年秋初紫大地被水淹沒同知孫鏘親履

勘度擇中壩設立稟明立案增

附新立安順場規為新立場規事照得柏人不迫見漢祖之知微故絳謀新喜管侯之達務是以純陰用事必稱十月為陽商道未衰不厭五遷就吉茲查得該場創始乾隆之季更新嘉慶之朝卜築於茲亦有年所然呼為紫打既疑問色亂朱即稱日子大已被北方肆虐松林地土官近轄原堪改作司祥偽翼王元惡就擒亦可名為誅達然而氣承鍾毓遷地宜良語取吉祥命名貴稱本官上承 帝命分守邊疆作吏無才聞灾知懼敢用牲牢之禮敢告山河之靈摘取祝詞藉題場額事在更始合亟諭知為此諭仰該場紳民番夷人等知悉爾等逢凶化吉舍舊圖新果滌

慮而洗心自神欽而鬼服從此山神錫福長同磐石之安河伯效靈永保流行之順爲居民而度地本官愧無興利除弊之方革薄俗而從忠爾衆須明作善降祥之理合修新約用戒後來切切無違特示 計開 一定場地新場上下兩街旣已衝刷欲圖規復終屬艱難茲擇於南頭中壩另立新場取余祭文中有山鎮久安河流順軌語題曰安順新場俟大段成功卽於場口堅築八尺厚石牆以資防守並揭場名於上俾衆咸知云 一立場界新立之初地段不宜空闊務求堅樸穩固不須匾對輝煌俟烟戶衆多再行設法推廣稱爲上街卜街南街北街各從其便可也 一砌場路場中道路必須寬闊約一丈六尺爲準以備場期擺攤售物行人亦可往來牛馬雞豕之糞尤不可任意留積鄉團人等尤宜隨時禁查 一造場房凡人家口不和皆因房屋不正若場內屋宇齊整可卜生意興隆今改新場富戶不得過高貧戶不得過矮內宅各從其便五家十家之外卽應堅築土牆旣防火災亦杜盜賊檐前板簷各篷宜高宜短亦不許接連對門 一正場規場期三六九仍照舊章惟大斗小升最害貧民此次天降奇灾未必不由於此今立新場須遵十升爲斗定例不得減增每斗必以三十斤爲準仰團百人等隨時查較如有違式著將小斗當衆打壞再不服送官究治 一籌場款查斗稱二款向歸土著及唐帥二姓輪流除按季繳



署以支流差外尙屬不少今新場初立需款甚多自應另擇公止首人收以斗稱各息以資辦公  
 一興場學富家子弟固當讀書貧戶小娃尤宜識字方可餬口今被災既多應於祠廟前房聘  
 師授讀務令認字緩取通經應用束金由斗稱款內酌提二十千文其稍有力者應令量力出費  
 一明場約新場既立一切公私各事應集該場首人公同會議場內口角細故銀錢債帳必於  
 朔望兩日先行在場理落如有抗違方許告狀 一齊場團從前團眾均有舊章今立新場必須  
 隨時齊會倘有外匪搶劫必須鳴鑼聚眾協力擒拿如或推諉分別罰究 一申場禁越屬人民  
 五方雜處父子夫婦不相顧恤今新場之內務當父慈子孝兄愛弟敬夫和婦順鄉鄰睦睦客主  
 和諧不得妄生口角別起事端如有此項情弊該首人等明白開導倘或不服訓誨立斥場外

光緒二十八年秋七月 日給新增

北路以大樹堡居中翼帶各鄉文物冠冕經歷駐紮所場期三六

九外 桂賢村 二五 李子坪 呷撒 大魚灣 海螺埧 麻家

山 中埧 小馬谷 原

越嶲廳全志卷二之七

水利志

乾隆八年修理小哨汛築堤一道長二十六丈高一丈二尺

乾隆十年正月內遵 例勸諭民陳倫等修理土城舊堰一道灌

田六百畝

舊志

道光五年通判秦岐翔修理西山堰溝二道一歸南流至碓窩溝  
入弔橋溝繞玉帶橋東去溉西北關外一帶田一歸北流至石溲  
溝達報恩寺左東去溉急流埧三株樹北寺門首灣子一帶田約  
三百餘畝遂爲越嶲上田

修理西山堰記越嶲之北鄉歷歲苦旱其西山背下有長溪一道四時泉源不竭引之以溉田則

永利興而旱癘可息前任斯土者亦間有勦議而未果於行蓋緣石壁聳峻縣亘三百丈有奇恐用力多而成功匪易也甲申夏恩主秦下車伊始徧訪風土得悉情形意擬興工開堰洎士民呈請遂毅然以爲己任會郡主陳公諭其事鞠謀念均立捐鶴俸以爲民倡越之士民聞風仰樂者後先踴躍董事李宗發馮廷華馮廷章范遵賢等請擇吉鳩工凡八月而工告竣其水分二道一歸南流至碓窩溝一歸北流至石灣溝均各委蛇以達田向之苦於旱者今皆霑足無遺厥工甚鉅而爲利亦甚溥夫天不愛道地不愛寶至其生成之偏不能不資於裁成輔相之助越自漢迄今歷二千餘祀以振古所未能者一旦導流順利俾西北千餘畝田咸資灌溉斯民之食德飲和慶甫田而歲取十千者伊誰之力哉非父母斯民聚所好而敵所惡者曷克有此潞成爰溯貞珉用垂不朽云 從藝文志移入

阿布塘大河係冕邑木廠溝水自相嶺東背入兩河口達瀉水分  
溉大河黑保紫阿布塘一帶田約四百餘畝越巒稱米之滋潤者  
必曰大河

柏香分鬲水源頭自木邪溝夷地達柏香南門外大路漑柏香山  
麓一派田

中所填分魚洞河水爲溝寬約九尺自西而東繞中所填街心漑  
北場口外及東街下鄧家田填一帶田約四百餘畝

吉家山由起龍溝水下達山腰分南漑落木堡一帶田分北漑下  
吉家山一帶田中漑吉家山山脚直抵鬲水河坎一帶田

馬蝗溝自燈盞窩水遶營房下漑馬蝗汎迤南山脚一帶田

大水溝自東山三洞泉下分爲數處一漑大水溝左右一帶田一  
遶北行分漑磨盤山下達一株樹白家屯一帶田

教場後上下皆分引鬲水爲數處上漑教場東李家碾山幫白家

河填陳家磨一帶田中又分爲數處漑廠背後宋家碾張家碾及東門小橋凡鬻水迤西一帶田下亦分爲數處漑河東前後左右凡鬻水迤東一帶田遠近約七八百畝河有建領之勢分引溝渠利之溥者無逾此水

大小魚洞分板橋河水作數處漑大小魚洞及猓獾河板橋河諸田

王家屯由大寨水西下分漑場外東北高下遠近諸田

以上原案

案曰王家屯水言之太略光緒二十八年春其鄉人方修堰以貯秧田之水有請往勘者蓋大寨山後分猓獾河源頭之水築堰於此詢之知其自長海發源由後山吊峯岩窰山喇

伯關瓦岩各山溪之水至大寨後分流堰以外入獐獪河堰  
以內則由大寨後某氏碾溝環宣撫司署而散爲衆流分溉  
王家屯上下附近一帶民田獐獪河夏秋盛漲冬春則涸而  
此堰之水則終歲如常與南鄉金馬河之水互相環抱故又  
均謂之爲魚洞河云

紫大地之水由松林河上流索橋下分流入紫大地新街子街中  
逕老街子場外以達於中埧下埧溉田千數畝光緒二十八年秋  
新街子全街淹沒多半成爲旱地嗣用賑餘銀二百五十四兩三  
錢培補堤堰堰水復其故道而新設之安順場亦均蒙其沾溉云

以上  
新增

詩書禮記卷之三十一  
卷之三十一

越巒廳全志卷二之一八

津梁志

小瑞山橋

一名永安橋

治南五里往來大道河水洶湧隨折隨補

頂山橋

治南十五里一木橋一石橋為建昌出入要路石橋稍

迂而固高一丈闊七尺為銅駝馱馬所行木橋較捷行旅便之紳

民隨時修補

柏香橋 治東南三十里通柏香河楊柳樹諸處該處紳民隨時

修補

以上三橋俱瀾水道

吉家山橋

治東二十五里通吉家山落木堡各處隨時修補

馬蝗溝橋

治東南十五里通馬蝗汛紳糧隨時補修

以上原纂



觀音橋 治南五十里通衢通志

梅子嶺橋 治南五十里通志方輿紀要云路出甯番往來通道也

新增

魚洞河橋 治西南二十里通金馬山水緩橋低雜以兩岸村莊

竹樹丹青點綴儼有畫意原纂

中所填市橋 在下街魚洞河水由此出新

東門大橋 治東五里通河東一株樹各鄉龍寶山大水溝各汛

時圮時建同治八年同知李忠清重建後復圮原纂

同知李忠清重修東門大橋記嘗聞徒杠輿梁告成功於晚歲鴻形雁齒狀野渡之宏觀東門外舊有大橋跨越長川河東要道以歲久梁折往來行人褰裳濡足每多苦之而河水漲發之時急流巨浪民尤病涉甚有為洪濤冲沒者祇以橋長工鉅無力培修於是鼉梁久斷嘆飛渡之無人

鴻願誰施使大川之可涉余守是邦於修砌築壘之次竊念成梁之政利濟爲先惟是伐木之歌  
咄嗟難辦適值武字大營議修頂山橋乃婉商之乘其便飭令部勇入山採餘之際分得大木數  
十株成此鉅舉余乃庀材鳩工並請陸君惕人督率經營匝月間大功告竣不特飛梁臥水恢復  
舊規而陸君不辭勞瘁復於橋之兩旁施以欄楯橋梁之上鋪以板片一時村夫牧豎過客行人  
僉以爲便是役也支非一木舉賴衆擎余雖籌資創義而非武字營衆勇之力得木未必如是之  
易非陸君督修之力成功未必如是之速也若謂子之爲政心在濟人則吾豈敢第功必期其可  
久事有望於將來今日者石杠權徇穩渡同歌人跡馬蹏臨深無慮後之人隨時保之護之修之  
葺之庶幾征夫行路永無賦深則厲而淺則揭也利涉之功大矣爰於落成之日勒石記之以垂  
久遠 同治八年 月 日 從藝文志移入

平東橋 卽東門外橋夏秋泛濫每圮居民苦之光緒十五年同

知傅廉改建於龔家灘原二十六年山水冲壞署同知袁啓現稟

脩未果改用渡船二十八年同知孫鏘捐廉募脩新

青龍嘴橋 光緒二十七年脩

大屯橋 光緒二十九年脩

河東大橋 在天王山麓以上新增

猓獾河鎖夷橋 治北三十里大道冬春無水夏秋泛濫波濤洶

湧向無橋土人渡以筏或負以背沈溺者多同治九年軍門周達

武置鎖夷橋以鐵索連成上鋪木板置田北鄉隨時收租培原

又置礮樓於南塊派定越營右哨營勇駐防新

軍門周達武修鎖夷橋記猓獾河北接雅黎南通甯遠源出西番水寒而駛歲有沉溺之患河身半淤泥半沙石浩博無畔岸以故數百年無有力者建議興橋梁遂使南北通衢限衣帶水而莫拯行旅苦之予於同治七年率師進剿南蠻目擊情形爰商泊統領虎威寶營李總鎮有恆統領靖邊全軍丁總鎮永陞各捐廉銀六百兩署越鷓廳李司馬忠清捐銀百兩合予所捐共得銀

貳千玖百兩爲興造之費復派本營勇丁掘濠運石衆力齊擊閱月而岸成購備鐵索搭造成橋規久遠也幸仗 國威削平夷地商旅畢湊而經斯土者飛虹架壘咸歌利涉無復臨河之感竊願後之人以時修葺無俾壞敗焉則幸矣是爲序 同治己己 從藝文志移入

板橋河石橋 治北三十三里魚洞河水由此而出

蔡葉坪南橋 治北一百里往來通衢制夷關麓白沙溝水由此出

蔡葉坪北橋 治北一百里蔡葉坪村後諸水由此出與南橋下水會逕青欄林河入普雄大河以上兩橋同治六年同知梅震煦建屢毀屢脩

海棠橋 治北百四十里灣環數處皆通衢甯越都司陳時亨建  
光緒十五年水冲壞紳士陳徵士督建木橋上有屋

海棠南石橋 北石橋 一、二橋均在海棠城外

礮廠橋 治北一百七十里在礮廠南

平善橋 治北一百八十里在平埧村南上有屋橋之南首往東

路道以上新增

太平橋 在廳北一百八十里通志

平埧下橋 治北一百八十五里在平埧深溝之間

深溝橋 治北一百五十里在飛來寺前有甯越營兵駐防

大灣橋 治北二百里光緒二十六年署同知袁啓琨督脩旋毀

豐橋 治北二百十里平夷堡村下光緒十五年同知傅廉建有記

樂橋 在豐橋下流里許亦同知傅廉建光緒二十八年夏末為

大水冲壞

以上  
新增

西平橋俗稱大橋 治北二百四十里以唐西平王李晟破吐蕃

名 國朝道光中同知王者政建並碑

原纂

鐵索橋 治北二百四十三里河南站下為兩水合流處建橋即

上白馬堡

新增

白馬橋 在廳北一百八十里

通志○按當有  
二百五十里

繼善橋 在大樹堡北門外光緒七年同知蹇詵改用鐵桿飭定

越營幫帶游擊劉永祿同經歷馬榕監脩

新增

開建橋 治東北三百餘里由馬日損通夷地即通峩眉舊路

大田壩鐵索橋 治東北三百里 出落溝橋 治西北三百里

有碑今在夷地不可錄

原纂

萬福橋 治北一百九十里在石門礮光緒六年土都司王應元

創修木橋八年旋壞二十六年里人醮建

新

同知孫鏘石門礮新造萬福橋記建南之大渡河天下之至險也客有言其上游可造鐵索橋者或謂老鴉漩之籠頭石或謂納耳壩之獅子口余均心焉誌之一日有以石門礮新修萬福橋求記者余諾之未遽應也七夕前一日松林地土都司王繼昌等以紫大地水災告余亟往履勘由海棠西行五十里見所謂萬福橋者蓋煥然一新矣詢之土人則曰光緒六年王千戶應元實修木橋閱八年壞於水行者苦之去年夏境有善士陳源順慨捐百金爲之倡夙知鄰人袁東波嘗有改用鐵索之議因偕里人何桂五李銀祿余雙發與之議洽乃擇吉興工十閱月而告成事費白金五百兩蓋用力勤而取材近固宜其價廉而工速也余觀越巒西路爲河道七場其有事越巒者道必由此而地處山僻上下二三十里無旅店可以棲止夏秋盛漲之際偶有急切冒險而過者鮮不遭滅頂之凶亦其勢然也今里之人相與踴躍從事竟藏厥功苟能充乎其量雖與之

造大渡河上流長橋可也然長橋之成否不可知而斯橋也則既有成矣是固可嘉也余官斯土其詢也者費猶未足特爲捐廉五十金以善其後云光緒二十八年七月 日

洗馬姑橋卽涼橋 治西北二百十五里同治二年參將楊應剛

揜粵匪石達開於此脩

小水橋 治西北二百九十里係礪橋

紫打地橋卽鐵索橋 治西北三百里長四十八丈高五丈同治

二年土千戶王應元毀以拒粵匪石達開後旋脩復光緒二十八

年秋被水冲去里人隨時改脩

大渡河渡 治北三百里爲建昌出入要津上通吐蕃下達嘉定

馬湖載山川志甚詳嘉慶年中南北岸舊設渡夫四十名以濟行

旅歲赴甯遠府領口食

○案甯遠府又向建昌道署領銀有常欸

尋常只准每商取錢三十



文文書往來官差出入無有前同知王公有碑示

以上原纂

光緒二十

五年甯遠府唐翼祖會同署同知周鳳藻稟設義渡造渡船派水

勇並南北兩岸管帶各一人每年經費由瀘沽越嶺兩處釐金局

給賞作正報銷往來行人不取分文另有碑記示禁

新

越巂廳全志卷二之九

古蹟志

廢闌縣 治北隋改置邛部縣華陽國志闌縣故邛人邑治邛部

城地接寒關今省

通志

附錄顧祖禹方輿紀要廢闌縣在衛治東漢縣屬越巂郡闌同蘭或作闌誤也後漢仍屬越巂郡  
晉省宋復置闌縣屬沈黎郡蕭齊以後廢後周置邛部縣并置邛部郡治焉隋開皇初那廢縣屬  
蕭州唐因之後沒於南詔謂之邛部州元志邛部州在宋時歲貢名馬土物封其酋為邛部王治  
烏弄城初廢些蠻居之後烏蠻仲由蒙之裔奪其地元時內附尋置邛部州是也今衛城明洪武  
中築永樂初登石為固有四門周四里有奇

廢邛部縣 治北隋志越巂郡邛部縣舊置邛部郡開皇初廢

通志

廢邛部州 治北二十里元志建昌路領邛部州在路東北大渡

河南憲宗時內附中統五年立邛部州安撫招討司至元二十一

年改爲州明洪武中廢在今王家屯口外地名古城通志

清溪關 治北一百八十里寰宇記云大渡南百里其地廣不盈

丈兩岸壁立千仞峽內水淙淙奔流即韋皋所置清溪關也唐疏

璃仗義二城俱在其地即今深溝○案互見關隘志

通望縣 寰宇記云大渡河在通望縣南六十五里志云通望縣

在河東南九十里其北有羅目溪水入峩眉有通望山自大渡河

南與衆山相連入嵩州

陽山縣 志又云大渡鎮西有陽山廢縣唐初屬登州十道志云

隋仁壽四年罷大渡鎮置登州又置陽山鎮唐武德元年改置陽

山縣 以上原纂

卑水廢城 方輿紀要云在衛東南近馬湖江漢置縣屬越巂郡

孟康曰卑讀曰斑晉以後因之蕭齊時廢志云衛東有平樂城晉

永嘉以後甯州刺史王遜表置平樂郡及平樂縣治於此建興三

年平樂太守董霸以遜為治嚴猛憚之叛降於成即此郡旋廢後

周於邛部縣兼置平樂郡隋開皇初廢

奴諾城 方輿紀要云在衛北十七里寰宇記諸葛武侯征蠻所

築憇軍之所以奴諾川為名志云今衛北二十五里有舊城堡亦

武侯所築 以上新增

琉璃城 方輿志云廢琉璃城在大渡河南太和五年節度使李

德裕築以界蠻梳璃溪為名又築仗義城以制大渡清溪之險

西平橋 治北二百四十里唐書大厯中吐蕃南詔入寇率眾二

十萬三道而趨曰吾欲取蜀為東府乃遣神策將李晟發邠隴范

陽兵亦以三道環救追擊大破於大渡河外吐蕃南詔饑寒殞於

巖者眾吐番悔怒殺誘導之人而有詔始增 國朝道光間同知

### 王者政建有碑

學使鍾駿聲西平橋詩二寇交深入將軍夜舉兵怒流過奔馬隻手翦長鯨妖霧清如洗蠻雲壅

不行豐碑書大字猶識李西平

### 要衝城 卽炒米關唐韋臯築城於此防蠻

○案 大清一統志要衝城在清溪縣東南元和志要衝城

通望縣東十三里寰宇記要衝城在縣東一十三里貞元元年韋臯築城下有龍泉水明統志在

黎州安撫司城東南一百里臨大渡河俗呼為炒米寨也云云案龍泉水炒米寨皆在今廳城南

鄉三十里內與廳北二百八十里之大渡河相去遠矣

琵琶川 古志治南十里有琵琶川唐貞元中勿鄧苴夢衝潛通吐番煽惑羣蠻隔絕雲南韋皋兵至琵琶川討勿鄧大破之遂通雲南路又策東蠻風琵琶鬼主於吐番召苴夢衝斬於琵琶川東蠻懾服即此

零關縣 漢書司馬相如通零關道史記越巂有零關縣今治南有零關古道坊

石門 治西北一百一十里隋史萬歲開石門以通南詔

舊志

文昌勝迹 治西南二十里金馬山化書晉太康八年 帝君降生於此後人建文昌祠詳聖蹟志

紫府飛霞洞 治南二十里金馬山絕頂宋建隆中玉斧畫河置越竊於荒服外 帝君之靈遂無所託土人苟洙父子闢紫府飛霞洞於山頂以爲行化之所記載聖蹟志

今日山頭 治南七十里小相公嶺爲武侯所開碑鐫此四字

石婆寺 舊志西北五里爲士大夫遊覽之所今不可考有詩載寺觀志

溫泉 治東北三十里俗呼洗澡塘山內流出熱水浴之可以療疾即溫泉春禊處上南志云東北三十里有溫泉四時皆暖可療疾病華陽國志邛都縣有溫泉穴下流可治疾病餘多惡水水神護之不可污穢及沉亂髮照面則使人被惡疾

長利苑 漢書安帝紀越駕郡之駿馬河其山有天馬徑厥迹存

焉民家牧馬山下或產神駒言是天馬子安帝永初六年詔越駕

置長利高望始昌三苑皆馬苑也

○案漢之越駕郡疆域甚廣所言三苑今不詳何地或言今大渡河外之槐花營即渥洼古出

神馬又廳東北二十五里定越營後哨大營盤後山麓嘗出神馬今亦無考

黃龍游江 漢平帝時王莽好符瑞越駕郡上黃龍游江

原案以上二則指越

駕通郡言未明其地然總屬郡地存之

鯨鯢封處有二 治北十里天王損明萬曆中建昌越駕獠亂命

劉綬為總兵官討之偕參政邊之垣分八道督諸將攻之已居中

節制克桐槽沈渣阿都廈卜越北諸寨大小五十六戰斬馘三千

有奇諸獠巢穴一空親題鯨鯢封處碑於此 國朝乾隆五十一年

地震碑折通判周起瑤重建同治九年又有碑現出有此碑倒



折蠻夷滅絕八字同治二年殲髮逆於大樹堡亦名鯨鯢封處

石洞瓊鐘 治西北五十里瓦巖即今石巖洞中可容十餘人南

北巖旁有石板叩之聲鏗然謂之瓊鐘唐龜壺仙修煉於此有詩  
載仙釋志此景於道光十年正月初九日露出石牀石棹石竈觀  
者甚夥遂將洞內石筍毀折又上南志云衛南三十里西山下響  
石長七尺闊三尺八寸厚三尺擊之聲如雲板

鳳尾山 即城內文廟後詳山川志

金馬魚洞 治南三十里金馬山下萬斛泉湧魚目洞出

詳聖蹟志

聖泉 治北二百四十里河南站後雲嵩寺號雲嵩聖泉舊志載  
武侯南征軍飲啞泉不能言孟節指此水飲之方解詩載藝文志

曬經石 治北二百六十里舊志載唐三藏西天請經回曬於此  
山有巨石即曬經處地遂以石之名名今建關帝廟於上有詩

川志

紅白潭 城內東北隅汲以炊飯一米以兩釜炊之分紅白色故名詩入藝文志

瀘江古渡 即大渡河詳山川關隘津梁各志

鎮西古道 治北一百二十里明洪武中景川侯曹震言四川至建昌經大渡河往來多死瘴癘詢父老自峨眉至建昌有古驛道平易無瘴毒令軍民修治請以瀘州至建昌驛馬移置峨眉新驛

萬厯中建昌兵備道富好禮復修東路有議有碑載驛傳志

海棠香國 治北一百四十里前明地擁海棠樹一株放花香聞

數里今其地為都司署凡種海棠者採其幹向牆種之即活故名

與嘉定之海棠香國異樹旁一井一碑鐫將源二字大逾斗

雙鶴 治北五十五里利濟站後澤中有雙鶴數百年無分春夏

相守不去光緒初學使張之洞以此命詩古題

羊打寨 治西十里相傳明劉將軍征王大咱時夜用羊千頭繫

火於角礮響羊奔官軍隨之寨遂破

以上原纂

坊表

零關古道坊 見前背面為相嶺通衢四字前通判李在文建

玉帶橋坊 治北關外面書諸葛舊轍四字背書玉帶廻環四字  
嘉慶中通判白書丹建

節孝總坊 治北關外里許道光十五年遵 旨旌表孝女王氏

烈女羅氏節婦宋王氏立

清官坊 治北二里同治六年士民捐貲爲同知梅震煦建

又節孝總坊 治南關外光緒十年遵 旨旌表馬本興妻陳氏

范自明妻張氏李君友妻張氏程培筠妻馬氏顧文惠妻何氏蔣

朝選妻羅氏李元富妻郭氏立二十九年倒坍

又節孝坊 旌表李仲妻車氏立

遺愛碑 名宦祠前明萬歷中爲兵備道周國雍立文載政蹟志

德政碑 廳治東三官殿外明末為總鎮張公立碑字半滅難認

德政碑 治北關外同治五年士民捐貲為同知周岐源立

清官祠 治北一里道光十二年士民捐貲為通判林丹雲建後

移位北門內清官祠仍改神祇壇

清官祠 治北門內道光十七年兵民為同知葉樹東總鎮張必

祿建並遷林丹雲位於中有碑後改越嚮營義學復改昭忠祠

清官祠 光緒十一年紳耆兵民為同知蹇詵建於武侯祠南極

花木之盛 以上原纂○案馬忠良有蹇公長生祠記詳祠廟志

德政碑 治北關外光緒十八年士民為同知傅廉立

清官亭 在中所填場下士民為同知 建

去思碑 治北八里糧戶某等爲署同知景其沅立

德政碑 治北門外光緒九年士民爲叅府蔣宗漢立

德政碑 治北門外光緒二十五年營兵爲署叅府獨錫勳立

去思碑 治北門外光緒三十一年士民爲署叅府李連芳立

增新

走 養 鳳 各 志 卷 二 二 六 九

越嶺廳全志卷二之十

寺觀志

三官殿 正東街軍糧府署左側守備李枚捐修以培風水原

案曰三官殿下嘗設三費總局暨團練總局其前為米市又為朔望官紳士民聽講

聖諭之所光緒二十八年余在任時設平議局於此新

東冥寺 城東南文廟街俗名十王殿原

禹王宮 城東北隅湖廣會館原乾隆初年姚子奇王正照捐建

壽佛殿二十二年始建禹王宮嘉慶二年重脩有碑記光緒二十

八年六月六日同知孫鏘率紳民行禮於此按海棠中所壩亦各有禹王宮一區新增



附錄孫鏘夏王生日啟竊維隨山刊木前干績塞於艱鮮飲水思源後世報隆於胙蠶是故以勞定國垂祭法於禮經况乎維嶽降神著發祥於世紀敬維

古天子夏王大禹之神石紐鍾靈崑山納后本是西羌之族石泉是其初生兼之東別爲沱岷山由斯而導若仿伯夷之舊典宜修蜀郡之明禋胡稽前代遺文廟祀祇隆安邑恭讀

皇朝會典陵宮僅及會稽在厥土之生民豈至今爲缺典夫尊名集聖曾聞規建於前明而永奠大川又荷

璇題於

聖祖乃向土人訪舊空尋倉頡分龜又如賞道行香莫與江神比例王廷瞻淋漓椽筆具徵汝山那人陶文毅絡繹軒軒僅謁楚人公所然而食平成之德粒我難志逢屠醜之辰生天有慶上溯蜀山系遠華陽搜國志之遺久欽禹蹟碑靈岫屢式山神之異楚祠謁

聖定知靈爽攸馮驚水斟寒不啻馨香是薦易牲牢以酒果仿開元之敕有司備香燭而衣冠期吾輩之多同志趁今日節逢天貺酌筭杯作夏日之遊待諸公職任疆圻援芻議爲春官之獻肅修小啟敬告大方光緒二十八年壬寅重六日

南華宮 城西南文壽街廣東會館

忠烈宮 城西北周家巷雲貴會館以上原纂○案忠烈俗稱黑神云祀唐南霽雲其實非也

宮 城內文壽街江南會館

萬壽宮 城南街江西會館以上新增

華光廟 俗名五顯廟有二一城西南隅龔家巷一南門外

興隆菴 城東北隅一名觀音堂

貞孝禪林 城西北隅俗稱姑姑寺因孝女王氏割肝救姑坐向

磨盤死好事者以泥裝其身飾以金供在寺內故名貞孝

敦化寺 城西南隅一名圓通寺明萬歷中有李贊善夫婦家富

無子以其住宅裝塑佛像遂為寺今其象簡尚在寺中○按同知蹇說有唐笏歌互詳

金石志

北辰宮 城南關外陝西會館雍正間建道光四年重脩

聖壽寺 城南關外寺後有千手觀音殿相傳有僧夢神示以四

十八寨訪其地樹恰四十八枝用以裝塑此像

○案通志明正統十四年建

真武觀 城南關外明洪武中都指揮陶亨在軍中見真武祖師

擁護許愿修祠凱旋後夢神插旗於此遂建此觀後有玉皇閣在

高阜之上登高望遠山川城郭歷歷在目有古樹亦數百年神物

舊傳大殿為仙境任其塵垢中間特無蛛網又有成形活首烏時

或一見為越名勝

○案通志明景泰中建又案存碑載萬歷乙巳鎮官陳名器脩樓 國朝乾隆辛亥通判文某守備羅某全募脩

梓潼宮 治南二十里即金馬山文昌宮

○互詳古蹟志以上原纂

明兵備道范守己金馬山重修文昌宮記萬曆十四年闕逢敦泮冬守己行部逾瀾城從戎帥吳子道之翠微之巔顧而諗曰此古文昌宮歲久圯壞有侍御薛君繼茂者過而念之爲捐橐中裝若干命文傑脩葺而未就也可無一謁守己因舍輿拾級上瞻拜宇下四顧躊躇見山形歷巖展布其後而聳拔之峯見蒼煙翠靄間螺聚齷累縹緲極目其宮外不數武頰岬山陟石壁削如壁下洞口豁豁大小以十數各有清流瀼出澗灑澎湃匯而爲溪清澈可鑿滌洄繞宮前徐折而東若不欲去然且也曲行沙石間矯若驚蛇之馳峻阪宮左一石突若百斛困上有臥羸蹠召痕旁有籀文百餘漫漶不可復讀守己詢所自始爲壬申古蹟也其山爲金馬其溪爲龍泉北距瀾城不十里而遙往牒有可稽者按文昌化書 帝君初爲雪山大仙久之移棲劍嶺西漢末又寓形邛池晉武帝太康八年復生越瀾故其自序有曰越裳之西越瀾之南兩越之間有金馬山勝景清絕張翁夫婦子累生之父母也於是生焉其地蓋指此云夫 帝君初爲雪山繼處邛池距此俱不數舍而近最後復生金馬山遂爲枌榆之區雖一移居七曲墮位紫微而神遊六合不無桑梓之念故飛霞洞記云吾舊生越瀾自唐大斥土宇民不堪命越瀾遂淪嗚呼吾將安歸其軫念故土蓋無一日忘諸其抱也我朝肅清華夏越瀾介在滇蜀之間辟諸宮牆若中堂然尤 帝君

所樂遊者其鄉人崇奉之私祇他處尤宜加嚴廼廟貌雖具棟宇弗隆樓觀黯闇門垣庳隘弗稱所以尊崇至意固薛君欲加增飾而捐金幾何能充堂構之費哉日子爲我宏之吾爲子倡於是守已捐金亦若干檄吳子董理而後去越明年吳子擢遊擊將軍往戍雅黎自撫夷通判鄭子友諒者毅然以爲己任復捐金而率導掌印指揮使徐韶陳文龍先後經畫其事二子亦各有所輸而鄉縉紳及青衿慕義者又皆競勸樂施共考厥成廼卜吉檄舊柱礎而易之爲高加舊之三椽題磚石廊宇殿角燦然一新又跨棟爲坊大書其額表厥帝里祠後舊有桂籍樓併加塗既開拓綺疏以豁觀望其前爲門四楹繚以周垣以備樵蘇之闖入者又改砌礮道使迎流而納其祥於是始稱大觀矣以安神明以重典禮又明年春鄭子友諒聞記於守已用紀歲月守已竊念文昌六星戴匡斗魁上次四曰司祿次五曰司命載在天官史籍炳若帝君以歷世名碩修證帝位實筭文昌之司則其掌桂籍職貢舉士子之祿秩進退皆由校勘者無疑薄海內外苟欽知崇其化無不蔚然鳳起羽翼天朝而越鸞爲發祥之所金馬爲毓秀之鄉帝心在所拳拳者乃歷代以來未聞有名世出乎其間豈天之降才爾殊哉凡以漸染夷風自外帝君之陶鑄耳裔土固多蚩氓其世祿之家統綉膏粱凡民之秀黨庠術序口六籍而腹七書者何限顧心匪粹

白行多瑕類質之周孔之訓判若蒼素然其爲 帝君所緹抑明甚若之何得爲濫竽也方今  
帝官鼎新威靈益赫出王遊衍蓋有與多士相爲陟降者一念之動神明必與知之倘能洗心滌  
行奉以周旋毋矯飾於睹聞而恣肆於閤室毋臨保其洪鐘而怠墮其旦明帝心有不簡在而界  
之明揚之列者吾不信矣否則慙淫匪彝神所必棄唐李可爲明鑒已多士勗諸敢因爲記而及  
之以爲多士勸復係之詩用備春秋責備云 越騫之南金馬山君昔降神斯鄉間遨遊濁世自  
翩翩夢承天符授水仙神移古湫辟塵喧職司祿秩掌天銓桂籍予奪尤森然累陟帝位坐微垣  
照臨下土遍人寰言念桑梓睠鄉關鈞陶能無振英賢山畔官牆久頽顛爲購梁木易高堅棟宇  
軒翔稱大觀神來降節堪高懸歲事常修嚴吉蠲爲薦溪毛與豚肩 帝君來思駕白鸞參旗九  
遊滿山巔簡閱士行無尤愆儼然居歆溢歡顏譽髦斯士多騰騫牖茲下民億萬年 從藝文志  
移入

國朝同知孫鏘諭節越騫文昌宮及金馬山私祭費越鵬金馬山相傳文昌帝君七十一世化身之  
所也考文昌之祀始於唐宋至元時始尊爲帝君然有指爲天神者天官書斗魁戴筐六星若司  
命司祿是也有指爲人鬼者在周爲張仲在漢爲張良姚秦之世又爲越鵬人避仇梓潼者是也

四川通志載紫府飛霞洞記在雅州名山縣觀坪山下而廳志因之則以爲卽金馬山然記中稱洞成於苟洙父子在開禧三年則宋南渡已二百五十年矣竊嘗讀陸氏耀文昌祠說錢氏大斫文昌閣記惲氏敬文昌宮碑銘及碑陰錄皆心焉識之前年奉檄來茲考時承祭始知廳城文廟之右舊有文昌宮而南鄉金馬山亦有梓潼宮蓋所從來遠矣顧查舊本會典尙無文昌列祀之文自嘉慶六年始准禮部議奏列入中祀至咸豐七年又定每年仲春三日外諏吉春祭蓋文廟止有春秋兩祭而關帝文昌每年且各有三祭矣本官奉

天子命分守茲土凡祀典所載罔不肅恭將事雖不敢謂有如在之誠而所以遵

國憲而答神庥者固未嘗不致敬盡禮也維念本廳土瘠民貧而廟貌舛陋無以揭虔妥靈甚爲諸生恥之而民間私祭太繁又未免近於褻黷去年八月已諭止孔子生日之祭今春祭在卽恐諸生尙有私祭之質不得明白曉示須知事神在心禮煩則黷既有初三生日之祭又有禮部諏吉之祭典禮不可謂不重矣而文昌宮與金馬山兩地首土方以修廟爲辭爭收租石何如節此祭費改作修資庶於事神之道爲得其實云敬告諸生慎毋貪分胙之榮而甘蹈煩黷之咎也

新增

五穀寺 城北關外

青龍寺 治北三里今圮

石漣寺 治北五里舊為遊覽之所今圮

千勇游石漣寺詩一曲溪流抱湧泉  
龍臺當日洞中天殘碑字字堪憑弔  
野鳥聲聲實可憐徑沒草齊沙跡  
滿岸崩橋斷石頭懸登臨舒嘯空懷古  
山自幽閒水自潺小溪一曲引寒泉何事而今又一天雲去雲來同寂寂  
花開花謝共憐憐樵歸巖畔形相對月到山前影自懸回首不堪追  
往迹臨流惟聽水聲潺

田裕如游石漣寺詩緩步城西外  
龍溪訪舊臺陰雲迷古道怪石老蒼苔  
悵望流泉活登臨曙色開虔誠重禱祀  
莫當阮劉來山坳重掩曲傳是古龍臺  
徑窄迷荒草碑橫繡綠臺仙靈依地顯  
境僻自天開瞻拜冠裳肅三槐叶夢來

湯祐游石漣寺詩漣石名雖在荒頽孰計年  
無祠徒贖礎有碣不成篇草色晴空裏  
溪聲落照邊保嬰慈愛溥千古作佳傳  
以上從藝文志移入



報恩寺 治北關外一名北寺每歲清明中元十月朔舉行厲壇  
在此

興佛寺 治東十里河東

天王寺 治北十里活龍山地勢高敞四顧平曠萬家煙火舉在  
目中松竹交輝丹青掩映山徑曲盤而上香火不絕舊傳爲葛和  
尙化昇處寺中不茹葷酒登臨人多爲越名勝相傳嘉慶中有越  
士宿帳於此親友詣之殺一羊頃刻神降寺僧以手掌面說諸人  
短大雨如注震雷掃殿而後止同治中火於夷同知李忠清周熙  
丙先後督紳糧重建又傳焚寺之夷均染怪疾死

以上原纂

知府彭鈺光緒辛巳八月間夷匪受降約友人遊天王寺登眺抒懷成七律八章東蹇子振司馬  
蜀江南郡萬峯撐靄水奔流繞越城馬首雲迷丞相嶺旄頭星落亞夫營秋澄此日占豐稔邊徼

何時息戰爭聞道吐蕃新納款諸君何以答昇平  
桐葉初飛又報秋一聲長嘯地天愁石龍岳  
冷英光歛金馬山寒王氣收背漢喜褫楊玉魄和戎翻切杞人憂鯨鯢空有遺封處繼起無人願  
未酬斜排雁字掠江煙萬里晴空別有天一水漲喧人語外衆山青到馬蹄前會逢佳節多增  
感月近邊城不易圓惟祝姮娥如不靳明宵長夜共流連  
乘時覽勝北城隈其獲歡聲動地來  
刁斗不驚秋氣蕭旌旗高展陣雲開安邊先失周郎算捍患端資蹇叔才遊興未闌餘感觸夕陽  
西下重徘徊  
露布南來墨未乾憑高西望恨慢慢籌邊有計勞充國粉飾圖功笑苟安鶴水春  
風人易老桂花香裏月初圓忙忙誰是迴瀾手憂國徒存一片丹  
片帆飛渡我初過玉斧當年  
誤畫河蠻貊原能燧教訖因循反惹戰爭多南人致信真歸馬壯士憑來尙枕戈欲脫兜鍪安反  
側其如不屬事權何  
聞到天南罷戰爭一江秋色暮雲橫平如狗寶夷人屋高接龍山漢將營  
樂歲喜逢邊息撫循端賴宰官清瓣香默爲斯民祝早晚天河洗甲兵  
角聲吹處凱聲喧我  
獨憂心賦北門就撫也能消殺劫投閒無地報君恩鎮夷橋地思周處拱極城高憶馬援得失早  
知關氣數此中成敗不須論  
案此詩現存天王寺屏上今從藝文志移入

龍泉寺  
治北一百四十里海棠城內寺基高曠下臨萬戶登高

望覽陡坡頂分水嶺諸峯如畫爲海棠名勝

湯祐題龍泉古寺詩建利稽何代殘碑不計年石苔留虎迹地脉隱龍泉復嶂晴添碧長松晚帶煙一渠清澈底古柏悟庭前

大菩薩頂大佛廟 治東北一百六十里前甯越都司陳世亨建

深溝觀音寺 治北一百九十里巖上有飛觀音下卽廟岑樓高

出雖淺而幽其地名勝寺亦閒雅最爲留題處

飛來寺 治北一百九十里

學使鍾駿聲詩破寺撐危峽僧歸磬一鳴湖泉時滾雪人語不聞聲古佛黯然坐羣山相向迎停車思小憇微雨促登程

雲嵩寺 治北二百四十里河南站卽雲嵩聖泉處寺有草名云

香草

西隱寺 在河南站

魯班寺 治北二百四十里河南站西偏相傳寺為魯班所造用

木架成無斧鑿痕山門外面平正裡面盡木渣未知是否

瀘江寺 治北二百八十里大樹堡城內○案在本城鄉寺基靠山層級而

上後殿高樓三層係一柱到頂一登岑樓環顧瀘江萬頃波濤超

然豁日俯視村墟遠近田廬迴曠松竹交暉使人忘倦堡中大觀

也同治二年火於賊今重建以上原纂○案通志在大渡河岸

川主廟 治西二百八十里紫大地老街子

觀音閣 金花廟均在紫大地新街子光緒二十八年七月大水

淹沒

東嶽廟 川主廟 均治北二十里王家屯

中所壩城隍廟 治南十五里

元天觀 廳城南明景泰中建見府志

水觀音閣 治南十五里龍泉口

川主廟 治南二十里柏香汛

保安城隍廟 治北七十里保安營內

海棠城隍廟 蕭曹廟 治北一百四十里甯越營內

大樹堡城隍廟 治北二百八十里在新強鄉汛署側同治二年

粵匪之變住持王老道負城隍神像入後三夔殿有頃前殿綵樓被燬僅存三夔殿三年紳糧張昭文彭萬綜重脩

土主祠 治北二百八十里海螺埧

廳貢生張昭明詩 茄屋籬籬曲水灣 禪門掩映未曾關 無端密密疏疏樹 不盡重重疊疊山 瀑布  
飛殘紅日落 鐘聲敲斷白雲閒 橋頭渡口同遊覽 許大乾坤俗慮刪 從藝文志移入

阿補塘川主廟 治南三十里

大屯川主廟 治北十五里 以上  
新增

月各厚三示  
身二八

越鵠廳全志卷二之十一

金石志

真武觀祖師像銅鑄自前明景泰年間并十小像皆銅鑄

興隆菴掘地得神像二尊高約一尺五寸一文昌像一韋馱像並皆銅鑄

文昌宮上馬石鐫文昌勝迹四大字筆勢蒼古數十小字糊模不甚了了

勝景清絕碑在梓潼宮南前明所書髣髴趙松雪筆意

顧汝學文昌宮詩碑隴經石詩碑觀音巖詩碑明萬歷時所書筆勢飛舞如龍蛇不可捉觀音巖碑爲水飄泊今無存



劉縱碑明萬歷時總兵劉縱征王大咱封萬人墓大書鯨鯢封處  
碑筆力勁拔 又此碑倒折蠻夷滅絕碑字亦古勁俱在天星關  
北門外

將源二字碑在海棠都司署內筆勢雄秀不知書自何人

以上  
原纂

附同知蹇詵唐笏歌

并序

城西南有古寺曰圓通創自前明相傳 國初有遺老隱於此  
塑佛像三初不知其中有物也乾嘉間有道士寓寺中一日逃  
去寺僧見佛像腹背洞啟知爲道士所爲追及尋求有書劍牙  
笏各一書劍爲奪去僅以笏還舊有紙二寸許着笏上記云唐  
貞觀五年製至今紙痕宛然予取視笏準今尺一尺六寸三分

其形微曲下闊二寸四分上殺四分微圓古色盎然眞千年物也爲製檀盛貯仍付寺僧藏之並記以詩

嘗讀戴記玉藻篇用笏應在三代前魚須象竹別等殺此制明代猶存焉古禮空傳今不尙誰暇考據究革沿不知邊城何處得此物詫見心目爲豁然紋理歷落製樸雅鋒鏗盡斂光鮮妍山僧爲言舊有識云自大唐貞觀年昔有遺民留於是藏置佛腹能完全嗚呼由唐迄今千載強無端此笏來遐荒摧奸曾否擊朱泚對命將無屬魏房古器流傳嗟匪易幾日摩挲不忍置山僧什襲善收藏莫負東坡留帶意

右詩從藝文志移入

詩書禮記卷之二十一

越嶠廳全志卷三之一

方物志

金釵石斛出越嶠屬之海棠晒經關平夷堡平壩河南站桂皮羅  
六處出山石縫中故曰石斛

石斛者甘淡入脾而除虛熱鹹平入腎而瀦元氣

雷斅曰石斛石生之草體瘦無汁味淡難出必須熬膏爲良產

夏秋間

同知署每歲七月間諭各處約練管夷派撥番夫採取顏色鮮黃  
直幹堅實長根每處十背每背六十觔解署派民夫選擇曬晾取  
乾潔者用剛炭微火烘之俾出顏色撿取上好三百六十束遇閏

加增每束紮以紅繩全數紮畢盛以木匣裝理完好牒送甯遠府

轉解入省易紅花線纏裹盛以玻璃匣解至京師以上原纂

空青 大清一統志越嶲廳山石中出

不朽木 大清一統志越嶲廳海棠堡出土人以為燈心既燼

不灰 以上新增互詳物產志

寶應劉嶽雲火浣布說火浣布自古有之後漢書西域傳大秦國有火浣布又西南夷傳論云其寶幪火毳馴禽封獸之賦輪積於內府注火毳即火浣布也（三輔黃圖奇華殿火浣布充塞其中）魏志青龍三年西域重譯獻火毳布宋史哲宗紀元祐七年大食進火浣布蔡繼鐵圍山叢談云火浣布若木棉布色青黛投火中則潔白宣和政和以後留筥而至御府綴為褥裙袍之屬此並確有徵據非列子（湯問篇周穆王征西獻火浣之布）拾遺記（晉太康中有羽山之民獻火浣布）梁書（扶南東界即大漲海海中有大洲洲上有諸薄國國東有馬五洲復車行漲海千餘里至自然大洲出火浣布）所言可比惟世不常見故魏文帝有火性酷烈之疑（魏志注

文帝以火性酷烈無含生之氣著之典論明其不然乃刊石太學永示來世至是西域使至而獻火浣布焉於是刊滅此論而天下笑之○案抱朴子論仙篇誤以爲文帝自毀斯論而傳聞失實亦不免譽之太過（後漢書注引傅子曰長老說漢桓時梁臣前佯爭酒失杯而污之冀僞解衣而燒之布得火爆然而熾如燒凡布垢盡火滅粲然潔白若澣也列子浣之必投於火布則火色垢則色出火而振之皓然疑於雪）至於其布爲何物所織大氏得之耳食（爾雅火龜疏郭注山海經云今去扶南東萬里有耆薄國復五千里許有火山國其山雖霖雨火常然火中白鼠時出山邊求食人捕得之以毛作布名之火浣布史記大宛列傳正義引萬震南州志云大秦國海中斯調洲上有木冬月往剝取其皮績以爲布與麻焦布無異色小青黑若垢污入火中便精潔世謂之火浣布○案抱朴子括地志述異記搜神吳錄異物志元中記十洲志華陽國志等書並大同小異不更引）惟太平廣記引梁四公記云有兩種似爲近理（記云有商人齎火浣布三端帝以雜布積之令杰公以他事至於市所杰公遙識曰此火浣布也一是緝木皮所作一是鼠毛所作以詰商人具如杰公所說因問木鼠之異公曰木堅毛柔是可別也以陽燧火山陰柘木麩之木皮改常試之果驗）然近時日本及南洋島嶼均有火山不聞中生動植疑皆轉相稗

販不根之論考元史阿哈瑪傳至元三年奏布格齊山出石絨織爲布火不能然請遣官采取顧  
炎武郡國利病書建昌路考山中產不燼木其物得於山谷石罅中掘深丈許非石非木堅而且  
白鑿之綿綿不斷如絮積以爲帳投火不燼名曰火毳此卽阿哈瑪所云石絨故蘇頌本草云不  
灰木出上黨今澤潞山中皆有之蓋石類也其色白如欄木燒之不燃以此得名或云滑石之根  
也出滑石處皆有之其言並相合而李時珍本草乃云不灰木有木石二種（時珍曰不灰木有  
木石二種石類者其體堅重或以糝藜蘸石腦油然燈徹夜不成灰人多用作小刀鞞開山圖云  
徐無山出不灰之木生火之石山在今順天府玉田縣東北庚辛玉冊云不灰木陰石也生西南  
蠻夷中黎州茂州者好形如針文全若木燒之無烟此皆言石者也伏琛齊地志東武城有勝火  
木其木經野火燒之不滅謂之不灰木楊慎丹鉛錄云太平寰宇記云不灰木俗多爲鏡子燒之  
成炭而不灰出膠州其葉如蒲草今人束以爲燦謂之萬年火把此皆言木者也（不能礪指形  
狀蓋時珍亦未深考矣英吉利國人傳蘭雅云西國數處亦產不灰木有粗有細有硬有軟各各  
不同如意大利國近來開採甚多細者能紡線比棉線更堅牢其線能織布粗細隨人意又能造  
紙便於寫字或印書又可在房屋內加其厚紙一層則不能通火意大利國所造大半運往美國

出售如其厚紙作盒所有要信置盒內則不易爲火所燒造此盒之家用平常厚紙作盒又用不灰木紙作盒兩盒裝書信等件置火爐內常五分時則常紙之盒已燬不灰木之盒尙可取出其內信件毫不受害嶽雲曾得此紙試之良驗中國直隸山東四川山西等省並產此物惜無人做爲之也

案曰原纂於物產前別有方物志一篇所載僅金釵石斛一種殆以其爲本廳每年

貢物耳然火浣布雖非貢物恭讀

高宗純皇帝詠火浣布詩明明指定越嶠廳矣又

大清一統志甯遠府土產下空青越嶠廳山石中出不朽木越嶠廳海棠堡出土人以爲燈心既燼不灰之二物者皆不可謂非越嶠之方物也查空青石出越嶠跑馬坪山後夷地中每



大雨後此石多流出者余嘗出鹽布令夷人背負而來剖之則中果有空如梅核大者惟乏滴水而泥則甚潤耳今春有瀘州勸工局携至成都青羊宮花市者詢其中亦是有泥無水又不朽木亦云不灰木或以爲卽火浣布之本質云茲旣恭錄

**御製詩**於第一卷內又錄寶應劉嶽雲火浣布說附於其後用資證驗蓋非徒採其文亦以示火浣布物苟得其製造新法足爲生利之一端云爾

越嶲廳全志卷三之二

物產志

穀屬

香米

腰細尖銳性和色白而潤出河東温田膏腴地

白米

性和潤

紅米

性微燥味甘

蕙米

桃紅米

性類白米味較甘出東山水田

糯米

俗呼酒米兩種一性柔而滋潤者佳名酒穀性硬而燥者次之均可釀酒汁糖

穀

老來紅

上品多稔性堅刈時用連耨掀打

光頭穀

無稔上品

黃金糯

早穀

黑穀

葉下藏

出大樹儲

麥

大麥

性硬穗長色白宜涼地產夷地堪入藥

小麥

色淡黃

藍麥

燕麥

產夷地夷人用為糧也

青稞

產夷地

豆

白豆

俗呼白毛子

黃豆

可榨油

綠豆

俗呼綠藍子榨油俱多

粳豆

紅

豆 黑豆 蠶豆 匾豆 刀豆 豌豆 胡豆 赤小豆

藥人 魚鱖豆 小綠豆 藥入 四季豆 巴山豆

蕎 苦蕎 味甘性淡色紺 碧春種夏穫 甜蕎 色黑味甘而潤 秋蕎 色味同甜蕎 秋種冬穫

白玉麥 本名玉蜀黍一名包穀又名木禾 黃玉麥 紅玉麥 花玉麥 九子玉

麥

膏粱 一名蜀黍莖高丈餘穗大如帚粒黑如漆少有食者惟以釀酒 白膏粱 又名麥子膏粱

蔬屬

百合 出頂山橋味純美較南合為佳種宜涼地 筍 蔥 蒜 芹 韭 蕪 茄子

芝麻 分黑白出大樹堡 白芋 羊芋 出夷地可作粉 圓根 出夷地 香菜 青

菜 萵筍 菠薐菜 擘藍 秦艽 俗名辣子 蒟醬 蒟音婁相如揚雄左思諸賦中注云綠木而生其子

如桑椹熨道通越巽之地出蒟熨人取以爲醬或云雞鬚油及漢中襄相仿佛通志

黃秧白 石髮菜 出魚洞河石隙急流處性純陰味脆美 胡

蘿藦 一名萊服

諸葛菜 一名芥一名蕪青一名蔓青武侯南征命軍中種濟軍食苗莖苔根皆可食其子打油即菜油也

冬莧菜

紅莧菜

軟漿菜

茼蒿菜

厚皮菜

大頭菜

落花生

出河道大樹堡

蓮花白菜

天星米菜

烏金白菜

滿心白菜

臘脂蘿藦

雞棕菌

蘇屬

金瓜

南瓜

苦瓜

王瓜

木瓜

絲瓜

筒瓜

醬瓜

西

瓜 出大樹堡

蓋瓜

種出雲南近有種者

絞瓜

種出酉陽近有種者

瓠子

壺盧

八月瓜

色紫紅形

如茄出深山

果屬

杏 梅 桃 柿 李 柑 栗 胡桃一名核桃 仙桃 黑棗

紅榴 花紅 雪梨 糖刺梨一名刺河梁形如櫻桃 拐棗一名枳椇一名木蜜 枇杷

楊桃 櫻桃 林檎一名來禽又名蜜果 香梨 小棗 蠻札 甘蔗出大樹堡

紅苕一名甘諸 野荔枝 救兵糧色紅味甘形如枸杞 野蘿蔔 無花果 菩提

子 海柿子

木屬

松 柏 桂 榧樹童童若蓋枝葉森秀不相礙若相避又名交讓木高十餘丈大數十圍世珍其材 柳 櫻 槐

桑 杉 榆 榨 椿 巔 冬青一名女貞子上生蠟蟲 黃楊 白楊 株木

烏木 黃蘗入藥 構樹 青剛 紅子 樺 槁 麻柳 花椒

阜夾 血藤 香樟出河道有花文用作棹面最佳 白蠟樹 不灰木越瀾海棠出以為燈心既燼不灰通志

花屬

桂花

牡丹

芍藥

海棠

詳詳異志

薔薇

葵花

麗春

一名虞美人

萱 即金針花

玉簪

山茶

玫瑰

芭蕉

茶花

菊

杜鵑

芙

蓉

木香

木槿

水僊

紫荊

梅花

杏花

桃花

李花

梨花

秋海棠

白海棠

龍爪花

楊雀花

鐵綫蓮

金

綫蓮

金銀花

黃花

鳳仙花

月月紅

一名月季

苦枝梅

蜡

梅

樹綉毬

七姊妹

十姊妹

夜來香

老來紅

海梔子

雞冠花

罌粟花

狗牙花

通草花

臙脂花

西番花

粉棠紅

紅蓼花

垂絲海棠

棋盤花

竹屬

斑竹 紫竹 箭竹 慈竹 黑竹 蒼筤竹 出相嶺花文類湘妃竹 土人取作扇柄煙桿

草屬

蕙 蘭 菖蒲 入藥 艾葉 蘆葦 蒜葉 萍 茅 香菌 芸

香草 出河南站所 謂蘼葉芸香 如意草 又名蕨薇出山箐中土人採作菜蔬 歲歉磨麩作餅以食全活者甚眾 野棉花 鐵

燈草 雞頭草 狗尾草 白花草 筋骨草 車前草 案板

草 酸漿草 獐糶米 苦森根 書帶草 俗名隨手香 益母草 透

骨消 馬鞭梢 夏枯草 伸筋草 冬蟲夏草 俗名蟲草芽如鼠尾雜生細草中採者伏地尋

釋蟲形未變頭鬚 倒置土中通志

藥屬

大黃 出雪山徑尺 通心有膽 菉豆 苡仁 黃芩 沙參 丹沙 貝母

菖陽 即菖蒲又名堯韭 黃精 獨活 防風 藁本 升麻 柴胡 前

胡 地榆 當歸 瓦松 厚樸 厚潤者少 辟蛇雷 文蛤 即五倍子 密

蒙花 天麻 牛膝 瓜婁 百部 雞蘇 商陸 澤蘭 青

黛 茜草 一名輓漿草 卷柏 俗呼萬年松 牛黃 半夏 灌仲 茵陳 與陝西白茵陳

形色皆不同 赤芍 香薷 龍骨 荆芥 蟬蛻 石脂 乾葛 遠

志 蟬花 蟬退殼時或鑽入土內其苗從頂上生出宛如花 小茴 如蛇床子形 黃柏 射干 南星

麻仁 花粉 草烏 桔梗 葛花 葛根 吳茱萸

藿香 紫蘇 杏仁 桃仁 草果 通草 寄生苞 馬皮泡

冬桑葉 蜘蛛香 夜明沙 速隨子 苦楝子 牛蒡子

地膚子 青木香 木賊草 天門冬 香附子 老苦藤 倒

氏一書 卷之三十一 物產 四



觸傘 毛千里 紫背綠 接骨丹 矮陀子 搬倒甌 山慈

菰 搜山虎 白虎鬚 威靈僊 淫羊藿 大小薊即牛張口根 骨

碎補 蒼耳子 女貞子 龍膽草 劉寄奴 千里光 菟絲

子 蒲公英 五加皮 白頭翁 土茯苓 活首烏 旋覆花

土黨參

毛屬

熊 豹 鹿 猴 獐 麋 獺 狐 貓 豺 兔 犬 馬

牛 羊 豕 鼠 驪 驢 野狐 野豬 竹狸 家貓 松

鼠 金狗 趕山狗 黃鼠狼

羽屬

鷹 鷓 鳩 鴿 鷺 鷗 鶴 鴻 雁 鳧 鴨 鴉 雉

燕 鵲 鶯 雞 鷺 魚鷹俗呼水老鴉 鸚鵡即八哥 黃鸝 倉

庚 鸚鵡 翠雀 畫眉 布穀 鷓鴣 子規 斑鶉 百舌

山札 胡雀俗呼胡進德 杜鵑 喜雀 蝙蝠 鴉 鬪雞 啄木

官 白頭翁 夜射鷹 黃豆雀 點水雀 唯唯雞

鱗屬

虎魚出河道俗呼貓子魚獨骨無茨 鯽魚 鰱魚 鱸魚 鮫魚 花魚 細魚

金魚 細鱗魚出魚洞河及大小魚洞味鮮美 石匾頭 鳳尾魚出河道茨格達河

介屬

蚌 蛙 鼈 螺 龜 蝦蟇 螻蛄 魚蟲 蛇 蚓 蝦

蟲屬

蠶 蟻 蜂 蟬 螢 蚊 蛾 蝶 蠅 蚋 蟋蟀 螳螂  
蜘蛛 蜈蚣 毛蟲 蜻蜓 促織 艾虎 九頭蟲 瓜兒  
蟲

金石

金 河道多沙嘗有淘金者所得只冗金

銀 廠出河道 笱箕灣

錫

鉛 俱出河道

銅 碧雞廠松光林皆有未開

空青

山石中出

本草生越嶺山有銅處

響石

華陽國志邛都出響石長七尺闊三尺八寸厚三寸擊之聲如雲板通志

羊肝石

出西山色似羊肝細膩光潤以之作硯最佳

花石

出乾河填紫色白花

龜文石

出柏香碧色黑花內竹木人物各樣皆具土人磨作石屏石彈鼻煙瓶七巧石棋等發售獲重息

石筍

出觀音巖

山縫中用作山石玲瓏剔透  
浸入水池栽花可供玩賞  
者

又空青石

一名石膽出跑馬坪山中鑿石有子狀如雞卵搖之有聲剖出有清水一渠可治目疾官府有購以送客

山卉

八卦 羊莓 黑苞 地瓜 小人參 山蘿蔔 山石榴 地

桑苞 狗牙根 野韭菜 鷺音菜 三叉菜 燈籠苞 白桑

苞 青岡菌 雞棕菌

雜貨

麝香 熊膽 虎骨 鹿茸 鹿筋 鹿皮 熊掌 豹皮 羊

皮 黃糖 黃蠟 棉花出大樹堡 毛氈出夷家 絲 芝麻 茄煙

鐵皮出夷家書謂織皮是也 蜂蜜 豆油 花椒 藍靛出馬口積 貢草 雪茶

出雪山下色白性純陰土人采取發客 木耳 不朽木即火浣布出海棠山岩縫中土人取以捻棉織布質粗性純陰入火不然用以揩拭拭過投火中有發騰

起將油燒盡其布仍在亦或用以斂尸可免臭穢三國志謂南方之國有火浣布是也逸周書謂火浣之布入火不滅布則火色垢則布色出火而振之皎然疑乎雪通志 草狐

皮 小川馬

羊肚皮 出馬日擯

香杉板 出河道色香花草俱細較建板為佳今已通行

王岡茶

順毛皮褂 以上俱原暴

越舊廳全志卷三之二

鹽法志 附木政

雍正八年欽奉

上諭事件案內計口授鹽認銷鹽源縣陸引一百張每張徵銀二錢七分二釐共徵銀二十七兩二錢四分其鹽稅銀兩係鹽源縣徵收解赴鹽茶道庫收儲聽候撥支

鹽源縣鹽井三眼竈六十六條半每條每月征課鹽鹽一百斤每斤變價銀一分二釐共征課銀八百七十七兩八錢正月免課遇閏加征銀七十九兩八錢共征課銀九百五十七兩六錢陸引二千四百八十張共征稅銀六百七十五兩五錢五分二釐於本縣

買鹽運至西昌會理冕甯越嶲廳州縣行銷

以上原纂

案曰越嶲不產鹽亦向無鹽商光緒二十八年冬前

署總督部堂岑 札行將通省鹽政商運計岸改爲官運商銷廳紳有擬招股承領者未果也卷查光緒五年前同知李任內准清溪縣牒稱鹽商曹崑良等代行鹽源縣竈陸引叁百張票註應配越嶲行銷現因有引無岸該商難以賠累稟明懇轉牒越嶲年幫課羨銀壹百肆拾兩經前任李議允每年由越屬公款項下幫銀玖拾兩餘伍拾兩飭大樹堡經歷就近籌辦並於上年稟明有案此銀議定自光緒六年十月初一日爲始無論正署人員各按在任月日攤捐列交在案

並將銀兩先行墊解飭知大樹堡經歷遵照其銀蓋先課後

引云新

### 木政

乾隆五十八年 地壇望杆三根崇慶州牧楊長森於越嶺峩眉  
邊界夷地福基山採辦杉木正木一根副木三根餞木十二根仍  
委長森押運行至山東丁憂兗州府通判汪本中接運抵 京赴

部交收原

案曰右志木政特當年一時之事並非定有常課也越嶺四  
境皆山非無大木而夷巢之內人迹所不能至誰敢有入而  
採取者惟西路河道近年時有香杉出土頗不遜於建昌而



數本不多不足爲出產之大宗也至每屆科場往往奉藩署  
札文催解木植銀兩向由厯任同知查照舊案此項銀兩久  
蒙批准停解在案均得具詳邀免云

新  
增

越巒廳全志卷四之一

公署志

同知署正東街南向前三楹為頭門嗣三楹為儀門東西各四楹

為八房向止六房光緒三年同後東西各為倉廩中三楹為大堂

後三楹為二堂東西各二楹為書舍客舍旁通獨院一區為花廳

為出入行臺道光中通判王尚錦建○案今又後三楹為三堂最

後曠地有小池春秋可泛小舟道光中同知王者政浚今廢為夷

卡前面差房禁監鼓樂廳照牆東西轅門俱全後面東西空地迤

東為箭道向考較武童○案今後俱置供役所為羈縻夷目換班

處同治六年同知李忠清添建周圍翼以垣牆上覆茅茨高峻宏整

光緒八年同知蹇詵於署後脩豐園內有觀德堂

○案在箭道南首其堂之右為

本營儲車火處

雪樓

○案即青樓

松竹軒茅亭荷榭諸勝

以上原纂

光緒二十六年

夏雨夷卡埤捐署同知袁啓琨稟脩自頭門至三堂髹漆一新報

用銀二千四百五十六兩除稟撥緩扣舊餉湘平銀一千二百兩

外計十年內流攤銀一千二百五十餘兩二十七年同知孫鏘補

脩三堂東夷卡倉廩暨試棚頭二門共用銀二百兩

○案互詳

試棚 軍糧府署右光緒十一年同知蹇詵捐脩

○案互詳學校志

經歷署 分設大樹堡治北二百八十里

原纂

按經歷向無暑假大

憲行臺為之在大樹堡本城鄉場中同治三年燬於粵匪八年同

知李忠清重脩經歷照舊居住

○新

訓導署 城西南隅前教授聶佐堯建前三楹爲頭門東偏爲

臥碑亭訓導李善登建嗣三楹爲儀門科房又三楹爲明倫堂諸  
生聽講處後三楹爲三堂迤西三楹爲書舍訓導何平尤建

照磨署 城正東街軍糧府署側南向

以上  
原纂

內監 軍糧府署頭門右

外監 軍糧府署儀門右

申明亭 軍糧府署儀門內

文卷局 向在文昌宮

同仁堂 光緒七年署同知蹇詵創設未立公所置有田租專給  
夷巢逃出難民衣袴路費之用又以其餘施棺木檢暴骨送醫藥

等費

養濟院

城南關外武侯祠前

互詳田賦

棲流所

城南關外川主祠前光緒七年署同知蹇詵建脩

盤查關

城北關外東嶽廟側設鹽茶關於此脩

盤查南關

以真武關山門用

原纂今廢

釐金總局

城內正北街西向

互詳權政

釐金南局

城南關外北辰宮內

釐金北局

城北門外五穀寺內

以上新增

行臺

城正西街同治九年軍門周達武購置初議改作試院未

果今仍作行臺

原纂光緒

年改作周達武專祠三十一年又改歸

越巒中學堂

新

接官廳 一在城北門外東嶽廟門首同知蹇詵建

原

一在南關

外蹇公生祠頭門內

新

平議局 城正東街三官殿下光緒二十八年同知孫鏘稟設札

委紳士參議戶婚田土錢債等事二十九年冬月署同知陳啟昌

奉憲諭裁撤

附札委紳糧諭為札飭會議事照得川省健訟之風甲於天下應屬幅員遼闊詞訟雖不甚多或奔走數百里或羈延兩三月其被訟棍之播弄書差之需索在所不免本官蒞任日久著意探詢風俗民情略有聞觀而於民間之冤抑疾苦尤為關心特一人之耳目難周萬事之精神有限茲擬法古者鄉校之遺意採外洋律師之章程選鄉之有聞望為眾所服者與之共議其事大廷廣眾之中十目所視之地實者實虛者虛是非自有公評曲直不難立判博謀於眾而上有獨斷之

權宣導其情而下無弗伸之氣旁參清議藉通民情未始非善政之一助也然人孰無親尤必破除情面心無成見允宜一秉大公該紳等卓有幹才夙著鄉望既衆人所悅服亦本官所深知合行札飭爲此札仰該紳等遵照每逢三八日期齊集衙前平議局凡有民間詞訟除命盜一切重情無庸發議外其戶婚田土錢債細故一經本官批准發下該局會議務各準情酌理推闡詳明辨別是非研究虛實或已理落或請堂訊將會議如何情形每案開一議單送候核奪該紳等生長是邦於風土人情較爲熟悉即人品之優劣亦所素知凡有詭計狡謀之徒斷不能逃該紳之耳目如是持平辦理冤屈可伸上下通情官民一體訟風或可稍息乎是則本官所深望焉切切特札 計開章程 一設局酌定旬內三八兩日在局會議其有緊要之事隨時下局傳集會商 一發議之事除公稟外每案出錢壹千文酌定原告出錢肆百文被告出錢陸百文如事經議定係屬誣控該款壹千罰該原告全出 一發議之案書辦經理案卷錄敘口供每案給錢貳百文 一議案之時雖許衆人就聽但不得爭鬧誼譁門外派差二人彈壓每名給錢五十文 一發議之案必在兩造到城已經送訊之時應喚人證著原差就近傳喚每案添力錢壹百文 一承發房檢案每案給錢壹百文 一公所住持口食每案給錢壹百文 一餘錢肆百文備作議

局添置器用及茶煙等項之費 一議定送訊所有衙署常規照舊辦理不在前項款內 光緒

二十八年十一月日給

牛痘局 光緒二十六年署同知袁啟琨設裁總鄉約陶發升役

田以資經費

鐘鼓樓 城內正中光緒八年中燬逾年建復

小鼓樓 城內正西街以上  
新增

越驛營叅將署 城西南隅叅署街南向

越驛營守備署 城正南街東向

越驛營千總署 城正北街西向以上  
原纂

越驛營校場 城東南里許有演武廳三楹撥營兵防守



柏香汛千總外委同署 治南二十里即前守備署今外委改駐

柏香坪距城三十里 以上  
新增

小哨汛外委署 治南四十五里東向

長老坪汛外委署 治南六十五里

吉家山汛外委署 治南三十里

螞蝗汛外委署 治南十里西向

龍寶山汛把總外委二署 治東北十里西向先設河東嗣徙特

西跑馬坪咸豐五年被焚改設龍寶山 ○案以上均歸  
越嶲營管轄

保安營都司署 治北七十里東向道光二十年撥建昌鎮右營

都司來駐同治二年燬於粵匪今脩復 ○案舊在  
鳳凰營址

保安營千總署 同城西向

保安營校場 在營門外北出當道有演武廳三間

青岡關汛把總外委二署 治北四十里向歸越嶲營咸豐六年

撥歸保安營西向

利濟站汛把總外委二署 治北五十里二署均西向

麥子汛把總外委二署 治北八十里西向 以上原纂

關頂汛外委署 治北四十五里

溝東汛外委署 治北四十七里

新橋汛外委署 治北四十八里 以上新增○以上均保安營管轄

越嶲保安各汛房每兵間半酌多寡為定 原纂

甯越都司署 治北一百四十里 ○案即海棠城 西向

甯越營千總署 同城西向

甯越營校場 在南門外路旁有演武廳三楹

養葉坪汛把總外委二署 治北一百里

臘梅營汛外委署 治北一百二十里

靜夷塘汛 即清塘水 把總外委二署 治北百三十里 ○案外委已別徙

平垣汛外委署 治北二百七十里

河南站汛外委署 治北二百七十里

桂賢村汛外委署 治北三百三十里

向化汛 即馬日損 把總署 治北三百里

大樹堡汛把總署 治北二百八十里與經歷同駐

以上原纂  
案同治八年

同知李忠清以講武營地易民  
地一段脩署在新強鄉場中

老卡子汛外委署 治北一百二十二里

新安汛外委署 治北一百二十五里

鎮西站汛署 治北一百三十里

深溝汛額外署 治北一百八十里

青岡關行臺 治北四十里東向租銀由軍糧府徵收以資脩葺

平夷堡行臺 治北二百一十里出賃為客店租銀由軍糧府徵

收提歸公款

大樹堡行臺 治北二百八十里常時經歷借住

小哨行臺 治南五十里出賃爲客店租銀由武侯祠董事徵收  
養葉堡行臺 治北百里方輿紀要引志養葉堡在峽內平地於  
此設廚傳以禮使臣今無可考常假客寓爲之

平填行臺 治北一百七十里方輿紀要云平夷堡三十二里至  
平壩堡轎軒於此設食焉今無可考常假客寓爲之

大樹堡鹽茶關 治北二百八十里

大樹堡鐘鼓樓 治北二百八十里本城鄉中紳士游擊張福春

募脩

王家屯鐘鼓樓 治北二十里在二城間燬於夷尙未脩復

邛部宣撫司署 治北二十五里大寨前土司嶺承恩建今寓軍

糧府署東城隅

煖帶密土游擊署 治北東三百里馬日損

松林地土都司署 治西二百二十里前土司王應元建

松林地土都司舊署 治西一百六十里竹馬

天主教永安堂 一在城內正北街東向 一在中所壩下街治

南十里 光緒二十三年被鄉民  
損毀旋以罰賠議結

耶穌教眞道堂

附刊勸勿打教堂歌自古有類斯分教有教無類聖所長楊墨釋道與儒攻閱千百年迭弱強天

主耶穌泰西教創自羅馬古要荒明末西算入中國前有利艾後南湯（謂利瑪竇艾儒略南懷

仁湯若望）

聖祖數理采其說京師獨留天主堂累朝時有西人至中經雍乾至慶光兵衅開自六十載始以傳

粵稱通商通商未失中國利傳教豈爲中國傷中國欲與西人敵不當仇教在自強傳教既准入條約鬧教又自犯 王章律例向禁入西教同治九年已刪詳焚毀教堂殺教士種種中國反受傷山東鬧教膠州借拳教相仇聯軍強他如各省教案起無案不苦議賠償大百數萬小數千文移口舌費周章官吏被譏猶小車脂膏點滴民罹殃我勸華人遇西人凡事當以禮讓將西人來華有照會地方保護理所當不獨傳教與游歷稅關製造並學堂食我辛俸勤我事我亦各各用其長譬如紳富家業衆上聘師友下工商子弟家奴出相逐不奉家教家必亡我怪村兒見異服擲石毆擊衆若狂羽拳仇教罪梟首 詔旨不奉心何茫若謂教士多殘忍其說尤爲誕且荒勸人爲善其宗旨豈其害華不害洋愚夫小兒要開導仕宦紳士民之望食毛踐土懷忠義奚取鬪狠同夜郎欲新政教通時務歷年

上諭尤煌煌輪船電線通內地洋貨適用多稱良閉關自治古所有今日民教雖爲防莫如錢債少交涉否則忍氣免禍殃西人之教從者聽要策總須求自強若將賠款與教養衣有布帛食有糧設立學堂開民智語言文字通其詳開礦製器習藝事公司招股戰以商通商惠工周禮備以時措之孔道昌百行內修外交睦庶於周孔乃有光平江李氏發名論聖教得引流遐方中外一統

他日事一孔之儒休疑惶我作勿打教堂歌勸君切勿打教堂

### 陰陽學 醫學 僧錄司 道錄司均無署

同知孫鏘遵查僧道陰醫四職附陳管見稟 敬稟者光緒二十九年六月十一日案准甯遠府唐守移開奉 藩憲札開案查前奉 禮部咨開各省地方僧道陰醫四職等官飭令該管地方官遴選接充詳咨給劄一案茲查近年各屬四職請補者甚屬寥寥間有本職已故其子嗣又將舊劄任事或因冊結不符由司駁還隱匿不稟並有由縣批准未經申送請補僅給縣照任事種種弊端例應嚴行禁止以重額缺等因奉此由府移知到廳 卑職遵即循例造冊牒請彙轉在案 卑職恭查 大清會典方伎類一爲陰陽家給劄爲陰陽學以轄日者形家之屬一爲醫師或疾醫瘍醫咸屬之一爲僧道自僧錄道錄以下各部給劄擇其樸謹者爲之終之曰僧道若創立無爲白蓮等教者論如律由是觀之無爲白蓮等教非僧道不能爲今天下之所謂拳匪者皆白蓮教之餘孽也然則欲輯民生必勦拳匪必斥僧道斷斷然矣 卑職幼讀儒書服膺孔教論孟二書尤資誦習觀孔子所不語神其一也以敬鬼神而遠爲智斥子路之問事鬼神又斥其禱爾於上下神祇至於孟子一書又引孔子作俑無後之語是則今之所謂鬼神者皆孔子之所



不然也今之所謂木雕泥塑者皆孔子所謂作俑即孟子所謂象人而用之者也與職東髮受書每思一登仕版擬將以孔孟所述一一皆見諸施行及接篆以來事乃有不能行者如陰陽家學以及僧道孔子之所謂攻乎異端者也然救護日月祈禱晴雨以至迎春等事若輩皆有職司矣上年拳匪滋事迭奉 前督憲札飭稽查寺觀與職方將出不嚴禁舉所謂陰陽僧道以及端公邪術而概禁之既竊自念上未奉有 部文下未開除差使不得不因而中止今年科場期迫又奉飭解陰陽學費矣今又奉 准部咨飭查僧道陰醫四職額缺矣陰陽學費已由與職墊解勢不能不札飭該陰陽學催繳以符定例而該學仍取之民間端公其陋規所得何止加正款十倍今若欲令僧道陰醫四職報名領照上下衙門豈無規費彼四職無指石成金馱米成珠之術則一切規費仍不免取之民間此尤彰明較著者也惟醫學一道外洋設有專官醫科大學又分醫學藥學等科而大小學堂又必設一堂醫其視醫學至矣盡矣我中國因陋就簡太醫院醫方早為世所詬病而各省會垣亦未聞有著名醫師其他各府州縣概可想見凡充官醫者類皆下駟之材資緣門丁即便入選而官幕有疾別待招延若能設立醫學學堂講求中西醫理將登斯民於仁壽造福正未有艾也與職嘗讀曾文正江甯府學記以為漢初不能革秦時諳時聖王祀天

大典方士奪而領之又云方士稱天以侵禮官老子之所不料粵匪稱天以恫羣神又道士輩所不及料也今粵匪之難如彼而拳匪之亂又如此然則所謂陰陽僧道諸職官宜禁錮之不暇又豈忍令借受職名目致拳匪恃爲護符而有冷灰復燃之慮哉身聯一介庸愚忝膺邊要不能比范希文以天下爲己任而竊取顧氏炎武天下興亡匹夫與責之義懷欲陳之而未有路茲奉前因用敢據生平所見一貫拳拳之愚倘蒙 憲恩采擇據情上請以正禮官而弭拳禍則天下實受其福已所有遵查僧道陰醫四職並附陳管見緣由理合稟請 憲臺俯賜察核批示祇遵爲此具稟須至稟者

月  
卷  
三  
身  
四  
一

越嶺廳全志卷四之二

田賦志

通志越嶺廳舊管本色秋豆田山地六十六頃三十二畝三分二釐徵倉斗淨米豆九百七十五石一斗二合六勺

越嶺營徵邛部宣撫司雜糧三百五十石所屬土目九名共糧折米一百二十二石二斗賦乃管下頭目十名共雜糧二十九石三斗三升

甯越營徵松林地等土千百戶七員共雜糧四百四十七石三斗舊額自康熙六年起至雍正五年止

本色秋田二十一頃一十五畝一分四釐一毫三絲二忽六微三

塵 每畝應徵倉斗米一斗五升七合八勺九抄四撮七圭三粒  
七粟 共徵倉斗米三百三十石零九斗六升九合六勺八抄三  
撮四圭三粒四粟

雍正七年奉文丈增

籍田四畝九分不徵糧米外本色屯田三十二頃八十六畝五分  
三釐一毫七絲五忽五微二塵 每畝應徵倉斗米一斗五升七  
合八勺九抄四撮七圭三粒七粟 共徵倉斗米五百一十八石  
九斗二升六合六抄七撮一圭二粒九粟

豆田三頃一十三畝三分五釐二毫三絲五微一塵 每畝應徵  
收倉斗豆一斗五升七合八勺九抄四撮七圭三粒七粟 共徵

倉斗豆五十石一斗零一撮六圭二粒九粟每豆一斗折米一斗  
山地九頃一十三畝三分五釐二毫三絲四忽九微一塵 每畝  
應徵倉斗蕎一斗五升七合八勺九抄四撮七圭三粒七粟 共  
徵倉斗蕎一百四十四石二斗一升三合五二抄八撮九圭五粒  
每蕎一石折徵米五斗共折徵米七十二石一斗零六合七勺六  
抄四撮四圭七粒五粟

本色秋屯豆田山地共六十六頃三十二畝三分二釐五毫四絲  
四合 共折倉斗米九百七十五石一斗零二合五勺一抄六撮  
六圭六粒七粟按年徵收撥支越舊營兵食

雍正七年山山鳥夷人認納雜糧折色銀三兩九錢九分按年徵

收撥支越甯營兵餉

附載舊志

雍正七年 懇准部覆通共舊新開墾屯秋豆田山地六十六頃一十四畝六分七釐六毫八絲七忽一微五塵新舊承糧花戶一千二百三十八戶共二萬一千六百九十六塊並無上中之田只是下田應徵倉斗米並蕎豆糧一千四百四十四石四斗三升二合六勺六抄四撮九圭六粒五粟奉文撥支甯越兩營兵食隨收隨放並無別項錢糧

又欽奉 上諭事案內積年捐倉穀三十三石三斗

此筆疑重

又重農案內捐穀四十七石八斗 又借出息穀二十一石六斗

五升五合五勺

又請停松潘捐納等事案內捐納監生穀四百石三案並出息穀共九百零二石一斗五合六勺收貯在倉並無虧空

新收

嘉慶十八年奉文清查 新墾陸科下田二十六頃一十三畝七分 每畝收徵銀三分七釐八毫共徵銀九十八兩二錢七分五釐一毫二絲 新墾下地一百六十四頃一十三畝 每畝徵銀一分二釐六毫共徵銀二百零六兩八錢零三釐八毫共徵丁條糧銀三百零四兩九錢五分三釐一毫

自嘉慶十九年徵收起按年留支驛馬舖司工食不敷之數仍赴



藩庫找領

以上  
原案

補附甯遠府志

一越鶴廳田賦原額版籍無存自康熙六年至雍正五年以前  
舊載原額本色秋田十四頃九十六畝九分九釐一毫六絲  
六忽一微五塵

每畝徵米一斗五升七合八勺九抄四撮七圭三粒七粟

共米二百三十六石二斗零九合二勺九撮七圭五粒一粟  
又自雍正七年奉文丈增田六頃一十八畝零五釐三毫四絲

四忽四微八塵

每畝徵米一斗五升七合八勺九抄四撮七圭三粒七粟

共徵倉斗米九十七石五斗八升七合三勺八抄六撮一圭  
一粒四粟

豆田三頃一十七畝三分一合

共徵倉斗豆五十石一斗五升七合八勺九抄四撮七圭三  
粒七粟

又雍正六年西番向化案內認納蕎糧一百四十六石一斗折  
徵米七十石八斗又曲曲烏夷人認折色草糧銀三兩九錢  
九分

以上米石銀兩俱係按年徵齊撥支越嵩營兵米  
府志  
新增  
現年額征地丁銀兩數目並盈餘實數

一本廳每年額征地丁庫平銀叁百零肆兩玖錢伍分叁釐壹毫

內除

上官  
六格

夷目

約  
草札  
一姑

地丁銀肆拾兩無閏無耗

又除書院義學田應納地丁銀四兩五錢五分四釐向由廳員  
自納無閏無耗

共餘銀貳百陸拾兩零叁錢玖分玖釐壹毫每地丁壹兩加收耗  
銀五錢每年共收耗銀壹百叁拾兩零壹錢玖分玖釐伍毫伍  
絲

遇閏每兩加收銀柒分共收銀拾捌兩肆錢柒分玖釐叁毫柒絲  
每年連收 上官  
六格 夷目應上地丁銀四拾兩並書院義學田

應上地丁銀四兩五錢五分四釐

總共收庫平銀四百三拾五兩壹錢五分二釐六毫壹絲

一每年解地丁庫平銀叁百零肆兩玖錢五分叁釐壹毫

遇閏加解庫平銀拾陸兩五錢二分零玖毫

一每年解地丁火耗庫平銀四拾五兩柒錢四分三釐

遇閏加解庫平銀貳兩四錢柒分八釐

本廳地丁向由司庫於請領役食內坐扣故無解費

以上除解費外實盈餘銀捌拾四兩四錢五分六釐五毫五絲  
實因缺分瘠苦每年以此項盈餘津貼薪紅紙張賞號房書紙  
筆口食催差盤費口食之用

又每年徵收屯秋糧米捌百零五石陸斗柒升備支越窩營正二

三四共四個月制兵月米

又每年應徵番民地蕎壹百叁拾式石式斗陸升備支越嚮營制  
兵月米蕎壹百肆拾石折合米柒拾石

又每年應收本城金馬山義租穀壹百伍拾伍石伍斗向由軍糧  
府署派書催收發給義館束脩光緒二十八年同知孫鏘撥歸  
學堂由學董派人往中所填催收

一水沖無着糧米共貳拾柒石伍斗零玖合

以上  
新增

### 附稅契

額征田房稅契銀玖兩陸錢貳分 外加添平火耗解費銀壹錢  
肆分貳釐貳毫伍絲 共銀壹拾壹兩零陸分貳釐貳毫五絲

加增田房稅契銀壹百兩 外加添平火耗解費銀壹拾伍兩共銀壹百壹拾伍兩

新增田房稅契銀壹百零玖兩柒錢貳分壹釐貳毫 外加添平火耗解費銀壹拾陸兩四錢五分捌釐壹毫八絲 共銀壹百貳拾陸兩壹錢七分九釐叁毫八絲

附倉廩

常平倉倉斗穀三千二百九十一石四斗六升九合四勺 蕎一  
千零三十七石六斗一升八合  
監倉倉斗穀一千零三十七石六斗 蕎一千五百石常平倉於  
欽奉等事案內捐輸倉斗穀三十三石三斗

又重農等事案內捐輸倉斗穀五十七石八斗請停等事案內捐  
輸倉斗穀五百六十二石三斗八升九合二勺 蕎二百三十  
七石六斗一升八合 又遵

旨詳諭事案內捐輸倉斗穀一千一百石 蕎八百石

又題明事案內存剩軍米易倉儲斗穀三百零四石一斗三升八  
合六勺 又借給出息倉穀二十一石六斗零五合六勺

又稟明等事案內土千戶嶺瑞祥計俸罰米易穀三十七石四斗  
七升二合

又循例等事案內土千戶王朝相計俸罰米易穀三十七石四斗  
一升二合

又循例等事案內土千戶嶺金玉計俸罰米易穀三十七石四斗一升二合

實在常平倉倉斗穀二千二百九十一石六斗一升八合

監倉於欽奉 上諭事案內捐納監生倉斗穀二千零三十七石六斗 蕎一千五百石

常監二倉共存儲穀四千三百二十九石零六升九合四勺 蕎二千五百三十七石六斗一升八合

咸豐三年六月初八日奉文賣常監倉斗穀三千石解濟軍餉

附 府志載越嶺常平監倉穀蕎共六千八百二十九石貳斗六升八合二勺



光緒二十九年除歷任稟准動碾濟荒未買備案外實存常監倉

斗穀二千八百二十三石七斗九升七合三勺新

附各款

聖廟 山川社稷各壇 共祭銀一十六兩 武廟祭銀十

四兩 厲壇祭銀二兩

嘉慶五年加增 聖廟 武廟 祭銀二十兩

嘉慶七年加增 文昌宮祭銀十四兩共銀六十六兩

咸豐四年 文昌宮 武廟各加一祭案每年除扣外實領銀伍拾肆兩壹錢肆分

同知俸銀八十兩 養廉銀七百二十兩案每年除扣使費外實領銀肆百零捌兩

經歷俸銀四十兩 養廉銀九十兩案每年除扣使費外實領銀壹百兩

照磨俸銀三十一兩五錢二分養廉銀九十兩

○案每年除扣使費外實領銀玖拾叁兩叁錢

訓導俸銀四十兩

○案每年除扣使費外實領銀叁拾壹兩陸錢

廩生十五名每名三兩二錢閏月加增

光緒十三年增廩生五名

同知額設典吏六名咸豐四年增設倉房夷務房各一名 門子

二名 捕快八名 皂隸十名 傘扇夫七名 竹作一名

每名歲支工食銀六兩 學習忤作二名 每名支工食銀二

兩 民壯二十名 每名支工食銀八兩 禁卒八名 更夫

五名 斗級一名 倉夫一名 每名工食銀六兩

鋪司二十九鋪共鋪司共八十七名每名銀六兩奉文裁減留

十分之二每名月給銀一錢

驛馬十二匹每匹日給草料銀六分

馬夫六名每名日給工食銀四分六釐

經歷 攢典一名 衙役六名 每名歲各支工食銀六兩

訓導 攢典一名 門斗一名 膳夫一名每名工食銀六兩

照磨 攢典一名 衙役二名 每名支工食銀六兩

以上各款皆赴藩庫請領

監犯自招審後日給米八合三抄鹽菜銀五釐歲給棉衣一件

四錢七分單衣一件 合銀一分赴臬司請領

孤貧口食歲無定額有則詳請撥支

道光二十九年同知繆榮吉因案罰給款項提苞穀捌石給養濟

院 以上俱  
原纂

同治九年五月同知李忠清任內據孀婦耿張氏將坐落望碑塘

山地一段捨入養濟院招佃收租每年收苞穀五石 新  
增

同治九年貴州提督周達武捐銀貳千玖百兩買西街公館一所

餘銀買田北鄉交紳士培補鎖夷橋 ○案此項租米每年共收壹拾壹石  
肆斗現歸軍糧府催收以資培脩 南

鄉租粒存署給孤貧

案曰南關外養濟院孤貧二十名每名每月給口食錢叁百

五拾文又自姚前任以後新增孤貧二十名每名每月由歷

任捐廉給錢伍百文光緒二十九年余在任時無論住院與

否不分新舊每名勻給錢肆百貳拾伍文以昭公允

附權政

康熙六年四川巡撫張德地請裁止越嶲等處商稅疏略查得建邊五衛僻處遐荒舟楫不通陸路險遠漢番雜居古稱不毛越嶲每年徵報甚寡相應裁減

府志  
新增

廳屬向無碾榨磨課歷請寬免

咸豐十年冬季起每年攤解洋藥釐金銀伍百兩平餘銀拾五兩共銀五百壹拾五兩因越嶲不產煙土無從抽收歷請寬免

釐金局自夷務蠶起道路時滯咸豐六年冕山凱旋後經甯遠府史成都府強會銜出示權取客商釐金募丁送哨旋即停止

咸豐十年剿撫南箐後越嶲同知周岐源仍飭紳士於北關外五

穀寺設局權取客貨釐金募丁送哨旋即停止

同治五年同知梅震煦仍飭紳士於南關外萬壽宮設局權取客貨釐金募丁送哨鍊團防禦次年五月停止

同治九年同知李忠清稟設百貨釐金局權取行商各貨俱照甯遠府章程各取其半由省局派委員徵收年滿替換釐票亦由省局請領轉給客商權取之項支發定越營勇丁越甯保三營防兵及土兵口食之半

委員另有薪水上下書役及南北局書識巡攔各有口食

總局設北城正街每遇三月蟲會蟲商雲集另設局檢視添設南北兩路以助檢查各添書識巡攔並添河道書識巡攔分防小路

走青原... 年四...  
權無常額每屆徵收多寡經管委員同越嚮同知會算彙報

光緒三年奉文上下書役減去三分之一每月權項運省繳庫應

發兵勇口食仍由越嚮廳同知備文請領

以上原纂

十七年前甯遠府知府唐承烈稟請貨釐減收一分土釐裁去

二十一年署甯遠府知府趙恩祐同委員候補知府李常需會稟

請將釐金歸併越嚮廳兼辦貨釐再減一分局費又多裁減

二十五年冬越嚮廳每年攤解酌盈劑虛銀捌百兩三十年正月

釐金局改委候補同知柏震蒸徵收經署越嚮同知陳啓昌稟請

批准加津貼銀壹千兩並邀免酌盈劑虛銀捌百兩

三十一年正月改委候補同知蹇念恆徵收是年三月奉文以釐

# 局委員兼署越甯廳同知

以上  
新增

兼辦釐務越甯廳同知孫鏘稟稿敬稟者光緒二十九年九月二十四日奉釐金總局札開案奉  
憲台札開照得川省釐金弊竇太多抽收日絀各局卡督辦委員等如果實力奉行應有起色何以  
時閱一年未收實效今與羣吏約各將本局卡積年弊竇和盤托出限文到十日據實徑稟等因  
奉此 本總局不追既往只勵將來至經此次清厘更定章程以後專收之員立即照章詳請給  
獎或差或缺決不令奉公潔已者致嘆向隅慎無含糊稟覆致干詳議等因奉此卑購竊查卑局  
自同治九年蒙 前憲臺吳 札委候補直隸州呂牧輝開設每月委員薪水銀壹百兩幕友書  
巡薪水火食支歲叁百肆拾餘千文委員薪水折合制錢二共坐支錢伍百肆拾餘千文至光緒  
三年委員候補知府劉守慶咸經征期內奉 前憲臺丁 整頓釐金委員薪水銀陸拾兩幕友  
巡書薪水火食支錢貳百九十餘千文委員薪水折合制錢二共支錢肆百餘千文至光緒十七  
年前任甯遠府知府唐守承烈稟請貨釐減收一分土釐裁去以廣招徠至二十一年署甯遠府  
知府趙守恩祐釐局委員候補知府李守常需會稟請將釐金歸併卑廳兼辦貨釐再減一分局



費又經裁減幕友薪工火食只支錢壹百陸拾餘千文內又奉文提解局用一成錢壹拾陸千餘文每月只支錢壹百肆拾九千餘文比諸開辦之初已減四分之三矣又奉文加收三成菸酒釐金至二十六年又奉文再加菸酒釐金一倍至二十八年又奉文加收茶糖菸酒三成釐金均係核實征收半年彙解一次並無各項陋規伏查粵廳爲建南通衢東西盡是夷巢凡小本營生之商販均皆熟知定章絲毫不能多取至陝幫布店過布均以紅崇爲憑由建城布店繳釐大約兩月之久方完上月之釐是以大而布號小而行商皆知有一定章程按期過哨與內地商販任意遊行者不同故驗貨驗票過稱過秤補水諸名目粵局向來所無惟補底一項每月隨報在案至粵局釐金原以支發防兵防勇士兵夷兵等項餉需口食銀錢兩項分別報銷向章每錢壹千肆百五拾文合銀一兩自光緒二十八年十二月初一日起每錢壹十五百文合銀一兩而每銀一兩遵提學務處經費銀壹錢其錢易銀之盈餘久已照章申解在案此粵局並無別項陋規之實在情形也所有粵局奉札遵查一切進益和盤托出緣由理合稟請 憲台俯賜察核示遵爲此具稟須至稟者

計開每年支欸

一 每年定越營幫辦弁勇等以全年六大建六小建計算除扣四分湘平外共應發庫平銀壹萬壹千七百叁拾五兩陸錢五分四釐四毫

一 每年越甯保三營征兵以全年六大建六小建計算除扣六分平外共應發制錢捌千陸百二十四千七百四十四文

一 每年土目土兵等以全年六大建六小建計算除扣六分平外共應發庫平銀貳千七百七拾陸兩壹錢捌分四厘捌毫壹絲肆忽

一 每年越甯保三營看路夷兵口食四季分除扣六分平外共應發庫平銀壹千叁百伍拾叁兩陸錢

一 每年夷人上班口食四季分除扣六分平外共應發庫平銀壹千叁百壹拾陸兩

一 每年卡禁夷酋曉昨石達二名月給銀壹兩肆錢全年除扣六分平外共應發庫平銀叁拾壹兩五錢八分四釐

一 每年保安營卡禁夷人更夫口食燈油除扣六分平外共應發庫平銀壹百壹拾貳兩零七錢三分式釐

一每年大渡河義渡由局攤解甯遠府約錢陸百千文

附歷年辦理釐局委員姓名

同治九年呂輝 十年李春沛 十一年李仲蕃 十二年王應芝 十三年李含中 光緒元

年陳鴻祐 二年曹貽慶 三年金椿 四年劉慶咸 五年李宗燁 六年王之同 七年慶

善 八年彭鈺 九年吳佐 十年何良卿 十一年李宗燁 十二年文奎 十三年熊紹璜

十四年十五年十六年文奎 十七年十八年金椿 十九年張士英 二十年李常需 三

十年柏震蕃 三十一年蹇念恆

案曰越鴛爲四邊之一每歲給津貼銀貳千兩內地糧戶每  
年有津貼捐輸新捐各項解款而越鴛等廳則否其爲瘠苦  
可知咸同之交夷患猖獗始有權釐保哨之舉然亦時行時  
止至同治八年後稟設百貨釐金局爲歷年知府之優差光  
緒二十一年釐金收數日微始稟歸同知兼辦二十五年冬

通省辦理酌銀劑虛而越鷓廳缺亦派提酌盈劑虛銀捌百兩蓋以爲兼辦釐務必有益餘可資挹注也三十年春又派委員管局於是署同知陳啓昌曉東瀝情上請始加給津貼銀壹千兩並裁去酌盈劑虛銀兩而越鷓一缺共實領津貼銀叁千兩矣三十一年春遵義蹇念恆仲常接管釐局又奉文兼署越鷓同知前後十三月間而釐局又歸兼辦夫釐金助餉創自湘軍當年奏辦之初本擬事平卽止因循日久遂貽外人口實而免釐加稅又復衆議紛紜今雖尙未實行將來立憲議成必有停徵之一日無疑也越鷓界在夷疆從無鉅商大賈除六家布號外大都負販營生自洋貨暢行布商

受紕釐金亦大減色儻或寬征商旅於庫帑所損無幾而邊  
旅之受患甚多矣甲辰以後事所衆知回溯開辦以來幾四十  
年具詳余稟稿中既附歷年委員姓名因併敘述其大要云

以上  
新增

城鄉斗市向無定額咸豐三年同知呂端玉酌定章程城鄉共十

九場權錢五百千支支給往來大小流差

互詳屯  
田志

各鄉場市牙行權取無多每年所徵之項埒入各場斗市

三費局同治十年奉建昌道通飭仿仁壽射洪二縣章程各廳州  
縣俱設三費局豬肉一斤權錢二文每豬一隻繳釐金錢貳百文

○案牛一隻加倍抽錢四百  
文羊一隻減半抽錢一百文

廳城設總局一所揀派紳董督局丁里正掣票催錢每紳月給薪水錢貳千文局丁與里正各一千五百文每鄉場中所填 王家屯 海棠 馬日損 紫大地 大樹堡各二人紳董薪水口食如總局

每月會算一次歸入總局備命盜兩案屍廠招審解差路費各項支用凡有命案更不累及民間

以上原纂

光緒二十七年冬奉文因賠款加抽豬釐照加一倍除前地外又有白泥灣 保安 河南站 海耳挖 納耳填等處每年由總局催收繳署按分兩季申解藩庫每年遵章限收銀伍百捌拾玖兩伍錢伍分玖釐伍毫壹絲

廳屬向多燒房烤煮苞穀歷年由照磨廳奉文查禁所得陋規約  
有錢五六百千文光緒二十八年擬開學堂紳士稟請仿照甯遠  
府研經書院成案區分大小各戶給照開榨每戶繳釐以充學堂  
經費三十年案奉

練兵處攤派經費四川創辦各廳州縣酒釐由釐金總局通飭一  
律辦理廳屬酒釐遵章申解每年共解錢叁千伍百叁拾貳千文

以上  
新增

越巒廳全志卷四之三

戶口志

唐書地理志巒州九縣戶四萬七百二十一口十七萬五千二百八十 舊志載明季原額人丁戶口並無稽考

國朝康熙六十一年甯遠屬戶二千八百三十八

雍正六年四州縣四衛所實戶一萬四千七百五十

自順治初年至乾隆五十一年戶口卷宗爲是年五月初六日  
本廳地震科房坍塌繼以大雨淋淫糜爛不全無從查考

嘉慶元年以後越巒廳原額增添共一萬三千七百三十七戶男  
四萬七千九百六十一丁婦三萬三百三十二口共男婦八萬八千二



百六十四丁口志通 越鷲營邛部宣撫司管夷民二千一百九十

六戶 甯越營煖帶密等土千百戶九員共管番民四千六百七

十二戶志通 嘉慶十九年松林地土千戶王朝相所轄夷地招佃

開墾首報升科佃耕漢民共五千五百二十八戶男一萬二千一

百四十六丁女八千六百三十七口志通

道光年內年終彙報許達等八千零六十三戶男二萬二千七百

零七丁女一萬九千九百五十七口共四萬二千七百一十七丁

口志舊 今據現在同治四年至十三年編審戶口共一萬零四百

五十三戶男二萬六千三百二十七丁女二萬三千二百五十一

口共男婦四萬九千五百七十八丁口以上原纂

光緒三十一年編審戶口彙報民數一萬零九百二十二戶男二萬八千九百九十五丁女二萬四千五百口共男女五萬三千四百九十五丁口

續纂

案曰右續纂所載光緒三十一年戶口數蓋卽戶書每歲承辦之數也余在任時詢其冊上姓名早已等諸憑虛烏有方欲舉舊冊改而更張之戶書力持不可以爲一經更易恐被駁也竊謂果以實報應無不可稟請更正者况

國家飭辦學堂必行強迫教育而欲行強迫教育決非先與料民不可因略仿紀大奎氏門牌式恭載

聖諭十六條於上而以淺明告諭附於下後又詳開戶口全式俾越

馮夷番各民均知教化庶於撫夷之道不無小補正擬印發  
余旋以事去矣空册具在尙未實行茲姑將門牌之式附載  
於卷後之君子或以爲可採焉推而行之則強迫教育之基  
礎其卽寓於此乎

聖諭十六條

軍糧府係 爲 照得人性本善漢夷大抵相同必須化導有方始克咸歸於善

第壹條敦孝悌以重人倫

本府身爲民牧德薄材疏雖意切勸人未能家至戶說特參古法另刊門牌合給簡明告諭爲此諭仰各地軍民番夷人等遵照須將現給門牌各黏門壁互

第貳條篤宗族以昭雍睦

相勸導庶人心正風俗厚上蒙天佑下保身家矣無違特諭一天地君親師至重至尊不應在家褻瀆若各家先代祖父忌日宜設位供饌

第叁條和鄉黨以息爭訟

一家之中不應分畧若父子夫妻各自分居尤爲惡習切宜戒之兄弟猶之手足同心可禦外侮若聽信婦女口角與訟必予重辦

第肆條重農桑以足衣食

墳墓田宅錢債不宜貪佔便宜買契佃約尤宜清楚一經滋訟得不償失婦孺改嫁律所不禁若招夫上門最多後患至兄弟轉房尤必照律嚴辦

第伍條尙節儉以惜財用

人能識字可謀衣食有子孫者各宜送入學堂教以規矩方不玷辱父母一斗稱務要公平若明瞞暗騙枉積銀錢不遭天災必生敗子

第陸條隆學校以端士習

一鄉鄰非親即友有無相通守望相助各宜和睦門戶火燭各自小心一漢夷一體民教相安即是地方之福若習拳仇教罪在不赦欺壓番夷宜防

第柒條黜異端以崇正學

報復一十家互相保護如有窩留匪賊逞凶誣害等事准予稟究如扶同徇隱罪坐

第捌條講法律以儆愚頑

首人光緒二十九年十月 日給牌民 年 歲 爲業

第玖條明禮讓以厚風俗

父年 歲 母年 歲

第拾條務本業以定民志

妻 人 兄弟 人

第拾壹條訓子弟以禁非爲

女男 人 孫男 人

第拾貳條息誣告以全善良

團首 保正

第拾叁條誠匿逃以免株連

第拾肆條完錢糧以省催科

第拾伍條聯保甲以弭盜賊

第拾陸條解離念以重身命

越巂廳全志卷四之四

蠲緩志

康熙二十五年欽奉

上諭將康熙二十六年應徵地丁各項錢糧全行蠲免三十二年  
欽奉

上諭將康熙三十三年應徵地丁銀米通行蠲免四十二年恭逢  
恩詔將康熙四十三年應徵地丁各項錢糧通行蠲免

四十九年欽奉

諭旨將五十年應徵地畝人丁銀兩全免並免徵歷年舊欠  
雍正七年欽奉

上諭事將庚戌年額徵地丁銀兩悉行蠲免自庚戌年始凡遇特恩蠲免錢糧者其耗羨仍舊輸納若因水旱蠲免者不得徵收耗羨永爲定例遵行

乾隆元年覆准四川甯遠所屬等處地方居近邊荒積貯雜糧性不耐久應每年糶半存半偶遇歉收酌量借糶乾隆十年欽奉

上諭將丙寅年地丁錢糧通行蠲免三十五年欽奉

上諭將辛卯年地丁錢糧通行蠲免三十八年奉文因金川蕩平分辦夫米之州縣欽奉

上諭將乾隆三十八年應徵地丁銀米緩至三十九年帶徵三十九年甯遠所屬之越嶲廳緩征三十七年夷賦酌免十分之三並

將三十九年夷賦再免十分之三四十年越巒廳等廳州縣四十年分前經酌緩十分之五錢糧內蠲免十分之三其各營縣番民認納銀米前已降 旨緩征著並將該年夷賦一體按照分數蠲免俾民番均得普沾實惠四十二年奉

上諭因

聖母九旬萬壽大慶將乾隆四十二年應徵地丁糧米通行蠲免四十八年奏酌留未經變價義穀存貯以資接濟越巒廳常平監倉穀蕎共六千八百二十九石二斗六升八合二勺五十五年奉

上諭因

皇上八旬萬壽恩詔通免天下錢糧並令紳士富戶概行減息收



租六十年奉

上諭因傳付事恩詔普免天下錢糧

嘉慶元年奉

上諭因傳付事自嘉慶元年始將地丁糧米分作三年輪免十分之三二年輪免甯遠等府屬七年越嵩等廳州縣著加恩蠲免地丁十分之一二十五年恭逢

皇上六旬萬壽錢糧蠲免十分之二

道光七年奉文因西陲用兵辦理夫馬事欽奉

恩旨將道光八九年錢糧蠲免並免道光六七兩年錢糧十分之

四

以上就原  
纂節存

越嚮廳全志四之五

驛傳志

越嚮河南站康熙四十一年調東路資陽縣驛馬六匹馬夫三名  
安設河南站調榮縣驛馬六匹馬夫三名安設越嚮衛城共驛馬  
十二匹每匹日給草料銀六分歲共支銀二百五十四兩八錢八  
分遇閏加增銀二十一兩六錢 共銀二百八十七兩零七分二  
釐馬夫六名每名日給口食銀六分四釐扣算按年赴藩庫請領  
支給

凡倒斃馬一匹買補價銀八兩棚廠草鏹每年每匹支銷銀一兩  
四錢二分凡斃馬匹皮臟變價銀兩解儲按察司庫聽候撥支隨

時遞送公文咸豐四年奉文裁去塘馬只留鋪遞

利濟驛廳北五十里鎮西驛廳北二百二十里新驛廳東北路

通峩眉皆廢

附鋪遞志 附里塘

廳城底鋪 小孤山 陶家營 炒米關 觀音巖 小哨

長老坪 偏橋 天王撥 通濟撥 獐獍河 青崗關

利濟站 鳳凰營 腊關頂 腊梅營 清水塘 鎮西站 即古東路

海棠 煎茶坪 礮廠 平壩 大灣 平夷堡

河南站 曬經關 大樹堡 臨河堡 桂皮羅

以上二十九鋪共鋪司兵八十七名每名日給工食銀六分奉文

裁減酌留工食銀十分之二每名每月給工食銀一錢共支銀一百四兩四錢遇閏加增銀八兩七錢按年赴藩庫請領

越溝營塘房十三處 附里塘煙墩哨樓數目

小孤山塘 陶家營塘 炒米關塘 觀音巖塘 長坪塘

長老坪塘 黃草坪塘 偏橋塘 相嶺頂塘 天王撥塘

通濟撥塘 猓羅河塘 青崗關塘

保安營塘房五處

宰夷撥塘 連三營塘 鳳凰營塘 梅子營塘 腊關頂塘

甯越營塘房十九處

蔡葉坪塘 腊梅營塘 清水鋪塘 鎮西站塘 陡坡頂塘

- 煎茶坪塘
- 分水嶺塘
- 礮廠塘
- 平
- 琪塘
- 河南站塘
- 平夷堡塘
- 八里堡塘
- 李子坪塘
- 大灣塘
- 白馬堡塘
- 曬經關塘
- 大樹堡塘
- 臨河堡塘
- 桂皮羅塘
- 共塘房三十七處
- 每塘烟堆一座
- 階樓一座

明富好禮脩路議據越嶺衛指揮程昱將從鎮西千戶所起至灘狹地舊路開闢直抵我眉縣以  
 至四川省城避出大渡河與相公嶺之險據指揮僉事丁鰲議鎮西千戶所以至四川省城中間  
 水則有大渡河山則有大相公嶺天塹地險自古生成每年春秋二季大渡河水湧瘴發行人斷  
 絕雖有緊急聲息亦莫能通此其為害一也間有不得已而行者之遭風濤之限則惟嵐瘴之災  
 流屍積谷無歲無之此其為害二也相公嶺高五六十里四時多雪晝日晦冥非遇晴明羣日數  
 十人則不敢過哨期一月三次行者未免遲滯其嶺盤石折層疊之險多不可名亦有湍流人常  
 病涉此其為害三也過此則河南站兩旁皆西番巢穴中通一綫之路雖有關堡防備奮夷出沒  
 無常未免遭其掠劫此其為害四也伏觀聖政記內一款洪武十七年七月景川侯曹震言四川

至建昌驛道所經大渡河往來之人多死於瘴癘開闢諸父老自眉州峩眉至建昌古有驛道平易可行無瘴毒之患年久蔽塞已令四川省人民開通以溫江至建昌各驛各馬移至峩眉新驛爲亟俱從之今據前程是亦修廢舉墜之意爲照此路一開大渡河與相公嶺山水之險俱可以避出沒聲息緩急可通風波瘴癘不能爲害活人不計其數又得避出河南站一帶深箐而西番劫掠之患不禦而自無矣去四害得四利較之舊路反近二三百里日日可行不必守候哨期又一利焉且原有舊迹更不勞民傷財去彼四害就此五利實地方之福也

明余承勛修復越嶲東路記越嶲當西南彝孔道自漢武鑿靈山橋導孫水以通邛笮厥後孔明渡瀘南征隨史萬歲由石門以通南詔唐韋臯置清溪關以和羣蠻所出雖異而石門清溪則今黎鷓扼塞皆謂之南征道也然關梁徒治邊計益嚴故遠人踴險阻犯瘴癘穿番落一綫微路弗諧凡病矣嘉靖己亥冬憲使宮夙好禮按部黎越備豫之暇察山川險夷寒暑災祥凡可幹利害綏遠人者咸經理之弗遺乃謂大渡古瀘水也孔明嘗五月渡瀘維其時炎濤噴霧禽獸避匿雖軍書驛騎交馳於津喉間亦必候暑退瘴消而後敢渡河通走集焉相公嶺亦號自孔明嶼巖巨壑鳥道盤空窮陰凝閉集雪不消其中黠鴞驚湍諸番每乘以爲亂故非晴期則羣百數十

人弗敢過也嗚呼天慳鬼闕動遭不測讖邊者顧弗思以處之何耶於是乎請於富路中丞李公  
欽侍御董公珊曰國初景川侯曹震來蜀謂是古驛道以通越巂蓋利其風候宜人番酋嚮順履  
坦而道捷爾今廢道之陳迹具在盍圖而治復之僉曰審邊土利害而趨避之日善籌邊者也富  
公乃命甯越指揮丁鰲者率諸邊土自嶺西之首塗隨山刊木緣獾洞之境而東之則頓關有  
遺戍絕谿有遺梁標界有編識種落有遺蹟約費省勞故不數月而遂達於犍眉之麓爲通達矣  
然復程遠邇經度宿衛而盤夫善後計焉凡爲戍堡六曰小菩薩曰黑麻溝曰一碗水曰板房曰  
金口爲八館四曰舒快曰老木坪曰獾洞曰射箭坪凡堡館閒置連落三百餘里每堡從越巂衛  
軍十人每館設馬五匹箭射則編犍眉民夫五十人獾洞則土民五十人舒快木坪則各越巂二  
十五人仍各置一人總領之以防守焉若兵械戎饌供帳什器之數所在靡有弗備設有警則聲  
援相望遠害而謀近利焉故人樂趨之至大渡河故道弗敢閉亦弗敢失守若古黎之南北二道  
惟遠人審趨避焉爾或曰天設之險人謀恐未足以勝之是路謂審利害而趨避焉果天耶人耶  
不然籌邊之計創始難克復亦不易苟易爲力而且利焉若草臯之治復石門道者天實相之患  
後之人畏難無所於述焉爾是故天寶中李白作蜀道難以刺嚴武寓天險也陸暢更作蜀道易

以美章皇萬人謀也求之乎美刺之實則蜀道之難易在人弗在天也人謀弗可以勝天險已乎  
富公則皇之儔也經略西南疏逃不閉治道乃其一端爾故樂爲記之以俟議邊者 以上二  
篇從藝文內拾入

案曰馬舖之設由來舊矣積久弊生屢多延誤光緒二十六年秋冕甯縣屬干相營夷務公文緊急當由

甯遠府唐 函稱沿途設立臺站刊刻排單設立臺站所派  
書挂號登記遇有上下排單選派妥勇不分晝夜依限飛遞  
毋許逾延所有分設處所及限定時刻附記於後

第壹臺設省城大有巷駐省銅站送至雅州府城計程三百六十  
里限二日到

第貳臺設雅州銅務轉運局送至大樹堡水勇計程三百六十里



限三日到

第叁臺設大樹堡義渡送至甯越營都司衙門計程一百四十里  
限一日到 開支錢一百四十文

第肆臺設海棠送至越窩廳衙門計程一百四十里限一日到

第伍臺設越窩廳衙門送至冕甯縣屬之深溝保哨營幫帶計程  
一百三十里限一日到

第陸臺設深溝送至瀘沽保哨營後哨計程七十里限半日到

第柒臺設瀘沽送至甯遠府署銅局查收計程一百二十里限一  
日到

第捌臺設甯遠府署銅局遇有公文起發送至瀘沽以次倒推不

得違誤

又案越鸞廳署內大堂下設立臺站所一處向歸兵房吏書按旬輪派一人兼充站書遇有公文到所卽將所到月日時刻角數臺勇姓名登記號簿又於定越營中哨挨棚派勇二名遞送五日一換進站給錢叁百文出站給錢肆百文均由軍糧府署捐給其大樹堡義渡水勇內撥二名充臺站其路費作正開銷此等公文軍務平靜卽可停止近日郵政已通一切函信較臺站尤爲妥速他日各省郵局收回地方自辦不獨臺站可廢卽鋪遞亦可廢矣

以上  
新增

清  
各  
房  
之  
三  
元  
■  
身  
口  
心  
三  
一

越甯廳全志卷五之一

學校志上

儒學治西南明越甯衛學後記 國朝康熙二十四年越甯衛守備毛暉建三十年遷建東門外後燬仍遷城內西南教授蒞佐堯所修設教授一員復設訓導一員嘉慶十三年奉文教授改撥甯

遠府

○案甯遠府志府學教授向在越甯廳自嘉慶十四年始移至郡城

學額歲科試取進文章各八名歲試取進武童八名若遇 慶典文章廣額三名乾隆二十六年學院陳鑒裁減學額各二名歲科並試取進文生十二名武生六名光緒十一年同知蹇詵以人才漸盛詳請復原額總督丁寶楨入奏奉

旨准復原額○案原奏文武學額仍加二名並加廩增五名二年一貢以復舊制

廩額原設廩生二十名乾隆二十六年奉裁五名現額十五名

增生原額二十名乾隆二十六年奉裁五名現額十五名

拔貢逢酉年考取一名 歲貢三年一貢遇 慶典加添 恩貢

一名原 纂

書院

金馬書院治南十五里為廳原設嘉慶二年署通判汪金笏改建城內文昌宮為文昌書院學俸膏火由清丈金馬山田招佃收租每年撥租穀六十石為束脩之費道光十五年同知葉樹東勸捐買西街張姓瓦屋一區大門三間中間講堂三間後面書室三間

前後兩廊共八間爲諸生肄業處後園空處可栽花藝竹爰額其門曰敬義書院間以小序添設租穀二十石共八十石爲學俸書院膏火由地方官捐廉道光十一年署通判林丹雲捐備銀一百九十兩十五年署通判趙德林捐備銀一百兩共銀二百九十兩借放民間生息作生童膏火及月課獎賞同治六年署同知梅震煦籌公欸銀八百兩撥入文昌宮名曰同文會借放生息添補生童膏火及官課師課獎賞其三年內除正臘六個月不考課廳府院試六個月不考課扣作賓興幫士子鄉試路費擇學紳方正者輪換主計存簿每年覈算呈官以上原纂光緒二十六年署同知袁啟璣提款重修改題鳳文書院二十八年同知孫鏘奉文改設學堂撥

金馬山義穀武卷局租穀等若干石改充學堂經費並抽收酒釐  
題曰作新學堂稟奉學務處批改名越嶺小學堂以符定制二十  
九年於院長室後建作新書局藏書處三十一年署同知蹇念恆  
督紳籌款購馮氏宅又改周公祠正廳拓脩學堂並稟奉批准蟲  
釐每一批抽錢四百文以爲常年經費由書院前廟關東小門以  
達於過廳過廳後爲講堂講堂後有腰牆其後爲禮堂前後俱南  
向各五楹禮堂之後東爲藏書樓西爲體操場南有操臺過廳  
之東爲教員室其後爲食堂禮堂之前東西廂各五楹爲學生自  
習室其寢室在舊書院之西北隅凡八楹客堂仍在院長室之前  
廂過廳之前有照壁照壁之西爲盥洗所其南爲雜役室室東爲

廚房其廁溷則在寢室之北三十二年始告成云

以上新增

廳貢生郭如玉文昌書院記嘗考先王牖民之術莫急於教庠序學校三代所以爲教也歷千百年而司徒之職不廢至今黨庠術序之內絃誦之聲相聞休哉教化行而風俗美師道立則善人多信不誣也蜀自文翁敷教化及遐陬成都有錦江書院各府州縣書院不一其名越鶴爲邛部州後改衛改廳不改越鶴者化書載晉武帝太康八年丁未文昌帝君降生於越鶴之金馬山左有象石右有龍泉其泉溢澗數處皆自石縫中出故讀越鶴音爲髓莫或更焉將謂降聖人處聖人所倦戀乃數百年來無一名世城闕譏於子衿學宮鞠爲茂草諒係一線烏道地瘠民貧讀書以識字爲限鄉紳以入學爲歸聖人縱有桑梓之念頑石豈果點頭自化哉然文昌帝君呵護越嶺正自未艾所遺常住田地既闊且映向爲夷人隱耕前承衛主廳主親勘清理招佃收租不缺於焚獻修葺猶待其多儲而竟以修葺縣擱者得毋虛糜之未免也嘉慶元年丙辰幸蒙公祖汪諱命笏字青嶽號心田湖南長沙府善化縣丙午科舉人吏部推選蒞任斯土下車以來櫛厲水壺勒慎廉幹懷保百姓政簡刑清雅愛斯文崇隆學校憫茲窄部之子弟提攜窮困之生徒詳准上憲撥給金馬山田租設立文昌書院凡越屬生童不需一束均得入院肄業按月觀課捐



廉獎賞作育人材大公無類更欲立書舍給膏火招徠來學以廣栽培爰暨倉廩於署內着落經管於學齋公私相關非爲旦夕計爲萬世計也更詳慮周到徒仗廟租窪水易涸復捐清廉三十金交學齋許詳齡等收管併合前存公項銀十金就於文昌宮借放生息以預膏火及立書齋之舉與夫有志上進能赴鄉會試津貼路觀創始期於垂後亘千古而莫替焉良法美意弗可殫述惟願肆習其中者尊聞行知明體達用生徒日益師資漸增決有發科發甲於將來者又豈爲一鄉一邑計哉蓋書院以文昌名上窺天之六府追崇越禱之孝子也撥焚獻之餘租廣陰隲之聖化俾沐其惠而銘其振作文教之盛心耳是爲記嘉慶四年

通判呂偉儀修建文昌書院記  
藹古邛笮地相傳 文昌夫子顯化之區土瘠民貧風俗純樸  
方今

聖天子崇文重道海隅向化涵濡修養百有餘年以薰以蒸人文蔚起同類有志之士振奮自興而亦官斯土者之責也前汪明府勵精圖治於金馬山麓清丈餘田得歲租數十石剖而分之一以供神廟香火之資一以充書院膏火之費牒府立案文卷炳然自捐廉俸給首事生息於城內文昌宮左右兩廂修葺數椽爲諸生肄業之所其作人苦心眞不可滅夫有其舉之莫或終之歷任

皆有志未逮余奉檄代庖斯土於地方公事未敢稍懈與利除弊其難其慎前任汪君之美意踵而行之以成盛舉於是傳集首事等量資輕重勉力而行庀材鳩工不兩月而落成之因限於地爲小室九間大門一座瞻廟貌之威嚴體菁莪之雅化成人有德小子有造跂予望之至欲廣其規模增其舊制以光大前人之業當俟後之君子云爾嘉慶十四年

### 附典籍

廳治所存○案曰書已久佚

### 聖諭廣訓

一部 吏部續纂清漢則例 一部

### 欽定授時通考

一部 戶部則例 一部

### 戶部續纂則例

一部 學政全書 一部

### 欽定科場則例

一部 科場則例 一部

### 大清律

一部 大清律纂修條例 二部

大清律纂修條例

二本

三流道里表

一部

五軍道里表

一部

督捕則例

一部

滇省編發各省軍流程站

一部

洗冤錄

一部

工部做法

一部

通行札飭稿

一本

牧令書

一部

學治臆說

一部

晴雨經

一部

學署所存○案日閒有殘缺

御纂周易折中

一部

欽定書經傳說彙纂

一部

欽定詩經傳說彙纂

一部

欽定春秋傳說彙纂

一部

欽定周官義疏

一部

欽定儀禮義疏

一部

欽定禮記義疏

一部

御定朱子全書

一部

欽定史記

一部

欽定漢書

一部

欽定後漢書

一部

欽定三國志

一部 以上原纂

案曰廳署所存各種久已有目無書與各廳州縣例載書目

無甚區別蓋據禮房所呈須知冊也學署所存十二種係  
前總督部堂吳 給發迄今三十餘年頗有殘缺余以光緒  
二十七年八月履任見其士風卑陋特購新書散給諸生並  
籌款另購多種存貯書院以備諸生借閱雖遠道寄購未皆  
純備而披沙揀金不無可采比諸空目無甯過而存之况  
朝廷百度維新編書日出後來頒發企踵可俟茲將本省  
各憲新頒諸書報與夫籌購各種開列於后以資先導他日  
增置圖書儀器經理學務者其各賡續登載可也

經部

欽定周易述義十卷

乾隆二十年  
敕編

易林四卷

漢焦贛

易傳三卷

漢京房

易傳一

卷北魏關朗周易略例一卷晉王弼古三墳一卷晉阮咸注周易集解十七卷唐李

鼎祚李氏易解贖義一卷李富孫周易姚氏學十六卷姚配中周易恆解

五卷劉沅以上易之屬

尚書大傳三卷漢伏勝尚書今古文注疏三十卷孫星衍今古尚書注六

卷王闓運寫書經恆解四卷劉沅禹貢錐指十卷胡渭以上書之屬

欽定詩義折中二十卷乾隆二十年敕編詩傳一卷周端木子貢詩說一卷漢申培韓

詩外傳十卷漢韓嬰毛詩草木蟲魚疏二卷吳陸璣三家詩考一卷宋王應麟

三家詩拾遺十卷范家相毛詩傳箋通釋三十二卷馬瑞辰詩經恆解

四卷劉沅讀詩鈔說四卷張澍以上詩之屬

春秋繁露十七卷漢董仲舒公羊傳解詁一卷漢何休春秋公羊箋一卷王闓運

穀梁集解

卷

晉范甯

起起穀梁癘疾一卷

平

春秋比二卷

郝懿行

春

秋表二本

王氏學

春秋釋例十五卷長厯一卷

晉杜預

春秋公羊通義

十一卷叙一卷

孔廣森

春秋二傳異文箋十三卷

趙坦

公羊何氏釋例

十卷

劉逢祿

穀梁禮證二卷

侯康

穀梁釋例四卷

許桂林

春秋恆解六卷

劉沅

以上春秋三傳之屬

周禮注六卷

漢鄭元

禮經箋十七卷

王闔

禮記箋四十六卷

同夏小正

一卷

大戴禮記十三卷

漢戴德

白虎通義四卷

漢班固

讀禮通考一

百二十卷

徐乾學

五禮通考一百六十二卷

秦蕙田

儀禮注十七卷朱

子儀禮經傳通二十七卷

朱子

禮記訓纂四十九卷

朱彬

儀禮正義

四十卷

胡培翬

周禮恆解六卷

劉沅

禮記恆解四十七卷

同上

以上三

禮之屬

四書考異七十二卷

濯灑

四書典故駁六卷

凌曙

四書政本二十六卷

四書恆解十卷

劉沅

以上四書之屬

孝經鄭注一卷

嚴可均輯

孝經鄭氏解輯一卷

臧庸輯

御注孝經一卷

唐明皇

忠

經一卷

漢馬融

孝傳一卷

晉陶潛

以上孝經之屬

爾雅義疏二十卷

郝懿行

爾雅注三卷

晉郭璞

爾雅圖音注十九卷

同上

爾雅一卷

漢孔鮒

博雅十卷

魏張揖

方言十三卷

漢揚雄

釋名四卷

漢劉熙

駢雅

訓纂十六卷

明朱謀燧

輞軒絕代語一卷

漢揚雄

以上爾雅之屬

說文解字十五卷

漢許慎

說文解字注三十卷

段玉裁

說文通訓定聲十八卷

朱駿聲

說文釋例二十卷

王筠

說文句讀二十



卷同說文通檢十四卷

黎永椿

說文檢字二卷

毛模

古韻通說二十卷

龍啟瑞

正字略一卷

以上說文之屬

五經小學述二卷

莊述祖

羣經凡例

廖平

經話甲編二卷

同上

四益館經學

叢書四卷

同上

經傳沿革例一卷

焦循

經典釋文三十卷考證三十卷

唐陸德明釋文  
盧文弨考證

相台五經九十三卷

尊經書院十一經讀本

古

學考一卷

廖平

經義精華二卷

范公詒

經義述聞三十二卷

王引之

經學

入門八卷

江藩

以上羣經之屬

史部

南史八十卷

唐李延壽

北史二百卷

同上

新五代史記七十四卷目錄一卷

宋歐陽修

遼史一百十六卷

元托克托

金史一百三十五卷

同上

以上止史

之屬

史記漢書後漢書三國志俱見前

史記志疑三十六卷

梁玉細

史表功比說一卷

張錫瑜

史記天官書補目

一卷

孫星衍

楚漢諸侯疆域志三卷

劉文琪

史漢駢枝三卷

成臨漢書人

表考九卷

梁玉細

漢書辨疑二十二卷

錢文昭

漢書注校補五十六卷

周壽昌

後漢書補表八卷

錢大昭

補續漢書藝文志一卷

同後漢郡國

令長考一卷

同

後漢書辨疑十一卷

同續漢辨疑九卷

注補正八卷

周壽昌

後漢書注又補一卷

沈銘彝

後漢書補注續一卷

三史拾遺五卷

錢大昕

補三國疆域志二卷

洪亮吉

補三國藝文志

四卷

侯康

三國職官表三卷

洪麟孫

三國志辨疑三卷

錢大昕

三國志辨

誤卷

三國志考證八卷

潘眉

三國志旁證三十卷

梁章鉅

三國補

注續一卷

康侯

補晉兵志一卷

錢儀吉

東晉疆域志四卷

洪亮吉

十六國

疆域志十六卷

同

晉書校勘記五卷

周家祿

晉宋書故一卷

郝懿行

補宋

書刑法食貨志一卷

同上

宋州郡志校勘記一卷

成

補梁疆域志四卷

梁麟孫

魏書校勘記一卷

王先謙

新舊唐書互證二十卷

趙紹祖

新五代史藝

文志一卷

三顧樓

宋史藝文志補一卷

倪燦

宋遼金元四史朔閏考二

卷錢大昕

補遼金元三史藝文志一卷

倪燦

補遼金元三史藝文志一

卷金門詔諸史拾遺記

卷

錢大昕

諸史考異十八記

洪頤煊

諸史舉正八

卷張燾歷代史表五十九卷

萬斯同

歷代帝王年表三卷

齊召南

歷代紀

元編三卷

李兆洛

歷代地理志韻編今釋

同上

歷代沿革圖一卷

二史劄記三十六卷

趙翼

以上正史考訂之屬

資治通鑑二百九十四卷宋司馬光通鑑考異三十卷同上通鑑外紀十卷

目錄五卷宋劉恕續資治通鑑三百二十卷宋畢沅明紀六十卷陳鶴

御批通鑑輯覽一百二十卷乾隆三十二年編天命朝東華錄四卷王先謙編天聰

朝東華錄八卷同上順治朝東華錄三十六卷同上康熙朝東華錄

一百一十卷同上雍正朝東華錄二十六卷同上乾隆朝東華續錄

一百二十卷同上嘉慶朝東華續錄五十卷同上道光朝東華續錄

六十卷同上咸豐朝東華續錄六十卷同上同治朝東華續錄一百

卷同上以上通鑑之屬

左傳紀事本末五十三卷高士奇通鑑紀事本末四十一卷宋袁樞宋史

紀事本末二十六卷明陳邦瞻元史紀事本末四卷 明史紀事本

末八十卷谷應泰三藩紀事本末四卷楊陸榮聖武記十四卷魏源二編

二卷 以上紀事本末之屬

逸周書十卷漢孔晁注國語二十卷漢章昭注國語補音二卷宋宋庠戰國策三十

三卷漢高誘注竹書紀年二卷 穆天子傳七卷漢郭璞越絕書十五卷

漢袁康吳越春秋十卷漢趙澍元經薛氏傳十卷隋王通經唐薛收傳天祿閣外史

八卷漢黃憲世本一卷孫星衍較 以上古史之屬

華陽國志十二卷附錄一卷晉常璩十六國春秋十六卷魏崔鴻鄴中記

一卷晉陸翽羣輔錄一卷晉陶潛英雄記鈔一卷魏王粲高士傳三卷晉皇甫謐

名臣言行錄前集十四卷後集十四卷宋朱子國朝先正事略六十卷李元度國朝

先正事略續編八卷 以上傳記之屬

胡文忠公集八十六卷

胡林翼

駱文忠公集二十四卷

駱秉章

曾文正公

奏稿三十卷批牘六卷

曾國藩

丁文誠公奏議二十六卷

丁寶楨

左文

襄公奏疏初編三十八卷續編七十六卷三編六卷

左宗棠

皇朝經世文編一百二十卷

賀長齡魏源編

經世文續編一百二十卷

葛士

經世文三編八十卷

陳忠倚

變法奏議叢鈔四卷

以上奏議之

屬

水經三卷

漢桑欽

三輔黃圖六卷

漢亡名氏

乾隆府廳州縣志

卷

洪亮吉

四川

通志二百二十六卷

嘉慶二十年編

皇朝一統輿圖三十二卷

胡林翼

皇朝輿地韻編附圖一卷

李兆洛

蜀典十二卷

張澍

西藏圖考八卷

黃浦翹

越雋聽全志

卷五之一 學校上

十

一

瀛寰志略十卷

徐繼畬

瀛寰志略續集四卷

瀛寰新志十卷

萬國輿地圖考八卷

我山圖

潼川府舊志十二卷

新都

縣志十八卷

蜀故二十七卷

彭遵泗

蜀景彙考十九卷

鍾登甲

使西

日記二卷

曾紀澤

增廣海國圖志九十二卷

林則徐魏源

以上地志之屬

南方草木狀三卷

荆楚歲時記一卷

以上時令之屬

文獻通考三百四十八卷

元馬端臨

三通考輯要七十六卷

湯壽潛

歷代職

官表六卷

黃本驥

聖諭律例摘錄備覽八卷

學堂表二卷

新頒

上諭學堂章程六卷

新頒

奏定學堂章程

新頒

以上政書之屬

書目答問四卷

張之洞

暫定學堂書目一卷

大學堂

四庫簡明日錄二十

卷

乾隆四十七年 敕撰

東萊左氏博議四卷

宋呂祖謙

唐鑑二十四卷

宋范祖禹讀通

鑑論三十卷 宋論十五卷

王夫之

歷代史論三十六卷

明張溥

史論初

二編八卷

曾文正年譜十二卷

以上目錄表論之屬

子部

孔叢子

秦孔鮒

道德經二卷

周老子

孫子一卷

魏武帝注

列子二卷

周列禦寇

以上

周秦諸子

新語一卷

漢陸賈

新書十卷

漢賈誼

鹽鐵論十卷

漢桓寬

論衡三十卷

漢王充

潛

夫論十卷

漢王符

新論一卷

漢桓譚

申鑒五卷

漢荀悅

風俗通義十卷

漢馬融

融

新序十卷

漢劉向

說苑二十卷

同上

法言卷

漢楊雄

獨斷二卷

漢蔡邕

中論

二卷

魏徐幹

傅子一卷

晉傅元

中華古今注

卷

晉崔豹五代馬編

中說十卷

隋王通

通



孔子家語十卷

晉王肅注

朱子全書六十六卷

康熙五十二年 敕編

近思錄十

四卷

宋朱子呂祖謙同撰 國朝江永注

小學五卷

宋朱子 國朝高愈注

困學紀聞二十卷

宋王應麟

大

學術義補

卷

宋真德秀 明邱濬

宋元學案

卷

黃宗羲同子 百家全祖望

明儒學案

卷

黃宗羲

日知錄三十二卷

顧炎武

日知錄之餘四卷

同上

山東考古錄一

卷

同上

菰中隨筆一卷

同上

輞軒語三卷

張之洞

蜀學編二卷

高賡恩

讀書錄十卷

曾國藩

求闕齋日記類鈔二卷

同上

雜著四卷

同上

雙節堂

庸訓六卷

汪輝祖

東塾讀書記十五卷

陳澧

以上儒家之屬

風后握奇經一卷

漢公孫宏解

心書一卷

漢諸葛亮

兵書十二種三十五卷

練兵實紀九卷

明戚繼光

紀效新書十八卷

同上

讀史兵略四十六卷

胡林

讀史兵略續編十卷

同上

湘軍志十六卷

王闓運

以上兵家之屬

勿菴歷算全書輯要

梅文鼎孫海  
穀成重編

平三角舉要五卷

歷學疑問三

卷 交食蒙求三卷

揆日候星紀要一卷

火星本法一卷

七政細草補注一卷

歷學駢枝四卷

歷學問答一卷

筆算五卷

度算釋例二卷

少廣拾遺一卷

赤水遺珍一

卷 操縵卮言一卷

董方立遺書算數七卷

董祐誠

割圓連比例術圖解三卷

橢圓求

周術一卷

堆垛求積術一卷

斜弧三邊求角補術一卷

三統術衍補一卷

翠微山房數學三十八卷

張作楠  
十五種

量倉通法五卷

方田通法補例

六卷

倉田通法續編三卷

八線類編三卷

八線對數類

編二卷 弧角設如三卷 揣齋小錄一卷 揣齋續錄三卷

高弧細草一卷 新測恆星圖表一卷 新測中星圖表一

卷 新測更漏中星表三卷 金華晷漏中星表二卷 交食

細草三卷

夏氏算書遺藁六卷 夏鸞 少廣絕鑿一卷 洞方術圖解二卷

致曲術一卷 致曲圖解一卷 萬象一源一卷

務民義齋算學 徐有士 測圓密率三卷 採積招差 即造各表簡法 一卷 橢

圓正術一卷 橢圓求周術一卷 截求解義一卷 弧三角

拾遺一卷 表算日食三差一卷 朔食九服里差三卷 割

圓八線綴術四卷

代數術二十五卷 徐樹勳 代數須知一卷 改正形學園錐曲線合

刻十三卷 形學習體解証八卷 勾股六術圖解三卷 三

角和較術一卷 弧三角舉隅一卷 平三角舉隅一卷 古

籌算考釋六卷 比例匯通四卷 梅氏增刪算法統宗十一

卷 算法須知一卷 算雅一卷 畫器須知一卷 學彊恕

齋筆算十卷 梅啟照 測地志要四卷 黃炳垕 地球圖說一卷 阮元 高厚蒙

求四卷 徐朝俊 筆算便覽一卷 紀大奎 數學啟蒙四卷 西洋偉烈亞力 測圓海鏡

四卷 寶應劉嶽雲 以上天文算學家之屬

秋審實緩比較成案二十四卷 刑案匯覽續編三十二卷 吳述韓

刑部奏定新章四卷 四川通飭章程二卷 以上法家之屬

欽定授時通考七十八卷

乾隆二年

以上農家之屬

神農本草經三卷

本草三家合注六卷

本草綱目

卷

明李

以上醫家之屬

易林十六卷

漢焦延壽

太元經十六卷

漢揚雄

以上術數家之屬

書品一卷

梁庾肩吾

尤射一卷

魏繆襲

以上藝術家之屬

古今刀劍錄一卷

舊題梁陶宏景

鼎錄一卷

舊題梁虞荔

竹譜一卷

晉戴凱之

禽經七卷

舊題

師曠

以上譜錄家之屬

淮南鴻烈解二十卷

漢劉安

顏氏家訓二卷

北齊顏之推

人物志三卷

漢劉邵

天

文示斯十二卷

洞微子

以上雜家之屬

漢武內傳一卷

舊題漢班固

飛燕外傳一卷

漢伶元

西京雜記六卷

梁吳均

博物

志十卷附逸文晉張華世說新語三卷宋劉義慶拾遺記十卷秦士嘉穆天子

傳六卷晉郭璞神異經一卷舊題漢東方朔撰海內十洲記一卷同漢武洞冥

記四卷舊題漢郭憲撰搜神記二十卷晉于寶搜神後記十卷晉陶潛續齊諧記

一卷梁吳均還冤志三卷北齊顏之推博異記一卷晉神子述異記二卷梁任昉雜

事秘辛一卷漢七名氏太平廣記五百卷宋李昉以上小說家之屬

陰符經 卷 素書 卷 蓮社高賢傳一卷晉七名氏佛國記一卷宋釋

法顯參同契考異一卷漢魏伯陽神仙記十卷晉葛洪枕中書 卷同洛陽伽

藍記 卷後漢楊衒之以上釋道家之屬

御定淵鑑類函四百五十卷康熙四十九年康基家塾蒙求五卷淵策學備

纂三百三十八卷 新政時務策論講義淵海四十六卷 以

上類書家之屬

集部

楚辭十七卷漢王逸注杜詩鏡詮二十卷楊倫注麟角集一卷唐王棨和靖詩集

四卷宋林逋蘇老泉先生集二十卷附錄二卷宋蘇洵東坡七集一百

一十卷宋蘇軾欒城集五十卷宋蘇轍斜川集六卷宋蘇過道園學古錄五

十卷元虞集升菴全集八十一卷外集一百卷明楊慎以上古人詩

文集

岳威信公詩集四卷岳鍾琪曾文正公文集四卷詩集四卷曾國藩曾文

正公書札三十二卷同上許水南詩集一卷許儒龍何竹有詩集二卷

何掣鯨堂詩集九卷費錫璜郝鄔山房詩文集五卷 童山詩選五

卷李調元 硯舫文鈔甯甯稿 以上今人詩文集

文選李善注六十卷附考異十卷 文心雕龍十卷梁劉勰 詩品三

卷鍾嶸 古文辭類纂四十八卷姚鼐 續古文辭類纂十卷王先謙 八家四

六文鈔八卷吳鼐 古文詞略二十卷梅曾亮 經史百家雜鈔二十六

卷曾國藩 經史百家簡編二卷同 古文選本二卷孫樹 唐詩選六卷王闈運

八代詩選二十卷同 蜀詩十五卷費密 十八家詩鈔二十八卷曾國藩

賦話十卷李調元 詁經精舍文續集八卷羅文俊 尊經書院初集十二

卷 尊經書院二集 國朝古文蒙學讀本 蜀古文詞舉隅

以上古今總集

表中國人所著新書 甲部學類以下遵前督憲岑頌發學堂規制表式



經學第一

周禮政要四卷

瑞安孫詒讓

教育學第二

幼稚新讀本一卷

澄衷蒙學堂字課圖說四卷

劉樹屏

繪圖字課

新說六卷

史鑑節要便讀六卷

鮑里

醴齋訓蒙雜編四卷

同上蒙

學讀本 卷

訓蒙捷徑一卷

理科新書二卷

啟蒙問答

開化入門

初三三四五六七八集

學堂修身講義一卷

桂林龍志澤

體操圖式

一卷

體操圖說合刻

修身教科書

西學課程彙編一卷

明州沈敦和

東瀛學校舉槩一卷

丹徒姚錫光

國民讀本二卷

朱樹人

四川同鄉

會勸遊學啟一卷

修身約義一卷

格致學第三

格致書院課藝十三本

王韜選

物理易解八卷

義烏陳梃

理化博物教科書

一卷

奉化孫海環

學派第四關

理學第五

東西洋倫理學史二卷

七名氏

名學第六

天演論六卷

英國赫胥黎原本  
候官嚴復述

宗教第七關

算學第八

與前互見

勾股六術一卷

錢塘項名達

九數外錄一卷

顧觀光

衍元要義一卷

謝家禾

弧田

問率一卷

同上

直積回求一卷

同上

珠算教科書一卷

上海曾筠

重學第九闕

圖學第十闕

天學第十一

天文歌畧一卷

葉瀾

地學第十二

地球韻言四卷

張士瀛

地學歌畧一卷

仁和葉瀚

普通地理讀本八章

嘉定夏清

貽 偏地球國名歌

吳廷楨

小學萬國地理教科書

香山黃斌

萬國輿地圖

說

新會陳兆桐

亞細亞東部地圖四幅

簡州傅崇築

四川全圖四幅

同上

四川險

要圖一幅同上西藏道里全圖一幅同上

皇朝鐵路新圖一幅同上

皇朝一統輿地全圖四幅

全體學第十三

衛生學問答二卷無錫丁福保

動物學第十四

博物學教科書二卷鎮海虞和寅

植物學第十五

植物學教科書一卷

電學第十六關

我 籌 德 全 志 卷 五 之 一 學 校 上

十七

化學第十七闕

聲學第十八

聲學八卷

無錫徐建寅述

光學第十九

光學二卷

新陽趙元益述

視學諸器圖說同上

氣學第二十闕

醫學第二十一闕

詞章第二十二

交通十卷

丹徒馬建忠

日本雜事詩

卷

嘉應黃遵憲

譯學第二十三

法字入門

上海麗潤林佩鄉氏編

增訂華英字典集成一本

鄺其照編

增廣英字指南

一本

無師自通英語錄

華英國學文編四本

和文漢讀

法

無錫隱主人

東文典問答十三章

無錫丁福保

雜錄第二十四

四十年大事記十二章

飲冰室主人

西學通考三十六卷

胡照鸞

報章第二十五

昌言報

中外日報

啟蒙通俗報

湖北商務報

表中國人所著新書

乙部政類

政治第一

校邠廬抗議二卷

馮桂芬

盛世危言六卷二編四卷三編六卷

香山鄭觀應

危言四卷

湯壽潛

勸學篇

張之洞

州縣學校謀始一卷

方旭

英藩政概四

卷

劉啟

日大行政法綱領五編

仁和董鴻禕  
永康應祖錫述

萬國近政考十六卷

金

鄒

庸書八卷

陳熾

日本新政考二卷

顧厚焜著

政治學教科書一卷

吳縣楊廷棟著

最新經濟學一卷

原政二卷

吳縣楊廷棟著

史志第二

中西紀事本末二十四卷

江上塞叟

日本國志四十卷

嘉應黃遵憲

法律第三

刑律考二卷

官制第四

民政第五

地方自治制論 中國馬賽述  
中國汪貢夫譯

財政第六

財政四綱四卷 錢恂 列國歲計政十二卷 海鹽鄭昌棧 光緒戊戌列國歲計

表一紙 長樂高鳳謙編 續富國策四卷 陳熾 理財學教科書一卷 吳縣楊廷棟 商工

理財學一卷

農政第七闕

礦政第八闕

工政第九

星輶考輟四卷 劉啟形

商政第十



光緒通商綜覈表

卷  
錢學嘉

軍政第十一

自強軍洋操課程十卷  
南皮張之洞

警察第十二闕

郵政第十三闕

船政第十四闕

交涉第十五

約章纂要六卷 約章分類輯要

中外交涉類要表二卷  
錢學嘉著

家政第十六闕

報章第十七

四川官報 甲辰乙巳  
丙午

雜錄第十八

適可齋記言十卷 南徐馬廷忠 四上書記四卷

丙部

叢書第一

時務通考三十一卷

叢報第二冊

表譯東西人書門類

甲部學類

教育學第一

或寫德入仁志 卷五之一 學校上

二十

小學新讀本六卷

日本林奎慧著

國民新體操一卷

日本嘉納治五郎編 領海鍾觀光譯

小兒養

育法

日本渡邊先次著 南鄉周家樹譯

修學篇

日本飯泉規矩三著 諸暨蔣震方譯

教授指南

日本多田房之助著 吳志恭譯

家言一卷

蕭白里編

德育及體育

日本久保田貞則編

學校衛生學十篇

日本三島通比著 番禺周起鳳譯

世界教育譚

日本澤柳政太郎著 南雁王曾國譯

速成師範講義叢錄二卷

日本山路一遊編 湘鄉顏可鑄編

理教育學

日本久保田貞則編

西國學校一卷

德國花之安著 海甯李善蘭譯

肄業要覽一卷

英國文序守著 中國

最新教授法一卷

無錫疾實學堂譯

學校管理法一卷

同國民教育論二

卷 日本浮田和民著

格致學第二

西學略述二卷

英人艾約瑟

格致總學啟蒙二卷

同上

格致質學啟蒙十一

章 同上

學派第三闕

哲學第四闕

名學第五

辨學啟蒙二十七章 英人艾約瑟

宗教第六闕

算學第七

算式集要四卷 英國哈司章著 傅蘭雅譯 元和江衛述

周巽知裁一卷 美國布倫編 傅蘭雅譯 無錫徐壽述 英國傅

器象顯真四卷 英國白力蓋著 傅蘭雅譯 無錫徐壽述 筆算教科書二卷 古虞陳瑤章 四明范震亞 同譯

重學第八

重學二十卷 英國艾約瑟著 傅蘭雅譯 海密李善蘭述

圖學第九 闕

天學第十

談天十八卷

英國侯失勒原本偉烈亞力譯海甯李善蘭述

測候叢談四卷

美國金楷里譯金匱華衡芳述

天文啟蒙

十卷

英人艾約瑟

地學第十一

地志啟蒙

英人艾約瑟

地質學啟蒙四卷

同上地學啟蒙四卷

地理初階

一卷

泰西李安德

地學淺釋三十八卷

英德雷俠兒撰美國瑪高溫譯金匱華衡芳述

地理問答上

下卷

英述裘德生著餘姚干亨統述

地質學問答

日本富山房編廣東鄭憲成譯

地文學問答 卷

同日本明細地圖

大塚宇三郎

練習用世界地圖

日本地理研究會

朝鮮全圖

日本阿哈利喜

著 太郎 亞細亞東部輿地圖 同上

全體學第十二

身理啟蒙九章

英人艾約瑟

生理學粹二卷

奉化孫海環編

動物學第十三

動物學啟蒙八卷

英人艾約瑟

新編動物學

上海作新社譯

動物學一卷

立才王建善譯

植物學第十四

植物啟蒙三十章

英人艾約瑟

電學第十五

電學綱目一卷

英國田大里輯傳蘭雅譯  
臨海周郇述

電學十卷

英國璫挨德著傳蘭雅譯

化學第十六

化學啟蒙二十二章

英人艾約瑟

化學鑑原六卷

英國韋而司撰述蘭雅譯無錫徐壽傳

化學鑑

原續編二十四卷 英國蒲陸山撰 傅蘭雅譯 化學鑑原補編六卷 英國傅蘭雅譯

同化學體積分劑一卷 同上 化學材料中西名目表一卷 同上

### 聲學第十七

聲學八卷 英國田大里著 傅蘭雅譯 無錫徐建寅述

### 光學第十八

光學二卷 英國田大里輯 布國金楷里譯 視學諸器圖說 布國金楷里譯

### 氣學第十九

### 醫學第二十

### 譯學第二十一

### 雜錄第二十二

日本格言要覽四卷

日本剛本  
監輔著

中東戰記正編續編三編共十六卷

美國林  
樂知訂

報章第二十三關

表繙譯東西人書門類

乙部政類

政治第一

列國歲計政要十二卷

英國麥丁富得力編  
海鹽鄭昌棧譯

萬國總說三卷

日本剛本  
監輔

俄國政

俗通考

美國林  
樂知譯

政治原論

卷

日本市島謙吉著  
順德麥曼蓀譯

佐治芻言一卷

英國傳  
蘭雅譯

史志第二

萬國興亡史

日本松村介石著  
覺民社譯

世界通世史二卷

日本松平康國著  
新會梁啟勳譯

俄史輯

譯

甯波徐  
景羅譯

俾斯麥傳八章

上海廣智  
書局譯

大日本維新史二章

日本重野  
安釋著

普

我書德全集

卷五之一 學校上

二十三



通新歷史一卷 德國合盟紀事本末 徐建寅譯 四裔編年畧 美國林樂知編

泰史新史攬要二十三卷 英國馬懇西元本 上海蔡爾康述 節本新史攬要八卷 烏程周慶

雲 世界通史三十卷 日本石川利之識 希臘志畧七卷 英人艾約瑟 羅馬志畧十

三卷 同 歐洲史畧十三卷 同上

皇朝政典挈要八卷 日本增田貢著 遂安毛滄補編 支那通史五卷 日本邨珂通世 日本三十

年維新史十二編 日本博文館 澳洲風土記一卷

法律第三

中國古世公法一卷 美國丁禮良著 陸地新選一卷 公法總論一卷 英國傳蘭雅六

合汪振聲 同譯

官制第四

德國議院章程

民政第五

民約論十二章 法國路索

財政第六

地方自治財政論 日本石塚剛毅著 友古齋主譯

經濟教科書 日本和田垣謙三著 富國養民策

十六章 英人艾約瑟

農政第七

農學新法一卷 英國李提摩太著 鑄鐵生譯

農事論畧一卷 蠶務圖說一卷

紡織機器圖說一卷

礦政第八

開煤要法十二卷

英國士密德輯傳蘭雅譯  
懷遠王德均述

井礦工程三卷

英國白爾捺輯傳蘭雅譯  
新陽趙元益述

銀針指南一卷

美國亞倫著英國傳蘭雅譯  
永康應祖錫述

冶金錄三卷

美國阿發爾撰傳蘭雅譯  
新陽趙元益述

練鋼要言一卷

無錫徐家寶譯

金石識別十二卷

美國代那撰瑪高譯  
金匱華蘅芳述

金石識

別中西名目表一卷

同寶藏與焉

英國費而奔著傳蘭雅譯  
無錫徐壽述

### 工政第九

汽機必以十二卷附一卷

英國蒲而捺識傳蘭雅譯  
無錫徐建寅述

汽機心制八卷

英國白爾格撰傳蘭

雅譯  
同上鍊石編三卷

英國亨利黎特撰慈谿舒高第海鹽鄭昌棧同譯

海塘輯要十卷

英國韋更斯撰傳蘭雅譯  
新陽趙元益述

行軍鐵路工程二卷附圖

英國傳蘭雅譯

匠誨與規三卷

英國諾格德撰傳蘭雅譯

造管

之法一卷

英國傳蘭雅譯  
無錫徐壽述

回熱爐法一卷附圖

同鎔金類鑽一卷  
同上

造硫強水法一卷

同上色相留真一卷

同上水衣全論一卷

同上皖鬆致

美一卷同製肥皂法二卷美國林樂知譯製油燭法一卷同電學鍍金四卷

布國金楷里譯電學鍍銀一卷英國傅蘭雅譯製玻璃法二卷同無錫徐壽述鐵

船針向一卷同機動圖說一卷同工程致富論畧十三卷英國傅蘭雅華

亭鍾天緯同譯 考工記要十七卷英國瑪體生著

### 商政第十

富國養民策十六章 保富述要英國布來德著生利分利之別論英國李提摩太著上

海蔡爾康譯

### 軍政第十一

列國陸軍志九卷美國歐發登著林樂知譯臨陣管見九卷布國斯拉弗司撰金楷里譯新陽趙元益

述法國海軍職要南徐求在我者講適可居士纂德國軍志述要鄭沈敦和譯營城揭要

我書德人上 卷五之一 學校上 二十五

一二卷 英國儲意比著 無錫徐壽述 美國水師考一卷 英國巴那比美國克里同撰 華亭鍾天緯譯 英國水師

考一卷 同法國水師考一卷 美國杜默能撰克利譯 海軍調度要言三

卷 英國聖核甫撰慈谿舒高弟海鹽鄭昌棧 同譯 輪船布政十二卷附圖 英國賈密倫原書傅蘭雅譯無錫徐建寅述

製火藥法三卷 英國利椽孫譯得斯輯 傅蘭雅番馬丁樹棠譯 兵船礮法六卷 美國金楷里譯嘉興朱恩錫述崇明李鳳苞改

回特活德綱礮一卷 英國傅蘭雅譯 無錫徐壽述 克虜伯礮船準心法一卷附圖

布國軍政局原書美國金楷里譯崇明李鳳苞述 克虜伯礮說四卷 布國軍政局原書美國金楷里譯崇明李鳳苞述 克虜伯礮

操法四卷 同克虜伯礮表四卷 同陸操新義四卷 德國康貝

警察第十二闕

郵政第十三闕

船政第十四闕

交涉第十五

歐洲東方交涉記

英國麥高爾輯著 美國林樂知寶

南北花旗戰記十八卷

布國

希里哈撰 美國傳蘭雅譯  
金價華蘅芳述

各國交涉公法論

初二三集 附校勘記

十七卷

英國賈利摩羅巴 德著 傳蘭雅譯 太

倉愈世爵述 六合汪  
振聲吳縣鑾國祥校

英國水師律例四卷

英國德麟極編 德同纂  
慈谿舒高第海鹽鄭昌棧同譯

交涉要

覽類編四卷

湖北 譯本

家政第十六關

報章第十七關

雜錄第十八

俄羅斯對中國政策

日本渡邊 千春著

十九世紀世界大勢論

日本高山 林次郎撰

世界

十二女傑

日本岩崎祖堂三上奇鳳合著  
中國武陵趙必振譯

時世新論圖說十二卷

英國李 提摩太

丙部

叢書

西政叢書

種

子目前  
後互見

西學富強叢書八十一種

子目前  
後互見

西學啟蒙十

六種

子目前  
見前

叢報

闕

越嶲廳全志卷五之一

學校志下

義學向取金馬山田租除書院學俸外餘項並城內贍錄田田租設義學二城內一中所壩一道光五年甯遠府知府陳崇禮捐備錢一千五百千文交同昌官櫃生息作五屬義學之費越嶲增設義學六處道光十六年同知葉樹東代辦甯遠府將越嶲應撥錢三百千文撥回越嶲借放民間爲各義學學俸

本城義學舊設三官殿改設文昌宮學俸義穀三十四石 中所壩義學設川主廟學俸義穀三十石 小哨義學學俸錢二十千文 蒼葉坪義學學俸錢二十千文 海棠義學學俸錢



二十千文 利濟站義學學俸錢二十千文 河南站義學學

俸錢二十千文 大樹堡義學學俸錢二十千文

咸豐九年同知猶自東添設城內義學一並前二館一日時敏義學仍設文昌宮學俸穀三十五石一日訓蒙義學設北門龍王廟學俸穀二十五石同治元年同知周岐源添設中所壩義學析為

二館每館學俸穀各二十石 以上原纂

案以上各義學以每年徵收義穀租易錢存署照章給發光緒二十八年奉文停止書院義學改辦學堂移穀墊費入不敷出而學俸停給師徒均各向隅此過渡時代生計困難之一端也余捐廉刊印時務三字經開化入門八集越寫要略

天文地學歌略 國朝古文蒙學讀本蜀古文詞舉隅體操  
圖說合刻修身約義等書分給各場大都泥守經書駭為奇  
異皆緣風氣閉塞師範乏人之故也其板多存學堂藏書處  
他日學堂林立分授教科或照舊刷印或改良增添是所望  
於後之有教育權者

安順場

舊名紫  
大地

義學在義郵祠內光緒二十九年新設

互詳闕  
隘志

瀘江書院

在大樹堡新強鄉場後與文昌宮同一門道貢生張

游龍捐修照牆及聖域賢關兩門

以上  
新增

同知王者政募修瀘江書院啟夫百工獻技事緣居肆而成三物教民學必由鄉而始然家鮮私  
塾將擁篲以何從館廢招賢復離羣之可歎即使編茅作屋究乏常師或且鑿壁引光終依鄰舍

是下帷無營菴之區恐鼓篋寡切磋之助也所以客來載酒先尋閱字之亭人欲傳經共指然藜之閣况彼寒士何弗廣其厦以庇之倘有名師自當游其門者衆矣今據大樹堡士民等同聲呈請創修書院育我人文開藝圃以顯英築文壇而樹幟甚盛事也我心藏焉第就平地以爲山尙無半簣若聚一鄉之善士不僅三椽故襟山帶水雖分金馬之靈而鳩工庀材實賴銀蛇之助嗟爾父兄誰無子弟所願人輸尺璧同培玉樹於今茲家餽兼金預兆榜花於異日須識狐裘之可集勿埋寶井以自封果逢枝莫不挂錢斯用衆無難舉鼎從此窗明几淨新開北面之堂佇看春誦夏絃盡羅南邦之秀尙其當仁不讓庶幾有志竟成

從原纂藝文志移入

卷局 光緒元年署同知白應庚因案稟道憲罰大樹堡渡夫錢三百千文又文童高德成捐出錢七十千文借放糧戶生息作廳試文童歲科兩試正場卷資歲試科試正場各提息錢一百千文均給禮房更不取向文童交文昌宮首事並戶禮二房經理每年覈算二次本利及利中之利一並註簿呈官勒碑存案光緒九年

同知蹇誥提三費局銀三百兩發交首事照前生息以爲文童府  
試覆試卷價凡卷價一切悉免

武卷局

光緒十五年同知傅廉捐設

以上原纂

查局產租息向歸兵

房徵收二十八年奉文停止武試其租息撥歸學堂經收

新

附同知孫鏘諭武生武童學習洋操示爲示諭激勸事照得勘亂以武致治以文古來圖富圖強  
罔不文武並重自後世判爲兩途而人才亦遂若各樹一幟我

國家以騎射取天下而武科之設惟取弓箭刀石以爲取士固應爾爾然近時外洋各國挾其鎗礮  
利器佔據我邊疆開闢我商埠實逼處此殊令防不勝防自去年庚子拳匪之變

朝廷痛定思痛急圖變法自強文場改八股爲策論而武科一切停罷誠萬不得已之舉也然士子  
食毛踐土二百餘年各有忠愛之心何在不可報效況今日外患疊乘內憂未已處千古未有之  
奇局卽當圖一時不朽之功名就目前而論功令試文而不試武似乎輕武重文然以世局觀之  
試文者雖下筆千言終是空談無補若平時練有武藝可以保身可以保家處可以保衛鄉鄰出

可以保全疆土其事甚實其爲效甚大固非尋章摘句之儒所能及也今

朝廷改書院爲學堂而武備學堂之設定將逐漸推行諸生技勇素嫻一時進取似覺無途而棄之實屬可惜况本廳四面夷巢中通綫路槍擄之案習以爲常雖番夷之性使然其實民間之自爲謀亦未盡善蓋城牆不修門戶不固鄉鄰少守望之助一身乏備禦之材種種疏防情形不一而足若諸生果能練習武藝一人有技傳之衆人一戶有防警及衆戶將見各藝精熟近之猥夷知所畏戒不敢滋事出巢遠之

朝廷武備需材即可投營報效豈非兩全之道耶查兵法至今日西人已造極詣武備學堂所教必以洋操爲宗然法在初行安有許多洋教習而本廳經費難籌又安得有聘洋教習財力要知水雷洋礮其購自外洋者或必須有洋師教導若尋常練膽練氣練手足練測量諸法苟有素識洋操者以爲教習俾得逐漸觀摩以爲基本於諸生固爲有益於

國家育才造士之方亦不爲無助合行出示曉諭爲此示仰廳屬武生武童以及未曾應試之人知悉諸生年十五以上二十五以下有願學習洋操者准其報名驗實選入本府考棚肄業每日按候課功自認字學算體操練技等事皆將畧示門徑以資造就果皆心靈手敏有志前程人數少

則申送省會學堂廣求進益人數多則籌集聘師經費俾詣專門庶幾相與有成以勉副我國家造就軍格之意本府學識淺陋文事尙難自信敢謂武備有所兼長特以時事多艱需才孔亟既仿三場新式試文士自當以洋操教武生上以備

朝廷禦侮之材下以廣國民進化之道凡有血氣心知者各宜如何激勸也切切特示光緒二十八年月日

試棚 本廳試士向在軍糧府署二堂該董等自備凳棹光緒十

一年同知蹇詵於署西偏創修考棚一向自是號凳號棹俱備

以上

原查試棚正廳三間東西文場各三間儀門三間頭門一間頭門

左右各一間出佃民戶居住頭門以內試畢封固或爲學憲駐節行轅光緒二十七年冬同知孫鏘捐修頭門儀門二十八年奉文

開辦學堂籌款改修東西文場爲學生自習室

以上  
新增

知府何亮清越嶲試棚記試棚之設昉古射宮所以爲試土地也今所在郡邑皆有之而語於越嶲則綦難考漢書地理志所稱越嶲郡蓋統南徼而言自雅至建訖於滇之西北邊境今之廳治當是古蜻蛉縣地特越嶲之一隅耳其地重山絕壑其民夷九而漢一廩聚而鶉居睚眦相殺椎埋爲生難一地礪礪戶鮮蓋藏故無富民小有輿築弗能集資難二官斯土者日蹶踖於簿書鞭扑之中夷人時出沒輒發卒掩捕有求一日之安更無暇議文事難三光緒七年吾鄉蹇子振司馬來蒞此邦深悉夷情寬猛互濟用是蠻夷率服又因其暇治官事葺年百廢具舉民氣益蘇慮試士無所乃拓署旁隙地獨清俸爲之實費白金千二百餘兩既堅既好多士得大庇焉不可謂賢乎落成之明年余適筮榘事來越日與邦人士嘉歎久之旣羨子振之能舉厥職且思盛美之雖繼也爰泚筆記之俾鐫諸石用詒來者

### 案曰學堂之設迭奉

諭旨飭辦越嶲僻在夷界風氣未開頑固者多籌款不易鏘在任時嘗刊有勸學啟並勸興學堂集股諭及勸捐條款二十三

條當時集議除捐廉五十股外共計書捐者約有七百餘股之多量度東門外購置民地用備建設學堂俯視清流吸引空氣衛生之道無過於此事未及成余以被議去矣今基地已撥歸三費局而捐冊猶存後之明達固可仿而行之夫科舉既停學堂自不能不辦雖甚頑固其敢出而阻撓余所擬勸學啟及集股章程似可不錄然言之於衆人未言之先行之衆人未行之日因事頽廢後悔何追况乎越嶺土瘠民貧籌貲不易終非集股不爲功茲將原稿附刊敢以諭諸來哲

擬定勸學啟啟者竊以天下之大何地無才特不爲提倡其先斯豪傑亦未由自奮願弱僻處一隅本不乏有志之士本官初莅斯土恭逢

上諭科場改制之時書院肄業諸生每苦閭津無路本官生長海上雖未通達洋情而所見所聞亦



嘗略得其梗概已有所見無不舉以告人並將架上講求時務各書移存書院俾供衆覽每月三課按照三場命題親自評閱捐廉給獎以示鼓勵數月以來已駸駸乎改厥觀矣不知經史時務雖胸羅萬卷筆下千言仍是紙上談兵故智而論今日人才求所以出爲世用者必宜參考西法實力講求如各國之語言文字以及數學藝學與一切有用之學俱不可不知官場公牘用法文商賈往來用英文而文字簡明易於入門者又莫若和文和文者日本文字也即各種西學日本繙譯已多所以各省官紳子弟赴日本遊學者不啻踵爲之接川省距日益遠用費益大爲父兄者每不樂子弟遠遊恐其誤入歧鄉反爲終身之害情或有之竊嘗日夜籌維擬一妥善之策誠以培植人材必有良師傳授方不誤用心思本官籍在浙江奉化新設學堂聘延洋文教習一人程儀而外歲脩三百六十元遠聘來川約以一倍計之歲需六百元之譜再加每年師生飯食書冊一切約共六百餘金共歲需一千二百餘金每學生一名歲出學費銀五十兩以二十四人計之已足其數二十四人之外更有出費願學者亦所不拒人數既多費費可減擬將舊設書院推廣基宇以爲肄業之所俟教習到館再行明定章程來學者以三年爲期倘或一年半載而告去者仍出三年之費不准按年扣算冀免中輟而期有成若有事

故出額准其另覓補入不在此例均須自邀安人保送免後議一俟三年學成稟送大憲考試挑入高等學堂由高等學堂挑入京師大學堂仍同科目出身各有仕進之路上則爲出洋星使次則爲參贊繙譯下則備各州縣聘爲教習三年之後必將踵門而請回憶當年進堂肄業出費幾何而今而後不獨本利可償卽富貴亦堪漸致其獲益豈有涯涘以視窮鑽故紙向時文討生活者相去不可道里計矣世人以數百金貿易每有折閱之虞被數十年青衿不免饑寒之歎今則功名富貴操券可圖入亦何憚而不爲哉來學者其各照後開保狀程式親押送署俟有十餘人報名即便訂明練教習前來有志之士幸勿觀望而甘讓他人之捷足也若以鄙言爲不足信數年之後出受外人之奴辱入復自絕其生理始悟前機之坐失也將有雖悔何追者矣此啟

又勸興學堂集股諭爲申勸興學事竊維時艱日急道在自強民智未開法先興學近來外患交迫內變時乘若非興學化民終無以爲富強之計現奉

上諭飭辦學堂京師設立大學堂各省設立高等學堂府廳州縣城鄉廣設中小學堂頒發章程五種事在必行而本屬勸諭經年尙未舉辦固由本官材力之不逮亦由各紳識見之太拘去年

仿辦酒釐催收無幾於學堂應辦之事仍難舉行而大憲迭次檄催又未敢置之不理不獨責成難卸亦殊非本官平時勸人向學之心竊查外洋各國每辦一事必集衆人名曰公司真是大公無我中國仿行得法豈必果讓外人蓋以自用難成衆擎易舉即小可以喻大凡私均宜化公本廳土瘠民貧人人意中所知人口中能說乃去臘議興鹽務擬集公司竟得二百股之多約有一萬金之譜事雖同於畫餅情實等於嗜痂亦以見有利可趨即爲人人踴躍豈知田穀之利不及什一商賈之利止於三倍而興學之利其益無窮能使識字通文讀書明理上爲

國家籌自強之策下爲子孫開謀食之源由此民智開通即可講求實業勉圖富強非如從前曩學聊給孤寒者比也今爲衆紳士計各家子弟一人入塾每年約需十金或二三十金設捐助學堂百金每年便可入塾讀書省卻許多修費五年以後利已全收而本尙未動况地居山僻購書購器均屬艱難何能家家自備若合辦學堂則書器止買一分便足十人百人之用此尤明白易見者也且捐助學堂

朝廷尙有獎賞本官授案稟請必能

恩准施行是故爲子孫取功名爲己身榮頂戴爲地方興實業爲國運圖富強一舉之中四善備焉有志之士亦何憚而不爲哉有心之人亦何忍而不爲哉夫明德之事貴乎日新又新賊民之興由於無禮無學古今一理中外同情本官一介書生謬膺選委雖民間之利弊或未詳知而學術之本原頗窺大略下車之始以迄於今凡日與該紳士晤談舌敝唇焦語語相勸於興學一道未嘗稍去於懷想早在諸紳士洞鑒中矣敬告諸紳士切勿河漢余言可也此諭

計開勸捐條款 一每股定以銀十兩爲率至少必滿至一股多則十股百股不爲限制 一每出十股者每年准其子弟一人入堂肄業不出修費股分多者以此照加 一能募集九股者即以募集九股之勞算作一股被募者之各股仍各就各股計算 一能實募二十股而不願受酬二股之勞其各家股分各仍以多寡計算而實募二十股者亦准其子孫一人入堂肄業不出修費 一力薄僅能出一股者亦准其子弟一人入堂肄業得以借觀各種書籍儀器其修費應由自備 一能出五股者亦准其子弟一人入堂肄業其修費由堂欸酌給一半如每年約銀四十兩春初先繳十兩秋初先繳十兩其餘二十兩由堂支給多寡以此類推 一堂中新置書籍儀器止許在股人家子弟觀看此外概禁借用 一在股人家子弟觀看書籍

儀器止許在堂觀看不得攜出堂外 一書籍儀器等物如有墨污損壞即責令看觀人照賠  
在股人家子弟有真心願赴省會學堂肄業者起程時由學堂酌給路費每年亦由學堂酌  
給歲費凡人一股者路費二兩歲費四兩股分多者按數照加 一在股人家子弟有真心願  
赴外國遊歷之人往東洋者照赴省加二倍給費往西洋者照赴省加四倍給費 一由省由  
洋學成回來應在本學充當教習其前領有公款者照常數減半核給其前未領過公款者不  
減 一每出十股者或子尚幼或以業成他往即准其兄弟或兄弟之子或女婿外孫內姪外  
姪中擇一人來堂肄業其修費准由堂照給無異惟須實成在股之人另具保狀 一此爲在  
股之人而設如外間有向慕來學者修金飯費應由本人自給先給半年應繳之費方准入堂  
惟書籍儀器不准任意觀看 一學堂爲造就人材之地本是大公無我但此係集股成堂不  
入股者不得妄爭 一學堂既與官設有別則向學之人雖不入籍均准入股以廣招徠 一  
不在股之子弟果其貧困無貲而其才實堪造就願入堂附學者准其妥保入堂惟須稟請官  
長由官設學堂酌給公費 一堂款果有盈餘應由堂董推廣添設俾股外子弟均可就近肄  
業 一集股果有成款再議簽立經理之人 一家中乏銀而願將已田捐入學堂者亦可照

原價估計以爲入股之成數 一家無已田其族內長幼公議願將祀田捐入學堂者亦可照價入股其祀田有分子子孫亦准核其捐數之多寡酌量來堂肄業 一入股之人果有別圖願退股分者一年以外核扣二成餘可類推其願售別人者即援此爲例 一此爲集股之事其學堂規制與一切課程均應遵照

欽定頒發章程辦理

### 遊學經費 有由本廳給公費者有自費者有省垣官費者

饒應銘 字鼎三大樹堡人光緒二十八遊學成都高等學堂官費今徵學費

陳毓麟 字振趾中所壩人

高培祿 字廉卿同上以上二名光緒三十年春遊學浙江龍津學堂母年均由本廳給全費

蔣福銘 字業臣本城北街人

鄭倬才 字僑如中所壩人以上二名光緒三十年春遊學浙江龍津學堂均由本廳給半費

饒應暄

字子明大樹堡人光緒三十年遊學日本師範學堂本廳官費

周明鏡

字季涵中所壩人光緒三十一年遊學成都武備學堂省垣官費

吳德鈞

號秉成中所壩人光緒三十年遊學華陽中學堂

郭萬傑

號子豪中所壩人光緒三十年遊學省垣華陽中學堂

楊得春

號志安本城人

余瑞騰

號龍驤中所壩人

周繼志

號丕承本城人

高

熙 號見田中所壩人以上四人光緒三十一年遊學省垣和文學堂

劉萬華

字祝三納耳壩人

尹萬成

字湘泉大樹堡人以上二名光緒三十一年遊學成都鐵道學堂官費

蔣福銘 見上光緒三十一年秋遊學日本大坂工業預備學校

許樹人 字維藩大樹堡人光緒三十二年遊學成都府中學堂

戴本坤 字子厚大樹堡海螺壩人

李鴻源 字左泉大樹堡人

蕭相儒 字爲珍大樹堡人

戴萬傑 字俊侯大樹堡海螺壩人

戴萬洲 字安之大樹堡海螺壩人

張志鍾 字瑞卿納耳壩人

徐樹清 字子揚納耳壩人

王尊賢 字達三納耳壩人



走 卷之三十一 三十一  
廖金順

字治平納耳壩人

馮大瑞

字慶雲洗馬姑人

馮大賓

字誠之洗馬姑人

羅隆遇

字際明宰羅河永興場人

康應福

字慶五片馬人

康應隆

字片馬人

牟名璠

字廷嶼丁家坪人

劉萬富

字潤之納耳壩人以上十六人均光緒三十二年春遊學省垣甯雅印中學堂

張本仁

字道生大樹堡大瑤灣人光緒三十二年春遊學省城

曹體先

字柳琴大樹堡人光緒三十二年遊學省城

王玉銘 號佩之王家屯人光緒三十二年遊學省垣

范敏中 號虛菴大城人光緒三十二年春遊學省垣候考體育學堂

田樹銘 號植丹土城人光緒三十二年春投文候考武備學堂

周繼增 字如川城北街人光緒三十二年游學省垣

康一清 字聘之大樹堡人光緒三十二年考取省垣師範學堂

馮 銘 字誠齋河東人光緒三十二年春遊學省垣

高羣英 字子偉本城人光緒三十二年春遊學省垣參考

附同知孫鏘請派人遊學酌給經費呈懇立案詳文

為詳請立案事案奉 憲臺札飭籌集經費開辦學堂並奉 前學憲札 札開省城開辦專

文學堂招考生徒擬送東洋肄業以備將來教習各等因奉此仰見 憲台興學儲才有加無

己至意 卑職每次奉文必傳集生徒勸令出洋遊學無力者欲往而不能有力者亦各畏難而

輒阻皆緣地方僻陋風氣未開雖誘勸誦聽從者少茲聞 卑職 交卸伊邇學堂肄業諸生

頗有遊學之意據該學堂董事蔣福成等聯名具稟稱越屬地瘠民貧蠻夷雜處讀書鄙陋難以盡言自奉文開辦學堂仰荷認真整頓稟籌經費購置書籍並於公餘之暇躬親督課具見實心實政培養人才之意二年以來學生漸知實學經史而外如算數輿地之類亦各稍得門徑惟規模初立教習難聘雖間有聰穎之士而傳授既無專師程度終歸泛濫收效之期遙遙莫卜前蒙屢諭遣人遊學常以無人願往卒未果行茲有學生陳毓麟尚培喆鄭倬才蔣福銘等肄業已久學識漸加疊次求請稟派董事等查各省學堂均有派學生遊學東西洋各國章程費由學堂支給此次該生等既有志遊學本應極力協助惟學堂經費除酒釐義穀兩款外通盤合計每年連租米各項僅得制錢千貫上下若遣學生等遊學外洋罄其所有不足數二三人之費查江浙等省地係海壤通商日久見聞廣博自非邊隅可比其所設立學堂教法完善聘有東西洋教習學費均不甚大又該學堂等大公爲懷並許外省人士入堂肄業董事等擬將該生四人暫送江浙擇完善學堂留學二三年卒業回籍分充教習似於辦理學堂較有把握惟該生等志向雖殷力量均似不足茲擬每年議幫學費銀若干兩並每人來往川費各銀若干兩家資稍裕者或酌給半貲均祈仁恩核准飭由學堂按年提支匯兌以資學費

董事

等明知本廳學堂經費支絀惟人數無多每年所提尙不甚鉅三年以後似可收效於現在學堂尙無大礙一俟該生等卒業回籍如果程效可觀自當再行籌款陸續請派以廣學術仰懇俯賜核奪並請轉稟 各大憲衙門備案以垂久遠一面札飭堂董按年開支不致互相推諉有誤學程實爲公便等情據此 卑職查開辦學堂必須延聘教習川省僻在西南風氣未甚開通教習無從延聘論遊學之益東洋不如西洋論遊學之便西洋又不如東洋惟經費難籌出洋又似不如內地爲便該堂董遵照每年給學費銀肆拾兩每名往返川資廉每名酌給路費銀拾兩外擬飭該堂董遵照每年給學費銀肆拾兩每名往返川資各給銀叁拾兩稍有力者半之並着以後陸續匯兌不得延誤致令遠人盼望各堂董均皆承認無違除將各學生函送江浙分別師範普通各學堂肄業外所有酌提公費資遣學生遊學緣由是否有當理合另具簡文詳請爲此具詳須至詳者光緒二十九年十月日

**案曰遊學之事始自文翁化蜀遣吏掾學於齊魯由來舊矣今環球大通學者務以輸入新智識爲目的於是近者日本**

遠者歐美若履戶庭焉越嶠僻陋在夷聞見褊窄語以遊學  
駭爲奇談然風氣漸開有志之士頗知嚮往如上所錄凡四  
十餘人有在省垣者有在浙江者有在日本者論今日世界  
以四境之大而僅有此數抑亦微已雖然越嶠邊隅也漢少  
夷多俗習固陋不三二年而有此數人者以爲之導則亦一  
時之盛也矣余在任時勸以遊學多不見信於是有集股興  
學之議當時書冊者約有七八千金設或一鼓作氣延聘教  
員師範速成轉相傳習則雖不能遽詣實業其出而就各地  
蒙學之聘固意計中事也衆議方興微官去職在鄙吝者方  
謂官本多事從此可以不拔一毛矣科舉旣停青衿失業遣

貲遠出俚俚何從至是方悔前事之不成不已晚耶雖然今日之世界學生之世界也苟不能與於學界者均爲廢人况越嶲爲滇蜀通衢鐵軌之成指日可待交通既便風氣益開他時五鑛迭興家給人足汽車所至一洗板房茅舍之陋不獨富饒可望而千年夷患萌蘖不生均將於今日學界之發達券之已彼習於頑固甘在天演淘汰之列者吾又何屑更爲教誨哉

走 養 屬 召 元 卷 三 三 一

越巂廳全志卷五之二

祠廟志

文廟 舊建城西南明萬曆四年建昌道周國雍改卜西山之陽

倡建

碑載藝文志○  
案志稿無此文

國朝康熙二十四年衛守備毛暉徙修城西南乾隆二十六年通判李東來復遷南關外嘉慶八年通判馬如龍改遷城東南文廟街從新修葺大成殿五楹左為東配哲右為西配哲兩廊各五楹為東西廡嘉慶十四年通判呂偉儀建戟門三楹左右各一楹左為名宦鄉賢祠右為節孝祠中石柱坊為櫺星門正中為泮池龍門三橋外為宮牆東為聖域西為賢關後三楹為崇聖祠道光二



十八年同知繆榮吉建左右朝房各三間光緒八年同知蹇誥督

同紳士募建魁星閣於東南巽方

以上原纂

二十六年署同知袁啟琨

督修崇聖祠徙民房環築祠後圍牆二十八年同知孫鏘倡捐募  
修大成殿暨兩廡升高戟門遷節孝主於西城專祠戟門左專祀  
名宦戟門右改祀鄉賢又闢聖門於魁星閣旁濬廣泮池撤圮橋  
伐翳木並添設宋先儒呂子大臨位於西廡

以上新增

同知蹇誥大成殿鐘銘

皇帝重光執徐之歲同知蹇誥分守是邦夷亂既平乃興學宮俎豆載飭鑄此鐘鐘烹金化成其音

冲融亘千百年振贖發聾爰爲斯銘以垂無窮

從藝文志移入

同知孫鏘諭止先師生日設祭文諭仰廳屬舉貢生監知悉照得

至聖先師祀典天下通行

國朝列入中祀祭用太牢典禮何如鄭重原以示天下臣民非此不足以昭誠敬本官去年蒞任

之初檢視儒學申文有請領八月二十七日 至聖誕辰祭品銀兩一案當時宿恙未痊兼又民信未洽不便正言相告且求從俗從宜而已今秋八月又見申文詢悉是日祭品僅有羊豕二牲是謂少牢之禮豈足以祀至聖恭查 大清會典所載有春秋釋奠之禮又有

皇帝臨雍之禮及出師凱旋告成太學儀遇 國家大慶遣官詣闕里致祭禮月朔國子監祭酒率師生行釋菜禮並未著有 至聖誕日之說夫禮煩則黷經有明言明德維馨古之遺訓今以禮臣所不敢議會典所未及詳獨本廳士子相率爲之實屬可怪試思文廟典禮何等優崇舍太牢而祀以少牢是之謂褻既祭丁而又祭生日是之謂黷既褻且黷其不爲 先聖所許昭昭明矣夫禮多不怪乃婦孺之恆談無實虛拘實世人之大誤學問不求諸在己功名希冀於鬼神其爲愚妄不言可知本官身任地方例有教導士民之責去年武廟祀禮兵房承辦改歸禮房亦以祀典攸關不能不求名正言順今此次 至聖誕日謹率諸生仿朔望常儀虔具香燭行三跪九叩禮雖於禮無徵尙不大悖於 國典至應發祭品銀兩仍舊如數交學飭令齋長移作購備祭器修理牆宇之用以示本官非惜小費藉以申明典禮之意特此通諭知之此諭光緒二十八年八月日又跋余爲此諭以爲特越鶴之陋習耳後讀巴陵吳敏樹瀏陽學祭議內有乾隆間御史有

請於太學增行此祭者

高廟諭旨斥其不應經典不可以瀆先聖云云又曰先聖之言曰非其鬼而祭之詔也雖當祭者非其時而數數祭之猶詔也先聖惡夫詔鬼者而受人之詔哉科名盛衰由讀書者多少聖靈福饗不在此非可云祈禱也其旨可謂深切著明矣近日學堂林立士子竟有用生日一祭爲記念孔子日者其不爲褻且瀆者幾希安得恭錄

高廟原旨爲天下學堂一正其失也若夫廟學不能合一之故宋儒魏鶴山先生詳哉言之及今之斷斷宗教者所未之能信者矣鏘附跋

又重修越講廳文廟碑記光緒二十七年秋八月丙申鏘既視篆越駕明日丁酉有事於文廟禮畢環視殿庭棟榱有將橈者越明年諏吉既徹其複牖又新其外門易其殿棟濬其泮池刈其翳木高其戟門暨名宦鄉賢兩祠遷節孝各主於城西專祠兩廡尙未修竣適癸卯四川鄉試廳士陳在鑫捷於闈僉曰五十年餘廳下無登賢書者今日其破天荒也得非修文廟之效歟余曰否不然聖人之道爲萬世師非誘人以科舉也自科舉興而聖人之道幾乎熄矣宋魏文靖公作瀘州學記謂廟學不宜合一蓋慨乎其言之也今科舉停矣文武諸生既罷試其得與於祭者將不

復有人乎雖然士子服膺聖教漢唐不加少宋明不加多其不繫乎科舉爲重輕亦明矣查東西洋各國凡所以修明富強之術者大都得孔教之精而踐其實非若我中國徒驚乎其名如科舉之爲者是也邇者海禁既開時事日亟

朝廷屢詔興學示復古者三代遺意越儻雖僻陋修學較晚然果循循爲之廣設學堂分訂教科務使人人知文字人人崇實業知國家富強之術無不基之於學皆有我孔子之道在其意中雖人謂可也雖人人不謂廟亦無不可也鏘去越嚮久矣廳士來省求學者衆謂廟工告厥請一言以爲之記爰述其概併揭興學之要以爲廳之人士勸云董其事者訓導楊有成暨紳士蔣福成李煥章范成炳楊樹檀例得備書光緒乙巳仲秋既望 以上新增

名宦祠 文廟戟門之左祀漢越嚮太守張翁 越嚮太守張嶷

越嚮太守馮顥 唐南甯州刺史韋仁壽 明兵備道胡東臯

兵備道周國雍

國朝越嚮訓導聶佐堯 四川學政陳希曾 四川布政司董教

增 甯遠府知府盛英

鄉賢祠 舊在文廟戟門左與名宦祠合今改移置門右祀明鳳

翔府知府王邦政 固原州州同項昇 鳳翔府照磨吳朝元

庠生湯世泰

節孝祠 舊祀文廟戟門右光緒十六年同知傅廉捐修專祠於

城西北隅王孝女祠旁東鄒唐晉徽題額 以上原纂 二十八年遷戟門

右各主祀於祠 新增

武廟 城內正北街東向明嘉靖間建 國朝康熙七年修建乾

隆四十八年守備許世亨重建正殿五楹祀 帝君神像兩廊各

三楹過廳朝房五楹彩樓一座周圍砌磚廟貌威嚴 以上原纂 光緒十

一年彩樓毀於火奉

旨停修案後殿又有三楹祀 帝之三代神位又正殿西室附祀

火神像正殿東有報德祠祀前總督等有功越舊營務者

以上  
新增

國朝華陽顧汝修重修越舊武廟記人必勢相脅而敬心生聲相震而畏心結至鬼神則不見不聞而君蒿悽愴若或見之惕息震懾如有聞焉故敬之畏之人於神鬼類然而其最尊且正莫如

關帝夫 關帝之廟祀何其盛哉往年驅車解州仰瞻大廟規模宏敞氣象莊嚴過其地而心平入其門而氣肅然此故里也父老子弟親被其風震蕩心目崇奉之典固宜而凡所過通都大邑以及窮鄉僻壤其鐘聲清越丹黃映日者 帝君之廟爲多何以不謀而合如是不特此也昔余奉使持節安南見石坊於富良江上金字大書千古偉人余心訝之不識所奉何神而莊嚴壯偉不減中夏間之以 帝君廟對其赫濯於域外又如斯也且自漢高祭孔子後廟祀之隆未有如至聖先師者蓋其道隆千古爲帝王師宜莫敢與頡頏而 國家祀典文廟之外復有武廟致有山東一人山西一人之語豈非以孔子之志見於春秋而 帝君之志成於春秋上下千餘年淵

源遙契固不得以尋常尸祝同日而語也越寫之有武廟創自前明嘉靖至

國初重葺之歷今百餘年感靡寧多傾圮不足以安神明而降祀典又爲萬壽元旦諸令節拜祝之所地勢亦嫌其促官斯土者屢欲重修不果本營守府許世亨金川之役奮建殊勳欽奉

恩旨加賜經親巴圖魯名號 賞戴孔雀花翎越級坐陞參府遂慨然倡率同時立功兵弁及陞拔守備千總者共捐三百餘金迨小醜蕩平渥膺

帝眷繪像紫光閣特陞雲南開化總鎮赴滇而元戎鄂公悉府張公署篆班公暨歷任備弁俱矢丹忱同勦大舉合計許公倡捐之數並前征緬兵丁所積之項歷年生息約有千金復會商別駕沈公勸募士庶往來客商並相資助並營汎官兵重捐俸餉買地兩段鳩工庀材以竣斯役於是煥然異舉金碧照耀丹漆輝煌豈但與解州大廟交趾崇坊遙相掩映亦且於

朝廷文武並祀之典庶幾吻合而一變前日之湫隘爲大地之恢宏則慶典朝賀朔望行香均得拜跪雍容觀瞻更肅洵盛舉也自戊戌九月伐木起工庚子正月建豎正殿五間抱廳二間穿堂五間後殿三間左右廂房六間演劇彩樓一座大門三間舖房四間土地祠碑亭各一間內外牆壁池橋甬道咸與維新統計人工費五千四百餘金或曰 帝君之靈普天之下爭奉之於彼於此

未可知也而巋之爲地僻在邊隅縱極尊崇烏見其來享乎而不知非也 帝君之靈塞天地何在非天何在非地謂天地獨在此不可也謂天地不在此又豈可哉廟成將樹碑走千里閱序於子子素服膺 帝君又深快是役之同心協力遂不復辭謹序所見俾歸而勒諸石

從藝文志移入

文昌宮 城內正南文廟街聖廟側嘉慶元年建桂香殿三楹祀

帝君像後殿三楹祀 帝君三代牌位南北迴廊數楹爲士子

書室通判汪金笏建通判呂偉儀題其額曰文昌書院

碑入學  
校志 光

緒三年新建山門五楹東西爲朝房正中爲奎樓

社稷壇

城北關外南一里許雍正十三年衛守備金德照建

神祇壇

城北關外一里許雍正十三年衛守備金德照建道光

十二年改爲林公生祠咸豐二年同知呂瑞玉移林公生祠於正



北街遺基仍為神祇壇

光農壇 城南關外東南隅里許雍正七年衛守備孫之爵建嘉

慶七年通判汪金笏捐廉重修藉田四畝九分歲收稻穀六石除

上糧一斗餘作歲供祭祀之用不徵糧米道光二十七年同知承

安始立壇址以上原纂光緒二十八年典吏與佃戶互控同知孫

鏘提水田歸學堂董事徵收祭品給胙均由學堂承辦新

城隍廟 城內北街原嘉慶二十年通判常連有重脩碑記新

川主祠 即璉 珉宮 舊在城西北隅嘉慶二十年移建南關外

龍神祠 城內北街城隍廟側

火神祠 城南關外川主祠側同治癸亥燬於賊光緒十年同知

蹇誥重建

○案今朔望行香在武廟內

武侯祠

城南關外光緒八年同知蹇誥建脩棟宇宏麗迴廊曲

折亭池竹木極其幽秀

以上原纂

東嶽廟

城北關外舊基低溼光緒二十七年同知孫鏘捐脩

瘟祖廟

城內北街城隍廟側乾隆四十九年有重脩碑記

蕭曹廟

軍糧府署頭門內乾隆五十一年地震衙署坍塌五十

三年署通判席世綱增脩五十五年通判李世榮栽植樹木五十

九年署通判王石渠創修戲樓

灑經關關帝廟 治北二百六十里地在山阜往來通衢香火極

盛

梅子營即麥子汎關帝廟 治北八十里廟在山頂中有礮臺凡夷巢

遠近出入要害俱在日中道光十九年總督寶興捐建

小相嶺關帝廟 治南七十里或謂劉鋹將軍廟火於夷道光中

建昌總鎮張必祿重建後又火今其地為靖遠營分汎署

厲壇 廳城無厲壇每歲清明中元十月朔日迎城隍神於北關

外報恩寺舉行以上七條從寺觀志脩補移入

會府 廳城無會府每歲元旦冬至及 萬壽聖節假城內

北街武廟行禮

納耳壩文昌宮 治西一百八十里

王家屯關帝廟 治北二十里

老卡子關帝廟 治北一百二十五里

張老坪關帝廟 治南六十里

案曰祠廟志內原纂尙有聖賢諸儒姓名事蹟略此外又有  
祀典一志查所載禮儀樂章祭品均從會典通志采錄各廳  
州縣無不皆然近人修志家俱從裁節非無意也吾鄉章氏  
學誠謂會典簡帙浩繁購閱匪易使散在州縣各志則人人  
可觀其言是矣然禮文之繁縟樂器之詳備祭品之豐潔無  
論越嶠僻陋萬難照行卽省會劇郡恐亦虛設其文耳余在  
任時甚懼事神不誠末由自矢對越嘗據情詳請咨部釐正  
後竟因之被議然科學日修民智發達有識之士必有默測

將來者固不敢謂區區私見果卜談言微中也

新

越舊營昭忠祠 城東南隅

定越營慰忠祠 城南關外武侯祠右祀有功營務之統領及陣

亡勇丁

武安軍昭忠祠 治南二十五里白泥灣祀本營統領官暨陣亡

勇丁 以上原纂

林公長生祠 在北街

周公專祠 在城西街書院東光緒二十二年同知陳周禮建

蹇公長生祠 在南關外武侯祠南

臨人馬忠良蹇公生祠記公姓蹇氏名詵字子振貴州遵義縣人係出明尚書忠定公義家世儒者多以癩科名宦顯尤顯者公兄閻事詳 國史公以廩生累功保升開知府候補同知以光緒

辛巳歲來權越嚮知治越之要在有以攝伏夷民也盛兵容入境甫下車徧召諸酋與約毋掠毋盜毋夥而修怨率吾教賞不吝犯吾法殺無赦以酒食銀布徧賜之夷服其威感其德矢言而退所部定越營以防夷也鑲欠積鉅力爭乃給於是益器械勦操練諸夷因是懍懍焉日坐堂是受訟者牒迎機立決惟公惟允不以民夷別也暇則列質會跽階下以甘言撫慰之而詢其支族里址讐怨甚悉識於心有犯發營卒掩捕應指而獲不獲重懸值以購必獲乃已梗頑不服者殺之有材武爲衆所信亦釋以爲用更以冠帶寵秩之數月漢夷大驩迺修 文廟建奎閣以光祀事凡尊俎鼎彝鐘鼓千施之器罔勿具彬彬然觀禮樂之盛焉憫以俗之茫昧也刊羅忠節小學韻語集蒙養閨訓錄又集通禮會典律例之切於士民者爲齊民錄散鄉學惟遍使男女少長知所取法焉闢署旁隙地爲考棚門樓堂廡器用咸備諸生講學其中月有課季有考歲都而校不拘八比五言而文教寢以興出重貨計本以取息供童子廳府試卷費牒學使者達於 朝復廩增附額而士有進取之樂矣購桑秧萬株分勸蠶事諭植麻與棉教之績織防游曠也夷酋他郡民裸逸而出給貨糧襦袴遺歸廣其法爲同仁局施醫藥棺槨又修棲流所以庇覆乞人使民知相矜相卹義甲申歲大旱東北將三百里瘡痍婦稚多困餓以死公首捐鉅資賑之不足募紳富繼

之又不足請於上發倉廩區極貧次貧而賑貸之所夕謀輪轉存活以萬計而公猶以爲歉也乙  
西城中火小哨利濟站皆火率先撫卹而後以聞修火神廟以禳之災應念以息願固渙諸葛忠  
武侯南征地也祠祀缺如不可爲訓建武侯祠南關外就其旁爲慰忠祠祀所部疇曩死綏之士  
以作忠也祠後規爲園檀亭樹林泉之勝爲有越以來所未有而凋陞驛舍公廨津渡橋梁之屬  
凡可以嘉惠行旅次第修舉無或遺焉蓋鉅而一郡之利弊細而民人一村一家之事無不在公  
區畫中諸所興作以獨輸以衆擊必爲遠久計終公任五年廉俸之入白金萬有奇罄於公用不  
惜也如公所爲他人成其一已足名於時而公終日孜孜惟恐不及今將行矣其卵翼吾民之心  
若猶有未盡歷史循良之吏如我公者古今能幾人哉吾儕無福公曷爲來有福公曷爲去修生  
祠祝長壽勒石紀遺愛皆窮於留公之意也詎足云報哉頌曰歲有饑饉我公蘇之夷有強梁我  
公鋤之父老子弟我公鞠之疾痛灾眚公用卹之公無去兮留福我民公竟去兮其誰我甯相嶺  
蒼蒼瀘水洋洋繫公德之高深顧視此以勿忘 從藝文志移入

義卹祠 治西二百八十里安順場內光緒二十八年秋祀被水

淹斃人口

同知孫鏞義卹祠碑記光緒二十八年秋七月二日隴屬紫大地場山崩水溢冲刷無遺余既馳  
勘得實捐廉撫卹有差又奉大憲撥款二千金普予賑濟因又會同甯越營都府馬伯良協戎前  
往散發酌分五項一爲冲壞房屋一爲冲損田禾一爲淹斃人口一爲賑濟戶口一爲近村災戶  
其賑餘銀兩留作培脩堤埂之用均已稟奉批准在案其淹斃人口銀有乏人承領者有扣半提  
存者余復同馬協戎度地新設安順場之左議建義卹祠定每歲七月初二日致祭一次用示記  
念凡以妥游魂而昭卹典也明年春該場百人恐祠欸之虛耗將銀置田又佃與農戶歲收租石  
以資祭奠且擇地方紳蠶公正者十二人協力同辦茲聞余將奉檄赴省乞爲之記余前既題其  
祠額又撰有祠聯至所以鑒諸既往勉勵將來者具詳新立場規中茲不具贅其提欸共計三百  
九十五兩正其支欸則俟諸首人妥慎給發可也是爲記光緒二十九年冬月 日以上新增



3919017

漢書卷之二十一  
卷之二十一

越巂廳全志卷六之一

兵制志

唐貞觀十年分天下為十道置折衝府巂州越巂郡中統都督府

西南置昆明軍

今鹽源縣

西置甯遠軍清溪關

在今越巂地內

新安三阜沙野

蘇祈

今禮州

保寨羅山西爐蛇勇遏戎九城開元時置昆明軍越巂

郡南開元中移置管兵五千二百人馬二百匹甯遠軍越巂郡西

昆明縣縣開元中置管軍五百人

文宗太和三年李德裕建籌邊樓按西南道山川險要與蠻相入者圖之左與吐蕃相接者圖之右率戶二百人取一人緩則農息習戰謂之雄邊子弟

明太祖洪武中改翼曰衛設指揮使司覈其郡兵五千人爲指揮千人爲千戶百人爲百戶會川衛越嶲衛禮州千戶所等俱屬建昌衛邛部長官司屬越嶲衛

國朝康熙元年四川總督李國英題請設建昌經制以垂永遠事內開越嶲衛原未定經制總兵王明德建昌道張元凱慮該衛孤懸議將會川協守改設該衛該臣看得越嶲爲進建門戶與建城遠隔相嶺聲援難通且番獠逼處誠宜設防但甯越設有官兵與該衛足相犄角今議增設守備一員守兵五百名查該鎮左營千總幹練者補授前缺駐防越嶲

甯越營原定經制守備一員守兵五百名鎮道議照舊設立該臣

看得甯越守備兼轄甯番越襜二衛北控瀘河最稱衝要原題設立但守備舊駐鍾西所今應如鎮道之議移駐河南站以該鎮右營守備捍禦勤慎者補授前缺駐防河南站

雍正元年三月初三日川陝總督岳鍾琪奏請川省應行事宜內稱建昌所屬越襜衛地方甚爲遼闊每多蠻獠出沒搶奪今僅設守備一員兵二百五十名實難分撥防禦請改設遊擊一員現在守備卽爲中軍守備再添千總一員把總一員兵二百五十名分防彈壓等語應如所請准其改設

川陝總督岳鍾琪奏稱建昌爲邊疆重地番蠻初埒應擇緊要處分汛防範加兵彈壓如越襜所屬柏香坪爲普雄番蠻出沒之所

雖增遊擊千總馬步官兵止可防範白沙溝並相嶺一帶而於普  
雄鞭長莫及請於柏香坪建修土城蓋造官署兵房設守備千把  
總各一員馬一步九兵三百名駐防

一甯越營地方廣遠塘汎稀疏原額兵二百五十名不足分布請  
將甯越營守備設改都司增添千總一員馬一步九兵百五十名

奉 旨依議

岳鍾琪又奏越舊一營地方遼闊蠻多漢少且路當孔道而滇蜀  
往來咽喉誠屬緊要曾經題請改設遊擊現在守備卽爲中軍守  
備再添千把總各一員以資彈壓查越舊營除原設守備一員馬  
步兵丁二百五十名外雍正四年十月初四日新增遊擊一員千

把總二員馬兵三十五名步兵三十名守兵一百八十名營馬三十五匹奉 旨依議

雍正十三年四月初五日四川總督臣黃廷桂咨稱相度地勢情形隨時布置今建昌鎮轄之普雄等處各種生番既稱歸誠向化從前所設營制自宜另爲酌定使兵無閑曠餉不糜費內開柏香營都司一員把總一員兵三百名盡行裁汰原管民夷歸併越巒營管轄所裁官歸省補用馬步兵歸越巒黎雅二營外餘陸續裁汰

又奏越巒路當孔道番寨稠密又歸併柏香一營一帶地方汛防遼闊原設遊擊一員守備一員千總一員把總二員馬一步九兵

一百名歸隸越巂營令越巂營守備帶領把總一員兵一百二十名分隸柏香犄角防守並請將遊擊員缺改爲參將照雲南之例以參將照俸升轉仍今遊擊俸薪親丁其甯越營都司附近越巂應歸改設參將兼轄等因奉 旨依議

越巂營駐劄越巂廳城原設參將一員守備一員千總二員把總四員馬戰守兵七百名乾隆四十四年欽奉 上諭新疆設立

營制裁撥馬戰守兵一百一十名歸併新疆乾隆四十六年奉

文裁退名糧六十分刪除公費一十八分實存額兵五百一十二名乾隆四十七年欽遵 諭旨增補實兵案內四川總督福康

安奏准將名糧改補實兵添戰兵二十名守兵十三名嘉慶十二

年爲遵 旨諭奏事案綏定通巴二營增添兵弁奉文裁撥戰兵  
五名分歸綏定營馬戰守兵共五百四十名

甯越營駐劄海棠城原設都司一員千總一員把總一員馬戰守  
兵四百名乾隆四十四年欽奉 上諭新疆設立營制裁撥馬

戰守兵六十四名歸併新疆乾隆四十六年奉文裁退名糧二十  
七名刪除公費一十分實存額兵二百九十九名乾隆四十七年

欽遵 諭旨補實兵案內四川總督福康安奏准將名糧改補

實兵添設戰兵十二名守兵八名嘉慶十二年遵 旨議奏案內

綏定通巴二營增添弁兵奉文裁撥馬兵一名戰兵三名歸綏定  
通巴二營嘉慶十四年爲遵 旨議奏案內馬邊峩邊夷務善後



移駐官兵奉文裁撥馬兵一名戰守兵各二名歸義邊營共兵三百一十名

今各案疊次添設

越巂營距

省一千二百里  
鎮三百六十里

共官十七員內參將一員 守備一員

千總二員 把總四員 外委六員 馬戰守兵七百六十

四名內馬兵五十名戰兵一百五十五名守兵五百五十九名

除馬塘馬兵二十一名分防七汛外存城駐劄參將一員守備

一員千總一員把總一員額外三員馬戰守兵二百二十五名

外柏香汛千總一員外委一員馬戰守兵丁九十名

小哨汛外委一員馬戰守兵七十名 吉家山汛外委一員戰

守兵四十七名 馬蝗汎外委一員戰守兵四十六名 龍寶

山汎把總一員外委一員馬戰守兵九十五名因咸豐六年夷人將跑馬坪焚

燒改遷河東之上首地名龍寶山王家屯汎把總一員外委一員馬戰守兵六

十五名 受降汎把總一員戰守兵五十五名 長老坪汎把

總一員戰守兵五十名把二汎係咸豐六年裁青岡關汎將正汎

灣汎咸豐十一年因夷匪阻搶商旅將白泥灣汎焚燒兵丁騎

操馬五十匹又光緒十年奉裁一成實現存城汎馬戰守兵共

六百八十七名以上原纂

自光緒十年始至三十年冬止疊次奉裁現存兵丁三百一十

九名其兵弁分駐城鄉各汎仍舊續纂

甯越營距

省八百三十一里

共官十四員內都司一員

千總一員

把總四員 外委六員 額外三員馬戰守及練勇兵丁共

六百四十九名內馬兵三十三名戰兵一百一十三名制守兵  
四百三十名練勇戰兵三十名練勇守兵四十三名分防八汛  
外存營駐劄都司一員千總一員外委一員馬戰守及練勇兵  
丁二百二十四名外

蒙葉坪汛把總一員戰守兵勇六十名 臘梅汛外委一員戰

守兵勇四十名 靜夷塘汛把總一員戰守兵勇六十名內撥

十名前往老汛房看礮 老卡子汛外委一員戰守兵勇五十

名 向化汛把總一員戰守兵勇五十名 新安汛外委一員

戰守兵勇四十名 大樹堡汛把總一員 戰守兵勇二十五名 平填汛外委一員 戰守兵勇三十二名 河南站汛外委一員 戰守兵勇二十五名 桂賢村汛外委一員 戰守兵勇二十名 深溝汛額此外委各一員 制兵十名 光緒十年奉裁一成 以上原纂

自光緒十年始至三十年冬止疊次奉裁現存制兵二百五十名 練丁五十一名 其兵弁分駐營汛仍舊 續纂

保安營舊越巒營所轄連三營距 省九百九十里 鎮三百八十里 在山四中地形

卑隘道光十九年為夷人焚毀四川總督寶巡視奏改高阜處設保安營越巒同知王者政修建城垣移建昌鎮標右營都司

駐劄並裁阜和懋功疊溪維州兵丁鎮守共官十員內都司一員 千總二員 把總二員 外委三員 額外二員 馬戰守及練勇兵丁六百八十名內馬兵二十四名制戰兵一百四十三名制守兵二百八十六名練勇戰兵九十名練勇守兵一百三十七名分防六汛外存營都司一員千總一員額外一員馬戰守及練勇兵丁共三百二十名

青岡關汛把總一員戰守兵勇五十五名 關頂汛外委一員戰守兵勇四十五名內撥十名駐礮輪流替接 利濟汛把總一員馬戰守兵勇七十名 新橋汛外委一員 戰守兵勇三十名 麥子汛千總額外各一員馬戰守兵一百名 溝東邊

汛外委一員戰守兵勇五十名光緒十年奉裁一成以上原纂

自光緒十年始至三十年冬止疊次奉裁現存制兵一百九十

四名練丁一百四十七名其兵弁分駐營汛仍舊續纂

越甯保三營實現官弁馬步兵丁共二千一百三十四名原纂

以上三營自光緒十年始至三十年冬止共現存官弁馬步兵

丁九百六十一名新

道光二十年間建昌總鎮桂明稟准 制憲每年幫公款若干為

三營工費年中除常操外更操工費鎮憲校閱一次參府校閱

一次越巒參府每年巡黑馬溪一次

道光十六年同知葉樹東用公款若干置買營田每年收租膳養

越嵩營兵丁

越嵩廳每年收秋糧米九百七十五石支給越嵩營兵米

甯越都司兼轄河道一帶

越甯兩營夷人每年俱有地租

詳土

司志

三營另撥防兵四百名以防東南北三路另有口食奉檄征調

每兵十名內馬步九成鳥鎗五成弓箭三成礮二成什物鍋帳

照數配搭

以上原纂

又三營除存營駐汛外舊撥兵四百名分防東南北三路本餉

外每月由釐局另給口食為出防兵疊次奉裁現存兵三百一

十五名

續纂

查越鸞釐局應發越甯保三營征兵以全年六大建六小建計  
算除扣六分平外每年共發制錢八千六百二十四千七百四

十四文

新  
增

礮位鳥鎗旗蠶鑼鍋帳房綳子弓箭腰刀鋏鋤鑿斧鋤杆槓椿  
繩鍋撐火筒隨身什物俱備

每兵自製絨邊號帽一頂金黃號褂一件藍布夾號袍一件白  
布大衫一件白布纏帶二條白布單夾套褲各一雙白勒布袋  
各二副青布鞋三雙弓箭兵緞頭靴一雙鎗兵九龍帶一副大  
小藥角二個雨傘鎗套各一條火繩十盤存庫

參將俸銀三十九兩三錢四分薪銀菜蔬燭炭心紅紙張銀一百



九十兩養廉銀五百兩 都司俸銀二十七兩三錢九分四釐

薪銀七十二兩菜蔬燭炭銀十八兩心紅紙張銀二十四兩養

廉銀二百六十兩 守備俸銀十八兩七錢六釐薪銀四十八

兩菜蔬燭炭銀一十二兩養廉銀二百兩 千總俸銀十四兩

九錢六分四釐八毫薪銀三十三兩三分五釐養廉銀一百二

十四兩 把總俸銀十二兩四錢七分一釐薪銀與千總同養

廉銀九十兩 外委食馬兵銀無俸養廉銀十八兩

馬兵歲給餉銀二十四兩大建二兩小建一兩九錢三分戰兵餉銀十

八兩大建一兩五錢五分小建一兩四錢五分守兵餉銀十二兩大建一兩九錢六分小建一兩七釐官兵

馬草乾每匹歲支銀十兩零二錢春冬月支一兩二錢每日四分

扣一 夏秋支五分每日一分六釐小建 雲騎尉全俸銀八十五

兩 恩騎尉全俸銀四十二兩五錢

參將例馬 匹 都司例馬三匹 守備例馬三匹 千總例

馬二匹 把總例馬二匹以上原纂



越駕廳全志卷六之二

武功志上

唐天寶時南詔歲為邊患大歷十四年異牟尋合吐蕃帥衆二十萬入寇一趨茂州踰汝川擾灌口一趨扶文掠方維白墳一侵黎雅叩叩嶮關令其下曰為我取蜀為東府德宗發禁衛神策軍李晟及邠隴范陽軍與山陽兵合亦以三道環救大破異牟尋於大渡河南斬首六千級擒捕甚衆顛踏厓峭且十萬吐蕃悔怒殺誘導使之入南詔懼更徙苴咩城請內增章皋奏宜招納之以離吐蕃之黨復與異牟尋約築大城於境上置戍相保

平王在廳北二百四十里河南站

今其地為西平橋以李晟封西

貞元五年節度使韋皋遣邊將王有道與東蠻兩林長今邛司勿鄧

等帥兵於故巂州大破吐蕃殺其大兵馬使乞藏遮遮尚結贊之子悉

多楊朱斬首二千餘級生擒籠官四十五人收復巂州舊地修清

溪關今廳北深溝要衝城今炒米關

貞元十三年吐蕃分軍下巂州刺史豐高任領軍將並東蠻子弟

接戰大破伏戎生擒大籠官七人殺獲三百餘人被刀箭者不計

收馬畜五百餘頭器械二千餘事先是鮮于仲通敗于西瀾河李

必敗於太和城全軍皆沒遂陷越巂據清溪關韋皋乃屯兵於巂

州振西路異牟尋欲誘之先攻東蠻皋不可曰巂州實往來道扞

蔽數州敵百計窺故嚴兵以守之東蠻安敢懷貳乎

苴夢衝旋附吐蕃斷南詔使路韋皋遣巂州總管蘇危以兵三百  
召夢衝至琵琶川今越地聲其罪斬之

太和三年復陷邛崃逼成都劫子女玉帛咸通十一年圍成都矢  
石如雨蜀地大震十一年又入寇造浮橋濟大渡河至新津而返  
太和六年李德裕以韋皋資寇養癰數擾成都作籌邊樓總十軍  
築仗義城以制大渡河清溪關之阻 大中時坦綽酋龍僭稱皇  
帝自號大禮國咸通五年復掠巂州搖西南兩川節度使蕭鄴率  
所屬鬼主邀南詔大渡河敗之

明建有叛夷曰安守越有邛都部落曰黑骨夷隆慶萬歷間皆叛  
上命少司馬徐凱按邊建昌道周鎬監軍先征建夷鎬於越嶲護

餉命遊擊邊之垣領兵六千守備王之翰翼之攻桐槽王大咱之  
翰於越巒伏兵大孤山掩黑夷酋長生得阿弓凹溪咱等七大酋  
手刃千戶丁應時庚午冕山亦逮千夫長趙應宣與王大咱賊通  
者大咱走匿普雄酋長姑咱所鎬移鎮邛部采議者言賦乃卽黑  
骨種黨逆有黃螂一路恐急遁與會川都司李獻忠領兵五千之  
馬湖防之令參將朱文達守備王之翰軍於普雄之五里箐之垣  
軍於桐槽之哩波羅爲犄角之翰乃引兵就王大咱所藏洞穴擒  
之大咱中流矢死是日文達兵攻南箐黑骨巢之垣兵攻桐槽鐵  
橋村盡破之共斬首七百有奇二酋旣死黑骨無所脫黑骨故邛  
都所部唐兩林蠻邛都頒印與百夫長故土官嶺柏妾沙氏淫於

族阿祭者也前所遣防賦乃三將違節制入賦乃境營於涼山爲賦乃撒假所殺阿弓者越竊黑骨夷公行相嶺間故設伏大孤山擒斬之虜獲男婦牛畜無算

蠻司合志

明萬歷十五年邛部夷撒假合雷波夷目楊九乍黃螂夷首安新叛初嘉靖間越竊邛部長官普書約伯自稱鱷普王潛住賦乃地方越地與馬湖府賴因等接壤以致窺伺勾連漁利帥衆殺掠至隆慶萬歷普書之子撒假踵惡不悛僭稱西國平王安新已革土知府安鼈後負險恃衆截撈皇木楊九乍據涼山素懷不軌號爲三雄橫行邊境擄男婦數萬口土民赴院具訴着馬湖府今屏山縣戍守而夷獠出沒無常自建昌凶夷王大咱等糾衆煽亂調兵征



勦後議者謂賦乃諸夷爲大咱後戶宜防奔突撫院疏聞命總兵李應祥調集松潘建昌兵分道進剿又指方略曰賦乃黃螂結爲死黨若並討必并力抗師不如拊黃螂以便輸挽而分賦乃之勢賦乃平挾凶首而繫之無難萬歷十六年正月巳丑撒假糾衆由大木瓜兩路突襲官兵營播州兵大呼李應祥截取其械杖始退壬寅參將朱文達都司萬鼇兵破小木瓜二月辛丑大戰破大木瓜乙丑參將郭成分兵三道直搗賦乃賦乃奮力攻殺血戰數日男女突逸悉擒之辛丑破小涼山啞泉岡連日進戰破七洞關聚獸坡藤甲巖革空洞等處撒假勢窮蹙裹乾糧合心腹四十八人雌伏三寶山石壁中求救於各洞蠻酋仍令二小夷伺於隘官兵

咸捨之內外隔絕官兵駕重梯眺之見賊矢盡探巖排礮連梯逼之夷四十人多射死遂斬撒假醢之而渠魁授首然後移師黃螂

集舊  
通志

萬歷十六年邛部僂廈羌寨有亡命趙永成者與土人葵哨呷五十呷聚衆將爲亂會竹麻寨攘七執鎮軍陳黑子者而強買其婦黑子欲贖之七不從羌俗貿易必遷居貨至鎮西號爲趕場黑子度是時七必贏錢至至則執七索還婦乃約宗人陳禮保捕七七覺跳身走追至羊圈河禮保毅弓射諸羌中羌人龍扒死七引諸羌案黑子無故殺龍扒當抵擁至僂廈寨值葵哨呷方舉兵至是號於衆曰漢兵將滅我果至矣鳴鼓登城門從鎮西站縱火燒官

麻百戶魏繼武持印走殺而奪之時王廷瞻爲巡撫聞於朝且讓  
守備邱紹先令戴罪勦捕而五十呷買千扒寇颯經關道路不通  
於是副使景承芳統指揮王選邱紹先軍黑麻有禪將李獻忠者  
獲鴛哥別於鬼皮獠讞之非鴛哥卽亡命趙永成曩時自鬻於五  
十呷五十呷喪永成如失頭目而諸軍破颯經關擣宰羅轉戰二  
日諸羌助之張高岡上大小沖三尖三梭各以兵至官軍用鳥銃  
連擊連勝諸羌皆乘船浮江官軍追北至江上發矢如雨湛其船  
羌兵溺水死水爲不流且日乘勝復擊之諸羌大敗先是邛部長  
官司嶺柏死妾沙氏與嶺應昇爭印焚利濟站官不問以故宰獠  
鐵洗馬姑都遂焚八里嶺蠻平堡一無所忌至咱呷燬官廨殺百

屢出與官軍戰，逋竄稽留，諸渠魁未殄，蠻衆益負固，不服兵部督勦。捕甚急，王選、邱紹先皆按部不動。後裨將劉纒奏記都御史稱：「傀、厦、宰、猓、洗、馬、姑、竹、麻諸寨已捕縛，葵、咱、呷、那一、加、腳、那、加、賈、別、各、谷、兒、短、豬、張、田、保、鎖、那、加、等、若、干、人，且獻褚、那、呷、執、散、喇、呷、傀、鮮、枯、撒、腳、腳、空、等、首、級，詣軍門叩頭請賞死。於是都御史以聞，斬咱、呷、等、首、級，鎮西市，而諸羌盡服。」

蠻司合志

建昌越嵩諸猓亂時，劉纒爲總兵官討之，偕參政王之機分八道督諸將攻，已居中節制。克桐槽、沈渣、阿都、厦卜、越北諸寨，大小五十六戰，斬馘三千三百有奇，諸猓巢穴一空。國朝康熙二十七年，建南土夷迷易、黎溪、紅卜、苴普隆及邛部之

賦乃維沙普雄那交濫田填覺魯黑保嘴裴貝大孤山吓他等素恃險遠叛服不常寧番土夷獍狻搶掠人民遊擊周玉麟領兵討之至坎到底地中賊蠻羅都伏弩死四十九年提督岳昇龍統兵剿撫俱各納土歸誠

舊通志

康熙五十五年越嶲所屬阿羊夷人加巴貫子結連腊珀噶都肆行不法四川巡撫率漢土官兵討之阿羊賊巢地名紅巖距越嶲衛六十里隔河阻山據險而守勾連紅巖以北小腊梅松光林載白沾恰里嗎阿坡羅姑巴姑西糾白石巖等夷砦紅巖以南腊珀青岡林普雄落處必歷老紅羅烏結白等夷砦崇山峻嶺延袤三百餘里夷衆數千人互相聯絡爲患越嶲南有炒米關兩河口皆

通普雄小路爲阿羊出沒之所賊夷後路可抵峩邊營之太平墩官兵堵截要隘遣冕山土百戶慕庚糯猓喇等傳箭往賊寨諭之夷人負固不服巡撫檄各路官兵進勦連破其巴沽普雄東山木枯等巖殺傷蠻人數百名直搗阿羊巢穴略加殲戮分置五里箐南路青岡林普雄落雪羅烏等處交賦乃安撫司經管五里箐北路腊珀嚙都紅巖小腊梅交護理邛部宣撫司經管西路巴姑白石巖等處交煖歹密土千戶經管令其約束蠻人各安住牧

舊通志

嘉慶八年越巂營守備張必祿痛夷匪之時出滋擾也帶兵由五里箐濫田填普雄一帶直抵拉姑衣達調集各支夷人背夫運糧抗拘者必祿卽以一二名就地掘土活埋自此夷人畏之如虎不

敢肆出處處投誠而還

嘉慶二十二年張必祿署越巂營參將瓜落西糾夷匪息胡滋事必祿帶兵仍由普雄直抵大涼山勦撫兼施至瓜落西糾萬山叢集四面皆屬夷堡息胡者居牛心山之谷瓜夷中之剽悍狡猾者也果率衆數千蜂擁而來必祿曰此強敵也可靜俟之於是紮營於高阜處不動令軍士張兩翼而賊之矢石如雨命以檣牌蔽之而別出奇兵命一千總一把總帶兵二百名由後營出別取閒道繞賊後賊不知也必祿度其矢石將盡陡施號礮率官軍鼓噪而出正值息胡跳舞長刀之時一躍高丈許必祿曰是可擊也手鎗一發應子而倒乘此官軍大進梟其首脫其甲餘衆披靡而別遣

之奇兵適至四圍兜剿鎗斃無算拖尸奔竄者甚衆官軍追逐直逼巖巔天晚紮營必祿曰是宜小心防彼之夜入盜首也於是人不息甲掩旗臥鼓別遣二隊伏於左右五里外約四更而賊果大至號礮一聲裡外夾攻復戕斃賊百餘繞巖而奔必祿亦別遣千把守營帶隊追逐將及天明危巖阻道高丈許官軍仰望不前必祿曰此入虎穴時也馬約退數丈加鞭一躍而上官軍隨之賊有滾木礮石不及施放奔竄林莽而去由此震怖戰栗呼必祿爲張山猴倩蠻僧咒詛數晝夜用磁罈收伏見壇前一猴將入罈口忽出將壇倒踢而去於是益懼相戒不敢犯自後凡夷地之危巖峻嶺夾道深溪必祿乘一黑馬一躍而過連戰連勝賊曰張山猴不



可敵也遂投誠認承納糧獻革而還凡夷人有小兒夜嘯者恐以  
張山猴來卽止嘯聲而呼山猴者不絕口數年不敢生事後於道  
光十五年由廣東升建昌總鎮奉

命由馬邊之大峯頂在天喜會合余齊二軍門將四廳滋事夷匪  
勦洗安撫升四川軍門夷常震懾之蓋其深憾夷人夷人亦深畏  
之故能如此及今息胡衣甲尙存守府庫中

道光十三年清溪屬之土司馬龍叛逆句合越嶲屬之曲曲烏巖  
潤坭母猪摸格阿路等生熟番獠俱反始則焚燒清溪屬之富林  
營直犯大樹堡焚掠無算鄉村不保馬龍者乘一白馬不用舟楫  
乘波過大渡河往來如飛外有扶同漢賊黃大五者矯健鸚鵡焚

毀曬經關關帝廟及街市將關聖綠袍服身首插雉尾嘯聚關頂  
號召其衆四下焚掠與馬龍聲勢相倚地方蹂躪不堪大樹堡經  
歷彭先華飛稟越嶲遂稟上憲始命四川提督桂涵征勦積勞成  
疾歿於越嶲之桂皮羅後遣果勇侯楊芳帶漢土官兵若干巡富  
林而南紮營大樹堡之獅子山馬龍與黃大五率師來犯前後約  
七八千楊芳隨擊隨視曰此七糾八台之衆非散其黨孤其勢不  
可卒辦於是紮定大營令遊擊馬慶封堵馬龍別紮一營令遊擊  
張富堵黃大五晝則旗幟施展夜則更鼓不絕而自提一旅率都  
司姚鵬程千總馬宣練勇陳德新等與越嶲參將王盡忠暗出巡  
視曲山烏諸處命土司嶺鳳雲諭以威信宥以不死示諭再三約

半月諸夷堡之從賊者皆感激泣下誓爲所用永不從賊芳曰猾虜未可深信果不從賊須反戈相向方爲信也諸堡踴躍爭先效命芳給以號片爲戰陣時認識按視已意諸蠻之可反用也示以戰期限以時刻而回至期芳大出隊擊馬龍於李子坪別遣一軍令張富遏黃大五於隴經關再遣一隊命馬慶封爲犄角往來救應更遣二隊爲左右翼命王盡忠姚鵬程統之以防諸蠻部之反覆不定者時官軍蓄銳已久號礮甫施鼓勵而出馬龍亦分三隊前後應接黃大五方欲應接而爲張富遏軍所阻官軍則鎗礮爭先馬龍亦矢石亂發方鏖戰間曲曲烏諸部已至馬龍以爲應已也不及隄防諸蠻反戈向龍龍出不意大敗率殘兵望北逃去芳

率師追至大樹堡紮營來日黎明追及又戰於桂皮羅官軍糾合四圍兜聚無縫可逃而黃大五軍忽從山後轉出賊始遁去偷渡大渡河公渡河追之明日先以一軍牽黃大五合衆與馬龍戰於富林營賊軍已傷八九棄衣甲遁去連日鎗斃馬龍蠻兵斬殺過半芳賞諸蠻令更探馬龍消息逾日更提大軍勦黃大五大五恃強嘯聚芳仍設伏僞退別遣一軍從後乘之更遣二軍從左右圍裹大五之衆爲鎗礮所斃刀箭所傷更有尋巖而奔亂竄爲官軍所傷者不一而足大五勢孤遂就擒俘馘入省陵遲死馬龍之勢自是益弱芳以大軍偪於富林大樹堡之間示諸蠻部曰敢有隨馬龍者不赦於是大隊尋逐凡馬龍所在之地一隊尋得卽放號

礮數隊圍裹令甫下而諸軍爭先不十日馬龍授首盡殲叛黨有  
未從賊者分別編入保甲戮其妻子兄弟以其地歸清溪自是大  
樹堡富林營平芳相其陰陽觀其流泉令大樹堡紳民修城以資  
防衛並於脈露山頂修文筆以培文風曰此地必有鼎甲者甫半  
年而軍務蕩定

以上原纂○案曰楊芳以是役晉一等侯明年夷人復  
叛坐降總兵爵二等見李稷勳所撰秀山縣志人物傳

鄂縣孫鉷擬爲四川提督某單銜奏請脩建昌衛大樹堡城疏年月日臣自建昌衛句當公事回  
四川提督任振旅以歌聿稱鴻福全師而返寶稟 廟謨疆場之外雨洗干戈尊俎之間風生裘  
帶一身康疆皆出 君賜全家飽煖共荷 天恩臣非不知安可偷而懷有不能已臣非不知賈  
幸塞而策有所當陳夫闕外之事師武臣有所不知是不明也知而不言是不思也不明不忠國  
有常憲豈爲臣寬然事關艱鉅計貴詳審勢難獨異謀必僉同如臣獨異不惟顯背於督臣如臣  
不同且恐重格於部議臣是以再三顧慮十反圖維策成自疑牘繕復毀惟念臣年已六十矣生  
邊陲出身行伍遭際

太上皇拔擢盛德官臣總兵臣蒙我

皇帝策轡至恩授 臣提督膺爵通侯階官極品鋒鏑餘生已逼暮景犬馬報主尙待何時又况今日專奏失同寅協恭之罪小異日師輿貽 陛下邊患之非大是以獨攄管見專請 聖裁竊 臣前次奉旨問罪南蠻駐軍大樹堡爲建昌門戶實禦夷咽喉地勢平夷山形鞏固規爲保障礙隆堅城除建戎幕外築板屋若干間足庇駐防軍士警聞則出圍望烽遏敵寇退則度地與民襍耕大爲游牧之閑足供臂指之使即有鯨吞無虞尾大庶幾馬腹不誚鞭長臣曾履勘境土忖度原隰與督臣往復札商彼謂既設城隍須增官守事緣締造費滋豐多且禦夷自古爲患前人捍禦不資修鑿自是老成慎事至忠體國不知三代尙矣唐宋元明幅員之廣不及本朝什一我

皇上天下一家中國一人自建昌至衛藏萬里而遙自越嶲至禦夷千里而近前代視爲外國道尙羈縻 聖朝隸爲附庸誼均安集卽今豨豕唐突尙可迨其誅夷若仍豺虎憑陵豈容寬其責備有城則民視城爲安有城則兵藉城而固彼若效順則解寬大之網宥其冥頑彼若爲殃則致心腹之攻戕其萌孽由此有備而無患邊塵不驚由此暫費而永弭官事不懼另紙繪圖并仰 天鑒比伏波之聚米山川宛在目中類充國之屯田利害決於塞上雖專匪僭惟斷廼成伏惟

皇帝陛下察臣杞憂事非妄作憐臣葵向志在効忠無任激切屏營悚惶待命之至謹上右新增又有碑銘互見城池

道光十四年冬大軍自力烏脚進剿善後未妥大憲令越嶺營參將馬慶封將軍二千紮越嶺屬之出柯得相機剿撫堵禦東路以全善後機宜慶封始至召諸蠻部各懷二三或沿山嘯聚或夜施冷箭懸巖盡設滾木礮石擊之又潛匿不見慶封曰吾知所以破虜矣將營盤分爲二自將一軍命守備楊天佑將一軍作犄角呼應之形不發軍令不出隊伍日命長夫開掘濠池高砌牆壘作久紮計晚則偃旗息鼓寂若無人間有夷日至者賞以酒食不言軍事令其醉飽而去日督夫挖砌如故久之而夷人至者益多慶封

仍賞以酒飯恣其醉飽約兩月餘忽一夜二鼓傳令令千總毛三元外委楊世茂帶某某營軍五百二更造飯三更出隊又令把總封占熬外委傅榮貴帶某某營兵四百三更造飯四更出隊又令甯越把總一員外委一員帶本營兵二百四更造飯卽時出隊又令守備楊天佑協同守營某把總帶軍二百隨造飯隨出隊各授以密計其三更出隊者歷四五十里外直抵普雄四更出隊者歷三十里內外澤洪周圍一帶地方其卽時出隊者歷二十里內外紅巖特西一帶地方其隨時出隊者前後左右策應同時舉放號礮火箭火彈一齊射入蠻堡繼以鎗礮繼以弓矢繼以刀矛百里內外同時着火夷寨皆燃炎燄蔽天喊殺如雷夷人或防備者



或有不及防備者或有預先逃匿者箭不及發矢不及施焦頭爛額而奔又在火光中中刀箭傷各夷房一時燒滅竇窖牛羊豬隻或經燒滅或經兵勇擡取堆積如山任其取食是役也燒毀夷堡百餘里殺燒夷匪近百名自是夷人膽落爭獻牛馬傾心投誠始行撤軍地方安枕數年

道光二十年自鳳凰營失守後同知王者政參將馬彥彪到任先修中所垣王家屯保安營一路土城柏香汛兵丁掄獲野夷數名俱帶有茅葫蘆弓箭長刀稱係搶人野夷王者政恐其未確而有挾害冤情也先調送夷之兵再三研訊或單訊一人或同訊二人或背此訊彼詐稱此供非搶人之夷或調彼面質嚇恐前稱非搶

劫之夷細心研鞫者三日實係五里箐不法之夷又雜調夷人確訊某案係某所劫某人係某所搶研訊的確會同參府彥彪密商逾日均各戎裝三更出隊隨諭柏香汎弁應接將擒獲之夷帶入五里箐正法復抄其禾稼焚其村堡火燄上騰聲震山谷夷人震怖膽懾稱投永不生事自後凡有擒獲搶劫野夷細心研問務求確實重則就擒獲處正法輕則抽割足筋使終身不能動履夷人相與畏服自此以後清靜者將近十年雖未深入剿洗而夷人大懼

咸豐五年護鎮塔方阿普雄陣亡後兵備道鄂惠調集漢土官軍各處防禦而夷人焚搶如故謂中所填曰羊腸百貨所聚眈眈視

之十二月十三日同知秦象曾參將隆福按團中所填當晚夷人大股適至由柏香直趨乾河埧衆萬餘謀者適至時倉猝不集衆有畏色或曰秦公父母官也陳氏後園礮房頗堅可暫避之衆死守待天明請救象曾曰如我一避人心瓦解且地方若亂一礮何能守乎因與參將隆福檢視團軍以備堵禦得趙把總兵四十名陶家營防堵兵三十名團民約一百三四十名適有煙幫客民聚宿各客店約二百餘人象曾曰得此足以破敵矣沿店相邀見掌事者揖而激之勉以公憤煙幫感激願出力團衆亦爭相鼓勵象曾乃發令令老穉守聚城垣然香徧插皆毋許妄動令老成巡察街房及各巷口毋許嘈雜一面命人諭土城五里牌陶家營河上

坪各處居民各堅壁清野登礮瞭望毋許亂放鎗礮因派紮陶家營防禦之兵雜團民齊集軍火聽候號令令團首某帶百人紮乾河堤牆陰埋伏令煙幫洪姓帶百餘人偕鄉導出土城轉乾河堤口埋伏請參將隆福率數十人於陶家營督飭兵團相機守戰令趙把總防禦東街路口象曾自登陴守禦各路之兵皆聽號礮勝則沿途邀截敗則各路救應令各飽食更換伺望毋許聲張二更許夷人果大股而至自乾河堤至南場口橫豎十餘里火把遍野萬炬燭天嘯聚一聲地皮震動象曾曰此虛張聲勢也須讓過頭勢斯時衆人四野無聲待發號令而賊噭嘯愈甚豕突狼奔者數四跳舞而前象曾不爲動惟凝神運目視其所向賊至益近象曾

日可矣號礮一聲陶家營之兵先放排鎗鎗作三排百聲相應每放一排賊之登先陷陣應子而倒者數人次排益多象曾乃以火彈號示各處埋伏俄而四處燈火齊明鎗礮雜響喊聲大震賊已至垓心不知虛實但聽四方殺聲奔竄不迭沿乾河填而去陶家營兵團與中所填兵團合追於後阿補塘防堵之雷把總金外委偕團衆堵截於前煙幫合土城團勇自東而來五里牌團合理伏乾河填之團自西而來乾河填之團亦自大路橫截而來四路追截賊奪路奮死奔竄傷亡甚衆象曾下令曰昏夜之中毋許深追還守地方爲上於是各軍凱撤而賊衆亂竄遇大河黑保鸞團民又傷數十遇柏香各團又傷數十始奔去明日檢視一路尸骸尙

有百餘鎗斃拖走者無數後聞夷巢逃出者言各處燒尸嚎哭死者不下千餘自是而夷人不敢小視中所填象曾之勇合場之福實天意存焉

五里箐黑夷當家者仇視小哨甚久各處搬取夷黨欲焚滅之咸豐六年正月初旬時鎮道在越各處防禦會鹽營遊擊何慶元甯越營都司鍾滙松林地千戶王應元是日適曉隊至小哨而夷人不知以爲可乘虛而搗二更後率大股自大河截出沿觀音巖而上約五六千並無火把亦不施矢石欲越城而上焚燒民房恣意擄掠也時小哨城中紮普安戡邊兵數十汛弁兵丁五十團民六十餘並得何鍾王三路之兵聽其號令鍾何又慣戰之員令民老

弱沿城牆擊銅器並更鼓木梆俟鎗礮響時交擊令兵民登城守  
陣凡地二尺紮一人令將板房壓石並沿街簷石街中路石並運  
入城牆毋聲張俟賊臨城鎗礮響時審視親切墜下擊之時方初  
旬無月令千把二員帶兵團墜城而下一伏臨近左右以便邀截  
一俟賊臨城將城外草堆燒然審視方向施放鎗礮二面夾攻二  
更後夷人暗地欲搭梯上城俄而草堆已然照耀如晝城內更鼓  
齊鳴鎗礮俱響賊已至城邊者巨石石板擲下腦漿迸裂周圍皆  
着稍遠者乘火光照視鎗無虛發應子倒斃拖走甚衆賊知中計  
奪路奔逃而埋伏之軍與放火之軍礮聲騰起迎面喊殺城內從  
中追逐夷人四分五裂各尋奔路有脫氈衫褂於樹枝者時火光

漸暗官軍向樹施放鎗礮始能脫去至曉點視磚石打斃鎗礮所擊刀箭所傷除拖走無算一路尸橫二百餘具同知象曾喜曰自辦理夷務以來未有如此痛快之戰也繼聞夷人與當家講人命者三年尙未清楚

咸豐十年剿南箐同知周岐源同參將張倫調集雷顯發勇四百名李超羣勇四百名及團衆數百守備嚴德高帶兵百餘一心勇百餘先數日至南箐口尙未壓山梁而閑亡遊勇各入夷堡爭取牛羊豬隻穀麥蕎豆等財物夷人數千猝至皆爭命奔逃遏止不住張倫把隘口力殺二人方止然大勢已衝急收軍回中所填倫曰吾知所以破敵在整嚴佈置耳自後閑亡不准打關兵勇不許



預先放鎗連日夷人窺伺倫不爲動而夷人方在殺牛會酒搬取五里箐普雄八切挖啄等支意欲掃滅南鄉也十一月某日日方晦夷人已合數萬以八切等支及五里箐普雄夷向阿補塘以南箐口等支向炒米關五里牌以乾龍潭等支向陶家營西山頂石勒率各支聚河上坪倫曰此勁敵也先命鎖中所填南北門不準搬動伺命支會阿補塘落木堡柏香大河等處禦敵伺令余把總率一心勇五十向五里牌禦敵李超羣帶清溪勇壓山梁爲犄角雷顯發勇嚴德高兵爲左右翼五鼓出隊屯紮中所填西團山頂戒毋妄動而夷人四面叢聚自南箐口至河上坪層層密密四山皆黑如萬隊羊羣有爭先陷陣者有躍長刀高丈許者有披白氈

衫四面號召者嘯聚一聲山谷響應石勒方吹牛角催隊以長刀背督之倫但令穉紮陣脚以鎗礮嚴督其跳舞而山上夷人有應子倒斃者凡拖尸一走去賊數十先是八切一支撲向阿補塘而落摸堡柏香大河團衆鼓衆嚴拒自四鼓起夷人矢石交下團衆鎗礮兼施鎗子所向有應子而倒者正當相持柏香吉家山汎弁率兵分左右來連珠號礮響聲不絕而夷人死於鎗者頗多又慮官軍之從後兜裏嘯聚一聲始解而去時天方欲曉河上坪與團山頂之官軍亦正相持夷人之先登陷陣者方跳舞而來倫命鎗手施放排鎗連環而進雷發顯勇持羊角又爭先赴敵李超羣勇亦相機施放鎗礮俄而柏香兵弁見阿補塘賊退不行追逐將大

將軍礮位運至大瑞山頂向乾龍潭五里牌施放甫放二礮山嶽  
震撼時旭日初升將進辰牌五里牌乾龍潭及陶家營徧山夷人  
先奔石勒止遏不住河上坪賊亦瓦解而散倫恐其有伏令無深  
追追亦蟬聯而進及午收隊計殺夷人百餘拖尸走者無算是役  
也得力於倫之靜鎮又仗大將軍礮位神助自是屢戰屢勝兵威  
大振各紳糧知倫善用兵雷勇能出死力團衆奉調遣鄉里勸捐  
輸大小十數戰而夷人膽懾乃送行商大哨過山道路無阻

以上  
原纂

越嶲廳全志卷六之二

武功志下

同治元年粵逆前隊僞宰輔號賴裕新者綽名賴剝皮統十餘萬衆自滇犯蜀直渡金沙江會理州屬之窪烏司失守進犯德昌河西越嶲同知周岐源得報急派百長雷顯發及越嶲營弁兵前堵冕屬之九盤營石梯子時以夷匪阻塞大路糧運不通退保越屬之長老坪二年二月初五日粵逆焚毀小哨汎及炒米關下竄中所填場岐源會同越嶲營參將楊應剛率兵民登陴守禦並先令四鄉堅壁清野凡穀米輜重老穉婦女盡令入城壯者潛聚各山澤僻徑處俟其動靜相機擊賊岐源親攜被帳同軍民日夜往南

東兩敵樓瞭望籌策初六日四鼓賊大隊自中所填下火炬遍山威如風雹趨繞教場而東人似蟻陣旗幟如林鎗礮之聲益近岐源傳令沿城齊集不准妄動嗣賊越東河繞大水溝岐源令東北各防用大礮轟擊賊且戰且走至天明鋪山遍野皆賊隊而前去者漸不顧後後來者不能續先岐源曰賊有懈機可分而斷邀而截能獲首級者賞若干得財喜者聽自取救出難民有認識者給路票路費資遣還鄉令甫出城上軍團爭先奮勇踰城下者三百餘人合四鄉潛伏山澤之衆又數百人合螞蝗汎大水溝阿撒堡熟夷又數百人或伏路放鎗礮或乘高阜發矢石或陸續截斷後尾或從後攔其輜重將賊尾截爲數段東山一路又多水田賊騎

不便馳騁分頭亂竄軍團疾迫獲首級數百生擒百餘是日賊之大隊竄宿王家屯岐源曰白沙溝路險而偏可聚而殲也命土司嶺承恩帶夷兵數十繞西山潛出廳關頂安設滾木擂石復調打土茅草填夷兵三百餘暗紮附近俟賊半至急發木石而以兵繼其後初七初八日賊大隊由中所填續至時軍民膽壯直犯賊鋒夷人繼以矢石岐源登陴指授方略先後左右各有步伍俄獲打桓天王旗賊首一打黑幟賊首一賊衆遂披靡前隊至白沙溝礮木礮石齊發繼以夷兵矢石紛紛下墜賊衆半爲齧粉恃其衆多逃而去者大半三日內首級堆山生擒又七八百救出難民千餘賞不勝功岐源曰俟稟諸大憲各錄大勳白沙溝之壓斃者又千

東青原志卷之二  
一  
餘人或謂僞宰輔賴剝皮亦在壓中賊南犯久未有如此之敗也  
惟保安營都司截賊陣亡中所填保安王大二屯均遭焚燒或賊  
去後凶夷乘機搶劫財物乃將數處燒毀而城池幸獲保全

二月十三四日賊至大樹堡一路先聲布散鄉民爭先逃匿堡城  
紳民亦逃於堡後麻家山或勸經歷張溥避去溥曰我等盡去如  
土地蒼生何乃跨一黑驃率三數百團衆雜衙役數十拒賊馬失  
前蹶墮於地傷足不能履不得已隨衆扶至麻家山將息俄而賊  
至將堡城屋宇焚盡煙瘴蔽天復分掠四鄉搜刮餘糧用布疋連  
船搭浮橋渡大渡河溥視之泣血霑衣灑涕誓衆曰生靈逃避房  
舍焚燒老幼慘離皆溥一人罪也溥不敢愛生將與賊拚命於瀘

江矣爾曹皆吾赤子願隨者卽聽不願者毋強衆皆泣曰我等家業盡喪得公如此要命何爲同聲一應漢夷願從者千餘人於是聯爲一團分撥三隊一隊遣善水者由水中斷賊浮橋從河內邀擊一隊暗轉山後由猴子巖泝流而上截其右尾一隊由大渡河上游沿流而下截賊左尾一路從中尾追斷賊後隊賊正爭渡軍聲忽大振殺入賊不虞其軍至也爭先上橋擠入水中者無數卽已上橋橋爲兵暗斷擠跌落水死者又無數正渡時左右兩軍俱至奮擊斷頭缺脚者又不知凡幾救出難民千餘賊之後隊逃脫無多復督率團民乘舟追至北岸猶鼓勇奮勵殺賊百餘

四月粵逆後隊僞翼王石達開復自滇竄蜀率十餘萬衆由冕邑



奔越屬之紫打地時土千戶王應元飛草上稟並稟越屬同知周岐源場外舊有鍋河河由打箭瀘並冕邑合水下合大渡河賊甫至未之渡也王應元率土兵團練暗將松林河橋折毀令鄉村各寨堅壁清野俄而陰雲四合日夜滂沱大雨河水陡漲而賊方築壇諷經也諷畢欲竄進爲河水阻偪不得渡退無所得食出隊山村各處尋糧山皆壁立居民雜處巖巔者聚衆團及土兵邀擊不數日越屬同知周岐源並參將楊應剛率師紮鐵嶺阻其東路總督駱秉章遣四川提督胡中和率師紮瀘江北岸安慶埧爲大渡河上游總鎮唐友耕率師紮沿河岸亦大渡河上游雅州府知府蔡步鍾率師紮楊泗營爲大渡河下游各兵勇數千遏其北

路署布政使劉蓉帶兵千餘紮富林營督運糧餉指授方略又南  
字營遊擊王松林帶勇千餘自冕甯直趨筲箕灣擦羅等處扼其  
南路王應元率番兵團民守各險要遏其西路土千戶嶺承恩帶  
兵千餘出竹馬岡扼其咽喉賊四面受敵又困於雨橋斷不得渡  
四面營盤日出銳師轟擊夜遣悍勇砍其營寨夷兵慣用飛石名  
曰長靶錘不時飛擊賊寨賊又糧盡無所掠進退戰守俱窮頗有  
降心岐源密探其意乃爲畫策邀參將楊應剛商南字營王松林  
令先達意授以密計王松林親踐其壘曉諭再三賊首肯者六七  
應剛銳然自任率丁數十至賊營先貽書約誓待以不死賊未之  
信也而賊之僞李宰輔僞曾宰輔等俱欲傷應剛應剛大呼叱之

毛髮直豎曰我爲國家息干戈爲生民造福命爲汝等尋生路而不見信生殺由汝汝等釜中遊魚死不旋踵與王松林同指天誓日石達開信之與之訂盟翌日並馬出紫打地至喬白馬賊之衛隊刀鎗圍繞者萬衆應剛不爲動但同王松林力勸使行而河北岸胡提督唐總鎮營盤尙未得報用大礮迭擊火標火彈交發賊衆驚惶欲變聚千刃相向應剛松林又力爲陳說王應元帶隊護持於後嶺承恩帶隊迎迓於前應剛先驅達岐源所並飛棹達河北各營鎗礮方止各出隊邀截已而石達開至洗馬沽應剛指曰此越嶲同知周公達開長揖而坐遂擁至海棠城內而胡提督唐總鎮馳至爭奪賊俘岐源力爲陳說應剛始予之並交各僞宰輔

等其隨賊者尙數千爭欲隨賊去岐源給曰俟總督文到自有安插令各釋軍器安置大樹堡城內繼奉密札以五月五日火標爲號唐軍渡河周圍密布盡其黨殲之賊中有善走者縱步上禹王宮屋脊卽以鎗礮擊斃之其藏匿禹王宮承塵上者盡搜戮之投入大河者無一生全遂於其地置鯨鯢封處石逆至省並其僞宰輔等俱正法石逆平

以上原纂

四川總督駱秉章奏爲生擒逆首僞翼王石達開並剿滅髮匪巨股恭摺由六百里馳奏仰祈聖鑒事伏查僞翼王石達開在粵逆起事首惡中最爲狡悍善戰其蓄謀窺蜀匪伊朝夕自上年正月間由湖北利川突入川境卽欲徑渡大江肆其紛擾經臣調兵節節扼剿該逆沿江上下迄不得逞乃自長甯敗走叙永綦江遁入黔境復由叙南來犯彝屯於橫江雙龍捧印等場緝互數百里銳意渡金沙江以圖侵軼腹地經臣分撥諸軍面面兜剿挫其兇鋒該逆兩次犯蜀皆爲重兵

堵截不能展其馳騁旋復退入滇境而譎謀未息以中旗賴裕新一股先自甯遠冒險內竄以偽宰輔李幅猷一股仍由黔境下趨以圖牽綴大兵而自率大隊由滇之米糧壩踵渡金沙江巨撫湘十年屢因石逆用兵稔其不憚險遠最善伺隙乘虛此次中旗敗匪足不停趾晝夜狂奔預料石逆在後必謂我軍皆已跟追中旗一股不暇回顧乘勢急進使我驟不及防臣揣度既審自當以嚴扼險隘毋使闖入查大渡河爲西南巨脈發源天全土司境內流經魚通之瓦斯溝與瀘水匯流冷邊沈邊至清溪以下復入夷地不惟自越嚮冕甯大小兩路必經之安慶坭以至萬工汎沿岸二百餘里渡口十三處皆應嚴防而上游之瀘定橋以至化林坪下之灣東皆可越松林小河由此徑渡以旁入天全石逆兇狡多謀一處疏漏卽不足以制其死命臣當一面飛飭著雅州府知府蔡步鍾就近選募熟悉地利勁勇並調阜和營及木坪松林漢土各兵一面由溫郛抽調重慶鎮唐友耕一軍先行馳防安慶坭以至萬工汎大小兩路渡口札飭松林地土千戶王應元督帶頭目土兵以扼松林小河防其旁竄化林坪瀘定橋一帶仍慮土司兵單復調雲南提督胡中和所部湘果左軍分布化林坪以至瓦斯溝以爲聲援並檄護阜和協謝國泰督本標兵馳赴磨西面猛虎崗以防竄打箭壘之路此時中旗殘匪遠遁陝境臣急調總兵蕭慶高何勝必湘果

中右兩軍兼程馳赴雅郡榮經以爲後勁而防奔逸並札飭邛部土司嶺承恩帶領夷兵將越巂大路各隘口紮斷逼賊使入夷地小徑即從後包抄以絕回竄並酌賞嶺承恩王應元土夷各兵銀物以昭激勸而資得力面面張羅層層設守乃三月二十五日唐友耕蔡步鍾等馳至河邊布置甫定而石逆果擁衆三四萬人繞越冕甯知越巂大路有漢夷各兵扼截遂由小路於二十七日逕奔土千戶王應元所轄之紫打地是夜松林小河及大渡河水陡漲數丈勢難徒涉賊衆搭蓋筏棚屯聚一面趕造船筏三十日申刻賊千餘至河邊窺渡被我兵施放鎗礮轟斃數十人賊遂退連日隔河遊弈意在疲我兵力四月初四日賊出隊四五千擁至河邊拖有木船竹筏數十隻每隻皆有悍賊數十人用攔牌護身拚命搶渡棚內衆賊皆出助勢隔岸呼噪聲震山谷我軍排列河岸屹立不動以鎗礮連環轟擊立斃執旗紅衣賊目數名並將賊筏火藥引燃同時炸裂賊衆紛紛落水間有數筏飄至下游亦被我軍沿流擊沈搶渡之賊無一生還隔岸之賊遂皆懾退是夜亥刻逆匪數百人執持火把沿河探路復被我兵隔岸轟斃者不少賊知大河難渡遂銳意圖撲松林小河以冀由瀘定橋直趨天全送經土千戶王應元扼河力戰前後共斃賊數千人甯越營都司慶吉委員王樽等及土司嶺承恩復帶夷兵於初七日由後路抄至新場一帶節節

攻逼十二日乘夜刼取馬鞍山賊營逆匪猝不及防夷兵從上壓下殺斃賊匪數百名遂將馬鞍山佔踞絕賊糧道逐日鷓鴣獵擊斃賊無算十三日逆匪數百人在下填子窺探經蔡步鍾派撥弁兵與游擊包良潤由蘇村過河殺斃百餘名餘匪四散我兵收隊過河從此逆勢日蹙糧已漸竭石逆乃以箭縛書隔河射投土千戶王應元啗之以利欲使讓路王應元誓以死拒該逆復以利誘土司嶺承恩欲使緩攻而嶺承恩攻之益急石逆自知陷入絕地憤極思逞於十七日三更時盡斬鄉導二百餘人祭旗傾巢而出分股一撲大河一撲松林小河皆被唐友耕蔡步鍾及王應元隔岸鎗礮轟擊兼以水勢湍急登筏者悉皆沉溺對岸之賊亦紛紛倒地該逆窮智力竭困伏賊巢殺馬而食繼以桑葉充饑咀嚼殆盡二十三日辰刻瞥見賊二百餘人徑至河岸自棄器械口稱投誠唐友耕蔡步鍾察其形跡可疑督令開放鎗礮石逆親擁大眾由水陸分撲船筏二十餘隻被水飄沒五隻其餘悉被擊沉對岸之賊攀援崖壁魚貫蹂躪我軍沿河用火彈火箭拋射並以鎗礮轟擊維時都司謝國泰已至松林地遂與千總陳太平土千戶王應元督率土兵渡過松林小河越蕩營參將楊應剛都司慶吉委員王樽顏汝霖姜由範把總史國禎練日雷順發等亦同土司嶺承恩從馬鞍山壓下兩路齊進直撲紫打地將賊巢一律焚燬斃賊數千名山徑

險仄逃竄之賊自相擁擠夷兵練兩而夾擊鎗礮如雨夷兵復登山巔用木石滾擊賊衆墜崖落水浮屍蔽流而下者以萬餘計石逆僅率餘黨七八千人奔至老鴉漩復爲夷兵所阻輜重盡進失失退無路其妻妾五人抱持幼子二人攜手投河其曾受僞職老賊自溺者亦復不少臣前以石逆或傳其死倘能設法生擒辨認真確俾就顯戮庶可以釋羣疑當經楊應剛等以該逆無路逃坐於洗馬姑暨立投誠免死大旗石逆果攜一子及僞宰輔曾仕和僞中丞黃再忠僞恩丞相韋普成等並餘黨至洗馬姑乞降楊應剛嶺承恩等於二十七日將石達開五人羈留在營訊明新被裹脅及老弱者發給路票遣散四千餘人尙有二千餘人半係該逆五標悍賊臨陣用以衝鋒遂派文武弁兵及土司嶺承恩之弟嶺承高押至大樹堡復經唐友耕派都司唐大有等帶隊過河約會副將張福勝都司慶吉等四面駐紮彈壓於五月初一日先將石達開父子及曾仕和黃再忠韋普成押令過河唐友耕派游擊龔定國帶隊並蔡步鍾所派之知縣阮恩壽等護解起程來省臣前於四月二十八日得報慮其餘黨殲除不盡將貽後患札飭藩司劉睿馳往大渡河會同唐友耕等委辦善後事宜乃石達開等於初三日起解蔡步鍾等卽密派各營於初四日過河是夜以火箭爲號會合夷兵將僞官二百名悍賊二千名同時圍殺其偶有逸出者亦被夷兵



沿途截殺確遣散老病者數百人此股巨匪實已剷洗淨盡石達開父子及曾仕和黃再忠韋普成等五犯於初十日押解到省臣以石達開自寶慶敗竄粵西後傳聞異詞前曾奉

旨飭查臣亦不敢確指該賊是否尙在賊中察其行兵詭計實與前次竄擾江西湖南湖北無異仰  
頰

天威現既俘獲到省自應審辦確鑿先令自瀘沽賊營逃出曾經認識石達開者辨認的確臣會同成都將軍臣崇實督飭在省司道親提該犯鞠訊石達開自供與洪秀全等自廣西金田村起事卽封僞王及竄擾各省情形歷歷如繪皆臣所素悉語皆符合且其梟桀之氣見諸眉宇絕非尋常賊目等倫實爲石達開正身無疑本應檻送

京師以彰

國憲惟因道途遙遠著名巨寇未便久稽顯戮謹援陳玉成之例當卽恭請

王命將石達開極刑處死僞宰輔曾仕和黃再忠韋普成據供從賊多年受有僞職亦皆押赴市曹陵遲處死其子石定忠現年五歲例應監禁俟及歲時照例辦理並將石達開原供抄錄恭呈

御覽伏維石達開與洪秀全首倡逆謀自粵西擾犯湖南湖北江西安徽竄踞金陵共圖攻下名城

戕害大吏不可勝計迨賊中憚其狡悍欲相屠害乃復擁衆自雄由金陵屢犯安徽江西繞竄浙江福建廣東邊境衆至數十萬圍攻湖南寶慶府城經大兵合剿敗遁廣西黨羽逃散踞伏山中蹶而復起突由兩湖直趨川境賊衆復至十餘萬乃敗入黔滇仍敢由甯遠繞道內竄其注意川疆志在必逞臣度其狡謀處處隨方布置不使少留空隙仰託

皇太后

皇上威福將弁兵勇暨土夷各兵用命逼使該逆陷入絕地糧盡術窮不惟全股剿滅無遺且將十餘年著名逆首生縛到省明正典刑應即傳首被害較重各省以彰

天討而快人心惟李福猷一股前由黔境下竄臣已飛調臬司劉嶽昭由敘南馳赴江津以備截剿乃此股賊匪由黔省遵義竄至綏陽正安地界適值勞崇光由川省彭水取道入黔行抵黔境之賈家寨突與賊遇用輿懇奉

旨來川帶有勇丁二千名行抵綏陽聞勞崇光在賈家寨與賊相持即星馳往援將賊擊退由正安敗遁夔川臣已知照臣與恕約會劉嶽昭兩面合剿至黔省苗教各匪尤難數計在在與川界毗連滇省回衆情既叵測且土匪此聚彼散飄忽靡常敘南自滇粵各匪蹂躪以來遍地瘡痍臣萬

不敢因石逆巨股殄滅稍涉大意雖於餉項萬分支絀之際仍須分布兵勇以防滇黔各匪現已移調胡中和仍駐敘南並俟唐友耕所部凱旋卽令馳赴江津綦江以固邊隅俾川南各屬之民藉資休息以仰副

朝廷眷顧西南黎元之至意所有生擒僞翼王石達開等並剿滅髮逆巨股理合會同成都將軍臣

崇實恭摺由六百里馳 奏 伏乞

皇上聖鑒訓示施行謹 奏 原纂補附鑿文志今移入

附薛福成書劇寇石達開就擒事粵匪石達開與洪秀全楊秀清同起潯州之金田僞稱翼王踰嶺涉湖乘勝循江而下攻陷金陵旋叛秀全不與通糾黨踞江西八府與曾文正公相持連年旣乃突入浙江由福建江西以擾湖南聲勢震盪巡撫花縣駱文忠公多調宿將與力角於洞庭衡山之南僅驅出境達開乃還齧廣西諸郡仍繞湖南北徑窺四川邊境退入滇黔之交奔突萬餘里蹂躪百數城厥性慣走邊地避寔蹈瑕每爲官軍所蹙則踰伏山中倏伺形便飄然遠颺自謂生長嶺嶠善涉奇險躡幽徑恣其出沒使官軍震眩失措莫之能防然亦卒以此擒滅同治二年三月由雲南犯四川使其先鋒賴裕新率賊四萬由甯遠冒險深入裕新敗死餘衆窮日夜力兼

行飄忽如風雨闖入陝西欲引官軍追之北上俾南路空虛遂自率大隊渡金沙江將北窺大渡河大渡河爲西南巨壑賊由越嶲冕甯大小兩路而來必走安慶壩及萬工汎緣河二百餘里有渡口十三處若西繞土司轄境皆仄徑可北越松林小河由上游瀘定橋及化坪林徑渡入薄天全雅州是時駱文忠公總督四川長沙劉蓉爲布政使綜理營務贊畫軍謀偵知松林地諸土司受賊賂將讓路駱公乃調總兵唐友耕一軍專防安慶壩至萬工汎檄知府蔡步鍾率雅州勁勇馳往助之檄諸軍陸續馳扼雅州榮經及化坪林以張聲援檄松林地土千戶王應元率所部土兵駐守松林小河檄邛部土司嶺承恩統夷兵截斷越嶲大路逼賊使入土司境伺賊入險卽鈔其後路使不得退先重賚嶺承恩王應元夷兵土兵並許獲賊財物悉賞之布置既定達開率衆可四萬繞越嶲冕甯前進知越嶲諸要隘嚴兵以待果由小徑趨王應元所轄之紫打地其旁兩山壁立隘口險仄易進難退前阻大渡河左阻松林河右阻老鴉漩河達開以土司之納其賕也夷然信之長驅入險是時大渡河北岸尙無官兵達開使其下造船筏速渡渡者已萬餘人會日暮忽傳兵撤還南岸謂其下曰我生平行軍謹慎今師渡河未半儻官軍卒至此危道也不如俟明畢渡運明遣探賊探視忽見大渡河及松林河水陡高數丈達開謂山水暴發一二日可

平也當少俟之越二日水勢稍平忽見官軍已到北岸用鎗礮隔水擊賊有死者達開欲退出險遣其黨回視隘口則土司已斷千年古木六大榦偃於地以塞路且有夷兵把守欲索兩旁小徑則皆千仞絕壁無可攀躋賊衆遊弋大渡河松林河南岸晝夜伺間衝突皆被官兵士兵擊退死亡者萬餘人嶺承恩復由後路抄入攻奪馬鞍山賊營絕其糧道夷兵或三五爲輩伏險狙擊或自山巔隕木石殺賊官兵亦不時渡河雕剿達開進退無路約書於矢隔河射入王應元營囑以重利求讓路應元不應復以利誘嶺承恩承恩攻之益急達開狗於衆曰吾起兵以來十四年矣跋險阻濟江湖如履平地雖遭艱難亦常寔而復奮轉敗爲功若有天祐今不幸受土司誑陷入絕地重煩諸君血戰出險毋徒束手受縛爲天下笑則諸君之賜厚矣因泣稽顙衆皆泣稽顙慰日加造竹筏誓於死中求生夏四月十七夜達開盡斬鄉導二百餘人祭旗悉衆分撲大渡河松林河每數十人乘一筏人以攜牌蔽身皆披髮銜刃挺矛植立衆筏同時齊奮爲官兵士兵鎗礮所擊悉隨驚湍飄沒浮屍如羣鶩蔽流而下達開在圍中布月糗糧既罄殺馬而食繼陷桑葉草根皆盡官軍與承恩應元四面兜剿直入紫打地盡燬賊巢達開喪其輜重率餘黨七八千人奔至老鴉漩爲夷兵所阻妻妾五人攜其二子自沉於河達開見官軍暨投誠免死大旗乃攜

一子及僞宰輔等三人與其餘黨呼曰石達開降嶺承恩等羈之營中訊其餘黨之施倪及脅從者逾四千人分塗遣散其積年老賊二千餘人唐友耕派營分駐彈壓五月內午朔達開等五人過河至唐友耕營中越二日解送成都明日官軍夜以火箭爲號會合夷兵圍擊僞官二百餘人得賊二千餘人殲焉達開到成都對簿有司訊其前後抗官軍事甚悉口如懸河應答不窮自稱年三十三歲於當時諸將負盛名者皆加貶辭謂曾文正公雖不以善戰名而能識拔賢將規畫精嚴無間可尋大帥如此寔起事以來所未覩也乙卯礮達開於成都市是役也達開不自入絕地則不得滅卽入絕地而無夷兵四面扼剿亦不得滅然使諸土司中始無得賄縱賊之人以達開之審於行軍亦決不冝竟入絕地知土司之隱情而善用之則視乎當事者之籌略矣至賊衆臨渡而山水忽發又似天意滅賊云

按達開初到大渡河邊北岸實尙無官兵而駱文忠公奏疏謂唐友耕一軍已駐北岸似爲將士請獎張本不得不聲名其防河得力因稍移數日以遷就之當時外省軍報大都如此亦疆吏與將帥不得已之辦法也達開之衆半渡撤回係唐友耕親告余弟季懷者余追憶而書之其他月日與地名人名則仍攷駱公奏疏以免譌舛云自識 以上新增

武

壽 德 全 志

卷六之一 武功下

十

案曰鏘常勘災紫大地其土人賴進學述石逆被擒事甚詳  
其言曰同治二年二月初粵逆賴裕新過越嚮城外校場塢  
已被官兵團練打死矣僞翼王石達開探知越嚮大路有備  
率十萬人由冕寧縣屬大橋至鐵宰宰水扒巖爛泥坪銅廠  
新場三月二十七日奄至紫大地場新街老街百姓皆逃過  
松林小河或過大渡河往清溪縣界居住彼時兩河之水陡  
高丈餘石逆督造渡船二三十隻隨渡隨壞約溺數千人遣  
其黨繞至蠡羅等處打糧苦無所得是時越嚮營參府楊公  
馳至紫小水後文筆山土司嶺承恩與同扼守土千戶王應  
元紮松林地堵小河口四月初八日賊有會姓者以二千金

向王千戶買路千總陳太平已允而王千戶不允當是時唐軍門遣其部下李文彬紮安慶埧雅州府蔡公同唐軍門紮富林營胡統領紮化林坪二十三日阜和協某率二千人由田灣至松林地是日石逆得信知大兵已集遂率妻子而逃有七賊婦至小水溺於河石逆前與楊叅府約降自由小水過喬白馬適楊叅府早下山前往迎之攜手過涼橋至洗馬姑宿馬頸子王通把宅中明日楊叅府帶石逆由納耳埧至富林意欲徑至省城報首功也而唐軍門蔡知府邀之於路不得前遂將石逆交二公而回越舊云此賴進學所記石逆被擒之大略也其年月日皆確鑿可據與本志原纂已多不



合以視駱文忠奏稿與薛星使書事更有異同約記其語以

質世之脩史君子

新  
增

同治四年冬夷匪時復出巢署同知梅震煦署叅將霍名陞暨管帶廳勇已革叅將王廷相約會管帶長勝軍之都司范金魁立時擊退明年正月初四日夷匪二千餘人竄至落摸堡震煦等三面進攻外委毛延魁陣斬悍夷三名斃逆夷數十名十九日普雄野夷竄至廻龍廠復經分路截剿二月初八日落烏支夷勾結普雄野夷分竄吉家山小孤山等處范廷魁督隊馳剿遊擊劉履玉衝入敵陣身受重傷力竭陣亡經范廷魁奮擊餘匪潰奔三月十六望所部虎威營勇六百名前來越嚮督同都司范金魁所帶長勝

軍二千名暨越鶴廳所募練勇並建昌鎮劉寶國酌帶漢土官兵日王廷相奮勇衝突右脇被石擊傷副哨李定國裹創力戰四月初一日夷匪夜至南關外當經擊退斃賊數十名生擒白夷一名正法十五日夷匪大股出巢我軍在溜草坪把什山等處接仗將夷目叻咭一名正法並斬斃夷匪無算

新  
增

四川總督駱秉章奏官軍剿辦越鶴夷匪迭獲勝仗摺稿臣等於上年九月初一日曾將攻剿越鶴夷匪情形 奏陳在案旋因擒匪竄擾陝境而川北沿邊要隘在在宜防兵力不敷分布不得不先其所急抽調在越鶴廳剿辦夷務之總兵丁永陞一軍馳赴川北平武縣邊界設防乃夷匪訥知兵勇稍單時復出巢滋擾均經署越鶴廳同知梅震煦署越鶴管帶將霍名陞暨管帶廳勇之已革參將干廷相等約會管帶長勝軍之都司范金魁立時擊退屢有斬擒本年正月初四日夷匪二千餘人竄至落曉堡梅震煦霍名陞范金魁等督率兵勇三面進攻外委毛延魁身先陷陣立斬悍夷三名賊勢不支紛紛潰散兵勇乘勢追殺復斃逆夷數十名十九日普雄野夷竄至

土千戶王應元所轄廻龍廠地方復經我軍分路截剿陣斬多名二月初八日落烏支夷勾結普  
雄野夷分竄小姑山吉家山等處范金魁督隊馳剿鏖戰數時之久游擊劉履玉衝入敵陣身受  
重傷猶復手刃悍夷一名力竭陣亡當經范金魁揮兵奮擊斃賊數十名餘匪潰奔回巢二十八  
日普雄野夷竄至擦羅係復被我軍截殺斃賊多名生擒悍夷八名三月十六日王廷相帶隊由  
關頂巡哨適值逆夷大股出巢王廷相身先士卒立斬悍夷數名賊眾兵單王廷相奮勇衝突右  
肋被石擊傷愈戰愈奮斃賊無數副哨李定國腿受矛傷裹創力戰卒能以少勝眾夷匪紛紛敗  
回老巢四月初一日夷匪乘夜潛至南關放火當經兵勇立時擊退斃賊數十名生擒白夷一名  
正法十五日夷匪大股出巢我軍分道截剿在溜草坪把什山等處接杖斬斃夷匪甚夥並將夷  
目吹咕一名擒獲正法此越濶官軍剿辦夷匪迭次獲勝之情形也謹合詞恭摺具 奏伏祈

聖臨謹 奏

同治六年春大股夷匪出巢滋擾甯遠大路每每多梗阻總督駱秉  
章飭總兵丁永陞招募楚黔勁勇一千二百名又添調叅將劉順

節節布置四月十九日丁永陞劉順望等各率所部前後馳抵越  
嚮以南箐大支悍夷最爲兇狡必須先爲攻剿五月初九日會合  
各軍進逼南箐丁永陞等督飭各軍始以鎗礮轟擊繼以刀矛並  
進並擒夷日石大麻子一名十三日另股夷匪由觀音巖白泥灣  
撲出均被我軍擊退斬首四十餘級並擒戮黑骨野夷一名十四  
日夷匪來撲虎威軍營盤遊擊丁永忠督隊力戰轟斃悍夷二十  
餘名該逆奔回老林是日辰刻復有普雄逆夷數百人由炒米關  
竄出被都司馮遠馨帶勇截殺轟斃夷匪三十餘名殺斃七名有  
大幫客商經過另股夷匪突分兩股由小南箐撲出經長勝營外  
委范洪恩帶隊馳援手刃悍夷二名夷匪敗退范洪恩衝入賊中

受傷陣亡適遊擊龍陞廷都司于海晏跟踪追至復殺斃夷匪數十名餘皆竄回老巢客貨俱無損失六月十二日丁永陞等督飭各營進攻南箐口叅將劉順望都司范金魁分隊力戰陣殲夷匪五十餘名十三日我軍分路進攻日牛寨核桃園焚燬夷堡八十餘間殺斃悍夷甚夥十四日復分隊進攻火燒坪水井灣劉順望范金魁丁盛榮等督隊衝突丁永陞往來策應鎗斃夷匪七十餘名斬斃悍夷二十餘名焚燒夷堡一百餘間七月初六日逆夷糾約水田支夷鎗手突出長老坪凝冰灣意圖牽制丁永陞等分隊掩擊斃賊數十名生擒悍夷一名初九日復有大股獠匪直撲白泥灣長勝軍營盤范金魁督隊迎戰劉順望率虎威軍馳至前後

夾擊猥匪紛紛潰竄小南箐夷匪復來援應經丁永陞督飭龍陞廷等奮力截殺沿途追斬六十餘名大南箐各支夷匪迭經痛剿其阿時滋一支夷匪受懲遠颺其曰昨沙嗎白切暨悶呆共四支夷衆羅拜營前哀鳴求救當經建昌鎮總兵劉寶國署越窩廳同知梅震煦會同丁永陞察看該夷求撫尙出真誠卽將該夷酋等帶回廳城發交土司嶺承恩管束使之各保地段其北路時出滋擾者爲勿雷勒烏落烏阿合四支屢經署同知梅震煦督飭廳練截剿劉寶國復飭土司會全兵練次第剿辦其小南箐一帶現經丁永陞等移營核桃樹挖渣堡二十八日先將龍潭溝夷匪二百餘名擊散八月初三日分三路直攻小南箐該夷匪分道拚命迎

拒我軍三面兜剿斃悍夷多名割獲首級十二顆復斃夷匪數十  
名初六日我軍由挖渣堡深入十餘里殺斃逆夷十餘名鎗傷多  
名焚燒夷棚六十餘間因山勢陡險我軍屯紮山口相機進取各  
支夷匪屢經痛剿其間亦有畏罪求撫者道路漸次疏通

新  
增

四川總督駱秉章奏爲彙報官軍攻勦越巂夷匪疊獲勝仗恭摺具  
奏仰祈

聖鑒事竊查越巂與冕甯一帶處處與夷巢相接其中種類不一時出搶掠向爲行旅之患自軍興  
以來該夷因腹地多事乃復日肆猖獗自大渡河以南至瀘沽地方山深箐密時有大股夷匪出  
巢滋擾甯遠大路每多梗阻往來商旅非節節派兵護哨竟畏憚不敢行上年因各路防勦正值  
喫緊兵力不敷分撥臣等曾抽調長勝軍二千名前往勦辦乃以獯夷雜處不下百數十支兼之  
地險巢深兵力既單不能窮撰巖谷而夷匪山徑既熟出沒靡常敗則獸逃勝則鳥集官軍隨時  
鷓勦仍未能大加懲創臣等以夷患不除不惟行旅受害且梗塞驛路騷擾地方勢漸鷓張將來  
更難收拾雖值餉項支絀不能不添兵往勦於今年春間札飭總兵丁永陞招募楚黔勁勇一千

二百名又添調參將劉順望所部虎威營勇六百名前赴越窩督同都司范金魁所帶長勝軍二千名暨越窩廳所募練勇並飭建昌鎮劉寶國酌帶漢土官兵節節布置合力勦辦四月十九日丁永陞劉順望等各率所部前後馳抵越窩察看情形以南箐大支悍夷最爲兇狡必須先爲攻勦於五月初九日會合各軍步步爲營進逼南箐該處鳥道盤空我軍分道梯險而進逆夷擁衆出巢並散伏林間更番抗拒丁永陞等督飭各軍始以鎗礮轟擊挫其前鋒繼以刀矛並進直入中堅鏖戰數時之久陣殲悍夷多名逆勢不支紛紛越澗攀崖而遁我軍復追斬數十名並生擒夷目石大麻子一名我軍分紮要隘以備防勦十三日有另股夷匪由觀音巖白泥灣撲出均被我軍擊退斬首四十餘級前擒戮黑骨野夷一名十四日夷匪來撲虎威軍營盤游擊丁永忠督隊力戰轟斃悍夷二十餘名該夷奔回老林是日辰刻復有普雄逆夷數百人由炒米關竄出被都司馮遠馨帶勇截殺轟斃夷匪三十餘名殺斃七名十九日有大帮客商經過另股夷匪突分兩股由小南箐撲出攔截經長勝營外委范洪恩帶隊馳援迎頭酣戰手刃悍夷二名夷匪敗退范洪恩衝入賊中受傷陣亡適值游擊龍陞廷都司于海晏跟踪追至復殺斃夷匪數十名餘皆竄回老巢客貨均無損失悶呆竹耳等支夷衆因連日各巢夷匪皆被懲創懾於軍威遂赴營哀



求就撫丁永陞等見投誠木刻妥爲安插六月十二日丁永陞等督飭各營進攻南箐口該夷分投迎敵被叅將劉順望都司范金魁分隊力戰三時之久陣殲夷匪五十餘名該夷敗退十三日我軍分路進攻日牛寨核桃園焚燬夷堡八十餘間殺斃悍夷甚夥兩路均獲全勝十四日復分隊進攻火燒坪水井灣劉順望范金魁丁盛榮等督隊衝突丁永陞往來策應鎗斃夷匪七十餘名斬斃悍夷二十餘名焚燒夷堡一百餘間夷衆帶傷紛紛潰逃七月初六日受創逆夷糾約水田支鎗手突出長老坪凝冰灣意圖牽制丁永陞等分隊掩擊斃賊數十名生擒悍夷一名餘皆奔回老林初九日復有大股獠匪直撲白泥灣長勝軍營盤范金魁督隊迎戰正在相持劉順望率虎威軍營馳至前後夾擊獠匪紛紛潰竄我軍追斬多名小南箐夷匪又復糾約野夷前來接應經丁永陞督飭南陞廷等奮力截殺賊勢披靡棄械逃遁沿途追斬六十餘名大南箐各支夷匪迭經痛勦其阿時茲一支夷匪受懲遠颺其日吡沙嗎白切暨悶呆共四支夷衆皆羅拜營前哀鳴求赦當經建昌鎮總兵劉寶國署越窩廳同知梅震煦會同丁永陞察看該夷求撫尙出真誠卽將該夷酋等帶回廳城發交土司嶺承恩管束使之各保地段其北路時出滋擾者爲勿雷勸烏落烏阿合四支屢經署同知梅震煦督飭已革叅將王廷相等分帶廳練隨時截剿屢挫夷

鋒劉寶國現復督飭土司會同兵練次第勦辦其小南箐一帶現經丁永陞等移營深入核桃樹挖濟堡直逼夷寨二十八日先將龍潭溝夷匪二百餘名擊散八月初三日分三路直攻小南箐該夷亦分道拚命迎拒我軍三面兜勦陣斃悍夷多名割獲首級十二顆各軍乘勢槍上復斃夷匪數十名餘皆潰退初六日我軍由挖渣堡深入十餘里殺斃逆夷十餘名鎗傷多名焚燒夷棚六十餘間因山勢陡險中間僅羊腸一綫我軍現紮山口相機進取維時冕甯縣地界復大股夷匪出巢經建昌鎮總兵劉寶國甯遠府知府周錫齡飛調兵練立時擊退轟斃夷匪四十餘名代查賊窩一帶各支夷匪屢經痛勦近已震懾兵威其間亦有畏罪求撫者道路漸次疏通臣等仍飭總兵丁永陞會同地方文武乘此聲勢大張撻伐其負固抗拒者務加勦洗其實心投誠者妥爲撫輯務期一勞永逸以冀仰副

朝廷綏靖邊陲之至意各營出力將弁暫時存記俟夷務平定臣再行核實仰懇

恩獎其剿夷陣亡之外委范洪恩請

敕部從優議卹其餘陣亡之勇容臣等查明照章辦理所有官軍攻勦越窩夷匪疊獲勝仗緣由謹

合詞恭摺由驛具

奏伏乞

皇太后

皇上聖鑒訓示謹 奏

同治六年七月初五初八三十三十六等日普雄阿合等支夷匪分股出巢或數百人或千餘人竄擾吉家山相嶺頂及河東堡等處均經我軍疊次截剿陣斬悍夷數十名並殺斃夷目曲摸一名十七日適有甯遠府鄉試諸生及客貨多人由登相營前來行至石板溝水井灣地方突有餘匪數百名自老林撲出意圖搶掠當經獲哨管帶甯遠府練勇之鍾昌恕與丁永陞派隊前後截擊百長周友田身受矛傷石傷猶復力斬悍夷二名都司馮遠馨帶隊跟追奪回馬一二匹客貨三挑遂將行旅護送過境二十一日夷匪數

百人由宰耳姑山後突出攔搶客貨經保安營都司陳映傑督率弁兵分途截剿適值管帶廳勇之王廷相迎頭夾擊立斃夷匪十餘名哨長何鎮清戰兵柳應陞練勇陳啟才各追斬悍夷首級奪獲刀矛三十餘件八月十四日夷匪八九百名游弋相嶺頂地方丁永陞督隊進攻該夷由山梁壓下勢甚兇猛我軍爭先衝殺鎗斃夷匪數十名十七日復有夷匪二千餘人自相嶺頂竄出丁永陞督隊截剿該夷沿山分竄游擊劉萬朝守備文成玉外委吳正南身先士卒衝入敵陣殺賊多名皆受重傷力竭陣亡我軍力戰自午至申勇氣不衰轟斃悍夷甚夥割獲首級二十三顆夷勢不支潰敗逃竄適管帶府勇之鍾昌恕從後夾擊追斬數十名餘匪

敗歸老巢

新

四川總督駱秉章奏爲官軍剿辦越竊夷匪續獲勝仗恭摺具 奏仰祈

聖鑒事竊臣等於本年八月初一日曾將攻勦越竊冕甯夷匪暨籌辦建南邊防並赦倣長勝軍仍調總兵丁永陞統帶靖邊軍並添募一營馳往越竊防勦具陳在案伏查丁永陞抵越竊後臣等仍恐兵力不敷復札飭該總兵續募勁勇三百名以資分布疊據丁永陞暨署越竊廳同知陳元杰稟報七月初五初八三十三十六等日普雄阿合等支夷匪分股出巢或數百人或千餘人竄擾吉家山相嶺頂及河東堡等處均經我軍疊次截勦陣斬悍夷數十名並殺斃夷目曲摸一名餘匪紛紛敗逃未能逞其兇鋒十七日適有甯遠府鄉試諸生及客貨多人由登相營前來行至石板溝水井灣地方突有夷匪數百名自老林撲出意圖搶掠當經護哨管帶甯遠府練勇之鍾昌恕與丁永陞派隊前後截擊百長周友田身受矛傷石傷猶復力斬悍夷二名夷勢不支敗回老林都司馮遠馨帶隊跟追奪回馬二匹客貨三挑遂將行旅護送過境二十一日夷匪數百人由宰耳姑山後突出攔搶客貨經保安營都司陳映傑督率弁兵分途截勦適值管帶廳勇之王廷相迎頭夾擊立斃夷匪十餘名哨長何鎮清戰兵柳應陞練勇陳啟才各追斬悍夷首級奪獲刀

矛三十餘件八月十四日夷匪八九百名游弋相嶺頂地方丁永陞督隊進攻該夷由山梁壓下勢甚兇猛我軍爭先衝殺鎗斃夷匪數十名帶傷者不計其數奪獲刀矛多件餘匪敗竄十七日復有夷匪二千餘人自相嶺頂竄出丁永陞督隊截勦該夷沿山分竄游擊劉萬朝守備文成玉外委吳正南身先士卒衝入敵陣殺賊多名皆受重傷力竭陣亡我軍力戰自午至申勇氣不衰轟斃悍夷甚夥割獲首級二十三顆夷勢不支潰敗逃竄適管帶府勇之鍾昌恕從後夾擊追斬數十名餘匪敗歸老巢此勦辦越嶺夷匪續獲勝仗之情形也所有查辦越嶺夷匪續獲勝仗緣由請會同成都將軍臣崇實恭摺由驛具 奏伏乞

皇太后

皇上聖鑒訓示謹 奏

同治七年春月貴州提督周達武奉

旨提武字營軍萬衆剿辦越嶺夷匪四月達武率領全軍並虎威寶營總兵李有恆軍至越先是在越者有靖邊營總兵丁永陞軍

時夷匪猖獗焚燒土城搶劫一株樹達武登陴望之曰此守者不力並有漢人奸細立革守堡百長某密訪漢奸四五人戮之別募本處鄉導五百人另爲一隊名越武營以副將秦佩玉統之十二日率領武字五營並虎威靖邊二營起跑馬坪連營十餘里營甫紮夷人夜聚高阜石如雨點向營盤處打下達武令總兵周家盛率武宇老營軍五百並新募越武營軍五百搜剿附近謝家勒烏等支燒毀夷堡二十餘座斃賊三十餘人奪獲弓箭長刀數十件十五日率師直抵特西特西河者普雄下游卜合阿合加落等支必爭之險諸夷斷其橋梁合力拒之達武營於對岸是夜諸夷在隔岸飛石擊打達武命用擋牌拒之十六日別令周家盛率師由

上游十里造浮橋三座又令副將蕭德林率師於下游十里造浮橋三座橋甫搭夷人蜂擁來爭欲斷之達武命輦大礮對岸轟擊夜夷人在東岸矢石交飛官軍在西岸鎗礮不息十七日曉幾路蟬聯而進夷人知不能拒分作十餘隊或數十隊一隊或百餘人呼羣嘯聚跳躍山頭達武督師連戰破取臥夕曲竹曲吉百落等數十寨殺斃夷人燒毀夷堡救出難民均無數二十一日分作三路以總兵周家盛同知楊秉璋分左右陣達武自督中軍取紅巖昨落澤洪等路進奪雞木紅巖又毀夷堡十餘鎗斃夷人數十大軍或沿山阜或俯深溪或斷夾道一路聯絡紮營夷人不能敵有退去死據尖角堦者萬嶺陰霾直壁刺天上設險卡廣置滾木礮



石衆望而生畏達武督之益急二十三日同虎威營總兵李有恆督飭同知譚翼勳等由澤洪轉攻山後靖邊營總兵丁永陞督飭都司馮世華等由伊車堡出壘口對紮山頂互放大礮達武令總兵周家盛副將秦佩玉並越武營五百爲前隊自率同知楊秉瓌副將黎澤桂張錫卿等爲中隊總兵馬承宗副將蕭德林攝後夾抄山吉百落左右臥鼓而行時陰雲積霧官軍沿巖穴攀附蛇行而上前隊探徑後隊繼之至啞頂夷人方覺猝不及備官軍大喊殺入楊乘躍爭先陷陣李有恆繼到亦以大礮轟擊遂奪其壘計殺夷人八十餘口壘爲牛角形尖小下削四面壁截非天大霧未易得也而尖角壘上復有阿羅彌頂其地更險上有峻卡懸巖萬

仍參天夷人巢穴半在於此達武諭衆曰此入虎穴得虎子時不  
奮力前功墮矣僉曰惟命逾日總兵馬承宗周家盛率奮勇四百  
餘達武命記錄其名並飭改短衣短刀飽食帶乾糧並火彈噴筒  
前進以李有恆出左用火標火箭燒夷堡以丁永陞出右以大礮  
轟夷卡躬率大隊領楊秉璋蕭德林並候選知縣羅亨奎教諭羅  
應旆總兵黃宗耀鍾有恩成桂榮等及勇丁二千人繼進以劉道  
宗及知縣李承芳黎澤桂張錫卿等策應俄而馬承宗周家盛率  
奮勇探山徑緣巖而上且行且探夷人用礮石滾木傷斃我軍數  
人衆軍繞道避出更探數次將及山頂丁永陞營大礮已發李有  
恆營火箭亦發馬承宗等奮不顧身一擁而上夷人木石將盡左

右軍以火標火箭射入奮勇等齊放火彈大礮夷人亦逐隊圍裏呼嘯而來矢石如雨奮勇等各以攜牌翼身短兵接戰砍折夷人閃標數十周家盛先擒殺夷酋二名達武大隊亦到楊秉璋等先以火箭飛燒其卡搗其巢穴老弱已逃壯健奔巖穴中鎗礮死者無數達武命紮營明日各土千百戶偕其夷兵爭獻牲畜投誠達武曰已奪其險何畏前進姑准爾等投誠待剿普雄後如復叛者洗盡巢穴不留遺種無悔不旬日而盪平天險矣

自攻破尖角壩阿彌羅兩險卡五月初五日留總兵周家盛軍防守後達武遂抽兵由柏香汛進逼夷地萬山叢雜林木陰翳山凹夷堡參伍錯落不可勝數中僅羊腸一綫石窰紆曲盤坳通普雄

各夷巢窟而五里箐了口實爲普雄咽喉達武步步爲營自五里箐至莽子溝起伏回環皆官軍壁壘又令各軍部下分屯要隘遠近聯爲一氣而以奇兵歷險入深攻其不備初八日夷匪率黨出巢向五里箐壘口總兵李有恆督飭知縣李承芳同知譚翼勳遊擊劉道宗張翼殺斃賊四五十名奪獲弓弩皮甲多件初九日達武同總兵丁永陞揀派奮勇士卒乘夜剽洗謝家等支鎗斃夷匪數十燒毀夷堡數座初十日總兵馬承宗副將蕭德林復敗賊於苦都而總兵周家盛由尖角壘取道澤洪敗賊於特西十一日諸將會議以哪摸勿雷阿車三支爲普雄爪牙必先加以兵威使之空其巢穴方無牽制是日三路並發披荆開徑架木爲梁直搗逆

巢擒斬頗衆十二日丁永陞所部靖邊營戰於阿車之右李有恆所部虎威營戰於摸姑之左達武所部武字營由三家店橫出斷賊後隊賊大披靡殲斃二百餘名奪獲弓箭刀矛百餘追至普雄山邊而還二十三二十四五十六等日周家盛由策烘而拉別沅河仁洪寨一路轉戰節節掃盪生擒夷匪十五名斬馘一百四十餘級鎗斃無數其屯營布雞洛各軍亦於十六日層層遞進列營濫田填四季坡不黑梁子斯數處岡巒險峻皆環普雄而峙者也各軍既定進取之策於十七日黎明大張旗鼓分左右中三路均會於普雄達武親督營務處候選知縣羅亨奎及左右翼親兵由黃都循老林深溝出普雄之寒林擯副將蕭德林帶武字老營

教諭羅應旒帶越武右營由摸姑坎出普雄之鷺毛溪總兵馬承宗帶武字副左營由四季坡出普雄之三家店是爲中路一軍以總兵周家盛督飭總兵黃宗耀鍾有恩同知楊秉璵副將黎澤桂張錫恩秦佩玉遊擊成榮桂等共率武字六營由布雞落搗普雄之左是爲左路一軍又約會李有恆督飭虎威營爲右路一軍由布呼梁子下壓普雄老堡子以總兵丁永陞副之官軍甫發而普雄前後左右夷匪狼奔豕突大股數千小股數十或當前迎戰或從後繞截或伏林莽或出深溝詭計百端應接不暇而將士用命奮勇爭進中路一軍先於三家店鷺毛溪寒林擯等處分兵痛剿殺賊四百餘名舉火焚林將數百夷堡一時灰燼左路一軍且戰

且進前賊甫卻後賊又來周家盛屢於重圍中往復衝殺敗夷多  
股殺賊五六百名軍威大振中左兩路漸逼普雄城堡之後堡中  
悍夷所據舊有石城列木柵屹若巨鎮抵死抗拒總兵李有恆亟  
令知縣李承芳劉道宗同知譚翼勳抄前環攻施放洋鎗轟倒夷  
首一名羣賊大亂百長王慶梯木先登手刃守城數人放倒木柵  
後軍緣柵而上飛拋火彈火箭城內板屋延燒火燄四射未及逃  
出之賊大半燒斃踰城墮墮被勇丁搃斬無數三路會合立將普  
雄老堡子平毀餘賊見巢穴已失梟水渡河官軍順河追殺又斃  
賊數十名生擒六名淹死甚衆日已及晡遂各收隊回營是役也  
大小數十戰殺賊千餘名火燒水淹落巖死者不可勝計焚毀夷

堡數百座普雄自道光十一年淪陷三十餘年被擄者數萬人大路梗塞者數年生靈塗炭可慘已極此次克復不可謂非異常鉅功也

松光林夷匪時必夷人中之最兇狡者遠近知名一呼百應道光年間搶案皆其子姪娃子與其親戚支落所爲同知王者政屢出奇計招爲總千戶始任其往來慣熟後遂羈禁署中自是夷衆恐殺時必不敢生事至咸豐四年時必病臥署卡中飭令彼親族保出至跑馬坪而死夷匪始亂至是民間始知時必羈留四鄉安靜十餘年皆前任王公力也

阿石茲支夷時勒家南籌詭詐百端夷人奉爲條師阻塞大道



搶劫軍餉阻攔文報皆由彼開條夷人無不聽令同治五年同知梅震煦同防禦總兵丁永陞用計調署給以建昌道憲欲面諭恩意親加賞賚該夷聽信同簡巴勛等至雅州遂羈縻於雅州府署卡中

勒烏支夷匪宜子夷人中千人敵也矯捷壯健上至頂山橋下及大屯搶案百餘起兵勇莫敢撻其鋒智取力拏皆窮其術同治七年周達武軍門全師逼普雄令候補知縣周熙丙督軍向彼本支勒交該匪否則全支剿洗該夷支衆自不相容計醉以酒遂爲所獲正法熙丙得保署越巂同知

以上原纂

光緒七年靖遠猓夷竹落等支劫卡戕弁攔搶商旅總督丁寶楨

禮調越嶲甯越保安制兵五百名派署越嶲營叅將蔣宗漢管帶分紮小相嶺柏香坪一帶以防東竄又派管帶武安軍叅將李錫成率所部勇丁分紮白泥灣等處堵禦以防西逸土司嶺承恩自備貨斧招集士兵一千六百名隨營接應七月二十六日該匪冒火窮奔翻山越嶺竄過柏香坪經蔣宗漢督帶防兵攔截追殺二百餘名其逃往相嶺白泥灣等處者均經蔣宗漢李錫成截殺殆

盡

新增案此係摘錄丁文誠奏稿

案曰武功志志武功也功何在謂夫能殺戮夷匪而名之也夫甯遠府屬之猓夷以涼山爲巢穴袤延二千餘里自漢時通道以來皆在四川雲南兩省界中雖別之曰西南夷與古

之南蠻淮夷何異則其均爲中國之人民久矣往年合肥李文忠公奉使德意志國與其前相俾士麥克互談攻伐頗以剿平粵匪蠢匪爲俾公所嗤譏其自戕同種一似此等見解爲我中國四千年來所未之前聞者已然竊嘗恭讀

御選唐宋文酌評宋曾鞏送趙宏序曰蠻夷之爲邊郡害者與敵國異又曰其地本我之地也其民本我之民也又曰蠻夷之不可以兵治也決矣

先皇天語昭示千秋彼德相之言豈其有異夫蜀漢馬謖武侯之所誅也而南征之役尙云盡殄遺類恐非仁者之情故攻心之策武侯且采而用之是故無以化之而輒殺之天地生人不

幸遇此固將抱疚之不限而忍言功哉且其所謂功者非真能合兇悍夷匪一舉而盡殲之也其受戮者大都皆其娃子白夷擄漢人而改飾者耳雖然戮及白夷猶可言也深山密箐之中地勢險隘勝負成敗外人不得而知千里而遙僅據文書奏報是可信也孰不可信也同治六七年間周達武統兵二萬進規普雄陡遭埋伏勇丁傷亡二三千人至今土人言之有隱痛焉而原纂所述多所掩飾軍民塗炭冤慘可憐不與奏聞冥魂奚慰死者無麥飯之享生者有頂戴之榮稍有人心者獨不爲之內愧耶宋曾鞏氏所言斬力勝賊者暴骸者戮降者尙就蠻夷言之茲則併其部下親兵亦受暴骸

之慘而不恤蓋武夫悍卒之所爲千古一轍若周某者固亦無足深責已余在任二年餘漢夷相安從未見出巢滋事拙者之效事或偶然而要不敢捏飾戰功以爲部下保獎地步但求無過不求有功則此心固天人共鑒焉彼冀開邊釁以圖保舉者芻蕘之議或不足存試恭繹

御選唐宋文醜評詞夫亦當知所警懼矣

越嶲廳全志卷六之三

屯田志

明萬曆六年建昌五衛改軍為民

國朝康熙六年四川總督苗澄疏建昌一鎮及松潘龍安等營路俱在極邊不便輕為抽撥且駐劄之地俱屬不毛難議開種

通志

明季原額板籍無存自

國朝以來原額屯田三十頃五十九畝九分四釐五毫二絲

每畝徵收倉斗米一斗五升九合八勺九抄四撮七圭三粒七

粟 共徵屯米四百八十三石一斗四升九合三勺四抄三撮

五圭八粒八粟

又自雍正七年奉文丈增屯田二頃二十六畝五分八釐六毫五絲五忽五微二塵

按畝徵收每畝仍照舊例徵米一斗五升七合八勺九抄四撮七圭三粒七粟 共徵倉斗淨米三十五石七斗七升六合八勺二抄五圭四粒一粟

### 附差徭

總督巡閱 建昌道巡閱 學政按臨爲三大差進差由大樹堡支給至冕甯縣屬瀘沽出差由本城支給至大樹堡進差凡七站出差凡五站進出凡二十尖宿向章馬歸屯田夫歸西番擯縉攜挑等在大樹堡歸民間在越嶲歸本城北三鄉

河東大屯王家

屯南鄉幫給本城十分之二大小轎席棹歸廳官支給後備文  
向藩庫請領辦案即在每年請領代  
夷差之款三年分攤本衙送迎各役亦在屯田內  
外有下程田出雞鴨豬隻等件

有津貼田

以上  
原纂

案曰原纂有津貼田四字下無所言查道光九年五月間同  
知王尙錦以書差農約原領屯田除給一半入甲應差招佃  
領耕外存留一半在衙發給應役之人耕種以資辦公所有  
領耕書差農約並各匠役等承耕屯田牒府立案其坐落界  
址逐一勘丈明確工房存有圖冊雖時閱多年役更多人或  
原數交代或虛額空存積弊相仍礙難深究且又有仍領口



食者光緒二十七年奉文清丈屯田聽民繳價四川尙未遵  
行他日必有照辦之日茲將舊册列表備稽查焉

應役人領耕姓名田畝坐落大小坵出穀數糧米

吏吏 劉璋才 一石<sub>斗五</sub> 西城脚下 十五 六石 七斗五升

吏書 張甫第 一石 接牛埧 九 五石 五斗五升

吏書 韓聲顯今賞  
稅差曠春 乾河坎 六 八石 九斗

戶吏 袁守才 <sub>三石</sub> 把尺山脚 十二 五石 五斗

戶書 鄧仲頂 一石 馮家碾 七 七石 四斗

戶書 袁守才 <sub>一石</sub> <sub>灣子  
吊橋溝</sub> 四 八石 五斗

戶書 鄧仲頂 五斗 吊橋溝 六 二石 三斗三升

倉吏	倉吏	倉書	禮吏	禮吏	禮吏	兵吏	兵吏	兵書	刑吏
舒敏修	陳崇炳	陶發升	張先醕	張先醕	張先醕	陳德全	陳思乾	劉惠	
一石	一石	一石	<small>二石五斗</small> 五斗	<small>二石五斗</small> 五斗	五斗	一石	一石	<small>二石五斗</small>	
山嘴	阿撒路邊	三壑溝	舒家牆院	六根橋	六根橋	楊柳樹	北門城外	西門外	
五	二十九	十七	七	五	四	九	四	九	
五石	六石	四石	六石	三石	三石	五石	三石	三石	
五斗	八斗 <small>八升</small>	七斗五升	七斗五升	七斗 <small>三斗三升</small>	七斗 <small>三斗三升</small>	五斗	五斗	七斗五升	

刑書 朱懷德 二石 灣子 四 五石 五斗

刑書 王立仲 一石 蔣家碾 四 四石<sub>斗五</sub> 五斗

刑書 鄧仲廉 一石 灣子 二 一石<sub>斗五</sub> 五斗

工吏 程貴祥 一石 蕭家屯 二段 五石 五斗

工書 程禎祥 一石 接牛填 六 三石 五斗

夷吏 鄧發凱 一石<sub>斗五</sub> 山嘴 四 五石 五斗

夷吏 鄧發凱 一石<sub>五斗</sub> 水泉眼<sub>五斗坐 六根橋</sub> 六 二石 三斗八合

夷書 以上八房典吏 經書領 耕屯田數目表 八 七石 四斗五升

總役 傅貴 一石 東門河邊 八 七石 四斗五升

總役 傅貴 一石 東門河邊 八 七石 四斗五升

總役 傅貴 一石 東門河邊 八 七石 四斗五升

總役	程應環	一石	燒人坪	五	四石	三斗	<small>七升 五合</small>
總役	劉鳳鳴	一石	<small>內旱 地一</small> 大板橋	二	四石	六斗	
總役	唐超	二石	蕭家屯	三	九石	六斗五升	
總役	許聯登	二石	南觀後	二十九	五石	五斗	
總役	馮毓章	一石	眞武觀後	十四	七石	五斗	
領首	宋其泰	二石	山嘴	十一	六石	五斗	
領首	林喜	一石	山嘴	十一	四石	五斗	
領首	林喜	一石	山嘴	六	六石	五斗	
領首	傅陞	五斗	白家屯	五	二石	一斗二升	
領首	傅陞	一石	白家屯	五	五石	五斗	

武肅聽全志 卷六之三屯田

四

入甲  
當差

催差

糧差

糧差

大屯

差

領首

領首

領首

張文選

張春

郭榮

劉順

劉俸

杜美

何陞

曹貴

顧應才

顧應才

一石

二石

一石

一石

二石

一石

一石

一石

一石

一石

段二

只被  
石

斗五

白家屯

瓦窰坡

大水溝

眞武觀後

瓦窰坡

舒家牆院

燒人坪

高河坎

大水溝

中路

三

五十二

十七

二十八

二十一

十七

九

十

二十

十六

七石

八石

四石

七石

五石

九石

五石

七石

六石

八石

斗五

升五

斗五

二斗五升

八斗

五斗

四斗

五斗

七斗

四斗

五斗

六斗

三斗

二升  
合五

七升  
合五

糧差	蕭榮	二石	五石	高河坎	十一	十石	五斗三升
范玉	五斗	山嘴	六	三石	四斗五升		
姚美	一石	河東	三	四石	四斗五升		
曹明喜	一石	糖梨樹	二十九	七石	四斗五升		
茶房	一石	南坪子	三十五	十石	六斗		
伴作	張如清	白家屯	三	八石	四斗五升		
蕭曹廟	一石	北門外	四	四石	二斗		
秦爺廟	二石	蔣家溝	二十	五石	六斗五升		
秦爺廟	一石	河東	七	九石	四斗五升		
韓申文	屯地一塊	乾河堤		雜三石	三斗		

鹽丁

查係張春  
估種

以上兩班差役領耕屯田數目表

司農

舒國治

二石  
一石五斗

丁家沖

二十三石七斗五升

司農

舒國治

五斗

灣子

三石二斗五升

總鄉約

光緒庚子裁  
充牛痘局

二石

橋頭 二段

十七石一石一斗

鄉約

蔣德乾

一石

大板橋 二段

五石五斗

鄉約

許紹賢

二石

跑馬灘

十石七斗五升

保正

王萬珍

一石

山嘴

四石五斗

保正

王萬珍

地一塊

高河坎

雜糧 二石 五斗

保正

湯正剛

二石

把尺山腳

十八石八斗

保正 李泰焜 一石 大坎 五 五石 五斗

保正 周邦正 五石加班二石 保正應差 宋家碾 改菜園 六石 六斗

保正 周邦正 一石 馮家碾 四 五石 五斗

加班 正保 童興志 名三 三石 青龍嘴 四十四 十五石 一石 七斗五升

以上農約鄉保領耕屯田數目表

禮生 張宦達 一三石 土官垣 十一 六石 五斗五升

禮生 張宦達 二石 東山脚下 十一 十二石 一石

禮生 王文啓 一石 斗五 西北城濠 十一 十石 一石

以上二禮生領耕屯田數目表

吹手 曾仕俸 一四石 打火溝 十三 九石 六斗五升



吹手	吹手	吹手	表糊匠	表糊匠	表糊匠	木匠頭	泥水匠	礮手	礮手	四管月 斗級
一人	一人	一人	唐國棟	唐國棟	唐國棟	藍雲龍	李占春	楊貴	楊貴	韓仕茂 郭如龍
一石	一石	一石	二石 一石	一石	一石	三石	地一塊	一石 <small>旱地一段</small>	一段	四石 一石
打水溝	打水溝	打水溝	東門橋頭	土官垣	山觜	校場後	許家碾	馮家碾	馮家碾	西門外城濠 段四
十一	九	六	十五	十四	三十四	十五	二	三	五十	五十
六石	八石	五石	六石	七石	十五石	六石	一石 <small>三斗</small>	二石	十石	十石
六斗五升	六斗五升	六斗五升	四斗八升	三斗 <small>七升五合</small>	一石 <small>五斗五升</small>	一石 <small>五斗</small>	九斗五升	八斗	八斗	八斗

管月	又一人一石	交廟後七	四石	八升
管月	又一人一石	大水溝二十六	四石	斗五八升
管月	又一人一石	一窩樹六	三石	六升

以上各匠役領耕屯田數目表

以上書差農約並各匠役等領耕應役屯田九十三石旱地四塊

每年應納糧米四十七石五斗六升六合六勺

道光九年五月十五日 戶房呈倉房存案

又案曰以上各表原册各有弓口圖茲不悉繪且其中缺葉已多均係房書舞弊官長調署不一易為所朦列成志表庶

本地紳糧有知其脫漏者衆人指目之田稟官充公可也夫  
志家羅列雜款識者每譏爲吏胥簿籍然東西各國其預算  
決算諸表纖悉無遺頗有合於我中國周官遺意古諸侯尙  
惡害已而去其籍何況今之吏胥而此項應役田畝又爲天  
下各州縣之所無余故表其略以存其概云

以上  
新增

屯田又名甲田徵收屯糧有甲頭有小催由領耕屯戶輪派出  
征兵差與三大差同

大小往來爲流差歸城鄉場市各斗市斗用錢五百千文支給

咸豐三年同知呂瑞玉  
立爲定額○以上原纂

案曰斗息現止收錢三百三十五千文其大樹堡桂賢村河

南站三地共收斗息錢一百三十千文交存大樹堡經歷支  
應來越進站差使

貢草措運歲由平夷堡桂皮羅河南站平坝晒經關審廠六地派  
夫措送入署其檢點刮洗派湖廣江西陝西廣東貴州五省客  
民及菜園民夫

行臺公寓五色彩布歸江西嘉陽客民承辦又鋪地堂氈歸湖  
廣廣東客民承辦

監牆坍塌係分東南西北方向若何方坍塌即差傳何方鄉民  
來城脩理

以上原纂○案夷卡監卡各牆  
上應用茨棘亦差傳各地措送

附屯練

屯練者屯中之練也越窩舊有王家屯大屯白家屯小王家屯均有屯田之名或即從前設屯政之時因而藉各處屯田之所出以養所設之屯練而各處亦賴以防衛歟

道光十六年奉文將甯越營所管上官六格士兵編充屯練仿照京川新疆條例每丁歲給銀六兩夷目編作屯千總屯把總屯外委有事調征無事防守尋常給以鎗礮令其操演經同知葉樹東稟稱此輩狼子野心終難駕馭歲銀六兩不足以養其身家馴其心性突有背逆所予鎗礮適以恣其凶頑殺人放火無所不至稟請銷免

附時下募練

咸豐末年夷務蠶起越甯保營兵不敷防禦同知周岐源稟募練勇千五百名自凝冰灣長老坪沿東山一路達青岡關新橋以資防守並護送行商由省局領給口食

同治五年同知梅震煦將所募之練勇列爲一營名曰震字營分中左右隊仍分防各處

同治八年同知李忠清將震字改爲定越營分中前後旗左右隊三旗各有管帶分防青岡關洗澡塘一株樹又分撥北東南各隘口詳礪防志及城防供役所稟設釐金助口食之一半以上原募

定越營原設爲中前後三旗左右兩隊勇丁四百五十名光緒二十一年同知陳周禮稟改爲五哨減舊餉銀三兩爲二兩四

錢二十四年又奉文裁減一成現額幫辦一員正哨官五員副哨官五員勇丁三百三十五名歸越舊廳同知統帶 中哨駐廳署夜防兩夷卡日巡城內有事出隊 前哨紮東山一窩樹堡子頂新礮三處 左哨紮東山虎口礮楊家村二處 右哨紮天星關平河關鎖夷橋等處並分紮東門城樓及塩關埧爲東山聲援 後哨紮東山高蕎堡冷水溝禰溝三處

案曰定越營之改三旗兩隊爲五哨也其原因亦頗複雜矣光緒初年定越營勇餉由省請領每年八關十二三年後減領二關常俟蟲蝨豐旺藉資補救於是設有鹽糧四名皆廳士有力者充之預借營勇火食待發餉時叩還至二十年署

續纂

同知勞衡芝任內欠餉至二十八關之多帮帶持權日久勇丁以欠餉故不易開除營制亦頗壞矣二十一年升用同知陳周禮履任幼習營務思有以剔除之乃稟請將帮帶委署保安營都司而營中三旗兩隊改爲五哨又將歷年統費全數報效其左右隊親兵各旗隊管帶以及防勇擬照二成核減補發迭稟上憲聲明欠餉緣由當蒙批准計實發舊餉銀三萬七千八百餘兩此外尙多不敷又經署同知周鳳藻稟奉批准借撥銀九千六百兩於應領餉內分八年扣還當時哨弁勇丁口餉核減不無怨望而三年以後年清年餉絕不稍留蒂欠始歎陳統領有功營務爲不少也夫非常之事黎



民懼焉可與樂成難與慮始自古已然獨念天演競爭優勝劣敗中國習於積弱向有好人不當兵之說則以上之人未嘗善爲之地故也今鑒於東西洋之戰事亦知造就軍國民資格矣改練常備續備各軍無不訓習洋操而月餉亦加重焉查各處防堵軍營大都有備無患而營餉已加重如彼至定越營錯壤夷巢分礮防禦無時無地可以稍懈設或疏忽不惟性命有虞且恐擾動邊釁若非加重口餉異日紛紛告假投往他營則四境空虛後患滋大再調大兵剿辦所費當更不貲矣是則有防邊之責者加之意焉可也

計開定越營現發餉項數目册

統領由越雋廳同知兼統不給統費每月支薪紅紙張銀伍拾兩  
幫帶一員每月給銀三十兩

正哨官五員每人每月各給一十八兩共銀玖拾兩

副哨官五員每人每月給銀八兩共銀四十兩

字識五名每名每月給銀四兩共銀貳拾兩

號令大旗二十名每名每月給銀三兩共銀六十兩

什長四十二名每名每月給銀三兩共銀一百二十六兩

正勇二百二十六名每名每月給銀二兩四錢共銀伍百四十二

兩四錢

火勇四十二名每名每月給銀一兩捌錢共銀七十五兩六錢

以上每月大建共應發銀一千零三十四兩若遇小建共應

發銀九百九十八兩肆錢除扣湘平銀大建四十一兩三錢

六分小建叁拾玖兩玖錢叁分六厘

案中哨親兵每人每月由統領加給銀叁錢向不報銷

附稟定越營弁勇隨時選補並無截曠情形敬稟者光緒二十八年十一月十九日案奉 憲臺

札開嗣後各營應將箕斗年貌籍貫入伍冊籍按月照造一分送局一面諭有假汰逃亡弁勇務

須分別各項名目開具姓名當日備文報局以憑查扣仍於領餉之時分別舊管何項若干名開

除何項若干名實存何項若干名註明應扣應領各銀數彙造簡明清冊一本隨同備文質送來

局以憑稽核而免遺漏並發定冊式一紙等因奉此 卑職 遵查 卑廳所部定越一營從前三旗兩

隊於光緒二十二年 卑前廳陳丞周禮任內稟准做照楚軍管制改為五哨自核定後共存三百

七十八名嗣又奉文裁減正勇一成三十二名實計幫辦正副哨弁哨書正勇火夫共三百四十

六名均歸幫辦經理以專責成歷經遵辦在案 卑職竊查 卑廳地在邊夷幅員遼闊且為川南往

來大道南北四五百里之遙上下數十隘口之險偏地夷巢動輒滋事更有打冤冢搶大哨拉擋

頭之說夷心叵測在在可虞不但大路防兵萬不可少即各處要隘已覺分紮不敷廳屬白泥灣向有武安一軍防守南路一帶而北路自平河關鐵索橋起至東山一窩樹止袤延四五十里路夾夷巢全賴定越一營擇要分紮層層密布藉資保衛身職自去秋到任以來隨時諭令幫辦督飭各哨弁勤加操練日則搜山夜放冷卡倘有夷匪搶劫鳴號追捕協力兜拏盡法懲處所幸夷匪尙知斂跡茲奉 憲諭庫帑奇窮一切應從撙節身職營勇額自應遵照辦理無如邊夷之地首重防營從屢經裁減之餘兵力已形單弱設使缺額不補致令野夷窺我虛實大股出巢再行調募征勦所費更覺不貲查廳屬人民年力精壯者每多投營效力收作餘丁所有隨時拔補之人皆係在籍良民並無外來遊匪此身職營缺額隨時選補之實在情形也身職於五月間請領身職營帳房銀兩一案曾蒙 籌餉局核議詳覆仍照舊章核減給發以示體恤他處不得援以爲例足見身職營情形實與他處不同茲奉等因惟有再叩 憲恩俯念邊夷重地弁勇無多嗣後定越營遇有假汰逃亡弁勇缺出准予照常選補以免虛懸而固邊隅出自逾格鴻施除將營內各項按月遵式造報外所有遵辦緣由理合稟請 憲臺俯賜察核批示祇遵再查身職營各哨弁於身職任內從無餽遺陋規並查該哨弁等平日尙無需索尅扣等

弊頗知自愛均足以仰慰 憲廬合併聲明爲此具稟須至稟者

以上定越營初設後改各事由

以上  
新增

自同治三四年奉 憲派長勝軍分防南路一帶定越營各弁勇  
止防東北六年替以靖邊營駐劄白泥灣分防各處九年替以武

安軍仍分割各處隘口

詳礪  
防志

同治十一年奉文定越營武安軍所募之練勇各裁減一半

以上  
原纂

光緒二十九年改爲達字後營旋又改爲續備後軍管帶一員幫  
辦一員哨長五員兵弁勇丁共三百六十三員名內夷勇一百二  
十一名中哨駐紮白泥灣 前哨紮瓦窰坡觀音巖小南菁口  
左哨紮柏香坪隘口並分防礪房數處 右哨紮黃草坪凝冰灣

偏橋子等處

後哨紫長坪子郭家墳同家墳等處責在防守大

道保護行旅

續纂

光緒三十一年奉文改為防隊後軍

右營

同知孫鏘稟留達字後營仍駐白泥灣敬稟者光緒二十九年二月二十五日案奉 憲臺檄飭

將武安一營改為達字後營歸併李守文慧統領以後應否仍駐越瀉抑或調紫亦由李守斟酌

辦理飭即知照等因奉此 身職遵查 身廳所屬白泥灣至小相嶺一帶向有武字三營分紮各要

隘以資防守自同治九年奉周軍門達武調令入黔請將李副將忠恕所部武安一軍派往越瀉

仍照武字營舊壘交替填紮迄今三十餘年矣今奉 憲臺檄飭將武安一營改為達字後營開

辦墾務與雷波等處可由夷地往返以聯聲勢仰見 憲臺籌畫邊隅開廣利源之至意伏念 身

廳地方情形與防務之重有不敢不預為稟明者敬為我 憲臺陳之竊查 身廳東西兩路夾在

夷巢惟有南北一綫之通為建昌往來大道 身廳所部定越營保護北路暨近城一帶所有南路

各地全賴武安營為之扼守聯絡一氣庶足首尾相應而無顧此失彼之虞夷地以防務為重 身

廳南路之防營於地方尤關緊要武安營駐防地面適當建南之衝路夾夷巢其已經投誠者共

有二十一支尙有未經投誠之野夷實不計其數類皆素行不法明搶暗劫無惡不爲不特大路行商各懷戒心即沿近居民無不心存畏懼所賴武安一營層層密布中哨分紮白泥灣大南箐前哨分紮瓦窰坡觀音岩小南箐左哨分紮俘夷礮相香坪得勝礮望鄉臺治夷礮五里牌右哨分紮黃草坪淋冰灣水晶灣偏橋子後哨分紮長坪子郭家墳官炭窰周家墳共駐紮一十九處皆係緊要隘口爲歷來防堵之地未敢稍有更動該營向設管帶幫辦兩人凡遇夷匪出巢立即出隊抵禦設法擒拏送交 卑廳嚴刑懲處押令換班尙不敢大肆鴟張現在地方安謐差堪上紓

屢注設一旦調紮他往該地空虛無備不但兇夷搶劫勢所必然萬一大股出巢牽動邊釁大路梗塞貽患實非淺鮮且攷之輿圖雖與馬邊等處似屬相近實有涼山普雄之隔盡在夷地無路可通若由雅州而至嘉定達叙府以抵屏山路計十有餘站呼應亦覺不靈 卑職爲慎重夷務起見不揣冒昧惟有仰懇 憲臺俯念邊夷重地大局攸關武安一營既改爲達字後營係 卑廳南防緊要可否永駐越溝以資保護而固邊隅倘蒙允准伏懇飭知該達字營統領李守俾免日後調遣以專責成 卑職幸甚地方幸甚所有 卑廳屬地武安一營防務緊要請仍駐紮越溝以資防堵緣由理合稟請 憲臺俯賜察核批示祇遵爲此具稟須至稟者

右武安營改續備後軍仍駐白泥灣事由以上新增

又附土練

土練者打土茅草填土兵調取四百名歸土司統帶分防各處原

兵勇防守不足召熟夷土兵三百零三名給口食分防各處歸煖

帶密土游擊統帶續

土目土兵分防處所

楊家村 冷水溝 土官垣 吉家山 鹽關埧 上螞蝗溝

下螞蝗溝 阿撒堡 麥子地 小礪 高家堡 刮金板

土目土兵每月餉需

原定每月大建領餉銀三百三十三兩捌錢小建領餉銀三百



二十二兩六錢旋經奉文會議核減二成五計每月大建減去銀八十三兩四錢伍分小建減去銀八十兩零陸錢伍分每關大建應發銀二百五十兩零三錢伍分小建應發銀二百四十一兩九錢伍分光緒二十三年土兵一成不減曾經稟准有案

右土目土兵分駐處所及領餉數目各事由

以上  
新增

### 墩礮防

東南路兩河口距城三十五里其地南與木廠溝接壤東與五里箐通與柏香有指臂之勢夷人常有往來修礮一座名曰戮夷並圍牆一道以大河團民就近駐防

東南路柏香營後山距城三十五里路通五里箐普雄各夷支由

此出入虜掠難防極重之地修礮一座名曰震夷並營房三間城樓一座礮臺一座圍牆一道係武安軍勇丁駐防

東南路落摸堡後山距城三十里路通那麻勿雷等支夷堡修礮一座名曰俘夷營房三間礮臺一座城樓一座圍牆一道武安軍勇丁駐防

東南吉家山距城三十里緊逼阿合等支夷堡修土礮二座團民駐防

東山蔣家溝距城十七里後通阿合勒烏等支夷堡出入必由修礮一座名曰平南營房三間礮臺一座城樓一座圍牆一道越礮營征兵駐防

東山大水溝距城十五里上接燕麥廠鴛鴦塘與蔣家溝為犄角  
為加落卜合等支夷出入之路修碕一座名曰東城營房二間礮

臺一座城樓一座圍牆一道定越營中旗右哨駐防  
○案今越營管撥兵駐防

東山大水溝對山與大水溝交壤下接磨盤山亦夷人出入之路

修營盤一座營房十間礮臺一座城樓一間定越營中旗右哨駐

防  
○案今為越營管撥兵駐防

東山一株樹距城十里路通跑馬坪各支夷堡適中緊要修碕一

座名曰向化營房三間礮臺一座城樓一座定越營前旗右哨駐

防  
○案今為定越營前哨正哨駐防

東山白廠坡緊連夷地亦夷人路徑修碕一座名曰北勝城樓一

座圍牆一道定越營前旗右哨駐防

○案今為定越營前哨勇丁駐防

東山堡子頂路連卜合阿合勒烏等支夷最為緊要修砌一座名

曰創夷營房五間大礮臺一座圍牆一道定越營中旗管帶勇丁

駐防

○案今為定越營前哨副哨駐防

東山太平溝亦夷人往來之徑修虎口礮一座營房四間大礮臺

一座城樓一座圍牆一道定越營前旗右哨勇丁駐防

○案今為定越營左哨正哨駐防

防

東山土官垣緊連夷地夷人出掠天王岡一帶由此修砌一座名

曰斬夷營房二間圍牆一道定越營前旗左哨勇丁並土兵駐防

○案今止為土兵駐防

東山楊家村爲大屯屏蔽恆爲夷人窺伺修礮一座名曰定夷營房二間圍牆一道係定越營後旗左哨勇丁駐防

○案今爲右哨副哨駐防

東山高敞堡距城二十里爲王家屯屏障向有汛房今廢修礮一座名曰靖夷營房三間圍牆一道定越營後旗左哨勇丁駐防

○案

今爲定越營後哨副哨駐防

東山冷水溝距城二十五里亦爲王家屯屏障修營盤一座營房十間礮臺二座定越營後旗中哨管帶勇丁駐防

○案今定越營後哨正哨駐防

東山褲襠溝距城二十七里路近松光林等支夷堡修礮一座名

曰鎮夷營房二間圍牆一道定越營後旗中哨勇丁駐防

○案今爲定越營後

哨勇丁駐防

東北山口洗澡塘

即溫泉  
春禊處

距城三十里緊逼松光林支夷堡為王

家屯最衝要處修礮一座名曰平夷營房二間圍牆一道定越營

後旗右哨勇丁駐防

○案今為定越營  
後哨勇丁駐防

東北半山刮金板距城三十五里與王家屯犄角修礮一座名曰

制夷營房二間圍牆一道定越營後旗右哨勇丁駐防

○案今為  
土兵駐防

北路馬路溝夷人常由之出入修礮一座名曰緩夷營房二間圍

牆一道城樓一座定越營中旗中哨勇丁駐防

○案今無之

北路大屯距城十五里修土城一道城樓二座居民駐防

北路猓羅河距城三十里冬春乾竭每有夷人出掠築亂石土城

一道城樓二座礮房一座礮臺一座定越營中旗中哨勇丁駐防

○案今爲平河關係定  
越營右哨副哨駐防

北路板橋河距城三十五里地面平坦逼近夷人築土城一道城

樓一座定越營中旗中哨勇丁駐防

○案今無之惟蟲商  
過境時派勇看哨

北路青岡關距城四十里爲阿波落堡等支夷所窺視築土城一

道城樓二座定越營中旗中哨勇丁駐防

○案今無之惟越營  
營青岡關汛駐防

北路甯越營所屬鎮西站新安汛清水塘三地距城一百二三十

里皆夷人往來擄掠之所各修城垣一座城樓六座要隘處修木

礮三座均甯越營汛弁兵丁駐防

凡礮堡營房共二十六處係同治八年同知李忠清籌款所修

派勇丁逐處屯劄防守

南關外五里牌常有夷人出擄修礮一座前長勝軍修今由越巒營撥兵駐防

南路白泥灣距城三十五里上通相嶺西扼南箐口修築營盤土城一座城樓二座礮房一座哨樓二座係長勝軍及靖邊營修今

歸武安軍統領駐劄控制西南一帶

○案今爲續備後軍統帶駐防

南路觀音巖礮房一座武安軍勇丁駐防

○案今爲續備後軍前哨駐防

長坪子礮房一座武安軍勇丁駐防

○案今爲續備後軍後哨駐防

南路周家墳路徑崎嶇常多搶劫修營盤一座礮房一座武安軍

勇丁駐防

○案今爲續備後軍後哨駐防

南路長老坪與八切挖啄等支堡相逼修營盤一道礮房一座武



安軍勇丁同汛弁兵丁駐防

凝冰灣距城七十里山勢嶙峋道途險阻向為夷人擄掠之區修

礮一座武安軍勇丁駐防

○案今為續備後軍右哨駐防

黃草坪路通夷徑修營盤一座礮房一座武安軍勇丁駐防

○案今為續備

後軍右哨駐防

偏橋子逼近相嶺夷人出沒不常修礮一座武安軍勇丁駐防

○案

今為續備後軍右哨駐防

以上數處同治八年貴州提督周達武修

南關外坵城堡同治六年同知梅震煦捐提公款銀三百兩建

王家屯道光十九年同知王者政修同治六年同知梅震煦捐提

銀三百兩重修

中所填道光十九年同知王者政修同治六年同知梅震煦捐提  
公款銀四百兩重修

小哨小瑞山兩處同治八年提督周達武修

光緒十六年同知傅廉捐修北路洗澡塘礮房一座南路曾家包

礮房一座設兵看守

○案洗澡塘為定越營後哨勇丁駐防曾家坪為  
越營營撥兵防守每月預支口食錢叁拾千文

案曰以上礮房均係原纂其下注案則新增也又南關致遠  
門及先農壇後兩處礮樓皆係越營營撥兵防守

月  
日  
三  
日  
五  
日  
六  
日  
七  
日  
八  
日  
九  
日  
十  
日  
十一  
日  
十二  
日  
十三  
日  
十四  
日  
十五  
日  
十六  
日  
十七  
日  
十八  
日  
十九  
日  
二十  
日  
二十一  
日  
二十二  
日  
二十三  
日  
二十四  
日  
二十五  
日  
二十六  
日  
二十七  
日  
二十八  
日  
二十九  
日  
三十  
日

越嶲廳全志卷五之四

邊防志

唐貞觀十年分天下為十道置折衝府嶺州西甯郡中都督府西

置甯遠軍清溪關

今越嶲地

新安三阜沙野蘇祁保塞羅山西瀘蛇勇

遇戎九城皆以防吐蕃南詔

唐至德初南詔閣羅鳳陷越嶲會同軍據清溪關

今越嶲地

貞元初吐

蕃分兵寇清溪關及銅山後節度使韋皋復修清溪以通南詔由

黎州自此出邛部逕姚州入雲南并築要衝城

今越嶲炒米關

以禦蠻寇

太和四年李德裕帥西川上命塞清溪關斷南詔入寇之路德裕

上言大路有三小徑無數皆東蠻臨時開通若言可塞是欺罔朝

廷須於大渡北更築一城迤邐接黎州大兵守之方可既而德裕徙關於中城北去大定城一百十里咸通十年南詔寇嚮州攻清溪關定邊鎮將安再榮退屯大渡河北乾符元年高駢帥西川復戍清溪等關五代時沒於蠻 明統志關在大渡河外 舊志在黎大所南一百三十五里唐末僑置甯州於此其地連山帶谷夾澗臨溪倚險結關恃爲控禦又今越鴛廳北二百一十里有古隘堡其南隘廣不盈丈兩岸壁立千仞峽內溪流淙淙卽古清溪關也

大厯初李晟大破吐蕃於大渡河外吐蕃悔怒殺誘導之人南詔請內坩韋皋奏宜招納之以離吐蕃之黨復與異牟尋約築大城

於境上置戍相保

太和三年復陷邛崃逼成都至新津而返節度使李德裕以韋皋

啟戎資盜養成癰疽數擾成都作籌邊秘總十一軍築仗義琉璃

二城以制清溪之阻明年修復邛崃關在清溪縣大渡河諸城柵內地

稍戢以上原暴

唐孫樵書田將軍邊事背臨邛南馳二百里得嚴道郡實與沈黎越嶲俱為邊城迫於羣蠻田在賓將軍刺嚴道三年能條悉南蠻事為樵言曰巴蜀西迫於戎南迫於蠻宜有以制之者當廣德建中之間西戎兩飲馬於岷江其眾如蟻前鋒魁健皆擐五屬之甲持倍尋之戟徐呼按步且戰且進蜀兵遇鬪如植橫堵羅戈如林發矢如窟皆折刃吞鏃不能斃一戎而况陷其陣乎然其戎兵踐吾地日深而疲死者日眾即自度不能留亦輒引去故蜀人為之語曰西戎尚可南蠻殘我自南康公鑿青谿道以和羣蠻彼由蜀而貢又擇羣蠻子弟叢於錦城使習書算乘就輒去復以他繼加此垂五十年不絕其來則其學於蜀者不啻千百故其國人皆能習知巴蜀土風山川要

害文皇帝三年南蠻果大入成都門其三門四日而旋其所剽掠自成都以南越嶲以北八百里之間民畜爲空加以敗卒貧民持兵羣聚因緣劫殺官不能禁由是西蜀十六州至今爲病自是以來羣蠻常有屠蜀之心居則息畜聚粟動則練兵講戰而又俾其習於蜀者伺連帥之間隙察兵賦之虛實或間蜀之細民苦於重征且將啟之以幸非常吾不知羣蠻此舉大劍以南爲國家所有乎且每歲發卒以戍南者皆成都頑民飽稻飫豕十九如瓠雖知鉦鼓之數不習山川之險吾嘗伺其來朔風止嚴緩步坦途日次一舍固已呀然汗矣而况歷重阻卽嚴程束甲而趨扶藪而鬪耶加以爲將者刻薄以自入餽運者縱吏而鼠竊縣官當給帛則以苦而易良當賑粟則以砂而參粒如此則邊卒將怨望之不暇又安能殊死而力戰乎此巴蜀所以爲憂也樵曰誠如將軍言苟爲國家計者孰若詔嚴道沈黎越嶲三城太守俾度其要害按其壁壘得自募卒以守之且兵籍於郡則易爲役卒出於邊則習其險而又各於其部繕相美地分卒爲屯春夏則耕蠶以資衣食秋冬則嚴壁以俟寇虜連帥卽能督之歲遺廉白吏視其卒之有無劾其守之不法者以聞如此則縣官無餽運之費奸吏無因緣之盜兵足食給卒無肯怨於將軍何如出將軍曰如此

何忠言卒遂書

新增

元至元間置建昌路立羅羅斯宣慰司統之

○案曰此下有成化二年云云與下第三條複今刪去

邊防考木瓜夷有大小二種小木瓜旁通西赤口去煖歹密二日過木瓜橋頭稍前十里爲大木瓜卽今三枝希夷處所一日凶瓜一日匪瓜一日卜特瓜過大木瓜五十里爲利濟所極高峻與大涼山相接又五十里至大赤口口外則馬湖之地矣卜特之先分自大赤口凡二十枝賦乃卜特其最著者世居西河屬馬湖安氏鈐轄及安氏滅諸瓜叛入邛部歸嶺氏其地自西河大小赤口涼山雪山等處周圍盤結南通馬湖西連建越路接嘉峨蹊路四藏而入達焉嘉靖末諸瓜畜牧蕃盛漸思異謀邛部土官嶺柏不能馭及死賦乃虛柏等叛出涼山會同西河匪瓜白濞出沙平在黎



大所於是嘉峨犍爲一帶鄰坊居民不能安枕建昌及上下川南  
三道督邛部發兵至茜雞坪截殺之王師未集從冷溪而渡直搗  
西溪官軍大颯賊兵益熾乃議大征分建越馬湖諸鎮三路而進  
直搗巢穴諸瓜惶懼於是請降入貢盡復侵占田地自七盤子至  
米麻嶺共四千八百六十四畝云

明改邛部州爲越嶲衛置軍民指揮使司領所五前左中右後  
成化二年設建昌兵備道副使十六年置分守太監嘉靖四年設  
守備官一員以指揮體統行事守備甯越營地方駐紮鎮西守禦  
所長官司一沿邊各路俱設關堡以控要害曰青岡堡蔡葉堡木  
瓜堡鎮遠堡平填堡苦菜堡平夷堡八里堡河南站白馬堡隴經

關堡鎮蠻堡李子坪臨河堡炒米關堡小哨堡長老坪溜水堡新  
添堡黃泥堡卽於衛中撥軍護守以資行旅嘉靖四年川南道胡  
東皋復城越巂兼城海棠與越巂相爲聲勢控制諸蠻萬歷辛卯  
壬辰閩酋醜王大咱賦闕倡亂川南道周國雍奉命監軍會同總  
兵官劉綎征勦殲馘渠匪封尸而還庶民初安

以上原纂

明建昌兵備道鄧貴善後條議一直陳建南地勢以便防禦竊謂歷建南者然後可以談建南亦  
必備知今日建南之情形者然後可以治建南殆未可以耳談也以蜀邊而論如松潘與番隔河  
爲界又苦寒不宜屯種故城堡之外並無漢人村落是以營屯一固事體歸一亦便防守也至遵  
義先年播州之役已改設郡縣盡爲編戶至於善後又加派兵餉二十三萬經十年而減故力完  
而守易也乃建南然乎哉彼建夷負固一隅蠻烟瘴癘自大渡河起至金沙江止一千五百六十  
里皆高山峻嶺而五衛八所各據要領又皆與西番東猺百十餘寨爲鄰漢人所藉以往來者止  
有一線鳥道迴繞曲屈殆三千餘里以三千餘里之鳥道經百十寨夷之隘口雖有營堡稀若晨

星豈能保無疎虞此其無月無日無時無刻而皆當爲防五衛八所每歲額辦屯糧五萬餘石卹屯星散旣不能如松潘之歸一兼以前歲大舉比之遵義兵不滿四萬限不過五月元兇雖已授首逋酋豈能盡殲伏莽假息尙繁有徒職以不才謬承善後之責目擊藩庫如洗籌兵措餉千難萬難所幸五年以來仰遵憲令寒酋靡不聽撫拮据業有次第卽如邇者土官安崇業爲醉忿自刎中外駭傳咸謂各寨無統先年安世隆之變必且復見於今日廼以在在有備在在戒嚴各夷卽欲乘釁爲奸而終不可得且近奉本院批勘繼立土婦之事原據監理並副總關司各衙門會同四把事召集各火頭保勘在案又該職遵行覆勘院檄並傳四十八寨馬火頭喇哨脚故阿哨普馬沙罵什卜革革沈渣已卜罵魁期江西脚裁氣拍落烏脚裁幸駕五列厄拍卜得阿友故拍者脚膀坡哨脚說脚散阿水說果已架脚烏哨暮等各率部落叩首轅門願保瞿氏聽受約束又據監理總關復令建昌衛指揮王國陽等押發於教場仍命圍皮敵血各立木刻以後如有奸夷潛出願聽軍令協搦功此衆耳目共聞共見者職竊謂五年如此而後日之建南可知也故夫千里烏道防守最艱此天之所以限建南其地然也餉額一定兵食兩足無事可以屯耕有事足以防禦國威旣振邊氛自消是職等遵奉憲令所恃以守建南也 一乞查邊額以壯藩籬

建南係全蜀之藩籬查蜀志唐天寶以來南詔歲爲邊患大歷四十年十月南詔令吐蕃帥兵十萬三路入寇而一路自黎雅邛崃關陷諸郡邑太和三年復陷邛鶴逼成都刦玉帛子女以去咸通十一年冬蠻賊圍成都矢石如雨蜀地大震十四年又入寇造浮橋濟大渡河至新津而還明年始修復邛崃關大渡河諸城柵內地稍戢至宋藝祖以玉斧畫大渡河而邊患遂與宋祚相終始則建南今日卽議善後亦爲全蜀豈爲建南乎昔太祖統一海內旋定西蜀改建南爲五衛添設續裁前衛共六衛原指揮八十五員千戶鎮撫七百六十八員此官額也衛所城操並撥守屯堡共官兵五萬八千餘名此軍額也本邊軍餉惟是建會二衛取足於本地重糧至甯鹽越三衛並冕山鎮西二打冲四千戶所官軍三萬一千五百零八名俱六個月取給於內州縣民糧據先署監理同知赫奕譚天相冊報每歲額請內地協濟糯米一十三萬四千九百九十五石零五升銀一千八百五十兩以越鑄論每米一石折銀八錢以鹽井論每米一石折銀九錢卽今三衛四所每歲六個月尙仰給於藩庫可考也此餉額也以國家勘定之餘威先年本邊全勝之物力故五衛八所之長皆足以敵蠻勢而制其死命豈非坐收勝算哉二百年來邊備日弛蠻害日慘官軍日耗屯堡日虛迄今查五衛八所指揮千百戶鎮撫止一百四十三員矣衛所各軍逋亡殆盡

今止存五千二百四十九名矣當事者不爲設法勾補以爲本邊綢繆桑土之計且舉本邊協濟額糧陸續盡移於松潘等邊以撙節省之名彼百十寨夷更何所憚而安得不貽頻年之刦殺乎顧久移之餉無望再復而當入蜀連歲兵火之擾閭閻之困已極又豈堪派累茲幸善後以來仰遵憲令又仗藩臬同心百計措處一畱原題建南合營操標兵歲額餉銀二萬三千二百一十二兩一督令五衛官軍開墾積年荒屯歲抵餉銀一萬二千四百二十五兩零督令營堡目兵開墾一帶荒地收租歲抵餉銀三千八百三十二兩零清理歷年各衛民糧餘剩脚價等項歲抵餉銀二千六百六兩零以上共畱兵四千六百八十名歲該餉銀四萬一千九百七十七兩零並舊防兵四千二百零四名歲額餉銀三萬八千三百一十五兩零歲共八萬零二百九十二兩有奇合之五衛兵一萬四千一百三十三名比之當日額軍五萬八千餘名尙不及十分之三查自大渡河起至金沙江止計修舊營五十六處增新營七十七處共一百三十三營堡皆經本道冒瘴涉險相度形勢緩急定爲額兵以扼各寨之吭今幸五年於茲二千餘里在在有備在在皆有額餉似可爲善後之一助然非藉憲示難以垂久也 一沿邊險隘宜修以保金湯夫王公設險以守其國內地且然矧以歷年刦殺之建邊乎本邊會鹽甯越五衛並禮州冕山鎮西等城皆頗堅固

此後時時修葺僅足防守又建昌爲五衛心腹歲苦涼山諸寨爲患今從父老之請已奉兩院批允爲築一大石城設有額兵且耕且守皆云此建昌自世之金湯也惟德昌與建鹽打冲此二城者創自國初皆四面鄰邊倒塌日久急宜修築至於鹽之河西建之瀘沽鐵廠松林越驛之南關桐站此皆軍民輳集之地四面鄰夷之衝卽今隘口皆有營堡目前可無憂慮而數年之後亦當漸爲各築一石城或爲量築一土城庶城壁一築番獠不敢以生心而烟火聯絡守望皆可以相助况查一切工築銀兩本道歷年皆有積剩不煩派之民間者第甫定之邊瘡痍未滿未敢遽興大工以聽後道另詳此亦建南久安長策也 一通夷法禁宜嚴以杜邊釁夫本邊所恃以安民禦蠻而長保敕謐者獨恃有國法耳顧通夷之禁不啻三令五申奈本邊軍狃於粗安有乘夷市而恐嚇以討人命錢者有私授於蠻而從中播弄者有潛販違禁者有賴騙蠻債激蠻之怒至擄擄人口以代償者有蠻債不還而反誣報爲搶掠者有收留蠻口爲奴婢者有衙棍指稱激成蠻患故夷市不嚴則貿易卽爲刦殺矣播弄不繩以重法則奸宄恣爲牙爪矣私販違禁不設法擒捕則控制不得擅長技矣蠻債不爲切禁則揭借卽爲擄擄之媒蠻奴蠻婢不禁則圍圍卽爲諱盜之門矣指稱不爲窮治則七十二屯之焚刦且復起於衙棍矣國法其在邊例尤嚴非獨苛於

邊也要令人不敢犯故長保救謚也茲節奉明文舉行鄉約編立保甲若不嚴連坐之法誰復肯爲官家任怨者故十家爲一甲十甲爲一保不論尊卑長幼並所歇客商盡書名於一牌所營之事所歇之客所往之處保正一月一報冊於官有犯不首者十家連坐而犯應遣戍者必延緩極邊等衛南人北去與大辟等耳軍卽僉十家之中最殷實者爲解子其餘幫貼盤費以一軍而累十家則十家懼矣十家又以富戶爲首解則富者自愛且有所懼矣此亦牽制奸民之一策也

一土官乘機宜議以救邊民夫邊職之漢夷並設也實番蠻雜處非兼土司不能聯屬也查先年甯番土酋怕兀他從月魯帖木兒叛太祖特命總兵徐凱征討遂廢土改衛止將環居西番編爲四圖聽我羈縻會川鹽井雖設土職火頭然皆各有分土不甚桀驁越竊邛部土官嶺柏鳳起數構難移之柏香坪今可無慮獨建昌安土官雖有總轄之名號原無一定之寨分先年舊居衛城萬歷丙戌每夜出城劫郵左右兩所官軍不堪荼毒至有率衆攻城以討賊者丁亥周憲副光鎬請於兩院奏調土漢官兵勦伐始定雖將土官移居於城外之東街第去衛城不數步嚮丁出入終不能禁此所謂腹背之一大疽也查安民世職以來安革安仁安夷安忠四世相承衛蠻猶多懾服嘉靖末忠妻鳳氏權攝夫職是以患成尾大鳳氏死疏屬安登冒嗣蠻心不服是以有廝養

卒逆止之變安登死其妻瞿氏紹良更無能節制是以安文頻歲爲叛至有臨城劫村之慘瞿氏紹良死安世隆嗣而其妻沙愛以踰城淫奔爲安世隆所逐又爲羣奴力怕等復煽諸蠻擁沙愛爲主且與世隆相讎殺是以貽本邊之禍今安崇業又以遠枝承繼且性狡猾適者奉旨勦勦屢漏洩竄放及聞善後留兵益軼軼不樂每日垂頭喪氣如有所失此酋不死建南之禍未息也茲幸天斬其嗣據建昌通學生員呈乞停土官之繼仍復先年責成四把事約束之例以絕禍本以救邊民但土嗣雖絕尙有土婦先年夫亡妻繼之規倘瞿氏不鑒覆轍則異日釐嗣已絕卽不議繼可也矧四把事原同土官管東部落者彼皆係籍蠻種熟知其情今其弟男子姪又多入洋瀾我編氓儻四把事果堪約束亦可以代土官之責更爲駕馭之使卽不必議繼可也儻謂國制不可驟更亦聽彼時臨期斟酌以俟後之君子可也近據瞿氏承繼屢奉本院檄念再三駁勸爲邊民籌久安之策此亦異日酌議土官之一大機會也 一將領宜加激勵以俾駕馭夫本邊環選三千餘里倚將領爲長城而將領終歲則咸視勸懲爲勤怠道鎮以下各有責任所以獎其忠義而痛治其玩愒者惟恃有激揚大典耳龜邊警非每歲糾參則疏虞者無懲邊功非每歲品敘則勤勞者無勸矧善後立法之始一次失事卽難逃於歲終之參而一次停俸又將莫於來歲之



復孰敢視爲傳舍而不爭相濯磨也至本邊千總亦係邇者大征所選調於各邊或名色守備或加銜指揮等官此皆才畧翹杰赴赴干城之望而鵬勳以來留守本邊又皆各寨信服可戰可守之士頃蒙撫院憲牌內開營堡提調等官如一季已終地方甯謐無有失地者官兵議詳獎賞仍揭薦優擢等因通行在案又據行都司掌印張大道呈稱浙江之沈有容以布衣竟躋參將惟防海獲薦得致顯位又周三陽陳邦憲三哨官耳乃於四十四年內斬賊三級遂兩院題薦人思自奮瀚海宴然今建南營哨環甲千總提調肅肅兔宜靡不乘時思奮大之拔寨陷陣首奏掃蕩之捷次之冒瘴涉險亦標擒斬之功獨無課殿之例遂不入題叙之條雖竭歷報効九死一生總之不過一千總止耳一提調止耳似應比照閩廣浙直防海之例有功無過者每遇歲終得與題叙否則嚴加處分等因條議在案看得建昌邊防吃緊全在各處總路隘口劄營扼險所實成於千總提調者最爲得力惟有歲終一題乃可以激發其志乞本院垂念甫定孤邊會同撫按院俯允行都司所請得比閩廣浙直防海歲紙之例彼聞進身有路孰不効死力而壯邊聲是亦善後駕馭之一策也 一邊儲吃緊宜籌以實軍需夫國無九年之蓄日不足無六年之蓄日急無三年之蓄日國非其國矧在不毛窮邊乎今連歲豐登而一解糧少遲卽不免枵腹倘歲值大稔本邊

既無所入而內地徵解又未必如期將聽營堡逃散乎若禁營堡逃散將使枵腹守隘乎西番東  
獠百十餘寨彼且乘時蜂起將何以待之乎大征之舉可以再擾之乎故邊儲不可不籌也查得  
水邊瘡癘之苦各營堡逃亡事故無月無之而逃故者又勢不能不爲急補乃免於疏虞卽以此  
蠲役之剩糧或扣其本色貯之建越兩倉或扣其折色聽監撫兩廳歲終會計報道轉詳兩院每  
歲以此存積量糴十分之一另項上倉登報循環以聽盤查以備凶荒而扣本色者皆追納淨穀  
或納糙米可以久貯而無蟲蛀之患但不許止納春淨之米易生蟲蛀且爲異日倉積斗級得藉  
爲侵耗之名又蕩平以來五衛軍民亦有援例納吏聽其赴布政司告納給帖止令上穀於本邊  
寒苦地方如越鴉鎮西二倉不滿三五歲亦可積穀無算以聽盤查以備凶荒而何憂於水旱乎  
再查鑄錢之令所裨於軍需不少先年原任行都司臧京奮然力主其議祇爲有司之初入仕途  
者未諳事務妄議停阻今查重慶等府皆已興工况建南與滇接壤俱係產銅之地每次階期皆  
爲各商販之外省在在鼓鑄官民兩便而本邊獨不獲鑄錢之利豈不深爲可惜竊謂今日善後  
計此法終不可罷也 一邊地器械宜精以裨實用夫營堡而無兵甲與無營堡同兵甲而不堅  
利不練習與無兵甲同昔在鼎錯蓋詳哉其言之矣而况於建邊乎夫烏銃佛郎機百子銃綿甲

三勝負既已分矣惟是善後以來籌兵措餉尙未暇圖今之烏銃佛郎百子銃五年之久半以朽  
駐綿甲長鎗鐵鑕利弩鉛彈滾牌前次大征歲久漸耗每兵僅月支口糧七錢二分餉口弗給豈  
能自備查得會川操練之兵皆經陳副總設法置造器械鮮明甲於各路而四將領亦以限於力  
而尙未置造合無即將本邊營堡逃故今後所積者每歲詳院量爲之備亦首務也

顧炎武代荅建南告急策文萬歷壬子歲建南告急正值開科當事者策諧生而余代爲之答曰  
夫建南者非漢所稱西南夷而唐所稱六詔之屬者哉至我明來部落散處君長不齊約共九種  
可得而言曰一樊人二獬獠三白夷四西番五麼些六貉鹿七韃靼八回子九漁人是也而猓獠  
最猓獠邇時習爲邊患矣執事以戰守剿撫機宜下問欲得一當而計安萬全甚盛心也某不敢  
以臆對語云前事之不忘後事之師也請遡其開閉之因叛服之狀而後計有以處之者乎粵自  
洪荒入秦西南夷未嘗與中國通也通西南夷由漢武帝始武帝之遣唐蒙也從筭入關見夜郎  
侯諭以威德約爲置吏其意在渡牂牁江出奇以制東越耳治道無戒巴蜀震驚乃用司馬相如  
諭告之非上意是時邛笮君長聞南夷得賞賜多欲請吏上問相如相如曰邛笮再驩近蜀易通

置爲郡縣愈於南夷於是以邛都爲越巂郡笮都爲沉黎郡而除邊益斥堠此開之之始也蜀漢  
建興之歲昭烈殂隕益州郡者帥雍闓等縛太守張裔與吳遣孟獲誘扇諸夷越巂夷王高定等  
皆叛應闓諸葛武侯以新遭大喪撫而不討務農積穀閉關息民民安食足而後用之及將南征  
參軍馬謖曰南中險遠不服久矣雖今日破之明日復反今公方傾國北伐以爭強賊復窺吾勢  
內虛而叛亦速若殄盡遺類以杜後患恐非仁者之情且又不可倉卒者夫用兵之道攻心爲上  
攻城爲下心戰爲上兵戰爲下願公服其心而已武侯乃用其策生擒孟獲使觀營陣之間獲曰  
向者不知虛實故敗今祇如此卽易勝耳乃七縱七擒之獲始拜曰公天威也南人不復反矣侯  
卽其渠率而用之或以爲諫侯曰若留外人則當留兵兵留則無所食又夷屢有廢殺之罪自嫌  
費重若留外人終不能信皆不易也今吾欲使不留兵不運糧而綱紀粗定夷漢粗安故耳於是  
悉收其豪傑孟獲等爲官屬出其金銀丹漆耕牛戰馬以給軍國之用終侯之世夷不復反此撫  
而剿剿而撫之之術也唐開元之歲南詔強大五詔微弱乃賂王昱求合六詔爲一朝廷許之於  
是以兵威脅羣蠻連擊破吐蕃橫行邊部而鮮于仲通有西瀾河之敗李必有太和城之敗至卒  
軍皆沒令彼築京觀焉而陷越巂據清溪關駸駸乎及瀘水矣韋臯乃屯重兵於瀘州振西瀘路

是時南詔異牟尋欲誘之先攻東蠻畢不可曰鶴州實往來道扞蔽數州敵百計窺故嚴兵以守之彼東蠻者敢懷二乎大潛之歲吐蕃南詔合入寇悉衆二十萬三道而趨曰吾欲取蜀以爲東府乃遣神策將李晟發邠隴范陽兵亦以三道而環救之晟追擊大破之於大渡河外吐蕃南詔士卒飢寒殞於崖谷死者不勝計吐蕃悔怒殺誘導使之入而南詔始請內附矣皇奏宜招納之以離吐蕃之黨復與異牟尋約築大城於境上置戍相保永同一家出朝廷所賜器物笛工歌女命之曰當子子孫孫盡忠於唐此守而戰戰而復守之之策也宋太祖平蜀之後取地圖觀之乃以玉斧畫大渡河曰與夷爲界凡我疆吏固守封圻而已此閉之之始也元以蒙古爲驅除難建昌會同置府印部柏興置州若內地然至我朝太祖混一宇內神武不殺其大無外普民化之次第歸順乃兼設夷漢之官并用文武之道爲衛所者九爲學校者三爲長官司者四五而關堡驛遞蓋不啻基布而星列矣此復開之之由也說者曰漢武帝窮邊極遠逞一時之侈心而基後世無窮之禍患爲計失矣然風氣欲開則有以使之不得不開者固非其計失也又曰宋太祖重內輕外不欲以無益之地而損百姓有限之財力爲計得矣然風氣欲閉則有以使之不得不閉者亦非其計之得也說者曰今之世患無武侯耳使有侯者出七擒七縱大威所攝北面稽首終身

不敢貳然未及十年而夷帥劉胃叛矣至於延熙則太守張嶷始復平定越嶲郡矣安見其兢兢於侯之盟誓約束也又曰今之世患無韋臯李晟耳使有韋李者出提兵轉戰數千里斬首數萬截斷吐蕃之臂而臣服南詔如指掌然未及數年益州永昌蜀郡諸夷皆應越嶲叛矣太和感通之歲則南詔且再入成都矣又安見其惴惴於昔之救死扶傷也大抵犬羊之性嗜殺而少仁好譎而無信以戰爭爲日用以掠劫爲耕作其始而濶置吏也貪賂耳其有時而乍降服也畏威耳是故或窺中國之虛焉而叛或恃部落之強焉而叛或附之因循也而叛或責之嚴急也而叛或被人誘使之而叛或自己仇殺而叛或見可欲也而叛或修復舊怨而叛曷嘗有數十年耕鑿山谷間嬉嬉以遊與邊陲共保安靜而無事哉我明開國不煩一鏃之矢一介之使與夫鎬鍤尺寸之金帛而望風輸誠請爲臣妾得報可而拜一官爵攜一印綬以誇示於族類保守其封疆以比諸漢宋之爲開而黷武閉而損威或致勞民傷財之怨與夫失地退守之辱者其得其失爲何如也國初至今二百五十年所矣在寧番有土酋柏儿他從月魯帖木兒之亂而總兵徐凱定之在越嶲有土官嶺鳳起及黑骨夷阿弓凹乞之亂而總兵劉顯定之所聞大征不過此兩者其他畫地而守聚族而居納租稅飭郵傳未嘗輒敢尤而效之夫以將不必思武南康神策也以戰不

必七縱七擒殺獲數萬人之衆也而安堵之日多蠢動之日少以比諸蜀之今日服之而明日復反及長史遭執縛之慘內地受剝膚之嘆者其久其暫又爲何如也獨此數年間斷不馴於漢法而勾引乎生蕃或跳梁於崑山所或嘯聚於鄧家灣或利濟站之圍而解散復合或梅子堡之役而殺戮相當近者南關之烽火且逼近於大將軍鎮西之梗塞且垂涎於大渡河亦可謂猖獗之甚滋蔓而難圖者矣以故羽書之告急無虛日孤軍之待援如湯火而煩下執事者憂也生請先言時勢之難易今昔之不同也而後及於勦撫戰守之機宜可乎何謂難夫蜀以國事付諸葛出將入相惟其任之調兵調食如出一手又且積蓄多年民豐用足而後及於師旅今不能也既當倉卒之時又多掣肘之患矣武侯征之服之用其象帥出其軍資不留兵不運糧但使夷漢粗安專心他伐未嘗再一渡瀘今亦不能也軍民與之錯處行旅出於其途矣何謂易在唐之時六詔合而爲一南詔又與吐蕃合而爲一動輒數十萬衆勢若常山之蛇復聲東以擊西我救此則失彼而今無是也南詔隸於滇中吐蕃隔乎松茂若風馬牛之不相及矣李晟之捷時將邠隴汾陽兵五千直自邛崃關追擊之於大渡河韋臬之捷先斷吐蕃爲二且借資於異牟尋之兵五千而今無是也如雲之士卒在前天險之瀘河在後我操必勝之勢矣是故蜀漢之所易者而我之所

難也李唐之所難者而我之所易也其時勢之不同如此以今日論之非戰不能解圍矣非剿不能以醫服矣以他日論之非撫不足爲結局矣非守不足爲長策矣然剿之與撫可互用也貴因乎時戰之與守必兼資也貴乘乎勢此固智者能言之耳而剿之首務在動兵曰鷓剿又曰大征多寡大相懸矣其實有可以相通者何則漢河平之歲西南夷嘗相攻矣遣大中大夫張匡持節往解之不從命乃刻木像漢使立道旁射之杜欽說大將軍王鳳曰蠻夷輕易漢使不憚國威恐讖者又要復守和解則彼得收獵其衆狂犯守尉遠藏濕暑毒草之地雖有孫吳賁育若入水火涼時入誅其王侯尤不軌者而後可定諸葛武侯之南征也別遣馬忠伐牂牁李恢向南中而後渡瀘生擒孟獲是當其時雖無大征鷓剿之說然必練士馬積糧穀相時而入分道而進其功乃可成也蓋非大征則兵食不能厚非鷓剿則智勇無所施愚所謂可相通而用者也而戰之先資在饋餉曰主餉曰客餉彼此易推諉矣其實爲闕一不可者何則蜀建興之歲都督張翼用法嚴激夷帥叛丞相亮以叅軍馬忠代翼令還其人檄召謂翼宜速待罪翼曰吾臨戰場代人未至當運糧積穀爲滅賊之資豈可以黜退之故而廢公家之務乎於是統攝不懈代到乃發忠因其資



破賊唐之舊制歲抄運內泉以贍嶺州起嘉眉道陽山江而達渡乃分餉諸戎常以盛夏之地苦瘴毒輦夫多死後改命轉邛雅粟以十月爲漕始先夏而至以佐陽山之運不涉炎月遠民乃安是當其時雖無主餉客餉之說然必自實於內接濟乎外有灌輸之功而無偏倚之患其戎始可保也蓋非主餉則恐道絕非客餉則恐中枯愚所謂實闕一不可者也撫之之說益州刺史張裔嘗用之矣越嶲夷封離反殺長吏焚掠百姓骸骨委積千里無人喬遣從事楊竦與戰斬首三萬餘級獲牲口千五百人資財四千餘萬悉以賞將士封離等惶怖詣竦乞降竦厚加慰納其餘三十六種皆來降附竦因奏長吏犴狎侵犯蠻夷者九十人皆滅死由此觀之非誅渠帥之黠惡者與吏士之貪殘者不能聽吾撫也守之之道西川節度使李德裕嘗用之矣朝廷使德裕修清溪關以斷南詔入寇之路德裕曰通蠻細路至多不可塞惟重兵鎮守可保無虞但黎雅以來得萬人精加訓練則蠻不敢動矣乃請甲人於安定弓人於漢中弩人於浙西器械犀利又率戶二百取一人習戰緩則農急則戰謂之雄邊子弟以制大渡河清溪關之阻且謂旁人建言者蓋由禍不在身望人賁一狀留入堂案他日啟事不可令臣獨當國憲朝廷皆從其請德裕乃練士卒葺保障積糧儲以備邊蜀人粗安其後李斯望請移理邛州於是聲勢不相及南詔復騷動遂入成

都由此觀之非臨河之區爲屯田之計不能壯吾守也或曰若子之說則師之不可已矣然兵非難而餉爲難目前之餉固難久後之餉尤難若必增兵以守之則不幾歲歲而增餉乎曰建寧前者無兵也尺籍之士以五萬計不爲不多矣一士一田無待取給於外矣今所存者不能十分之一士豈盡失伍哉田豈盡拋荒哉無乃強半實債帥之腹而入豪傑之手乎亦無乃所以資寇兵而齎盜糧乎則簡稽而重訓練之胡可已也增募之兵以四千計亦不爲少矣遊擊材官各以若干隸之矣今用命者不能十分之一豈衆寡不敵乎豈前後牽掣乎無乃貪餌而動失虎豹在山之勢乎亦無乃望風而遁之鷲鳥必擊之威乎是責成而嚴賞罰之胡可已也此在大渡河以南者言也河北富林至於黎州非所稱竿關沉黎之地乎須置兩部督尉一治旄牛主外羌一治青衣主漢民唐李贊皇實屯萬人於黎雅蓋重之矣今僅僅一遊戎提兵不滿五百且控制大會六番地於河以外不暇指顧無乃太踈乎蓋欲據建昌先問越鴛欲援越鴛先問黎州此必然之勢也文武將吏如閩司之簽書威茂之驗糧官皆高坐無事若加以職銜常駐此地練兵理餉造舟治具於雅黎分兩翼與越鴛相表裏有急赴援聲息易通一二日間羽檄竟達成都矣且二十年來全蜀無兵也大征之後各以其州縣之繁簡爲召募之相稱歲約靡餉十數萬矣播之役割而

代彼成者蓋三分之一今播享太平十餘年可分其半於黎成都之免成西邊者移其成於黎合之可得客兵三千矣而黎雅之地亦自有軍也自有屯也恐名存而實亡者亦不下於建南所以簡稽而訓練之實成而賞罰之者亦當以建南爲例可得主兵數千矣又合而計之則贊皇之萬人其庶幾乎雖然此善後之慮而永遠之圖也若夫目前將士已渡瀘矣衝鋒陷敵之功非有投石超距之勇者不能搗巢入穴之險非具遊兵簡通之奇者不能總之與其以少而嘗敵也不如厚集於河南北之間與其驅市人而用之也不如預請乎坐作進退之法若夫見可而進相機而動雖呼吸不能喻其神烟雲不能喻其變矣豈擲三寸管作紙上陳言所能逆料哉 此篇從藝文志移入

國朝順治十六年投誠後改軍爲民改設越嶺衛守備一員守禦鎮西所及左所千總各一員設甯越守備一員駐紮鎮西千總一員把總二員兵四百名分撥各處據險要之地彈壓諸番夷獫狁順治十八年番獫復盤踞冕山相嶺一路劫殺守備焚毀屯堡商

旅爲之不行塘撥滯塞者數月兵備道張元凱總兵官王德明稟撫院佟鳳彩題請添設越嶺營守備一員駐衛治領把總一員兵二百五十名分防要害安塘守護外逢六送哨行旅諸蠻畏服而巍巍相嶺始保無虞

康熙二十四年奉文裁去守禦二所止留衛守備而峒賊金格等乘閒漸次倡亂劫奪爲生始則負恃險阻肆行不法繼又煽惑普雄一帶賊番關壽等鼓衆負隅抗拒官兵爲百姓害地方官稟川陝總督岳鍾琪題請奉旨令建昌總兵官趙師儒帥師征勦以次平定

雍正四年添設越嶺營遊擊一員仍駐衛治現在守備卽爲中軍

守備增添千總把總各一員馬步兵二百五十名甯越營守備改爲都司再設柏香營都司一員兵四百名一路聯絡通達聲勢相依而夷務始平靜矣

雍正十三年及乾隆元年將柏香官兵裁去越鴛營遊擊改爲參將再增千總把總各一員馬步兵一百名將柏香改爲汛地令中軍守備帶領把總外委各一員兵一百七十名分駐柏香汛彈壓諸夷其餘各按地方度地勢之衝僻量夷情之繁簡星羅碁布各設汛地於小哨土城馬蝗溝河東青岡關利濟站梅子營等處控制之其甯越都司仍歸參將兼轄兵丁官弁仍各分撥汛地於蒼葵坪桂皮羅大樹堡河南站等處防守

以上照纂

乾隆六年再增越窩營馬步兵丁一百名分添各處隘口而地方始資其保障士民得安其枕席

嘉慶二十二年奉文以蔡葉坪一汛在山凹之中頗難望哨而蔡葉坪東四十里之新基姑地在高阜與巴姑山對峙適中扼要修城堡一座哨房三處曰拉布村曰青岡嶺曰札地頂由越窩營派存城把總一員兵三十名前往駐紮與蔡葉坪聲相聯絡上下皆可瞭望

道光七年成都將軍瑚以越窩二營緊連夷界汛房雖多去河甚遠且甯越屬之耳子廠敲腳戶等地爲野夷過河必由之路將柏香汛把總一員安設耳子廠設鎗兵四十名建昌鎮標外委一

員安設敲腳戶設鎗兵三十名又作鍋河可以踏淺力烏腳河面甚狹易爲浮渡亦野夷出入之區各設鎗兵十五名歸耳子廠敲腳戶管理各設汛堡均歸甯越營統轄由越甯建中左右會川靖遠會鹽懷遠冕山永定瀘甯等營內抽兵一百名以充之復將新基姑移建近河之茅草埧越窩營屬之梅子營汛改設打土河東汛改設特西土城汛改設普雄之老堡子柏香汛改設於天王廟鄰近之拉別卽令各汛員帶各汛兵丁前往駐紮則首尾相應全局無失夷人不敢渡河因定邊防要策大要以汛員得人卽治夷要著明定賞罰如下

凡汛有捆掠之案該員卽追獲解交廳審仍令鎮道府廳參

將都司三月一次視其功過如該汛內一年無事或有案而能將人口全數辦出拏獲凶夷者記功二年無過者陞拔辦獲在五六分以上者功過相抵四分以下或全無一獲者計過二年如是降革有案情重大疏玩忒甚者隨時擢頂勒辦亦不容徇情則汛員知羨畏而防範嚴矣

越窩一缺兼轄民夷各汛既定賞罰卽有地方之責仍將該廳功過分爲四等以三年爲限如二年內能督催汛弁將夷人搶掠案件全數辦理或竟夷匪絕迹則勤能出衆懇恩調陞如能盡心督率辦至七八分必屬不惜勤勞不避嫌怨請予調劑辦至五六分者功過相抵三四分以下或全無一獲者詳請參革



如是文武一體上下相爲勤能

查各汛皆有夷兵管夷原爲查辦夷情乃捆掠之人未經呈報任其輾轉售賣設如來報追查夷人或指一遠年事稱與某人  
有隙因拉當頭汛員反受其愚以爲搶掠有因勒令被搶之家  
出布銀贖取凶夷置之勿論夷兵管夷與夷人通聲勢事出此  
汛云拉別汛之當汛員高枕無憂而被指之汛自愛者尙爲追  
辦否則腦後置之被掠之人永無生還汛員巧於諉過此夷匪  
所由橫恣也自今每遇搶案惟失事地方汛員是問不得諉過  
別汛亦不得令民贖取至夷兵原係夷人管夷能通夷語辦案  
原屬不難乃每藉案漁利樂於贖取除將汛員責斥並嚴禁夷

兵管夷使其無利可圖搶案可以漸少若野夷搶掠居民能互相救助凶夷斷難得志無如愚民無識恐凶夷挾嫌拉當雖目覩捆搶不敢出頭解救今令分段立團聯絡聲勢遇有夷搶點放號礮同團聞之各持械器齊集追捕附近別團亦放礮應接團首率衆分路抄截能爭先殺夷或獲送官者賞夷人拒捕格殺勿論不傷無辜民氣自倍

道光十一年邛部宣撫司嶺如龍收留捫扒夷女噶哇後因噶哇自縊於宣撫司署內捫扒夷人復讐將新基姑汎弁兵丁全行搶去汎房燒毀建昌鎮總兵馬玉麟稟請調兵征剿上憲未准馬總兵辭退大憲另委總兵開明辦理將汎弁兵丁退出宣撫司嶺如

龍發配江南夷人稍安十二年將老堡子焚燒十三年大樹堡曬經關一帶爲夷人阻擾富林營被清溪土司馬龍焚燒汎弁陣亡成都將軍那 率師勒辦提督桂涵在營身故復命提督楊芳率師進剿至開建橋臨日河山曲鳥總兵張琴開明萬榮先後與越甯通判林丹雲參將王盡忠由力烏脚一帶追剿數年勘定調取董事各支夷日賞爲千百戶給以頂戴令各段辦理而夷務稍清矣

道光十四年善後後奉文越甯營將打土外委移駐梅子營兵十四名添兵十六名新基姑把總移駐王家屯兵三十名添兵二十名特西把總改駐河東兵十四名添兵十六名普雄外委移土城

兵十四名添兵十一名小哨千總移柏香汛兵十四名添兵三十  
六名打土斜麻灣大水溝各修石礮以便瞭望甯越將越窩存城  
外委撥桂賢村兵十五名敲脚戶外委移乾溝兵二十名蔡葉坪  
外委移清水塘兵二十五名耳子廠把總移敲脚戶兵四十名耳  
子廠撥馬兵一名兵二十名大樹堡兵二十四名添兵十一名桂  
皮羅把總移蔡葉坪兵十九名添兵二十六名車瓦屋作鍋河衣  
得河大巖腔則落涼山了口等處均各築礮瞭望外添向化一汛

即馬  
日損

道光十五年及十六年同知葉樹東相度地宜稟憲復以越窩屬  
特西爲野夷邊外熟夷邊內番夷出入門戶設千總一員把總一

員外委一員兵二百名爲重汛柏香夷支衆多而沈渣勿雷阿合落烏尤甚再添外委一員兵五十名土城距柏香十里距中所場四里不足以資駕馭改設河外之吉家山相爲犄角卽移土城兵駐防添兵二十五名馬蝗溝與黑林呷牛合落拉別相近舊有兵添足五十名大水溝上通燕麥廠下連阿撒堡與馬蝗溝聲相援設額外一員兵二十名跑馬坪爲阿雪腳阿台家夷支必經之路移河東把總一員兵六十名居中以馭南通特西北瞰高敲堡指臂可使高敲堡撤王家屯外委一員兵二十名可首尾相顧甯越屬之清水塘添兵二十五名敲腳戶弁兵移安大樹頂於山下約期貿易免野夷赴馬日損滋擾乾溝弁兵移竹馬損鎮西五里等

可免搶劫全盤熟計爲邊防籌畫甚密

道光十七年夷匪復亂總兵張必祿率師由馬邊雷波會同提督軍門余步雲齊慎三路進剿以山險雪大夷人安置滾木礮石甚多駐紮數月夷人畏服處處投誠由轟轟山撤兵夷人用滾木礮石打斃兵勇後至越嶲瓜落馬日擯撤回張必祿旋陞四川提督與制軍蘇廷玉布政多歡會奏請兵三萬籌餉三百萬分作七路由越嶲屬之普雄特西馬日擯及峩邊馬邊雷波並雲貴進兵三里一營五里一哨春阻耕秋阻收夏砍伐樹木冬放火燒山三年盡殲其類其地寬廣可安設府州縣數處而夷患永滅且採無數金銀銅鐵錫廠會奏下未果

○案奏稿  
新附于后

道光十九年二月越嶲營屬之鳳凰營爲夷匪所焚復沿途搶哨  
大憲以路出山凹曲折險峻兵單難布將利濟站青岡關汛省入  
越嶲裁撥建標右營都司一員千總把總外委及阜和協外委並  
茂州維州疊溪各處兵數百名安設保安營設存城千總額外各  
一員兵三百二十名麥子汛千總額外各一員兵一百名青岡關  
汛把總一員兵五十五名仍歸越嶲參將所轄凡四五六七八九  
月歸道憲經制十冬腊正二三月歸鎮憲經制自是地方稍靜  
道光二十年同知王者政會同參將馬彥彪佈置有方夷人不敢  
擅出十數年行旅無驚地方無虞

成都將軍凱章署四川總督蘇廷玉四川提督張必祿奏夷務實在情形疏 奏爲縷陳近年夷  
務實在情形並抒管見恭摺奏祈

聖鑿事竊照川省猺夷屯聚涼山袤延千餘里其東西北三面環以馬邊雷波越嶲我邊四廳南則界連雲貴種類既繁搶擄是其慣技不必別有起衅根由而一支蠢動羣支皆附和而來各廳漢夷交界皆係疊嶂層巒深林密箐猺夷出沒攀藤附葛其行如猿絕無人徑亦且處處可藏該廳營兵額有常勢不能節節設守而地面均極寥闊又非若黔滇之中隔大江有一定要隘可防夷猺所恃短刀小箭滾石播石我軍火器攻擊不難制勝而該夷聞鎗礮之聲輒散遁老林杳無蹤跡我軍進逼道路已極艱難其老林又綿接數十里或一二百里卽無雨雪之時亦重霧迷漫樹木陰溼搜捕旣不能遍卽火攻亦難以延燒兼以糧餉轉運維艱官軍勢難久駐故歷年勦之屢矣而總不得利者莫苦於兵入匪遁無跡可尋其間縱有斬擒究不能痛加勦洗僅只發其窖藏焚其寨柵就案完結而該匪等受創未深冥頑如故兵撤復來視爲慣常昔之猺夷出擾尙不敢遠離巢穴只就附近擄掠人民物產爲數無多故以勒獻難民兇夷完案數年來則千百成羣直入鄉村市鎮恣意焚擄前此猺夷槍擄尙不敢殺人今則肆行屠戮且有支解民體輪姦婦女約計被擄男女以數千計而流離遷徙疾病死亡者不知凡幾邊民來省紛紛呈訴其傷慘之情狀實爲耳不忍聞在文武官非不知徵師調餉在在爲難故凡平時駕馭以及滋事之初無不竭意



撫綏無如夷匪貪殘不知懷德反更啟其頑視狡逞之心此頻年所以不能不用兵之故及兵既用矣而又限於地利加以糧餉不充時日又促總不克收全勝之功本年夷匪復擾馬邊等處臣等雖諄飭地方文武委員嚴密防禦而該匪倏來倏去時復窺伺現在調兵雖不及千招勇已不下五千名月需糧餉一萬餘兩前督臣鄂山奏明飭令籌款墊辦已將報部餘茶一款暫行挪用數月來業已無存此後更難爲繼兵勇又無時可撤臣等夙夜焦思寢食俱廢若再稍事因循必致夷惡日熾民患日深是非厚集兵力多籌糧餉寬以時日大彰

天討實不足以永靖邊陲伏察夷匪支類雖多實則通同一氣故一廳出擾各廳夷匪皆羣集附和必須調漢屯土兵二萬名分四隊以一隊分紮戡邊防堵三隊由馬邊雷波越瀾等處尅期並進一面預咨雲貴兩省派兵防邊絕其奔竄夷匪聞官兵進剿必遁老林我軍步步爲營四面屯逼以重兵困之以遊兵擾之匪匿深林勢無十日半月之糧迫其食盡潰逸又預伏鎗礮痛加轟擊可期大加剿洗我軍漸次深入焚其寨落燬其積貯而三四月不令耕種八九月不使刈穫絕其養命之源卽有逃竄餘匪久亦多成餓殍如有窮蹙乞命亦可貸其一死誅其兇酋宥其脅從設土弁以領之而邊患可以永息臣雖未親歷其地而詳詢上年深入夷巢之提臣張必祿臬司多

歡成都府謝興曉及文武大小員弁並體察輿情僉謂非如此則剿斷不能使邊民得安生業約計調兵二萬約需糧餉三百萬臣等至愚極知

國家經費有常不值以如許帑金耗散於蠻荒之地但所費幾及二百萬而夷患益甚與其分次需糜何如大張撻伐以爲一勞永逸之計現在邊疆民命積年被害已深臣等受

恩優渥責任匪輕何敢不據實直陳諸恐窒礙請

諭廷臣及戶部通盤計議請

旨定奪理合恭摺會

奏伏乞

皇上聖鑒訓示臣等無任悚惶待

命之至謹 奏

再臣愚以爲用兵之道糧餉爲先現在兵勇防堵經費既已無出設或夷匪復肆鴟張又將何以禦之川省田賦之輕甲於天下每畝地丁不過二分較他省或少十餘倍或數十倍每年僅額征銀六十六萬兩此外別無欸項可籌雖連鹽課關稅等欸歲入一百四十餘萬不敷支用兵餉廉俸

尚仰給於他省十餘萬兩雖從前勦辦達州教匪以及近年峨邊夷務均係借資民力按糧津貼以充餉需然地丁一兩津貼銀二兩以額賦計之除出零星小戶所入不過八九十萬兩亦不足以供勦辦之用如蒙

聖主允准勦辦可否

敕諭戶部先行籌款借撥銀三百萬兩解川供餉再容臣仿照河南省河工加價之案每地丁一兩加征夷務經費銀五錢計每年可征銀三十餘萬兩按十年攤征還款在通省紳民共知夷匪荼毒生靈患無底止無不志切同仇且川賦本輕更亦樂於輸納似此一轉移閒庶要需得以濟用而

國帑亦不致久懸理合附片具

奏並祈

敕諭廷臣及戶部一並核議請

旨諭示遵行謹 奏

江南道監察御史劉毅昌奏邊夷情形疏 奏爲邊夷反覆無常詳核情形仰祈

聖鑒請飭妥辦事竊維馭夷以威德兼施備邊以嚴緊爲要自古邊防之策不過順則用撫逆則用威而緊要尤在邊事飭修有備無患蓋犬羊之反覆無常而在我之隄防有恃則彼自無可乘之隙可獲之利未有不帖然安戢者也我

國家威德遠被遐荒地方偶有不靖

天戈所指無不電驅風掃震讐悚惶一經勘定萬載肅清未有如四川之馬邊雷波峨邊越嶲等廳猺夷屢辦屢擾終於頑梗如此之甚者臣籍隸黔中與川省緊隣從前略悉彼處形勢近復深探細詢究悉情形誠如

聖諭於剿辦防堵事宜未能籌畫妥善請爲我

皇上敬陳之夫馬邊四廳四圍皆漢地所包計其區域廣袤不及千里又皆大山老林從來未經開墾其猺夷巢穴不過擇山麓低下稍平曠之地爰種爰處蓋老林居其半墾地居其半地方甚狹人不必蕃臣閱四川通志馬邊同知所轄生夷九支越嶲同知所轄十五支峨邊通判所轄十三支雷波廳所轄皆係熟夷無有支數計生夷三十七支中強者不過三四百戶弱者一二百戶或數十戶人既非甚衆也但其中分類一名黑骨頭卽猺夷本種一名白骨頭皆所據內地漢民既

入夷巢卽變衣飾效其言語爲之隸僕故各支中以娃子多爲強而近來內地生齒日繁無業游民及不法之徒多竄其中教誘黑骨滋爲擄掠初擾不過數人今則數百人明肆猖獗而各廳地方官自來辦理槍案多以賞需取出難民故夷人自以爲得計漸積漸肆由來非一朝一夕矣查道光十一年以前川省具奏辦理夷務脅擄之案往往數十人爲羣地方文武官以兵脅之勒獻兇夷或提省審辦或就地正法聞其中多買假兇夷抵充是以狡夷迭自得志不知創艾然猶知畏兵威不敢大肆也自十三年至十五十七等年三次大兵動剿皆直抵涼山巢穴深入其地兵威不可謂不壯而蠢動反益甚者蓋夷匪自倚老林深窵大山峻險官兵不能久待搜捕有所恃而不恐故兵進則匿兵退則出恃狡兇之三窟黠鼠之晝伏夜行耳非真有雄桀思逞之徒敢抗我兵也夫夷地非甚大也夷人非甚衆也夷情又非有圖城奪地之謀也特彼地土瘠瘠夷性懶惰生計難全輒思攘奪此靖彼肆皆爲固然與其臨事張皇不若預事籌維先之以善撫次之以嚴防使其身有所感心有所畏自可日就肅清然現在四廳非無先文武官弁而夷情不戢者亦以撫之未得其人防之未盡其道耳從來邊地之重必須慎選賢才以任之而後可圖靖安今則邊缺瘠苦平時又無所事賢能之員往往不願赴任其任事者自係平常之人卽偶得賢良而經

賈短缺辦公乏資賢能亦窘於所施不能徒以口惠爲政則撫之固不易易臣愚以爲事有常變時有險易當此頑夷跳梁之日自應特選賢能文武分守四廳常時親歷夷巢宣布

皇上風德寬其已往予以自新使各務生業勸教耕作勤加撫字遍查丁戶訪察奸宄盡行設法懲治偶有爭端文武官卽速開導公平處理不得委於汎弁卡兵致令夷情難以自達輾轉生釁夷人雖頑斷無不知感激願爲良善以安耕鑿此則正本清源之道便而可行實而可效者其一切因公動用經費必須該將軍等爲之備籌務使賢能得以展布不致掣肘便可奏功其經費按年報銷以歸核實庶不爲冗闕者自充私橐之用此則撫之之法急宜籌畫者也從來邊防之要兵民相資不可偏廢古者兵卽民民卽兵守望相助有無相資是以同仇共憤同患共急今則兵視民之難爲不關己民以兵食糧餉已不屑共難故雖有守邊之卒惟逍遙於軍中雖有守邊之民悉逃竄於崖谷則兵民不一心矣况夷匪之出沒無常卡汎又難沿邊徧設斥堠不謹防備不預則有夷匪已飽掠而去而尾送之者矣有避道而行與匪不相遇者矣兵動必需費一聞夷巢有事文官以出兵費武員以餉費責文官彼此相視茫無所措失機縱寇之所由則文武不一心矣各廳居民零星散處不相聯屬則民不一心矣以此言防亦屬不易臣愚以爲必須沿邊設

立寨堡聚民而居使之聲勢聯絡出則共作入則同守民財有歸民眷有歸民心自然安定暇時文武官擇其強悍者聚而團練則衆志成城民即爲兵矣若值耕作之時男女四出誰爲守望惟須嚴飭邊卡弁兵時勤偵探一聞夷巢有蠢動之息卽傳兵舉燧庶人人得信老幼堅壁入堡丁壯持械隨兵截擊庶兵民一心以逸得勞殺賊必效似懲創數次夷匪自不敢復出巢滋擾必須該將軍等明定文武官以及兵民警備疎防獲擄縱賊功罪而後文武一心咸知畏懼庶可以助兵戎而肅邊備此防之之法不可不悉者也臣又察近日夷匪情形有不能不略加懲創者但從前剿辦之失有二一則夷地多崇山峻嶺深林密箐夷匪藏匿其中伏弓弩以俟選木石以待官兵入與之角損傷必多一則夷匪數十支各據險阻散藏林礮圍而守之用兵多則兵餉亦煩而又寬延時日勞師糜餉臣愚以爲夷地雖有險阻可恃豈無扼要之方雖有箐林可匿豈無控制之策不得其徑雖用師數萬且爲小醜所困苟察其勢則數千百人可成掃穴之功臣聞夷匪所恃者刀弩非有鎗礮弓箭之利所據者山林非有礮卡積聚之固兵入則匿又非敢與我軍對敵而該省屢次辦理不妥一由於剿辦之不以其時一由於扼險之不擇其地則夷匪有恃反客爲主矣臣又聞夷地瘠苦素少蓋藏前次用兵乘八九月穀熟之時盡取其所種山糧使之藏匿林

中不過兩三月內卽已饑困更值隆冬大雪封山凍餓交迫投出乞命惟恐不得然後擇其惡者誅之善者存之兵不損傷而夷匪盡絕夷巢雖多本無長技各軍相度地利最要之處以兵扼之使彼不能聯絡相顧但破其一二巢穴而其餘皆成破竹之勢夫以內地夷匪志圖擄掠誠如聖諭不值以小醜跳梁重煩兵力但夷匪連年滋擾邊民蹂躪屢煩

聖慮又輕從前剿撫失當目前不易措置奏功惟聚兵力以爲防守使夷情畏懼而後擇人而理加以撫綏自能永遠帖服餉不重費師不再勞行見邊境安而夷頑永化矣臣愚昧之見是否有當伏乞

皇上聖鑒謹 奏

魏源聖武記武事餘記二則

友人湘鄉謝興曉曾以四川叙州府知府隨官軍進剿雅州馬湖生番歸爲源言金川屯練之可用曰川兵以金川屯練爲強尤長於山戰地苦寒所食惟包穀油麥青稞苦苣牛羊人皆悍鷙貪利自乾隆年間平定後設屯練土兵五百名分給大小金川兩路爲千兵錢糧每人歲餉不足十金而春夏訓練秋冬蒐獵四時不閒最耐霜雪維畏內地盛暑雖避處山林陰翳猶不免病久距



內地遠有事徵調非兩月不能集其兵皆著虎皮帽牛皮靴胸前排小藏佛背負火鎗腰帶刀械火藥糗糧約又二三十斤登山越嶺如平地火鎗較營鎗重而堅能命中及遠無虛發每行軍必爭前鋒恥落後如大小金川同隊必按日輪派前鋒否則譁然爭先惟撤兵時可留以殿後每日安營畢卽演火鎗角勝負晝以小石爲的夜則燃香爲的間有賊奮臂前驅十數人輒辟易十人夜搜夷巢謂之摸樁每路只三四十人多不過百人懸崖密箐各攜一鎗以火繩揮映輒離營三四十里或五六十里冥搜力捕黎明必斬數十級並獲糧物牛羊馬騾若干呈獻邀賞最善仰攻專於有石處取路每隊不過三人賊或滾木播石隱身山石以避木石過則復進迨鎗可擊始轟擊之若干數隊登山隨以大隊疾登賊衆無不望風而靡矣其頭目悉遵內地冠服職止守備出征有功亦加二三四品銜頂或賞孔雀翎及巴圖魯名號出征時照職倍給錢糧甚以爲榮道光十七年調大小金川屯兵千名在營給千兵之糧歸伍則仍食五百人之餉其頭目等曾請歲設千兵屯額有事可以三千人聽調尙當事允行實攻疾疾之烏喙然後知前此以彈丸抗四海全力者非僅恃險而已夫內地養兵一糧尙不能得一兵之用金川兵一可當十且兩兵食一糧又自請增額一千願以三兵而食一糧則是養一兵而得二三十兵之用也奈何尙靳之哉

又言四川野夷在萬山之中越窺我邊馬邊雷波四廳漢地環之惟西南隅雷波建昌之間可通雲南東南自雷波西北出越瀾長約千餘里廣或一二百里或三四百里四面皆峻嶺老林絕無門戶必翻大山然後入一入其中卽多曠衍產青稞苞穀油麥苦苣蘿葡紅稻以多畜馬牛羊豕爲富不善耕種專擄漢人代耕沿邊山林價賤糧輕故川楚貧民爭往墾荒散處崖谷界乎夷漢間爲熟夷衣冠語言雖異與民耦居無猜惟涼山內生番則睥睨腹紫面虬毛多不火食各路百數十支真夷謂之黑種歲擄漢民入內亦化爲夷謂之白種黑少白多黑主白奴衆且數十萬皆崖栖穴處盛暑則移避老林故屋宇皆架板爲之隨時折徙而平曠之處往往反虛無人出巢入寇則數支糾百餘人或三五百人或千餘人各懷旬日乾糧風餐露宿無須鍋帳秋成後乘間焚掠迨兵勇旣集已各回巢矣所掠男子婦女轉售深巢倘或追贖必重勒財物鹽布乃還弁兵熟夷從中乾沒獲利近數十年來邊民不聊生文武吏屢奉檄捕剿畏道路之崎嶇風雪之寒苦但苟目前不籌久遠或張皇其勢以爲非數百萬帑餉不行或蓄意養癰以爲癩疥不足患或置礮於荒僻無人之地或倡徙民避寇之議兵怯賊驕日甚一日然夷貌雖獷狃非有技能以攻則無火器甲冑難敵之銳以守則無礮堡壁壘難破之堅以戰則無節制號令奇正之術惟習長

走... 卷之...  
弓弩箭短刀長標少壯烏合居前婦女號呼助陣或夜燃炬數里以張聲勢官兵躡其前鋒輒各  
鳥獸散攢入深箐或乘嶺擲木石技倆如斯不過恃其巢穴深邃門戶險阻而已如欲改土歸流  
但由雷波之天喜馬邊之萬坪戕邊之化林坪越鴛之馬日岡建昌之歸化汎共名五路每路精  
兵千名練勇五百金川土屯兵五百約計共萬人運糧夫役半之責成勇幹公廉之鎮將道府數  
員除冬雪封山夏潦暴漲不可用兵外專於春夏秋三季犄角結營并力搜捕但殲除其強悍數  
支餘皆風靡半年卽盪平矣軍需餉不過數十萬設立一廳一協徙蜀中無業之民闢種屯田伐  
其林木以構廨舍開其金銀銅鐵以助兵餉不惟除外患並可利內氓實一勞永逸之策

咸豐四年間夷匪乘勢倡亂率衆嘯聚越屬之跑馬坪時承平日  
久防禦單薄汎地失守汎弁龍鳳春陣亡自是而一株樹焚燒河  
東焚搶四鄉虜掠日不暇給時建昌總兵阿璽在越與同知呂瑞  
玉同辦毫無端緒奉大憲命越駕參將塔方阿護建昌總兵印劄

辦建昌兵備道鄂惠駐軍在越商取方略八月塔方阿進師普雄  
淋雨不絕兵勇亦單夷人合衆毀垣而入塔方阿與越嵩營雲騎  
尉張銳數百餘人俱陣亡九月調取建昌各營兵及峩邊兵並土  
千戶嶺承恩上官六格兵王應元番兵駐紮隘口乘機雕剿十二  
月十三日同知秦象曾參將隆福駐中所填夷匪大股分頭近擾  
聚防兵團練擊之大破於乾河填夷人死者甚衆

咸豐六年正月又破於小哨自是勸修礮堡舉行團練各夷支調  
取麓鬪者羈縻軍府添設受降汛長老坪汛自此越嵩夷務稍靜  
而冕山之焚掠又起大路阻塞復調五屯兵征剿此後隨安隨亂  
卒無甯日

咸豐九年同知猶自東參將陳德新督率汛弁設法嚴密晝夜巡防隘口安設弓弩釘板夷人受制不敢窺伺帶領兵團護送往來行商先於隘口設伏周匝夷人自不敢大肆鷓張後因會川失守德新帶兵征剿夷人乘閒擾及行旅十一年會川克復德新署理建昌總兵飭令勇目雷顯發帶勇丁來越助剿同知周岐源勸捐城鄉與越嚮參將張倫率雷勇及清溪勇進剿南箐以疏通衢頗有勝仗而夷匪滋擾未息

同治二年髮逆自滇竄擾夷匪乘之一路鄉鎮焚毀南北路復阻同治三年大憲遣長勝軍參將黎鴻鈞率悍勇二千駐防各處要害復調建昌各營兵丁助防而焚搶未息同治五年復遣靖邊營

副將丁永陞駐防南路撤去長勝軍越嶠同知亦招定越營勇丁分駐北路要口大道雖防守嚴密仍時阻時通鄉村焚搶者日甚夷務之亂至此爲極

同治七年貴州提督周達武率領武字全軍勇丁一萬駐越嶠清源原委查漢民爲奸者誅之作弊者殛之師從跑馬坪入木雞紅巖高峻難越者盡奪其險隘復自柏香入大小數十戰直抵普雄自是夷人靡落逃匿遠竄凡大兵所紮之地三四百里杳無夷蹤復修普雄舊城衙署欲設官鎮守未果令副將丁永陞招復各支頭目土千百戶投誠者盡羈厥越署夷卡供役所責以各分支數凡父兄弟分上下班換班漢人所居之地分段取保於是進兵

西昌縣屬之交腳流牛埧回馬越嶲修理南路之礮堡營壘自白泥灣至小相公嶺凡十餘處以便駐兵瞭望復修南北鄉民堡並鎖夷橋越嶲同知李忠清亦設法修理東北要路礮房營壘三十餘處紮兵防守自甯越屬之清水塘起凡溝東邊青岡關至越嶲營屬之猓獠河王家屯大水溝蔣家溝等處一路相連以爲聲勢復商稟善後條程越甯保三營兵丁除防備原設汛地外挑取弁兵四百名另給口食防守越甯保要害歸越嶲參將統之越嶲同知募定越營勇丁五百分前後中旗左右隊另選幹弁分防北路青岡汛王家屯及東山一帶礮堡以制夷人出入收釐金爲口食越嶲同知統之靖邊營既撤復奉調取武安軍弁勇五百駐防白

泥灣分遣弁勇防守觀音巖長坪子長老坪黃草坪凝冰灣相嶺頂柏香坪防夷人搶掠武安軍參將統之復調夷勇三百名另給口食分防各處聽其調遣土遊擊嶺承恩統之合盤統計皆成犄角之勢周回聯絡一呼百應地方自此平靜矣同治十二年因夷務漸定奉文撤去定越營武安軍勇丁各半餘仍安設各處防守或謂夷人屢搶河道一帶或由南箐入或由蘿蔔地後山茶園入皆於河道之脫烏取總若越嶺冕甯會辦令土司王應元別籌一軍於此可免此患而夷人不敢視若無人之境

以上原纂

周達武征剿建南夷匪記建南自漢司馬長卿通西南夷始置州郡嗣是武侯渡瀘水擣昆明南人不反爰及有唐蒙氏段氏稱雄六詔兵事相尋宋則玉斧畫河與燕雲十六州不隸中國明將軍劉綎率師進剿大封鯨鯢泊乎未造夷患滋熾我



朝自康熙四十九年建立土司土千百戶做武侯成法即以其酋長分隸其部落咸戰于戈相沿日  
久夷酋爭相雄長號召徒黨侵陵部曲漢民狡獪欺壓羣夷積憤成讎迄咸豐六七年而搶劫肆  
出矣前塔將軍進剿戰歿於濫田填黎范兩軍兵單失利自清水塘至小相嶺瀘沽以達窰遠數  
百里通衢疊遭夷患行旅傷之余於同治七年奉節征蠻分秦境防兵八營添募練勇四營進規  
普雄飭左路數營由跑馬坪直取尖角壩攻普雄西北親率數營會同虎威營李總兵有恆靖邊  
營丁總兵永陞由柏香坪濫田填攻普雄西南閏四月十七日兩路進駐分佈險要搜洗河外野  
夷就撫七月十七日復率數營踰相嶺進剿冕寧東山寺飭中右營由四堡子取道竹子山商請  
李丁兩軍由甘相嶺取進兩河口九月進軍交脚竹黑余亦自至窰遠直抵吡牛填時深林黑霧  
瀾漫官軍日行大雪中沒脛及尻軍士困苦百倍該夷調我馬戰手磨至我軍晝夜苦戰平之遂  
由落坡勒呷出普雄與各營會合今春奉 旨籌辦善後沿途增修碉堡添設土千百戶適余有  
川北之役返旆出山客有過而問曰子平夷地必悉夷情余曰治夷之道有三難焉有三便焉建  
南之中羣山所都峻途絕險百繭艱步難一獮夷野處蹊徑熟悉猿猴善登如履平地嘗以羊皮  
裹數日行糧力強輕戰難二夷地遼闊羣蠻散處不能聚殲敗則兔脫勝則蜂屯善於及人之整

襲人之疲乘人之退嘗以數十人敵千百人之衆難三然山地產少一歲不收立形饑餓若初夏進兵割其蕎麥深秋收其包穀雜糧夷氣先餒因餒而攻必獲全勝冬春雨雪過多非官軍之利出隊不可太遠遠則難於收隊不可太遲遲則昏黑迷路此時會之便不可失也進兵之道由濫田填入普雄由建昌搗交脚爲正兵或分兵由松光林塞呷落之門戶由竅馬扼哖牛孺之咽喉是爲奇兵奇正相生羣夷牽制不能四處救援所謂亟肆以疲之多方以誤之也行軍必壓山梁以防滾石收隊先據險要先搜老林以防截後此地利之便不可失也猺夷善埋伏官軍日行數十里如無人之境及其收隊雲集響應從前官軍由此失利莫善於連環收隊之法遇險先爲設法以一軍退至先伏之處成列以待然後撤回先戰之兵便列以待者更番迎戰如是十餘次整隊回營必無所失凡進兵數十里一面成陣一面修築營壘即日駐紮連日搜洗然後以一營分作數營數里一壘百里之中烽烟相望節節進剿即步步爲營餉道旣通聲勢益壯此人事之便不可失也予所見大略如此客曰唯唯事不目見身親徒耳食其一二遮拾淺近以成言茫然不得其旨歸又奚益哉今予所言親切如此曷記之於是乎書

**案曰原纂此卷志邊防也而武功志則注云附善後機宜夫**

功者已成之績防者未然之慮故竊以為凡善後機宜皆當

附於此卷今將唐孫樵書田將軍邊事原纂未錄照甯遠府志錄入附於

唐代邊防之後明建昌兵備道鄧貴善後條陳原纂刪節不詞今從府志補入

顧炎武代荅建南告急策文原纂入藝文志今移此附於明代邊防之後

至如 本朝成都將軍凱章等奏陳夷務情形疏御史劉最

昌奏邊夷情形疏魏源 聖武記武事餘紀二則原纂未錄從雷波廳志鈔

入附於道光朝邊防之後周達武征勦建南夷匪記原纂入藝文志今移

此附於同治朝邊防之後而即以原纂之善後機宜殿焉

增善後機宜

自咸豐六年善後卽有羈縻分上下班同治五年同知梅震煦設

供役所居之然猶未密也九年大軍勦洗各支投誠與夷人約量  
地勢廣狹分夷支強弱逐地責保以土千百戶認之各給夷餉分  
上下班必親父子兄弟方准換班飭何地歸何支認保遇搶案在  
千百戶餉內扣賠責辨

保安營上班

阿波落阿合加落一支正千戶

蒲茲

大支

挖拉呷阿合雜谷一支百戶

拉助

小支

此二支自獯獯河坎起青岡汛關頂利濟汛保安至白沙溝  
責飭認保

松光林歸土司帶換

阿合阿該一支總千戶華町大支

大巖謝家一支百戶連呼

此二支自大屯王家屯至五里牌地面責飭認保

跑馬坪歸土司頭日帶換

阿合吉黑一支總千戶長加梭該曠助大支

勿雷阿時茲一支正千戶落巫茲副千戶別租大支

阿合落姑一支百戶模曉小支

六巫一支千戶勤租小支

落姑蒲梅一支百戶邊哪小支

卜合瞻打一支副千戶哩竹小支

卜合欲撒一支副千戶威谷小支

卜合阿支一支百戶居茲小支

卜合嚙打一支百戶時楚小支

卜合摸勒一支正千戶合什小支

加落更墮一支正千戶項加大支

加落蒲咱一支正千戶木呷大支

吉二家一支百戶云加小支

此十三支東北西城外一株樹小王家屯大水溝河東青龍鬚

天王損責飭認保

馬蝗溝歸土司頭目帶換



阿合落姑一支正千戶曲叻大支

勿雷要茲一支正千戶刷租大支

阿合阿路茲一支正千戶雙普大支

勿雷加扒密茲一支正千戶拉助大支

六巫阿卡一支副千戶曲租小支

勿雷拉媽一支副千戶約租大支

勒巫一支百戶阿足小支

阿合腳黑一支副千戶衣巫大支

勒巫一支正千戶宿合茲大支

此九支自南關外起至馬蝗溝白家河填小瑞山李子蘭頂山

橋吉家山責飭認保

普雄歸柏香坪汎帶領換班

耶摸一支總千戶刷奶大支

吉黑一支總千戶黃都副千戶居茲大支

落巫必衣一支百戶那馬小支

落巫蒲提一支百戶明鐵小支

撒鐵一支總千戶吾助茲大支

落巫叻摸一支副千戶株子小支

落巫吉巫一支百戶曲租小支

勿雷阿鐵一支百戶勒瓜小支



勿雷阿之一支百戶曲哪小支

鍋基阿歪一支副千戶吽竹小支

阿車卽阿察一支百戶窩助小支

衣車一支百戶佈呼小支

鍋基阿車一支正千戶黑脚拉居大支

扒別卽拉別一支正千戶鐵呼副千戶別曲大支

勿雷伊木一支副千戶記租大支

阿鐵吾助一支正千戶阿牛大支

阿歪一支副千戶時租小支

阿合夾沙一支正千戶自拉小支

此十八支中所填土城乾河填阿補塘大河落摸堡柏香責飭  
認保

南路相嶺頂歸黑夷耳途挖曲帶換

六書一支正千戶哈答小支

阿茲一支百戶曲奶小支

日牛一支百戶曲呼小支

又日牛一支百戶呼助小支

此四支相嶺古路一帶交登相營地面責飭認保

外金馬山陶家營受降汛小哨一帶係竹耳摸格八切謝家等支  
看路夷兵挖曲耳途等地面

各千百戶餉或由省請領或由甯遠府領或由釐金局劃撥

光緒十三年十一月分段認保支夷列后

南路相嶺頂起五里牌一帶各支千戶百戶夷兵黑夷

鍋基分支 六書一支 黑夷 谷谷 加哈

阿茲一支 黑夷 曲別

落巫茲 一支 黑夷 洽落

日牛 一支 黑夷 十母子

竹耳一支 黑夷 耳途 阿巧

落巫 一支 黑夷 挖曲

摸格 一支 阿巧

八切一支 黑夷 佈呼 加都

下日牛一支 黑夷 時拉 拉吐

謝家一支 黑夷 拉于茲 克六茲

阿時茲一支 黑夷 路呷 路布

### 鍋基

六書 阿茲 日牛

三支自相嶺頂起至甘沙樹止

謝家 八切

二支自甘沙樹起至觀音巖止

竹耳

模格

南菁

五支自觀音巖起至五里牌橫路止

阿時茲 八切

另有下南路各支在武安軍領工食搶劫由武安軍辦

光緒十四年正月二十二日嶺承恩稟

龍潭溝相嶺頂長老坪三處係歸鍋基落舒阿支日牛阿枯各支夷人所保

長老坪以下一路係歸八切竹耳日牛雙咱阿失子落巫們呆各支所保

迤東山一帶從柏香汛至吉家山汛係歸鍋基阿察喇鍋阿夷衣車阿歪撒鐵吾助六巫吉黑耶摸各支所保

吉家山汛至馬蝗溝汛係歸阿合落姑阿該阿鹿子勿雷密茲雙咱納嗎勒巫各支所保

馬蝗溝汛至大水溝跑馬坪汛係歸鴛鴦塘阿合落姑蒲妹邊呷

及跑馬坪住牧阿合腳黑卜合勿雷阿失子加落普咱各支認保

跑馬坪至洗澡塘係歸松光林阿合阿該加落普咱吉雷各支認保

洗澡塘以下係歸阿落波加落更梯洽里腳租支夷認保在保安管作質換班

光緒二十二年分段認辦支夷

相嶺頂起至白泥灣南門止

六書阿茲

上日牛等五支 千戶百戶及夷兵

八切謝家

白泥灣南門起至炒米關上白礪止

八切落巫

一支

牛哂腊腊

克的拉茲

曲奶時加

佈茲曲租

時切阿雷

耳途二初

挖達

連達二初

又上白礪起甘樹周姓路巷止

阿時茲  
下日牛 二支

耳途  
雙途

自周姓路巷至五里牌橫路止

竹耳  
模格 二支

樹茲  
拉出茲

挖雀  
二呷

又由橫路起至中所填雙磨子止應歸南路柏香坪兩地同辦  
柏香坪起至大河阿喃塘柏香汛落摸堡黑包嘴汪家碾乾河填  
土城上吉家山毛草溝止

鍋基  
落巫 二支

千百戶

時達  
木雞 舒達 拉茲 立曲 路哈

阿切  
木呷 二呷 摸胡 落迷 蒲提

衣途  
阿居  
羅姑  
佈茲

鍋雞落巫一支稟吉家山汛屬阿合勿雷落巫勒巫等支

毛草溝起馬蝗溝下吉家山鄧家墳上寨子興隆灣頂山橋山嘴

小瑞山下堡子白家河墳南門外大水溝東門大橋南岸止

阿合

水畔

木呷

馬蝗溝九支千百戶

勿雷  
六巫

各支千百戶

克呼

吾助茲

勒巫

刷助  
別摸茲

達打  
達孃

曲租  
耳批

呷呷  
木呷

紳團稟頂山橋小瑞山均係阿時茲落巫三梯阿歪衣車五支



自東門大橋起北門外一株樹青龍嘴小王家屯河東天王墳土  
官垣止

跑馬坪

兩地各支千百戶

松光林

化茲 時啤 曲別 刷馬茲 吾助茲 華巧  
邊呷 阿鐵 黃都 炎加茲 連拉  
挖徒 詩租 拉達

土官垣起楊家村高齋堡大屯王家屯吳家堡山腳下老鴉溝大  
寨小魚洞洗澡塘鐵索橋南岸止歸松光林千百戶華巧等承辦  
鐵索橋起至白沙溝南岸止歸保安營管屬承辦

越巂廳全志卷六之五

土司志

沈黎志孔明征南山黎州路黎州四百餘里至兩林蠻自兩林南  
瑟琶二種三程至巂州十程至瀘水瀘水四程至弄棟卽姚州也  
今之金沙江在滇蜀之交一在武定府元江驛一在姚安之左郤  
孔明所渡當在郤瑟琶一作風琶兩林蠻今之邛部長官司也

丹鉛錄同

唐時有勿鄧地方千里爲邛部今越六姓一姓白蠻五姓烏蠻又  
有初裏五姓皆烏蠻居邛部臺登之間婦人衣黑縑其長曳地又  
有欽蠻二姓皆白蠻居北谷婦人衣白縑長不過膝又有粟蠻二

二姓雷蠻三姓散處黎嶠戎數州之鄙皆隸勿鄧勿鄧南七十里  
有兩林部落有十低三姓阿屯三姓虧望三姓隸焉其南有豐琶  
部落阿諾二姓隸焉兩林地雖狹而諸部推爲長號都大鬼主勿  
鄧豐琶兩林皆謂之東蠻天寶中皆受封爵及至德初南詔陷嶺  
州勿鄧兩林遂羈屬吐蕃貞元中復通款以勿鄧大鬼主苴蒿兼  
邛部團練使封長川郡公及死其子苴驟離幼以苴夢衝爲大鬼  
主數爲吐蕃侵獵兩林都大鬼主苴那時貞元五年遣韋皋書乞  
兵攻吐蕃皋遣將劉朝彩出銅山道吳鳴鶴出清溪關道鄧英俊  
出定蕃塞道與東蠻兩林等帥兵進逼臺登城吐蕃青海臘城二  
節度軍於北谷青海大兵馬使乞藏遮遮臘城兵馬使悉多楊朱

節度論東柴大將論結突黎等皆戰死執籠官四十五人鎧仗一萬牛馬稱是進拔于葱柵殺乞藏遮遮吐蕃驍將或云尙結贊子也以尸還其下曩貢節度蘇論百餘人行哭以馬載尸而去一年間盡復嶺州詔封貞那時爲順政郡王苴夢衝爲懷化郡王豐琶部落大鬼主驃傍爲和義郡王給印章袍帶三王皆入朝宴麟德殿賞賚加等歲給其部祿鹽衣綵黎嶺二州吏就賜之以山阻盜侵亡失所賜韋皋令二州築館有賜約酋長自至授賜而遣之苴夢衝旋坳吐蕃斷南詔使路皋遣嶺州總管蘇崑以兵三百召夢衝至琵琶川今越嶲地聲其罪斬之披其族爲六部以樣棄主之及苴驃離長乃命爲大鬼主驃傍年少驍敢數出攻吐蕃吐蕃間

道焚其居室部落亡所賜印章梟爲奏請復得印

新唐書

貞元十三年五月十七日吐蕃於劍南山馬領三處開路分軍下營經一月進軍臺城巒州刺史豐高任率領軍將並東蠻子弟合勢接戰自朝至午大破伏戎生擒大籠官七人殺獲三百餘人被刀箭者不計數收馬畜五百餘頭器械二十餘事太和六年李德裕復修邛崃關移巒州於臺登以捍蠻夷

宋初阿伏與山後兩林蠻王勿兒言語相失勿兒率兵侵邛部州頗俘殺部落黎州以聞詔令各守封疆慶歷間邛部都鬼主咩墨擾邊知黎州孫固使其首領苴剋殺之熙寧三年苴剋自稱大渡河南邛部州山前山後百蠻都首領賜敕書器幣襲衣銀帶是年

苴剋死詔以其子韋則爲懷化校尉大渡河南邛部州都鬼主九年遣其將軍卑節等十四人入貢乾道元年詔以崖韞襲兄蒙被金紫光祿大夫淳熙元年吐蕃寇西邊崖韞率衆掩擊詔嘉其功二年五月兩林蠻王弟籠畏攻邛部州之籠甕城不克大掠而去嘉定九年邛部州逼於雲南遂服屬之

宋開寶三年六月都鬼主阿伏白黎州期以十月令王子入貢成都府以聞

通志云元置邛部安撫招討使司已改邛部州明初嶺眞伯歸增尙稱招討使於是以爲邛部軍民州永樂中改長官司使嶺氏世守之屬越嶲衛

明洪武十五年置越巂軍民指揮使司於邛部州越巂漢邛都及  
闡二縣地有奴諾城蜀漢時諸葛亮征蠻所築以憇軍者也元置  
邛部安撫招討使司已改邛部州洪武中嶺真伯以招討使來歸  
因改爲邛部軍民州命指揮僉事李質領謫戍軍士守之二十六  
年置越巂衛永樂元年改邛部爲長官司隸越巂衛萬歷中土官  
嶺伯死孽子應昇負印去伯妻沙氏爭之不得逆酋土目阿堆等  
擁沙氏焚利濟站廬舍擁兵臨城總兵劉顯率兵往撫之沙氏悔  
禍殺阿堆等自贖顯遂以印歸之後沙氏淫於族人阿祭印復爲  
昇所奪祭死其子嶺鳳起嗾他番刺殺應昇鎮守官因平蠻之師  
誘執鳳起收其印誅從鳳起爲亂者百餘人印無所歸緘於庫部

衆無統肆行爲盜乙酉丙戌間黑骨阿弓等手刃送哨官於小相公嶺刳其腸而普雄部衆姑咱等乘時蜂起郵傳不通遠近震恐十五年鎮撫官會師討之斬馘千數道路始通鳳起病死其東近峩眉者數百家相率歸附因置平夷歸化二堡以居之有鎮西千戶所他部落乃奉應昇妻李氏爲主歲時起居不絕南宰羅鐵普雄三村最桀驁苟駕馭得宜亦足藉其死力以捍野外生蕃

明史

邛部長官司嶺柏死其妾沙氏與舍目阿祭通竊柏印與祭祭子嶺鳳起據有其印遂自立於廣洪瓦布寨邛部亂至是越嶲衛黑骨夷裸阿弓凹溪咱等與桐槽王大咱聚黨爲寇殺把總余興國及千戶丁應時等燒軍舍與建昌土酋伍咀咱安守安四兒爲聲



援巡撫徐元太遣將李應祥邊之垣朱文達分道進剿先建昌而後邛越大敗賊衆於河上伍咀咱等就擒遂并桐槽黑骨及諸邛部皆次第懾服惟黑骨夷阿弓強梁公行相嶺間乃設伏大孤山待阿弓阿弓至大戰擒斬之共斬首二千級降羌三千虜獲男婦

三千牛畜無算

蠻司合志

一輩嶺正伯原城在柏香坪明洪武二十三年奉調征討雲南建昌等處論功升授越嚮邛部土司之職襲以世襲至十一輩嶺安盤 國朝康熙二十年奉 旨革職委其弟嶺安桂護理印務雍正七年病故仍是十二輩嶺天長係安盤嫡子奉委護理請襲移越嚮城北地名大寨距城二十里戶丁三千三百二十

順治十六年總兵王明德調征川東涼山各寨番猓嘯聚盤踞冕山相嶺刼殺桐槽站屯堡署兵備道張元凱奉巡撫佟鳳彩檄相機剿捕斬獲頗多逆番平康熙九年四川巡撫張德地請襲土官以重羈縻請印記以專事權酌減稅務請卹災傷議邊官之去留

勸邊土之開墾經制頗周

舊通志

川陝總督岳鍾琪涼山普雄安設營汎疏案據建昌道馬維翰建昌鎮趙儒議將阿都宣撫司募枝等二十一員土千戶暫交河東宣慰司兼理建昌鎮標中營遊擊分汎管轄審扎土千戶顧車喇嘛等三員附近涼山歸建昌鎮右營遊擊分汎管轄水黑巖土百戶韓雅皮等九員番部俱在漢民界外或隔三渡河或附近涼山歸冕山營遊擊分汎管轄擺站田土百戶大哨等五員並甯番安撫司地方俱漢番雜處歸甯番衛守備管轄與漢民一體編甲輸納賦乃安撫司維沙等八員番部深居涼山普雄歸越瀉營遊擊管轄土官土百戶六沛等七員番部俱近涼山歸甯越營

守備分汛管轄大赤口土千戶啞志等三員番部俱係梁山後路歸義邊營遊擊分汛管轄外有  
曲母土百戶咩哨原繳印信號紙改土歸流其一切經商官道俱做松潘之例每十里築土堡一  
座週圍約一里五分以資護備每五里築土墩一座週圍仍築土堡約闊七分以健兵民同住共  
相守望且議善後事宜八條一近地土司宜酌改流以一治理一守土司牧宜改設以彰表率一  
苗獯攜帶兇器宜定處分一地方疆界宜清一拏賊之法宜定一蠻俗稱呼宜更易一蠻人拉當  
永宜杜絕一漢蠻貿易宜定場期以杜流棍鑽夷之弊俱候

睿裁奉  
旨依議

各境既定分地查明戶口數目納戶送部內開嶺西大橋等處並  
曲曲島夷地原係煖帶密土千戶所管該處距土司夷寨附近所  
有大橋山曲島仍歸煖帶密土司管轄俾得就近駕馭山山島每  
年應納雜糧共折徵銀三兩九錢九分應查照向規歸越窩廳徵  
收

越巂廳  
越巂營屬

邛部宣撫司嶺承麟其先安盤於康熙四十三年投誠授職頒給

印信號紙

○案其詳互見後煖帶密土遊擊嶺鎮榮履歷

住牧邛部其地東至三百五十里

交雷波廳屬腳密邊夷界南至小相嶺九十里交冕甯縣界西至陽糯雪山七十里交冕甯縣界北至一百里交甯越營白沙溝界四至共六百一十里所管夷民戶共二千一百九十六戶每年認納雜糧二百五十石赴越巂營上納撥給兵食 該土司所屬夷人二種 猓羅附漢境者耕種爲生通漢語住牧稍遠者不通開山地種菽麥性情俗尚以黑骨頭爲主白骨頭爲僕賦性刁頑好事爭鬪構釁數世不解居竹房衣毡衫喜帶刀名左插 西番賦

性醕良通漢語耕種爲生

邛部宣撫司屬

賦乃土目其先維沙於雍正五年以安撫司改爲土目印信號

紙追繳歷今並未襲替

阿合土目其先擢窩於雍正五年以土百戶改爲土目印信號

紙追繳歷今並未襲替

蘇呷土目其先蒲遮於雍正五年以土百戶改爲土目印信號

紙追繳歷今並未襲替

咱戶土目其先白樹於雍正五年以土百戶改爲土目印信號

紙追繳歷今並未襲替

慕虐土目其先沙妹於雍正五年以上百戶改爲土目印信號  
紙追繳歷今並未襲替

阿蘇土目其先覺底於雍正五年以上百戶改爲土目印信號  
紙追繳歷今並未襲替 以上六員每歲共認納雜糧一百四  
十三石五斗每石折倉斗米五斗共折米七十一石七斗五升  
解越嵩營完納兌支兵食

濫田填土目其先覺瞻於雍正五年以上百戶改爲土目印信  
號紙追繳歷今並未襲替

普雄土目其先那交於雍正五年以上千戶改爲土目印信號  
紙追繳歷今並未襲替 每歲認納雜糧四十九石每石折倉

斗米五斗共折米二十四石五斗解越嶺營完納兌支兵食

黑保土目其先斐貝於雍正五年以土百戶改為土目印信號

紙追繳歷今並未襲替 每歲認納雜糧四十七石每石折倉

斗米五斗共折米二十三石五斗解赴越嶺營完納兌支兵食

大孤山土目其先吽他於雍正五年以土百戶改為土目印信

號紙追繳歷今並未襲替 每歲認納雜糧四石五斗每石折

倉斗米五斗共折米二石二斗五升解赴越嶺營完納兌支兵

食

賦乃土目維沙管下頭目約租 二牛 阿遮 六呼 二鍋

幕根 雅遮 郎階 阿車 余別 以上十名共納雜糧二十九石三斗三升

管束夷人係黑白二種生熟兩分

住普雄地方係黑夷鍋基一支 落巫一支 阿合一支 沈

渣一支 撒特一支

住松光林地方黑夷 阿合一支 勿雷一支 勒巫一支

卜合一支 加落一支 各支俱係黑夷號稱生獠不通漢俗

遇有相爭及與漢民交涉之件皆由土司按夷律懲治不繩以

漢律

住西山大箐一帶地方獠夷 磨落一支 們呆一支 拉普

一支 謝家一支 阿路一支 各支係熟獠不習漢俗當差

納糧遇有評訴事件或投土司或赴廳署理質



住打土新基姑一帶地方獐夷 哨呼一支 甲故一支 吸  
奶一支 敲腳一支 密茲一支 各支係白獐號稱熟夷遇  
有事故遵奉調遣事件由地方官按法懲辦  
外有西番一種戶口無多與獐夷不同半通漢語均各納糧當  
差遵奉調遣事件由地方官按律懲辦

越嶲廳  
越嶲營屬

煖帶密土游擊嶺承恩其先嶺安泰江南江甯府人於康熙四十  
九年投誠授職頒給印信號紙嘉慶十一年土千戶嶺金玉病故  
請以伊妻嶺阿姑護理原纂參  
府志道光二十三年土千戶嶺承恩請  
襲世職咸豐五年兼護邛部宣撫司印務六年剿匪事竣奉

旨賞給副將銜同治二年四月協防生擒粵匪石達開奉

旨改給士游擊世職子孫承襲仍賞給桓勇巴圖魯名號頒換印

信號紙并賜紫光閣繪像

○案繪像事俟查

光緒二十年嶺承恩病故其

子 早亡其媳嶺彭氏護理現歸其承重孫嶺鎮榮承襲二十

五年間干相營勦匪事竣奉

旨賞加總兵銜

以上新增

住牧煖帶密其地東至五十里交瓜惹野夷

界南至八十里交保安營白沙溝界

○府志南至九十里交敲脚野夷界

西至五十

里交陡坡頂界

○府志西至八十里交廳屬白沙溝界

北至九十里交大渡河曲曲

鳥交峩邊及清溪界

○府志北至五十里交越鶴廳屬陡坡頂界

四至共二百七十里

所管夷民戶口共一千二百五十戶三年納 貢馬五匹每匹折

價銀八兩共折銀四十兩甯越營上納撥給倒馬兵丁馬價 該  
千戶所屬夷人一種名獐獍性情俗尙與邛部土司所管番人同

纂原

案曰府志成於道光七年其時護理土司千戶者爲嶺阿姑  
原纂編於光緒十三年其時賞給土遊擊者爲嶺承恩今則  
其嫡孫嶺鎮榮承襲久矣故新增加詳焉今檢嶺鎮榮履歷  
其世系之詳與四至歧異有可參證者姑節錄其略如右

附煖帶密土遊擊嶺鎮榮履歷始祖嶺喬新始叔祖嶺喬松子嶺安盤康熙四十三年授邛  
部宣撫司職喬新子嶺安泰四十九年授煖帶密土千戶乾隆五年安泰病故子嶺瑞祥襲  
二十年瑞祥故遺子神保幼以瑞祥妻吡氏護理吡氏故二十九年神保承襲改名嶺竣鼎  
三十七年竣鼎故以再從弟嶺竣秀襲五十二年竣秀故以長子嶺金玉襲嘉慶十一年金

玉故二子幼以胞弟嶺金貴護理十三年查辦夷務不力斥革以金玉妻阿姑護理道光七年阿姑故金玉長子呼曲承襲更名嶺華封十三年華封故以妻吁奶護理三十年子嶺恩承襲更名嶺承恩云云又東至巖潤一百二十里通錢邊馬邊夷界南至布布糾米八十里通涼山越竊邊夷界西至大菩薩九十里交本營界北至林門口三十里交六翁界 以

上新增

### 煖帶密土遊擊屬

上官鄉總其先六沛於雍正五年以土百戶改爲鄉總將印信

號紙追繳歷今並未襲替

六革鄉總其先那支於雍正五年以土百戶改爲鄉總將印信

號紙追繳歷今並未襲替

瓜裸土目其先六意於雍正五年以土百戶改爲土目將印信

號紙追繳歷今並未襲替 以上三名二年同土千戶認納

貢馬三匹解甯越營交納牽領營馬

糾米鄉總其先大意各什於雍正五年以土百戶改為鄉總將印信

號紙追繳歷今並未襲替

布布鄉總其先阿多於雍正五年以土百戶改為鄉總將印信

號紙追繳歷今並未襲替

阿多六磨鄉總其先來位於雍正五年以土百戶改為鄉總將

印信號紙追繳歷今並未襲替

磨卡為呷鄉總其先固渣於雍正五年以土百戶改為鄉總將

印信號紙追繳歷今並未襲替 以上四名共認納 貢馬二

匹解甯越營交納牽領營馬

西糾鄉總一名 阿卡等土百戶八名其所認納貢馬係埒同  
煖帶密土千戶共認納 貢馬五匹

管束夷人係黑白二種生熟兩分

住河外瓜落地方野夷 摸格一支黑夷據地險要支類頗繁  
土廣人強出產稻穀凶性狎頑不遵約束遇有相爭及搶劫漢  
民之件均由土司自按夷法懲辦或經地方官弋獲卽行嚴密  
羈縻以爲牽制不能繩以漢律從來未設土千百戶夷兵號爲  
生獮

住河內舒凶沙得地方獮夷 加落一支白夷

住西街片馬地方獐夷的別上官一支白夷

住黑馬溪地方獐夷 敲腳一支白夷

住煖帶密地方獐夷 吉叻一支白夷

住虎虎坪地方獐夷 馬加一支白夷

住巖潤地方獐夷 阿路摸一支白夷 以上各支俱屬白夷半

通漢語遇有事故遵奉調遣控訴事件俱由土司理明或赴廳

署告質仍照漢律懲辦

煖帶田填土千戶嶺廷傑其先部則江南江甯府人康熙四十四年投誠授職頒給號紙嘉慶二十年聲請頒給印信住牧煖帶田填其地東至六十里交一碗水野夷界南至三十里交煖帶密界

西至四十里交甯越營界北至一百里交涼山野夷界四至共二百三十里所管夷民戶口共一千一百二十戶每三年納貢馬一匹折價銀八兩赴越甯營上納撥給倒馬兵丁馬價該千戶所屬夷人一種名獠羅性情風俗與煖帶密土千戶所管夷人同管束夷人分黑白二種

住河外羅馬得瓜惹西糾地方黑夷 阿路一支 捫扒一支  
吉耳一支 勿雷一支 上官一支 六格一支 咱呼一支  
脚施一支 麻卡一支 各支俱屬黑夷號稱生獠不通漢語遇有相爭及交涉漢民之件皆由土司按夷法懲辦不繩以漢律



住河內林門口秀水坪泥母豬地方白夷 呷呷一支 特呼  
一支 茲鋪一支 吉叻一支 雞得一支 路叮一支 各  
支俱屬白夷耕田度活半通漢語遇有事故遵奉調遣仍照漢

律懲辦

越嚮廳屬甯越管屬

松林地土都司王應元其先王得治於康熙四十九年投誠授職  
五十一年頒給號紙印信同治二年四月王應元協力堵剿生擒  
粵匪石達開奉

旨賞給世職頒換松林地土都司印信號紙仍賞加副將銜子孫  
承襲以上原纂 光緒 年應元故次子宏業襲職宏業故無子土通把

王在澄護理二十三年以得治長子國泰六世孫繼昌襲職新住增

牧松林地東至五十里交竹馬壩口甯越營界南至十五里交葛丹番冕甯縣界西至二十里灣東里約交沈邊余土司界北至三十里交大渡河界四至共七十五里所管番民戶口共一千一十二戶每年認納雜糧一百六十二石四斗原纂

案曰光緒二十八年秋余以紫大地水災親至河道傳見土通把王在澄飭令呈驗王氏世譜其譜創立於乾隆四十四年重脩於道光八年雖譜體苟簡其世系當不誣也查王得治有子三人長國泰例應襲職後以家難被廢次國貴爲輔佐通把三國卿授土千戶世職國卿故子珠襲職珠故子朝

相襲職朝相故子廷璋襲職廷璋故無子以兄廷璽子應元襲職應元故以次子宏業襲職宏業故以國泰六世孫繼昌襲職此土千戶世職之大略也

又案曰王得治次子國貴爲輔佐通把國貴故以三子秋襲職秋故以三子天祿襲職天祿故以長子自楹襲職自楹於同治二年力勸王應元拒僞翼王石達開賄卒以成擒得保加土都司職銜奉文換給頂帶自楹故子在澄襲職在澄嘗因王宏業故無子護理土都司印信蓋王氏子孫更歷八世現存止十餘人亦式微已土通把王在澄有子喜孝有孫萬福福生二人繼昌於在澄爲無服姪孫茲以得治之長子國

泰六世孫終得承襲土都司世職或者當年國卿之授職本非嫡正天故終奪之歟彼繼昌者身爲大宗可不力圖自振乎余故節錄其世譜俾王氏子孫知警懼焉

松林地土都司屬

老鴉漩土百戶汪啟鳳其先汪大呷於康熙四十九年投誠授職頒給印信號紙住牧老鴉漩其地東至二十里交洗馬姑夷界南至五十里交亦孜乎夷界西至四六十里交冕甯縣界北至七十里交大渡河界四至共二百里所管番民戶口三百五十二戶每年納雜糧三十八石八斗

白石村土百戶周存年其先烏馬吡於康熙四十九年投誠授

職頒給印信號紙住牧白石村其地東至四十里交落獐夷界南至十五里交白沙溝界西至二十里交干溝西番界北至十五里交葛丹西番界四至共九十里所管番民戶口一百二十七戶每年納雜糧五十六石

六翁土百戶襪保其先歪衣呷於康熙四十九年投誠授職頒給印信號紙住牧六翁其地東至五十里交舒凶野夷界南至二十里交越鶴廳屬陡坡頂界西至二十里交馮家山界北至二十里交沙得獐夷界四至共一百二十里所管番民戶口共二百八十戶每年認納雜糧二十八石

野豬塘土百戶張從貴其先黑元呷於康熙四十九年投誠授

職頒給印信號紙住牧野豬塘其地東至四十里交拉布咱夷界南至二十里交西溝坪界西至二十里交拉里河界北至三十里交宰羅界四至共一百十里所管夷民戶口共一百五十二戶每年認納雜糧五十六石

前後山土百戶張元受其先說衣呷於康熙四十九年投誠授職頒給印信號紙住牧前後山其地東至二十里交馬超墳界南至二十五里交白馬堡界西至十里交上堡子界北至十里交羅鍋庄界四至共六十五里所管番民戶口共一百三十一戶每年納雜糧四十四石八斗

料林坪土百戶楊朝富其先沙呷於康熙四十九年投誠授職

頒給印信號紙住牧料林坪其地東至十五里交巖頭上界南至十里交馬超墳界西至五里交布衣巖界北至二十里交大渡河界四至共五十里所管番民戶口共二百三十八戶每年納雜糧六十一石三斗 該土千百戶七員所屬夷人一種名西番性情風俗與煖帶密千戶所管番人同

住上 山西番苗種 松林地 歸里 白塔 峨脚 猛種

木耳 塔谷營 雅夸 野雞塔 葱岡 脚戶 六岱

海耳挖 木岍坡 次格達 王岡 施約 大坭 草科

歸善臺

住下涼山西番苗種 竹馬 草里馬 石門坎 蕨菱坡

諸哨 罈鑽窰 洗馬姑 廣源堡 老鴉漩 草八牌 利  
 積戶 公易海 呷找戶 堆金坡 引背戶 三遁 瓦西  
 魁沙 竹林坪 銀定堡 喬白馬 阿三坡 海羅 雅  
 寨 北路 弓背灣 以上西番係屬兩種言語不同衣制各  
 別向與漢人雜處半通漢俗遇有事故遵奉調遣控訴亦遵土  
 司理明或赴廳署告控仍照漢律懲辦

住部落獠夷住牧支數內 菩薩岡 鍋基那 雜一支 勒極河 鍋基沙 場一支

紫金夸 阿蘆 一支 中卡 阿蘆 一支 公易海 馬家 一支 西冲 阿蘆 一支 晚

背戶 續家 一支 三遁 謝家 一支 海羊會 落烏 一支 魁沙 熬烏 一支 已子坪 鍋基 一支

支一 草里馬 阿蘆 一支 五家蠻 鍋基 一支 次格達海子坪 續家 一支 各



支獯夷支數叢雜俱處高山未與漢番交接夷人風俗耕種度日土司隨時駕馭不能繩以漢律

各土司管束生熟獯夷西番除西番一種向與漢民雜處半通漢俗性亦馴良衣履儀制半效漢人但音語不同番婦喜穿五色花布裙赤足其獯夷一種無論生熟均用羊毛披衫青布纏頭垢面赤足親喪不葬以火葬之跑馬聚衆名曰做白冠婚用財帛牲畜爲聘遇事以鬪殺爲能疾病不醫藥以宰牲打鼓爲之禳送不住高房以竹笆圍居夷婦內穿長衣外披羊毛氈衫不知廉恥不能繩以禮法

以上原纂

同知孫鏞諭松林地土都司王繼昌查越嶲西路河道七邊共有四十八地均歸該土都司管轄

自應勤慎辦事稽察漢番人等不許滋事生端本府勘災來此民間控詞已比去年減少不無可嘉惟探知該土都司酒色兼耽煙癮甚大過午不起公事廢弛兼之信用匪人不善管束以致漢人不相推重番夷滋事出巢搶劫之案置之不理殊堪痛恨試思該土都司世受

國恩撫有人民土地責任綦重豈容任情妄作苟且糊塗上負

皇上之恩下墮先人之業倘一旦漢夷肇禍首領難全酒色戕軀身家莫保辱宗曠職厥罪惟均本府憫爾童昏期爾悔悟言之既不勝痛切聽者宜如何思維今者紫大地一場已被山水衝去勢難規復急宜改圖現擇於場南中壩地方另立新場命名安順已諭紳糧團保人等遵照本府新訂場規妥慎辦理惟地接番夷恐有出巢搶劫等事必須該土都司就近保護務令威行信洽共慶治安合行諭飭爲此諭仰該土都司遵照來諭事理亟宜整飭營務慎固邊防改過自新九圖奮發上承

帝眷下振家聲旣以副本府期待之心亦以慰漢番仰望之意如或不知自愛擾動邊情一經本府查明定卽詳請奏革另選宗支再予承襲庶以重夷務而安地方勿謂教之不預也切切無違特諭光緒二十八年七月日給

又諭松林地土通把王在澄諭仰松林地土通把王在澄知悉去年秋冬間本府兩至河道得見王氏世系始知該通把與土都司王繼昌係是一本之親兩家世襲多年非如各處番夷由平民拔充頭目者比其休戚相關安危與共昭昭明矣本府知該通把與該土都司互相猜忌也屢曾剴切開導令其自知悔悟並飭令仍向松林地土署充當土通把之職當於洗馬澗地方手書硃諭兩紙俾其悔過投誠不意數月以來未聞親赴土署是其心猶未明白也前月聞該通把以錢債細故又在海棠馬都府署中興訟其緣何興訟並是非曲直之故本府不得而知第據其名分言之則明是屬員控長官也長官卽有不是本非屬員所宜控况錢債細故之嫌甚微而同是王姓世爲土職其本源固甚遠且長耶夫漢人之爲流官陞遷降調不能預知卽本府分守越鴛原是實缺然亦不能保今日在任明日不陞遷降調若該土通把與該土都司其世襲土官撫有一方人民土地已二百餘年矣該通把之父王自楹與該土都司之祖王應元同治初年計擒僞翼王石達開其勞績勳名載在

國史衣冠頂戴榮及後人求之各處土司亦未易有此功烈在後人宜如何安分守法繼志述事豈忍以自相魚肉貽乃祖乃父病也本月十五日廣元堡番民藍樹青老鴉漩番民汪桂發各以該

土都司借端苛派等情來轅具控且及該土都司之承襲由於舞弊尤爲疑怪夫王繼昌之承襲有弊無弊事隔數年本府不得而知惟各大憲前已據詳 題奏有案豈容該番民捏言汙蔑並以苛派名目飾言送越署使用查各土司承襲之初各衙門或有陋規豈於久襲之土職無故需索本府雖不賢何至不知利害竟至於此其果由土司之捏飾歟則名之不正亦言之不順也其爲各番民之誣告歟則聞者不足爲戒而言者不能無罪也其中必有主使之入膽敢如是汙蔑實屬可惡已極本府不能不因此以訓飭該通把者該通把夙與該土都司有仇則此等誣告卽決爲該通把所主使無疑也查通把爲土署辦事之人責任不爲不重果能安分率職以古君子所以事君者事該土都司則必進思盡忠退思補過將順其美匡救其惡凡該土司所爲之善者勉力以成之該土司所爲之不善者正言以告之務令上遵

國法下振家聲前以慰祖宗地下之靈後以貽子孫無窮之福豈不榮耀百世哉今該通把因前此曾經護理猶思謀襲土司頗聞鑽刺多年花費千金不止在他人尙未滿其慾壑而該通把已受累不堪矣查該土署產業已不比二十年前現在襲職之人未足爲榮適足爲累番民之狡黠者正項錢糧尙多不納其謹厚者又困於力薄不勝則今之爲土職亦虛有其名而已且

國家之設官者爲民也爲地方也民間之命盜大案口角細故皆仰官府經理爲官之苦較常人十倍百倍土職亦均是官耳其視番民夷民亦猶是家之子女也夫爲父母者欲其子女之飽且煖則爲情理之常未有剝子女之衣以爲衣奪子女之食以爲食者也該通把能明此義則爲通把者自有通把應辦之事亦自有通把應得之榮何必強爭土司致令骨肉自相殘害哉若該通把果能盡心土署爲

國爲民地方賴以平安衆心無不悅服無論該土都司有子無子地方番民將奉該通把爲土官矣若鑽營謀壘各大憲未必允准即使允准恐該通把所費亦不貲耳將取之囊中乎該通把久累之餘未必多有蓄積也將派之番民乎則以暴易暴番民猶是人耳何堪再受此虐政也本府履任經年查各處番民日衰一日人多不解其故由今思之殆以平日枉殺牲牛虛言賭咒種種惡習遂爲天理所不容故番民之生齒有日減無日增良可惜也本府到任以來除賓祭兩事外未嘗宰殺雞鴨番夷何物乃竟借疾病之故椎牛宰羊夫疾病在身不放衆生以求天敢戕衆生以祈命則何怪妄殺生靈者天亦殺戮其子孫哉且查各處土司其婚喪各事均以多宰牛羊爲豪舉而各處土司亦多有絕嗣之報其明驗也本府身任地方例有教導之責該通把能將本官諭

單細心理會懸爲座右之銘當知苦語諄諄無非爲王姓宗支長得縣延弗絕耳若終是執迷不悟不願奉職土署日聽讒言自相攻伐是直冥頑不靈之禽耳獸耳旣不知有本府之諭言必自甘於禽獸則情類叛逆死有餘辜讒通把豈真不知利害之切身哉遵諭則榮違諭則凶該通把其慎思之特諭光緒二十九年四月日給

走養扇名目

卷ノノノ

越舊廳全志卷七之一

職官志

有明及

國初設衛指揮因無舊志姓氏難考乾隆二十五年改衛設廳分駐通判亦難詳稽今據見聞所及與案牘可憑者志之

李東萊 安徽舉人乾隆二十六年任

林守鹿 福建舉人乾隆三十三年著詳政績志

程蔭桂 浙江舉人乾隆三十四年著詳政績志

劉炳 奉天鑲白旗監生乾隆三十八年任

張純賢 漢軍鑲紅旗人乾隆四十八年任

李世榮 漢軍正白旗官生乾隆五十四年任

馬履忠 貴州舉人乾隆五十五年著詳政績志

汪金笏 湖南長沙舉人嘉慶元年任詳政績志

馬如龍 嘉慶四年任

曹琢 漢軍正藍旗生嘉慶六年任



席世剛

呂偉儀

嘉慶十三年任詳政績志

周起瑤

嘉慶十八年任

李鐸

富英

常連

十七年回任

宗

王尙錦

道光九年任詳屯田志

林丹雲

廣東嘉應州人癸未進士道光十一年署詳政績志

趙德林

陝西華陰縣人拔貢道光十五年署詳政績志

王石渠

吳元福

李在文

白書丹

常連

蒙古正白旗學生嘉慶十五年任

常連

十八年回任

秦岐翔

陝西人監生道光四年任詳水利志

劉端

魏煜

直隸宣化府蔚州人欽賜舉人道光十三年署

道光十六年奉

旨裁通判改設同知

葉樹東 浙江仁和縣人丁卯亞魁  
道光十六年任詳政績志

葉樹東 十七年  
冬回任

王者政 山東文登縣人已丑會魁  
道光十九年任詳政績志

承安 鑲紅旗人道光  
二十七年署

繆榮吉 江蘇人道光  
二十九年署

何咸宜 咸豐元  
年回任

張超 陝西富平縣人  
咸豐五年署

秦象曾 江蘇人恩賜舉人咸  
豐五年署詳武功志

書 鑲藍旗人道光壬午  
進士道光十七年署

書 綸 十八年  
再署

克星額 正白旗人道光  
二十三年任

何咸宜 浙江清安縣人優貢  
道光二十八年任

李清產 陝西人道光  
三十年署

呂瑞玉 直隸人咸  
豐二年署

陳禾生 江蘇寶山縣人  
咸豐五年代辦

李玉臺 甘肅洮州人舉  
人咸豐六年任

郭道綸 咸豐八年著

猶自東 貴州人優貢 咸豐九年任

梅震煦 陝西長安縣人 生員同 治五年著詳政績志

李忠清 浙江人同 治七年著

姚光盈 江蘇高郵縣人 廩生同 治十二年著

李德迪 安徽太湖縣人 廩生光緒元年任

何昞曦 江西袁州府人 光緒二年著

錢乃鈺 浙江錢塘人 光緒四年著

蹇誥 貴州遵義縣人 廩生光緒六年著詳政績志

勞衡芝 湖南善化縣人 光緒十九年著

梅元珩 江西人 咸豐八年冬著

周岐源 河南人 副榜 咸豐十年任詳政績志

陳元杰 江蘇人同 治六年著

周熙丙 湖南人 軍功 同治九年著

白應庚 直隸人 舉人同 治十三年著

周儕亮 貴州都勻府人 舉人光緒二年著

顏佐才 貴州人 舉人 光緒三年著

李德迪 光緒四年復任

傅廉 貴州桐梓縣人 拔貢 光緒十二年任詳政績志

陳周禮 湖南人 光緒二十年任詳政績志

景其沅 貴州人光緒二十四年署詳政績志

袁啓琨 山東人光緒二十六年署

陳啓昌 山東拔貢光緒二十九年署

蹇念恒 貴州遵義舉人光緒三十一年署

越甯營順治十八年先設守備雍正四年改設遊擊

汪雲龍 陝西人雍正四年任

越甯營參將 雍正十三年裁遊擊改設駐越甯廳城

劉國佐 成都武舉雍正十三年任

馬良柱 陝西進士乾隆七年任

朱濂 甘肅進士乾隆十三年任

周鳳藻 湖北人光緒二十五年署詳政績志

孫鏘 浙江奉化進士光緒二十七年任

蔣兆麟 湖南人拔貢光緒三十年任

劉國佐 成都武舉雍正七年任

李中楷 陝西進士乾隆六年任

曾來邱 山西武舉乾隆十年任

史載賢 山西人乾隆十六年任

嘉慶元年二月二十九日

許玉榜 福建人 乾隆十七年任

張允師 漢軍鑲黃旗人 乾隆二十四年任

鄭國卿 雲南進士 乾隆三十六年任

張芝元 清溪人 乾隆四十四年任

葉佈肯 鑲紅旗人 乾隆五十一年任

魏史 甘肅人 乾隆五十八年任

李廷臣 廣元人 嘉慶四年任

王玉龍 華陽人 嘉慶八年任

張必祿 巴州人 詳武功志

楊明魁 西昌人

宋容莊 河南進士 乾隆十九年任

奇德 滿州正紅旗人 乾隆三十一年任

許世亨 新都武舉 乾隆三十八年任

富桑阿 滿州正白旗人 乾隆四十八年任

佟貴 滿州正紅旗人 乾隆五十五年任

侯南鵬 江南人 乾隆六十年任

達自祥 四川人 嘉慶七年任

烏勒洪阿 蒙古鑲黃旗人 嘉慶十四年任

西寧保 正黃旗人

岳國新 山東武進士

姜 武探花

馬慶封 事詳武功志

張 富 順慶人

隆 富 滿州正白旗人

塔方阿 鑲黃旗人咸豐五年列忠節志

常 德 正紅旗人

楊應剛 廳武生同治二年署詳武功人物各志

德 綬 直隸武探花光緒元年

林占魁

定 長 光緒四年

王進忠

馬彥彪 陝西武進士

長 瑞 道光二十八年任

張協忠 江西武探花

劉新榮 咸豐九年

陳德新 西昌人

高 凱 廳人

張 倫 事詳武功志

孫廷槐 同治七年

蔣宗漢 光緒五年詳武功志

武探花

職官

四

徐聯魁

光緒九年署

李成龍

光緒十二年署

慶曜

光緒十五年署

李信仁

光緒十七年署

方成璧

光緒二十年署

劉喜一

光緒二十三年署

獨錫勳

光緒二十五年署

尹承緒

光緒二十九年署

祥堃

光緒三十年署

李朝柱

光緒三十一年署

王廷相

光緒十一年署

陳金山

光緒十三年署

傅照南

光緒十六年署

傅照南

成都人光緒十八年署

何長榮

光緒二十一年署

周家漢

光緒二十四年署

趙連陞

江南人光緒二十六年署

李連芳

光緒二十九年署詳政績志

榮極

光緒三十一年署

教授嘉慶十三年奉  
旨裁減今止志訓導

屈明鑒

鄰水縣貢生  
嘉慶十三年

喻六一

巴州廩貢嘉慶  
二十二年署

孫代芳

新津縣優貢  
道光三年署

張錚

巴縣舉人道  
光九年任

何平尤

合州舉人咸  
豐元年任

陳

瀘縣廩貢咸  
豐八年署

趙學懿

華陽縣舉人  
咸豐九年署

袁

岷理番廳人增貢  
同治八年署

程履直

叙州府貢生嘉  
慶十四年任

方

黃

張肇棠

雅安縣舉人  
咸豐元年署

李維楨

松潘廩貢咸  
豐九年署

陳大邦

江津縣廩貢  
咸豐八年署

李善登

大甯縣廩貢  
同治六年署

巫顯章

簡州附貢生同  
治十三年署



廖尙清

成都縣增貢  
光緒二年署

李澤培

渠縣拔貢光  
緒八年署

張世權

溫江縣舉人光  
緒十二年任

楊有成

大邑縣舉人光  
緒十七年任

案曰府志府學教授向在越巂廳自嘉慶十四年始移至郡城所列周士澐楊尙岑二名已不在越巂矣查會理州志明貢生沈棗字宗實任涪州訓導陞越巂教授此當補原纂所不及爾

照磨

洪敦誥

胡鑑

吳立勳

孫慶瀾

鄭焯

吳

徐溶鏞

饒永昶

王介堂

譚

花映棠

魏沅

金源

劉肇培

鄧壽昌

劉定枚

張以爵

王治

陳坤培

李登瀛

越鶴營守備順治十八年設

邱屏翰

陳孝忠

王紹緒

徐進忠

光緒二十八年署

光緒三十一年署

陝西人康熙二十一年任

四川人康熙三十九年任

光緒二十年任

光緒三十年署

光緒三十二年任

陝西人康熙三十七年任

陝西人康熙四十四年任

張朝鳴 陝西人康熙五十五年任

石國璽 陝西人雍正七年任

雷海 四川人雍正十一年任

夏元凱 湖廣武舉雍正十三年任

劉青 陝西人乾隆六年任

楊輝 雲南人乾隆十四年任

朱秋魁 浙江金華武狀元乾隆十九年任

胡承祖 山西陽曲人乾隆二十三年任

鄂輝 滿州正白旗人乾隆三十七年任

熊文元 成都人乾隆四十一年任

王勇 四川人康熙五十九年任

梁益雄 成都人雍正十年任

鄧良緒 河南人雍正十二年任

劉朝龍 成都人乾隆三年任

徐克猷 松潘人乾隆十一年任

葉浩 浙江仁和人乾隆十七年任

楊輝斗 成都人乾隆二十一年任

岳占先 閬中人乾隆二十九年任

王新邦 西昌人乾隆三十九年任

羅廷樑 閬中人乾隆五十三年任

譚公義 成都人 乾隆五十八年任

桂 涵 東鄉人 嘉慶四年任

張必祿 巴州人 嘉慶十年任

唐飛武 光緒元年任

楊承恩 二年任

張鴻泰 六年任

長 續 九年任

蕭鳴炳 十二年任

趙應昌 十三年任

張星豹 十五年任

羅升高 成都人 嘉慶三年任

李朝相 閬中人 嘉慶六年任

楊國祚 廣元人 嘉慶二十年任

蔣國恩 元年任

王瑞麟 四年任

卓 澐 八年任

蘇元泰 十一年任

嚴德高 十三年任

藍澤湘 十四年任

王國才 十七年任

職官 七

清 卷之二十一

李宗才 十七年冬任  
二十二年卸

陳世揚 光緒二十  
六年任

齊占春 光緒二十  
九年署

王培根 光緒三十  
二年任

經歷 分駐大樹堡道光  
二十年前失考

彭先華 道光二十  
一年任

王元智 道光二十  
七年署

徐濬鏞 咸豐四  
年署

袁呂珍 咸豐七  
年署

岳興南 咸豐九  
年署

王良恩 二十四  
年任

劉斌 光緒二十  
八年署

王日昇 光緒三十  
一年署

方宗甲 道光二十  
六年任

汪金芝 咸豐三  
年署

羅雲章 咸豐六  
年署

彭巽 咸豐八  
年署

張溥 同治二年署  
事詳政績志

李崇直 同治三年署

丁文燾 同治六年署

陸鵬程 同治九年署

張世規 光緒三年署

彭蘊遂 光緒十七年署

臻壽 光緒二十一年任

程元杰 光緒二十四年署

蕭瑞清 光緒二十七年署

饒瑞熙 光緒三十一年署

保安營都司道光十九年裁建昌右營安設

吳道堃 同治四年署

司徒紀 同治七年署

王元智 同治十二年復署

馬榕 光緒四年署

馬榕 光緒十九年復任

張文澄 光緒二十三年署

馬榕 光緒二十五年復任

唐永裕 光緒三十年署

許超 道光十九年任

詹超

蔣立勛

高凱 廳人

孫廷槐

姚懷玉

陳汝秩

鄭崇高 光緒十一年署

蘇貴 光緒十三年復署

李信仁 光緒十六年署

王澤培

馬永成

趙仁

何占魁

陳映傑

馬開昌

蘇貴

夏雲青 光緒十二年署

曾萬清 光緒十五年署

胡尙瀛 光緒十七年任

馬敏德

光緒二十一年署

劉永祿

光緒二十二年署

李占春

光緒二十三年署

李崇笏

光緒三十年署

楊有奎

光緒三十一年署

吳迺成

光緒三十一年署

李朝柱

光緒三十二年任

甯越營都司雍正七年裁守備改設

劉國佐

四川武舉雍正七年任

吳金章

浙江人雍正七年任

饒建侯

江南旌德武進士乾隆八年任

郭永清

湖廣竹山人乾隆十年任

李維統

陝西榆林武進士乾隆十二年任

張復旭

山東夏津武進士乾隆二十年任

康坦崙

陝西城固人乾隆二十七年任

廣 著

滿洲鑲白旗人乾隆三十四年任

吳崇德

茂州人乾隆三十七年任

鄂 輝

滿洲正白旗人乾隆三十八年任



劉世勳

西昌人乾隆三十九年任

劉懷仁

雲南劍川人乾隆四十九年任

德甯

蒙古鑲白旗人乾隆五十七年任

馬成林

成都人嘉慶六年任

蘭國瓚

成都人嘉慶十四年任

滑元吉

馬元珍

十九年著

余茂麟

十年任

岑成元

十四年任

薛金玉

十八年任

武章阿

滿洲正紅旗人乾隆四十五年任

胡尙賢

陝西鳳縣人乾隆五十年任

董良臣

四川太平人乾隆六十年任

紀雲龍

西陽州人嘉慶八年任

劉大順

馬仁杰

劉永祿

鄭承烈

十二年任

胡家品

十七年任

李宗才

二十一年代理

黃鎮海

聞本元

楊正清

榮

斌

光緒三十年任

光緒二十九年署

何鎮清

馬

驥

光緒二十六年任

李朝柱

光緒三十年署

吳廼成

光緒三十二年任

走者屢之三示

身十二

越嶲廳全志卷七之二

政績志

漢

司馬相如 史記唐蒙已通夜郎帝拜相如為中郎將使馳四乘

之傳以賂西夷蜀六守以下郊迎縣令負弩先驅叩笮冉駝斯榆

之君請為內臣南至辨柯為徼通零關道越嶲為零關縣橋孫水今冕甯縣閭王塢○案在靖遠

營以通邛都卒開爨道通南中置越嶲郡原

張喬 益州刺史安帝時旄牛夷叛攻零關殺長吏喬與西部都

尉擊破之參前漢書

後漢

泉爲解啞泉處南七十里小相公嶺爲公所開今北關外嘉慶中

通判白書丹建有諸葛舊轍坊

以上原纂

光緒八年同知蹇詵建忠武

侯祠於南關外又案越瀉衛志奴諾城諸葛武侯所築憩軍士之所蓋以奴諾水爲名也又水經注諸葛公討平南中後帝建興三年分益州郡置建甯郡於溫水側

以上新増

諸葛武侯祭瀘水文維大漢建興三年九月初一日武鄉侯領益州牧丞相諸葛亮謹陳祭儀致祭於故沒王事蜀中將校并本土神祇及蠻夷亡魂之靈曰昨自遠方侵界異境起兵縱蠱尾以興妖恣狠心而逞亂吾寡君王請三軍暫別龍庭諸公饑祖棄六親遠辭家國問罪於南蠻莫不逢山開路遇水安橋大舉貔貅掃蕩蠅蟻大軍雲集羣寇冰消纔聞破竹之聲便是失猿之勢且士卒兒郎盡是九州豪傑將校官僚皆爲四海英雄習武從戎投明事主莫不同申三令共展七擒齊堅奉國之誠盡是忠君之志何期汝等偶失兵機緣落奸計或流石所中魄掩泉臺或鎗劍所傷魂歸長夜志存忠孝命終於刀斧之前正直奉君骸棄於塵埃之野生則有勇死則成名今

郡建興三年亮南征斬定元

從卷末  
移前

諸葛亮 琅邪陽都人建興元年南中諸郡並皆叛亂亮以新遭

大喪故未便加兵三年春亮率眾南征

蜀志  
本傳

亮至南首進兵越嶲

所在皆捷遂斬雍闓高定惟孟獲收闓餘眾以叛獲素為夷漢所

服亮募生致之既得使觀營陣之間問曰此軍何如獲曰向不知

虛實故敗今直易勝耳亮笑而縱之使更戰七縱七擒而亮猶遣

獲獲止不去曰公天威也南人不復反矣遂至滇池四郡皆平即

其渠帥而用之

宋張栻  
撰傳

按沈黎古志孔明南征由黎州路四百餘里

至兩林蠻

兩林蠻即  
今越嶲

又由兩林蠻南瑟部三程至嵩州十程至瀘

水四程至弄棟

即金沙  
江上游

舊越嶲志載治北二百四十里有雲嵩聖

泉爲解啞泉處南七十里小相公嶺爲公所開今北關外嘉慶

通判白書丹建有諸葛舊轍坊

以上原纂

光緒八年同知蹇誥建忠

侯祠於南關外又案越雋衛志奴諾城諸葛武侯所築憩軍十  
所蓋以奴諾水爲名也又水經注諸葛公討平南中後帝建融  
年分益州郡置建甯郡於溫水側

以上新增

諸葛武侯祭瀘水文維大漢建興三年九月初一日武鄉侯領益州牧丞相諸葛亮謹陳祭  
祭於故沒王事蜀中將校并本土神祇及蠻夷亡魂之靈曰昨自遠方侵界異境起兵縱蠱  
興妖恣狠心而逞亂吾奏君王請三軍暫別龍庭諸公錢祖棄六親遠辭家國問罪於南蠻  
逢山開路遇水安橋大舉貔貅掃蕩螻蟻大軍雲集羣寇冰消纔聞破竹之聲便是失猿之  
士卒兒郎盡是九州豪傑將校官僚皆爲四海英雄習武從戎投明事主莫不同申三令共  
擒齊堅奉國之誠盡是忠君之志何期汝等偶失兵機緣落奸計或流石所中魄掩泉臺或  
所傷魂歸長夜志存忠孝命終於刀斧之前正直奉君骸棄於塵埃之野生則有勇死則成

且凱歌南還獻俘北闕汝等英靈尚在祈禱必聞隨我旌旗逐我部曲同回上國各認本鄉受骨  
月之蒸嘗領妻子之祭祀莫作他鄉之鬼徒爲異國之魂當念姻親哭泣於朝昏子女號呼於暮  
夜吾奏皇帝使汝等均沾雨露年年嘗請衣糧月月不絕俸祿用茲酬達以慰汝心父子傳孫名  
題蜀史今則聊表丹忱陳其祭祀各領酒食以享一泯悉聽吾令依此靈旛隨我歸國云 從清  
溪縣志采入

龔祿

巴西安漢人爲越嚮太守隨武侯征南爲蠻夷所害是後

太守不敢之郡只住安上縣時論欲復舊郡除張嶷爲越嚮太守

斯郡耆帥李承昔年殺龔祿嶷募捕得數其宿惡而誅之

通志

張嶷

南充國人延熙中除越嚮太守誘以恩信蠻夷皆服郡有

舊道經旄牛中至成都嶷遣左右齎貨幣賂其帥狼路開通千里

肅清復古亭驛在郡十五年民咸賴之

原纂

張翕

安漢人爲越嚮太守政化清平得夷人和在境十七年漢



夷畏慕如喪父母蘇祁叟二百餘人送喪至翁本縣起墳祭祀誥封嘉美為立祠堂天子以翁有遺愛乃拜其子湍為太守夷人歡

悅奉迎道路原纂

梁

蕭紀 為梁益都督武帝時建寧越嶲叛開通道路撫定蠻夷原纂

裴畿 梁書元帝紀承聖三年九月魏于謹來寇十一月以嶺州

刺史裴畿為領軍將軍裴邃傳河東聞喜人世居壽陽邃兄子之

高之高子畿太子右衛率嶺州刺史西魏陷江陵畿力戰死之府志

北周

鄭恪 天和五年十二月大將軍鄭恪帥師平越嶲置西甯州原纂

隋

梁毗 安定烏氏人開皇初出為西甯州刺史在州十二年先是蠻夷酋長皆服金冠以金多者為豪備由此遞相侵奪每尋干戈邊境略無甯歲毗患之後因諸酋長相率以金遺毗於是置金座側慟哭而謂之曰此物飢不可食寒不可衣汝等以此相滅不可勝數今將此來欲殺我耶一無所納悉以還之於是蠻夷感悟遂不相攻擊

原纂

史萬歲

開石門以通南詔

舊志即今治北二百里石門是或謂在叙州府俟考（原纂）

蘇沙羅

扶風人進大將軍尋檢校益州總管長史曾越嶲人王

奉舉兵作亂沙羅從段文振討平之

段文振 北海期原人越嶲蠻叛文振擊平之賜奴婢二百口

隋書

本傳

周法尚 字德邁汝南安城人仁壽中鶴州烏叛攻陷州城詔令法尚便道擊之軍將至賊棄州城散走山谷間法尚捕不能得于是遣使慰諭假以官號僞班師日行二十里軍再舍潛遣人覘之知其首領盡歸柵聚飲相賀法尚選步騎數千人襲擊破之獲其渠帥數十人虜男女萬數口賜奴婢百口物三百段蜀馬二十匹軍還檢校潞州事

魚俱羅 馮翊下邳人身長八尺膂力絕人聲氣雄壯言聞數百步從晉王廣平陳以功拜開府煬帝嗣位遷趙郡太守御史劾以

交通內臣坐除名未幾越巂飛山作亂侵掠郡縣境詔俱羅白衣領將并率蜀郡都尉段鍾葵討平之

唐

韋仁壽 京兆萬年人高祖入關遣使者徇定蜀承制擢仁壽巂州都督府長史南甯州納款朝廷素聞仁壽治理詔檢校南甯州都督寄治越巂詔歲一按行慰勞仁壽將兵二百循西洱河開地數千里稱詔置七州十五縣酋豪皆來賓見即授以牧宰威令簡嚴人人安悅將還酋長泣曰天子藉公鎮撫奈何欲去我仁壽以池壁未立爲解諸酋即相率築城起廨甫旬略具仁壽乃告以實夷夏父老乃悲啼袒行遣子弟隨貢方物天子大悅

原纂參  
新唐書

裴懷古 壽州壽春人累轉監察御史時姚勗蠻首反叛詔懷古

往招輯之懷古申明賞罰賊徒歸附者日以千數乃俘其魁首處

其居人而還蠻夷荷恩立碑頌德

舊唐書

李晟 封西平王大歷中吐蕃合南詔二十萬人寇詔晟以邠隴

范陽兵拒之晟設伏與戰大破於大渡河南即今之治北河南站

前同知王者政建有西平王大破吐蕃處碑並橋

韋皋 京兆萬年人貞元初為西川節度使初雲南附吐蕃共盜

寨必以蠻為鄉導皋間使招徠絕吐蕃盟東蠻斷瀘水橋請皋濟

帥遣將卒破吐蕃殺其大將遮遮立清溪關

今越巂深溝

要衝城

今炒米關

東蠻叛召斬其酋苴夢衝於琵琶川道路悉平

二則詳武功志

李德裕 節度西川作籌邊樓圖南蠻吐蕃險要築仗義城

今平夷堡

元

譚資榮 德興懷來人中統二年西南夷羅羅斯內附帝以資榮  
文武兼資可使鎮撫興國以為副都元帥同知宣慰使司事

案一統志

作譚澄

明

李質 洪武十五年置越嶲軍民指揮使司於邛部州命指揮僉  
事李質領謫戍軍士守之二十六年置越嶲衛永樂元年改邛部  
為長官司隸越嶲衛

李毅 洪武中指揮使司相度地勢遷築土城

曹震 明濠人以征西番功封景川侯在蜀久諸所規畫並極周

詳蜀人德之洪武間上言四川至建昌經大渡河往來者多死瘴

癘詢父老自眉州峩眉至建昌有古驛道平易無瘴毒已令軍民

修治請以瀘州至建昌驛馬移至峩眉新驛從之

參明史

唐震 湖南醴陵人正統進士考議罰督建昌邊餉修城建堡政

績最著有上官爭地殺人暮夜以金賂震震却之布置於法越鶴

民享祠之

通志

胡東皋 會理州志字汝登號方岡浙之餘姚人甫下車巡行邊

徼訪詢民瘼釐奸剔弊激濁揚清敦學崇文修廢舉墜越鬪城先

一土垣砌以磚石鎮西所原無城力爲興築土番哨烏嘈達等寨  
與建昌阿女悟鮮寧番阿都阿尾會川阿迷安大義皆稔惡不悛  
咸討之越嶠凶荒出帑發穀以濟全活甚多改流沙之險波平相  
嶺之崎路疏鹽法均公費清屯田禁暴斂善政不能殫述丁內艱  
越雋人繪像立祠祀之

明劉瓚胡公生祠碑記嘉靖乙未越雋吉侯與耆老謁余請曰我兵憲胡公遺愛行司五衛猶召  
伯甘棠於南國雖建生祠崇祀年遠未有以記非缺典與敢乞碑文用垂不朽余曰胡公之生不  
偶其祠之建豈偶然哉公曰東臯字汝登號方崗浙之姚江人宏治己丑子同登進士由尙書郎  
出守寧國尋陞憲副專勅行司下車巡行邊徼丕振風聲興利除害激濁揚清百度惟貞庶政畢  
舉考其實績梗概如越雋衛先一土城每遇雨圯公爲長久計簡委率治磚石五閱月而雉堞落  
成鎮西守禦亦成堅壁如土蕃哨烏及附近夷賊劫掠爲患我公奮提威武掃穴犁庭孔道疏通



時已破會奴之膽公乘勝整旅誅建昌跳梁之阿女悟離乎蕃之瓦都阿尾又殲會川之安大  
義阿迷賊勢漸潰豺狼斂跡凡公運籌閭而五衛着赤俱仗奠安且越鵠災旱公捐金賑濟全活  
者甚衆他若改大渡河之路以避流沙之險易相嶺之危而變通往來之徑或徒輿之扛梁而人  
不病涉疏通鹽法而利澤遍流均派下糧而暴斂頓革清屯田汰冗食充倉廩其間調停漢夷櫛  
風沐雨或剿以奪其魄或撫以服其心將邊土一塊保若金甌鞏固未罄綢繆之思復清軍器局  
以禦武之有備重修演武場而訓練之時勸自此妖魔之徒罔敢窺覷則治安已在萬年公猶偃  
武修文另卜裁會川巒序之址加意修葺陶冶羣生是登萬姓於春臺者端在文翁其掖多士於  
青雲者乃在文翁也丙戌之秋公以內艱訃至軍民驚訝曰邊城半壁誰與撐持無奈公不俟駕  
父老兒童伏道截鏡攀轅不可得泣涕而歸爰建生祠於越塑公生像與霄壤共爲頂焚公服闋  
補威茂陞本省臬臺軍民猶沾化雨無何巡撫甘肅籌邊弭寇聖主無西顧之憂轉鄭陽不踰年  
遂召入內台風采凝峻表儀朝宁霖雨天下蒼生洵知公之生非偶然矣敬採石碑以鑄之不朽

鄧思啟

建昌兵備道添設越鵠營壘建學造士有遺愛碑

富好禮

嘉靖中官蜀憲自相嶺開道緣獼狽松坪諸夷境東竟

峩眉之麓爲戍堡五以守之由是越嚮指揮議開鎮西千戶所自  
越嚮廳北一百五十里至獬狔舊路直抵峩眉所謂新驛也

參省志  
互詳驛

傳志

范守已 河南涪川人按察使按部越嚮捐俸建金馬山文昌宮

垂訓士子碑載寺觀志

周國雍 廣東朝陽縣人建昌道觀察萬厯中與總鎮劉鋹征夷

至越捐金創修 文廟種種善政遺惠在民父老歌頌建遺愛碑

祀名宦祠

明浙江道御史陳效通議大夫周公遺愛記周公國雍廣東潮陽人隆慶辛未進士才抱絲綸志  
全經緯由天官郎出守安漢治功爲天下第一時瀘南醜賊彪關司馬徐公以疏附 廟上諭命  
榮晉中憲爲監軍戡亂也緣闈閩痾倭懸竦猷公來蘇公冒炎嵐問漢相五月渡瀘處驅車深入

詣越雋學目觸圯廢惕然凝思越嶺雖在夷疆歷代俱有郡守聲華攸暨我明設官校士文教草  
敷蓋二百餘禩矣饗宮殿宇本以崇祀堂無齋舍亦以肄業內自都邑外達遐荒今櫺星無門臥  
碑無勒哲配無位進修無齋宮牆頽圯殿閣離落雖曰夫子居之何陋之有嗟彼往者過焉莫之  
能起茲徂征夷探之秋正戎馬倥偬之際若必偃武而後修文則事有未暇孰知俎豆先於車旅  
亟舉何妨檄下學傳禮義可與隨貨以協輪奐舊地湫隘僉卜於西山之陽人文鍾毓區也公捐  
祿金三百爲首倡紀功三月李公遞司府白執事共捐祿金百六十有奇傳教授冉嘉猷董行誼  
生員老者三五人聚工拓坂伐材鼎新幾爲宮殿明倫堂尊經閣戟門櫺星門各三楹無各七楹  
鄉賢名宦學門各二楹牌坊泮池宮牆垣墁規模稱制間指授石畫迨正理犁庭渠壘穢穢燦嘯  
凱奏尤撫頽起臥懸荒省征設無緝戍造士誠武權宜三令軒舉百度瞻教化者膏沃絃誦旋荷  
諭旨授陝鎮總父老臥轍隅隅莫留會司府命越巂掌印指揮使徐韶文偕鄉監弟子員及州倅  
項昇蹟公狀馳數千里幣糧効送周公其遺愛士民深且遠矣昔唐蒙開邊其功著矣見謂武侯  
之擒縱服夷而功益振裳袞置科其教殷矣見謂文翁之楷範化蜀而教益宏公緯武以克敵經  
略以拊循不一而足建學以明經考課以造士不一而足其盛德大業視武侯與文翁千古一轍

行將超軼司馬柱石廟廊遺愛天下奚啻文翁武侯之偏安西蜀耶敬采士民之謠以爲銘曰  
灑潮陽氣毓大方卓犖奇逸手扶天章五袴寄治萬里載揚雕闌槃瓠洗滯跳梁締符馮瀘鼓舞  
飛颺旌旗所指獲落櫓槍天堊再造藩維甫張卜諸學校映廠慕襄檄祿鳩倅翬飛堂堂教衍身  
心道啟軒唐山川效靈金碧繼光云何械櫟春風與香云何甘棠化澤與芳千古遺思 縷琳琅

歌願補袞袞謚太常傳海湛恩顯允鈞璜瞻拜台照崇報瓊芳樹茲紀瑣流徽宮牆

劉鋹

明南昌人萬厯間官蜀都督時猓夷數叛建黎邊境靡有

寧居縊數月間西敗寧番東破巴姑及大小涼山諸夷迄無邊患  
有鯨鯢封處碑在天王寺下初縊因夷獠居岩穴兵至難以進勦  
知夷性嗜酒釀於近夷諸市不取直夷相次傳語以期至縊掩而  
擒之夷勢浸衰遂破之今漢源諸鎮冷酒會尙其遺事也

參明史

張 總鎮明末人有愛於越士民爲立德政碑今城東三官殿

前其名與文半滅難考

王作興 撫彝同知解任未去流賊破衛舉火自焚

李先春 撫彝同知駐越舊流賊破衛父子主僕俱赴火死

○案曰王作興

李先春二名見於甯遠府志如此攷越屬設衛自明洪武年間 國初因之雍正六年屬甯遠府乾

隆二十五年改指揮司為通判至道光十五年改通判為同知府志刊於道光五年而先有撫彝同

知名目未詳何出

楊啓泰 甯越守備流賊蟠據榮雅領兵戰賊手刃數十人歿於陣

丁應選 府志丁應選越萬千戶所掌印崇禎十七年獻賊陷蜀

旋至雅州與楊啓泰糾黎雅土司馬京合兵援救與賊戰大破之

未幾選泰俱盡節

又見清溪縣志

國朝

李國英 遵化人隸正紅旗順治三年從肅王定蜀八年巡撫四

川康熙元年攻破建昌猺夷酌定營制卒於官謚勤襄

岳鍾琪 成都人川陝總督雍正初奏改越嶲叅將修建柏香城

堡添兵駐紮

通志

張德地 漢軍鑲藍旗人四川總督裁甯番越嶲會川鹽井梅嶺

安甯大壩所雜稅

通志

林守鹿 福建舉人署通判時教民栽桑養蠶耕種雜糧之法漢

夷咸賴

通志

李枚 河間人越嶲守備捐修三官殿以培風水

通志

程蔭桂 浙江舉人乾隆三十四年署越嚮通判時逢荒旱捐廉於鄰封採買糧食賑濟饑民活人無數

通志

董教增 布政司入祀名宦祠

盛英 甯遠府知府入祀名宦祠

陳希曾 江西新城進士督學四川教士以明體達用爲要仿先儒經義治事之意捐廉購大學衍義及衍義補諸書散給蜀士勉以躬行實踐成就者多道光十九年崇祀名宦

聶佐堯 越嚮教授訓誨多方建設明倫堂入祀名宦祠

陳崇禮 甯遠府知府惠政愛民捐置五屬義學越嚮獲錢二千文生息爲小哨等六地義學詳學校志

馬履忠 貴州舉人原任清溪縣知縣乾隆五十五年署越嚮通判修石城一座工堅料固基址積實永峙萬古功德在人

汪金笏 湖南長沙舉人嘉慶元年任越嚮通判悉心民瘼教化多方創設文昌書院清丈金馬山田招佃收租爲山長束脩諸生膏火費碑載學校志

呂偉儀 嘉慶十四年任越嚮通判增修書院兩廂爲諸生絃誦地碑載學校志

秦岐翔 道光四五年任越嚮通判關心民瘼開通水利修西山管溝堰水數百丈溉田數百畝盡成膏腴碑載水利志

林丹雲 廣東嘉應州人癸未進士道光十一年署越嚮通判正



夷匪倡亂丹雲計禦多方先武官渡河進擊愛民教士深得衆心  
復捐白金百九十兩生息爲膏火買西山義塚解任士民擁道護  
送北達瀘江三百餘里奉餞不絕清溪猶有接送者有留別士民  
詩衆建長生祠

同知林丹雲留別士民詩邛部連年謬綰符意中豐樂望中虛枉勞父老殷勤送無術能蘇涸轍  
魚不顧耰鋤只荷戈破巢覆卵費張羅劫灰飛盡難消恨哭訴蒼天可奈何 案牘頻來恐未  
眞而今眼底繪流民不堪過處重回首多是妻離子散人 正苦郵程蜀道難村醪處處送征鞍  
沿途一掬蒼生淚流到瀘江尙未乾 近聞馳檄掃欃槍闔外將軍意氣揚但脫兜鍪能識面望  
塵爭拜郭汾陽 漢夷安處即功成鳩集廬園樂太平趁此一犁新雨足千畦出鼓促春耕 從  
藝文志移入

趙德林 陝西華陰縣拔貢道光十四年署越嶲通判鋤抑強豪

整理學校捐白銀百兩生息以助膏火

張必祿 巴州人先任越嚮守備道光十五年升建昌總鎮始終

以討夷自任大小數十戰夷人畏之呼曰張山猴言矯捷也

詳武功志

葉樹東 浙江仁和人丁卯亞魁授越嚮通判後改同知當夷匪

熾發時禦撫有方課維士勤士林爭師之復捐備廉俸勸募士民

購敬義書院爲絃誦地挪移公款購置營田兵民相賴建立生祠

汪繼曾 道光 年任越嚮同知修學造士

王者政 山東文登人已丑進士道光十九年任越嚮同知訟獄

詳明案無停牘訓課士子始開科甲善制夷情威信兼施蠻夷畏

服至今稱善辦夷務者猶廻思王公云

塔方阿 正白旗人越窩營叅將咸豐五年征普雄陣亡

周岐源 河南祥符副榜咸豐十一年任越窩同知聽訟廉明西

川老吏時夷風猖獗兵單餉缺岐源百計調停卹民撫夷籌餉課

士粵匪賴逆竄境率兵民守禦值宿東南城樓數夕殲賊匪過半

石逆盤據紫打地岐源躬踐營壘指授方略俘馘石逆盡殲其黨

遺愛在人有德政碑

趙仁 保安營都司同治二年禦粵逆陣亡

張溥 大樹堡經歷甚有政聲同治二年粵匪之亂督籌軍餉

失足江心

互詳武功志

駱鳴鳳張叅軍傅先生諱一張遠亭其號也原籍甘肅人爲伊犁將軍署掾謹慎誠懇器重上游年滿例得知縣辭不就旋一敘四川越窩分駐大樹堡經歷咸豐七年十二月到任潔己愛民

循聲遁著同治二年二月髮逆前隊僞宰輔賴裕新等以十餘萬衆由金沙江竄建昌長驅至越先生馳騎往堵蹶失跌傷左肘團民扶至麻家山初十日堡民以衆寡不敵相率避去賊入城縱火燒延殆徧復以布疋連船隻搭浮橋竟渡者過半先生以城堡失守憤急自責徧招四境漢夷團民得健勇千餘人歃血蒞盟涕泣沾襟乃屬其耆老夷目而告之曰漢夷皆吾赤子吾不能捍禦外寇致累爾民是吾罪也然我死義也如 朝廷社稷蒼生何漢夷感激誓併力滅賊十三日漢民悉改夷裝聲勢旣張軍民大振截賊後隊先生奮起扶創一呼漢夷用命叱咤成雷矢石如雨同仇敵愾擊賊千餘須臾橋斷追賊撲河淹死者無算三晝夜連獲勝仗後隊無一逃者救出難民千餘人出奇制勝轉敗爲功先生獨抑然謙退歸功四境其不伐也如此迨四月髮匪後隊僞翼王石達開復領十餘萬衆由鐵慮竄紫大地被我漢土兵勇圍困食盡技窮涼橋就擒唐勇南渡先生親督臨河岸督催船隻跌河淹斃歿於 王事大憲奏入得卹典如例俱不論獨先生以孤憤之氣一言感激漢夷傾心惟不獲親見石逆授首餘黨聚殲爲可慨也然功成不居以死報國精誠樸忠獨立天壤亦堪與筆山並峙瀘水長留豈不偉哉先生卒於同治二年四月二十八日年五十有四子二均幼遠居伊犁或曰先生慈惠有餘才智不足余謂不然士各有志無

庸相強彼議敘時已甘辭尊居卑洎誓師督戰身冒矢石勞而不伐終始以死勤王夫亦可以諒其志矣余故樂爲之傳以待輶軒之採焉 從藝文志移入

買有福 西昌人保安營把總普雄陣亡

梅震煦 陝西長安縣文生同治五年署越巂同知舉行團練捐備南關外及南北鄉城垣千金更房五百金生息爲更夫費同文會八百金生息爲考課膏火科場賓興費士民戴之爲建坊表

附德政碑序公祖印震煦號筱山陝西長安縣人由明經筵仕西川循聲卓著丙寅夏奉檄來撫越郡下車之日正夷匪騷張生民塗炭之時也公祖蒿目時艱即傳集士庶周諮民隱權其事之利弊輕重緩急而次第興除之先修城垣以固根本礮臺更樓以次並舉城防之治具遂以畢張次辦團練以衛鄉村旗幟器械悉如營制團防之規模爲之一新而且不時親歷各鄉督飭操演若公者可謂以實心行實政矣未已也蓋安內正所以爲攘外計耳於是博採輿論審察夷情知夷性犬羊畏威而不懷德設伏誘擊隨時懲創遠近夷人無不畏懾斂跡客哨得以暢行農業得

以無荒者皆公之威力也迨武備既修而文教即興爲書院捐膏火肄業之生童爭相砥礪爲義務增修金黨塾之先生無不樂育他如創建供役所虎兇永無出柙之虞重修平政橋客商久享利濟之福以及籌修南關中所填王家屯各堡城尤數百年未有之善政也若夫褒獎忠節置立義塚不獨閭郡士民存歿均感即營伍中亦有波及焉越之人方將恃公爲長城用撫我疆土不意瓜期而代行將去之士民等推借無由臥攀乏術謹將一切政績鑄石樹坊以垂不朽非阿諛也聊以表民之不能忘云耳

周達武 湖南人貴州提督軍門同治七年間夷風正熾達武率

師征討軍令嚴肅秋毫無犯大小數十戰直抵普雄俘馘渠魁夷

風漸平復捐銀貳千兩修鎖夷橋購公所一區脩理各處礮堡爲

善後計

以上原纂

蔣宗漢 雲南人光緒初年任越嵩營叅將勤於巡閱不避艱險

親至普雄夷堡由跑馬坪入向柏香坪出經行百餘里野夷畏威

不敢犯四境又安去任之日士民爲立德政碑

新 增

蹇詵

貴州遵義縣廩生光緒七年署越巂同知捐修考棚並倡

捐修奎閣武侯祠火神廟光緒十年東路大饑自蒙葉坪馬日損

平壩數百里無煙公捐金數百並揀紳糧募金借土司穀數百石

凡窮鄉僻壤苦寒陋室無不賑濟全活甚衆在任五年善政甚多

士民愛之爲立長生祠

○廳貢生馬忠良  
有記見祠廟志

傅廉 貴州桐梓縣拔貢光緒十二年任越巂同知培建王孝女

祠創修節孝專祠以勵節守修河東鍊索橋一道以便往來並增

修各地碉堡以資防範歲饑借倉穀平糴散賑收成平還遠者買

糧減價售之士民感戴爲立德政碑

續 纂

陳周禮 湖南新甯人廕生光緒二十年任越巂同知夷人四出搶掠聞報即輕騎往雖黑夜亦親身追捕二十二年辦理教案諸多持平賠費各款復捐廉分償不累閭閻民教賴以相安又善折疑獄士民欣感續纂所部定越營厯任欠餉共計二十三關前署任勞衡芝卸篆弁勇譁噪周禮挺身斥曰勞統領僅一年耳欠餉非一人事欠餉者果勞統領耶聽爾譁噪若欠在藩庫不譁於前任而譁於勞任豈得爲平聽吾約束吾爲爾請於上當補給之不聽吾以軍法從事弁勇帖然後迭稟於上改營制三旗兩隊爲五哨改營餉三兩爲二兩四錢舊餉減二成核給共補發銀三萬數千餘兩當時弁勇不無怨望三五年後各清各關絕少蒂欠至今賴



之周禮生長營中洞悉利弊其所規畫久遠如此

新

景其沅 貴州人光緒二十四年署越巂同知廳屬上糧向係收

米管倉書吏斗級巧立敷米樣米灰米掛脚米等名目糧戶上米

百般刁難受害頗深其沅蒞任紳糧訴請除弊並恐該書等阻撓

願於上糧時每石給錢二百四十文又向係一米二穀亦願改爲

二米一穀以資公費其沅察核屬實如稟勸石並將案提存戶房

使倉書不得再匿案舞弊迭稟上憲存案糧戶沾感無暨

續纂  
節存

周鳳藻 湖北人光緒二十五年冬署越巂同知二十六年歲大

饑立請大憲發款辦賑並飭城紳糧募資設粥廠平糴各局全

活饑民甚衆惜籌措方殷即以憂卸篆餘款五千餘金移交後任

報銷

續纂

李連芳 成都人光緒二十九年冬署越巂營叅將歷任賄賂公  
行營務廢弛連芳履任潔清自好整頓各汛訓練士卒晝夜出城  
查閱漢夷相安期年回敘馬都司任兵民捐貲爲立去思碑

新  
增



越雋廳全志卷八之一

選舉志

舉人

明

王自誠

萬歷乙卯科任  
北直上清縣令

國朝

戴維城

道光庚子科

張鴻聲

咸豐辛亥恩科任江蘇  
鹽城縣知縣○以上原纂

拔貢

明

李鳳翔

道光癸卯科選  
授璧山縣教諭

陳在鑫

光緒癸卯恩科  
知銜議叙知縣○續纂

王世沛

朱廷桂

國朝

李朝時

嘉慶癸酉科歷署石  
註廳訓導劍州學正

李茂仁

道光乙酉科  
註選教諭

陶加燾

道光丁酉科  
今遷西昌

馮懷膏

道光己酉科任直隸宛  
平縣縣丞附詳列女志

許亮卿

咸豐辛酉科

馬湘

同治癸酉科考取  
銜歷任永甯大竹等縣教諭推陞順慶

府教授

馬履芳

光緒丁酉科  
○以上原纂

馬栢

光緒乙酉科同知銜雲南候補知  
縣歷任雲州陸涼羅平等州知州

恩貢

明

唐世賢

任山西榆社縣  
知縣詳人物志

王邦政

任山西大同府  
知府詳人物志

吳朝元 任陝西鳳翔府照磨詳人物志

徐行 任陝西同知

吳國寶 任常德府教授詳人物志

國朝

丁琦

周應瑞

李元吉

唐釗 任太平縣訓導

戴維憲

張昭明 註選教諭

項昇 任甘肅固原州同詳人物志

聊珠 任江西瑞昌縣訓導詳人物志

劉文懷

許賡齡

金為度

田洪 任閩中縣訓導

張文超

杜聯拔

何儒

童希堯

郭如玉 詳人物志

余梯雲 國子監學正銜瀘江縣教諭詳人物志

周維綱 註選教諭詳人物志

饒學仕 以上原纂

武島德全長 卷八之一 選舉

二

走... 厚... 三... 元... 各... 一... 一

李嘉謨

戴舟

杜本植

以上續纂

國朝

張鵬年

唐應騏

任涪州學正

呂泰

任榮經縣教諭

唐應鳳

范廷棟

任慶符縣訓導

張德曦

任廣源縣訓導

饒益

任慶符縣訓導詳人物志

唐獻

唐禪初

任洪雅縣訓導

陶啓虞

楊景泰

呂廣韶

龍賓鴻

杜天福

戴天榮

張瑛

王紹謨

唐景聖

任彭縣訓導

馮琚

蔣萬清

曹惠

任筠連縣訓導

唐澤洪

任什邡縣訓導

姜維才

李遠符

高朋瀛

陳大勳

張瑋

馮毓麟

任南江縣訓導詳人物志

許耀先

呂懿鐘

倪世澤

許煜先

王肇基

蔣朝舉

戴維新

王賢侯

饒學海

註選教諭

戴震乾

李鳳藻

胡超奎

胡名揚

高嶽嵩

李縉先

李惠

姜步雲

許亮儒

康際盛

李恒泰

馬忠良

詳人物志

李仕斌

以上原纂

蒙國選

劉國楨

蔣春熙

張書勳



趙州府志卷之二十一 名一

陳登煜

鄧聯凱

張純仁

劉金鏞

韓金聲

以上續纂

例貢附

張 柵

增貢生候選知縣○續纂

軍功

增

國朝

張國欽

附貢保舉任成都府訓導

鄧文選

增生保舉教諭

高德隆

附生保舉教諭

王大德

廩生保舉訓導

傅恒信

廩生保舉訓導

佐雜

韓先佑 廣東鶴山縣巡檢

程瑛祥 雲南定遠縣善等縣典史

程珍祥 部選典史

王立中 甘肅固原州吏目

饒鳳翔 由一等吏員候選巡檢○以上原纂

武科

明

楊茂 萬曆癸卯科武舉

車有輪 天啟丁卯科武舉

國朝

王偉 康熙乙酉科武舉丙戌進士

喻其義 雍正己酉科武舉庚戌科進士

毛增 康熙己丑科武舉

何秉恭

雷國瑞

王璋 康熙戊子科武舉

劉萬高

道光丁酉  
科亞魁

曹錫福

道光己亥  
恩科武舉

曹之彥

咸豐辛亥  
恩科補漕河守備

姜國仲

道光丙午科武舉  
丁未科榜眼  
御前侍衛任大名鎮總鎮

李光輝

同治癸酉  
科

蔣福成

光緒癸巳科  
○以上原纂

行伍

增

明

陶亨

松潘指  
揮使

徐海

指揮任  
右都督

陳剛

任遼東叅將  
詳忠義志

國朝

毛三元

山東曹州  
鎮總鎮

何有福

湖北均光營守  
備古丈坪都司

舒方申

武生邑梅營守備  
陣亡詳忠義志

李仕高

維州營  
都司

羅國材

城守右  
營守備

張應超

順慶營游  
擊副將銜

宋致祥

甯越營  
把總

陶富貴

懷遠營  
把總

張文元

城守營  
千總

李應芳

建昌中  
營把總

劉萬貴

從征回匪  
盤逆有功  
歷保副  
將銜桓勇  
巴圖魯儘  
先游擊

劉樹培

花翎提  
中守備

楊應剛

武生馬邊營  
遊擊副將  
銜今遷冕甯  
詳人物志

宋可超

會川營  
千總

徐登雲

武生保安  
營把總

張文超

建昌中  
營把總

楊世茂

建昌中  
營把總

龔文斌

保安營把總  
○以上原募

余化芝

花翎提  
中都司

蔣奉先

越篤營把總  
○以上續募

司  
禮  
房  
之  
司  
各  
ノ  
一

越巒廳全志卷八之二

封廕志

文職

廳貢生唐應麟任涪州學正父周祀承

制勲封修職郎母蕭氏封孺人敕命一軸

廳貢生唐禪初任洪雅縣訓導父醕中承

制勲封修職佐郎母詹李氏均封孺人敕命一軸

廳拔貢生馮懷膏任直隸宛平縣縣丞父丙承

制勲封徵仕郎母楊唐氏均封孺人敕命一軸本身敕命一軸

廳舉人張鴻聲仕江蘇鹽城縣知縣父文超承

制敕封文林郎母馮氏封孺人敕命一軸本身敕命一軸

廳貢生余梯雲任蒲江縣教諭父映淮承

制勅封修職郎母張氏封孺人敕命一軸

廳拔貢生馬湘任永甯縣教諭 賞加六品銜父忠良承

制勅封儒林郎母彭氏封安人敕命一軸

以上原纂

廳拔貢生馬構以知縣指分雲南加同知銜在陸涼州署任內報

捐封典父忠良承

制晉封奉政大夫母彭氏晉封宜人誥命一軸本身誥命一軸

新增

### 武職

廳人會川營千總高從義之父玉承

制誥封武略都騎尉母郭氏封安人誥命一軸本身誥命一軸  
廳人甯越營把總宋自祥之父占魁承

制敕封武信騎尉母王氏封孺人敕命一軸本身敕命一軸

廳雲尉騎高凱保游擊銜 賞戴花翎父守謙承

制誥封武翼都尉母 氏封恭人誥命一軸本身誥命一軸

廳恩騎尉高德昌歷署參游祖守謙父凱舊廕雲騎尉花翎游擊  
銜承

制誥封武義都尉祖母 氏母 鄧薛 氏均封淑人誥命二軸本身誥

命一軸

廳丁未科武榜眼姜國仲任大名鎮總兵祖 父秉禮承



制誥封武顯將軍祖母 氏母 氏均封夫人誥命二軸本身誥

封一軸以上原纂

世職

周應榮以祖元儒從征緬甸陣亡襲恩騎尉世職

陳占明以祖倫從征金川陣亡襲恩騎尉世職

嚴三奇以父能從征教匪病故廕七品監生

陳占魁以父應富從征教匪病故廕八品監生

楊連魁以父國正從征教匪病故廕七品監生

千總高從義從征教匪積勞身故廕其子守謙八品監生

高守謙從征教匪黑夜追賊墜巖身死廕其子凱雲騎尉

凱身故廕其子德昌恩騎尉

把總張東來從征教匪陣亡廕其子銳雲騎尉

張銳夷務案內陣亡廕其子宗枝雲騎尉

外委薛啟榮夷務積勞身故廕其子應祥八品監生

外委龍玉貴夷務積勞身故廕其子鳳春八品監生

龍鳳春夷務案內陣亡廕其子世忠雲騎尉

邑梅營守備舒方申髮匪案內陣亡廕其子玉璽雲騎尉

把總周 髮匪案內陣亡廕其姪如春雲騎尉

文生李本貞髮匪案內陣亡廕其弟本清雲騎尉

文生朱邦彩髮匪案內陣亡廕其族 雲騎尉

周如春身故癡其子鳳翔雲騎尉

以上原纂

越嶲廳全志卷九之一

聖蹟志

張亞

字霧夫即

文昌帝君晉時生治西南二十里之金馬山魚洞站少生岐嶷長孝友授徒名山縣距家六百餘里乘一驢一名特朝往暮歸

舊按

文昌化書越嶲為第七十一丁未化曰越裳之西越嶲之南有金馬山勝景清絕張老夫婦予累生之父母也於是生焉時晉武帝太康八年二月初三日刻飛霞洞記曰吾舊生越嶲間

帝君之靈秩司九天蒸嘗萬古見丹桂集化書諸本著矣今觀其地左上半里許一巨石

俗云上馬石

石上履迹蹠痕宛然上鑄

文昌勝跡四字又有泉湧月明數大字相傳為神親書志通旁細字

甚夥模糊不辨為明萬曆時都指揮等官所鑄名為象石謂

帝君嘗憇於此留題金闕化身四大字到來此處守明月數字志通

右一泉自山縫中十數處浸溢而出為河清可見底潔可數魚號

為龍泉泉上一山有婆娑古樹年年花狀如桃花春紅秋碧掩映

清流出石巖畔宛有畫意巖端一碑上書勝景清絕四字其泉冬

煖夏涼恍然有氣天陰久將晴則軒然有聲而澗洄曲折自在流

行雖夏秋漲發無濁浪橫波至丁山橋雙虹落彩折而東有迴顧

之意如見聖人中和在抱從容不迫氣度其主山則蔚然深秀蘊

藉蔥蘢聳翠欲滴上枕白巖諸峰起伏而下氣脈繚長直落平川

無劍拔弩張之勢又聖人溫厚和平仁壽之境後三數里即紫府  
飛霞洞洞爲宋時荀洙所闢爲行化之所洞口祥雲瑞日和靄纒  
紛真似有聖人在中叩之必應者左下二三里左右各一峰摩空  
而起宛如龍寶相爲侍衛右名大營盤山又名團山左名小營盤  
山南北則大孤小孤二山羅列左右對面則東山層疊如插翠屏  
無相反背一爲俯視村落千家皆資山水之秀多發人文且別分  
一泉灌田數百頃則又聖人餘澤長留千古蓋山川鍾毓之盛誕  
生

聖人固有不同後人建祠山腰前祀

聖像後祀

宗聖 明萬曆時觀察范守已重建並坊 國初顏圮康熙二十四年衛守備毛凱

捐廉重建乾隆四年通判楊日試整理古蹟重培

聖像固以垣墉培以竹木而松竹爭輝藤蘿掩映有超然物外之  
觀下視流泉紆洄平靜又可清心澄日真

聖人桑梓也嘉慶元年通判汪金笏勘仗山田一以焚獻一以資  
書院經費因設金馬書院同治二年兩廊火於賊而前後火著自  
滅亦

聖人靈爽不滅三年同知周岐源倡建六年同知梅震煦籌捐銀  
五十兩長勝軍楊祥明捐銀一百兩城鄉紳糧亦各捐資重建完

好如故 以上原纂

第七十一丁未化

予以寶杖自隨無適不可因念前身西海之隅復徑從焉越裳之西越嶠之南兩越之間有金馬山勝景清絕張老夫婦予累生之父母也於是生焉時晉武帝太康八年歲值丁未二月三日夜子刻以甲子考之則其時已屬辛亥日矣 帝命以予爲丁未陽官本命元辰焉

附詩 越裳西畔金山邑越嶠南邊近海涯醉眼醒看新日月  
閑心忙愛舊煙霞元辰司命專丁未趙國中興顯故家火德佐  
王千萬祀始從今日拜真嘉

以上原纂在藝文志今移入

附紫府飛霞洞記吾舊生越嶠間按越嶠爲郡居天下之西南角得坤之用在漢時戶僅十四萬



其俗多營窟版屋而息如上古穴居野處之世其地則多土壙巖穴接黎之邛笮都雅之靈關道自唐大斥土宇包夷荒而郡縣之民不堪命越鷓遂與中華壤斷土隔真人幸啟偃兵息民執斧而割棄大渡之外越鷓遂淪嗚呼吾將安歸當以黎雅爲鄉也黎之邛崃關有靈應洞乃吾之變化所惟古蒙舊屬滇嘉之青衣其俗醇厚簡古如周民好善堯民可封其地襟帶巖巒如太華之磅礴岷峨之嶙峋吾當愛而居焉近奉

帝命往來全蜀至則寓之以行化憾榛莽掩翳如小有清虛之所吾必久留邑下苟洙父子念此甚久吾知而直命之乃忻然於吾殿後斬荆棘去茅菅爲一洞天費僅二十萬錢屋穴皆備吾揭爲紫府飛霞蓋本班固賦四都據坤靈之正位做太紫之圓方與王勃記滕王閣彩徹雲衢霞鷲齊飛之義上以示吾不忘故鄉之意下以期有志於攀鱗者休哉蒙山之下亦有變化之所矣後之人有能自勵而期爲汗漫游者乎然東山舊祠與自紹興丙辰逮今年丁卯始克有洞穴而洞穴不成於他人而成於苟洙父子亦有數也一日苟洙欲紀年月曰此事非神其誰宜爲吾亦爲忻然親書於石開禧三年六月十八日

嘗聞言以足志文以足言高作也不荒於放意不惑於取妍妙染也子觀神君親筆所紀紫府飛

霞洞記落筆精妙王羲之十七帖飄逸近之而端勁不及命辭簡達李令伯陳情表深滄近之而雄蔚不及君晉時人詞翰皆晉時風度外雖丹青可掬內實體骨不凡是以天筆所臨萬象不能逃其形嗚呼豈塵凡可得而擬議者耶弘治十年二月二十六日提督四川學校按察司副使濟南王敕謹跋

案日本志所載古蹟如文昌勝迹金馬魚洞各條已詳哉言之矣聖蹟此卷似多贅詞然顧炎武氏天下郡國利病書引志云南十五里金馬山文昌帝君降生地有祠焉即化書所稱誕於越瀾之間矣則先民有言流傳自昔固亦考古者所樂道焉查文昌一祀天神地祇人鬼世之儒者多不能指其實

國朝嘉慶六年既由禮官議奏定爲中祀載在

會典天下通行於越巖一隅何有惟其爲帝君生長之地不可略耳願謂帝君生於越巖則可謂金馬山有紫府飛霞洞則不可謂金馬山上有洞亦以紫府飛霞名之則可謂金馬山之洞成於荀洙父子則尤不可蓋紫府飛霞洞實在雅州府名山縣內荀洙父子即其縣人其記云吾舊生越巖間則洞不在越巖彰彰明矣原纂以化書所述與紫府飛霞洞記冠於藝文志首茲則移入此卷末俾知此記固非作於越巖也四川名勝文全錄此文題其撰人名氏曰鄞郡潘之恆意者潘之恆代帝君作歟此非蒙之所敢知已考記作於宋開禧三年視藝祖以玉斧畫河已二百五十餘載邛部州之域久已

視同化外使帝君不徒名山則君子居之何陋之有越瀾文  
風未必不趾美齊魯何至貽僻陋在夷誚哉惟金馬山之勝  
誠有如本志所述者下有龍泉尤爲清絕惜自道光中葉以  
來夷患不靖六十餘載河上坪左右搶刦時聞勝景清絕之  
鄉不能爲士子誦絃之地帝君有靈亦必戀戀名山不復顧  
念桑梓以人情度之或當然也若夫金馬山旣爲帝君聖蹟  
則梓潼宮之內添塑各像近於喧賓奪主理宜概行摧毀投  
之前河則帝君之靈庶其稍妥焉明理君子當不河漢予言



越嶲廳全志卷九之二

人物志

原纂人物首列苟洙今刪去附詳聖蹟志此志則以卷末長貴移置卷端

漢

長貴王莽時郡守枚根調邛人長貴為軍候更始二年長貴率種人攻殺枚根自立為邛谷王為太守降公孫述述敗光武封長貴為邛谷王建武十四年長貴遣使上三年計天子即授越嶲太守印綬十九年武威將軍劉尚擊益州夷路由越嶲長貴疑尚定南方威法必行已不得自放縱聚兵起營壘招呼諸君長多釀毒酒欲先勞軍因襲擊尚尚覺之分兵先據邛都遂掩長貴誅之

原案漢書

王莽傳光武紀公孫述傳俱作任貴此敘事較詳邛都夷傳志又作任貴邛部人為越嶲郡太守入名宦誤

明

王邦政衛人明經任山西大同府知府政清刑簡廉潔公平躬親愛民寬和接下善政多端所屬之邑士民愛頌如親父母師長臨

去之日數百里垂涕送行各處俱立遺愛碑祀鄉賢祠

○案府志知府作通判

聊珠衛明經任江西瑞昌縣訓導縣當宸濠之衝宸濠之叛適知縣某入覲一時倉卒珠誓衆涕泣櫻城固守多方保障間率民兵乘隙與宸濠戰宸濠遂畏而去其保全城邑邑民共賴祀鄉賢祠宋伯鳳號見梧萬曆中知臨武縣性介潔不苟取以私干者輒拒之邑之禾倉堡舊爲戍守而盜益滋伯鳳察其情立保甲之法嚴斥埃革徒夫盜由是戢

湖南通志

唐世賢衛恩貢生出宰山西遼州榆社縣地當邊陲世賢下車悉心民瘼教化有術初聞絃誦之聲禦侮多方不起戎馬之卹在任數年境內安靖士民愛之爲立去思碑

吳朝元衛明經官陝西鳳翔府照磨太守委攝虹縣服官廉潔持躬簡敬在職勤勞屢著善政復撫字愛民其民畏而慕之感而化之如親父母數十年稱頌不衰歸里引掖後進喜施予周困乏衛中典型以吳推首祀鄉賢祠

吳國寶衛明經任常德府教授性至孝聞親疴顛以身代奔歸親歿常涕泣痛不欲生喪葬已廬墓三載不履塵市有虎感其孝與同守墓國寶亦不畏懼相與安之誓不仕進今治西北十里許松



山山形迴互松枝掩映中有平石大五尺許即孝子廬墓處其下  
爲孝子墓上爲孝子父母墓碑蹟可考記詩贊之者甚多

明國鑄吳子聘所行孝記吳子國寶號聘所蔭曾祖博士道夫公祖郡倅石舉公世德素稱碩儒  
母慈懿王氏鞠育撫訓期以聖賢道諭吳子克負乃敬不忘親信不欺交守不利疚情不溥愛自  
稱謝世時尙弱冠後遺母孀定溫省歡菽水進退委曲怡爾盡孝也迨母罹疾篤調攝湯藥左  
右周旋感爾盡瘁也母難醫救號泣若歸苟不能裨於生而尙裨於沒雖做大覺寶塔血盆則終  
行齋戒矣母卜窆窆面墨如殉旣不停家而奚棲於野即效古道誅茅廬墓則哀籍時薦矣且誼  
諦金蘭產推昆玉化型內助慈徧恤生清譽上達荷太府鄭公次衛侯次士大夫旌琳頻下噫嘻  
榮矣哉夫孝乃百行之原至於忠君勤民皆孝之大實仁人之可推也想隋蘇威行孝骨立上曰  
公德行高人須爲國惜身竟君臣一德遐爾稱治錫封邳國公焉茲吳子仁以行孝孝以移思安  
知不循邳國公之寵轍而同風於古今哉予不佞先喜士大夫之味孝而敬爲之記將以興起世  
教於不盡云萬曆丙申年三月清明前朔吉原任固原同知越嚮人顯文峨項昇拜書於廬墓之

側

陶鳳亭題孝子吳國寶廬墓詩暮雲深鎖日沈沈吳生廬墓暮冬清月到天心思笑語風來水面慘哀聲自景椿萱安窳窳料應昆季古魁名那時移孝為忠實一寸丹心百世賡

顧文峩題吳孝子廬墓詩逶迤風木亟吟呻馬鬣墳前倒甃巾魂入九泉依玉樹腸迴百折見藤輪斷機溼處寒流淚負米思時舊問津莫道古來成曠迹從來行孝總仁人

宋見宇詩臘雪飄揚正凍堅藏骸廬墓孝純全裂膚負土成茲塚泣血衝寒悼父天白雉相依飛欲上玉猿傍塚去還眠誠哉孝道人難及好共先賢載簡編

劉養君詩築室墳臺景色荒白雲椿樹兩茫茫懷恩有意隨泉壤抱恨終天裂寸腸特見野猿添墓土頻來山鳥集高岡孝思一念驚神鬼自有清名達帝鄉 以上俱從藝文志移入

項昇衛明經官甘肅固原州州同志方才敏制院委訊盜案盜素廣交當路豪家力求脫其罪餽之千金求改案昇力辭不受按法究辦衆服其清又善草書人珍重之祀鄉賢祠

恭府志

徐海衛人以指揮任右都督因忠諫謫建昌行都司

張世泰庠生家富樂善好施歲荒散其所有全活甚衆或謂流氓賊之變鄉人盡逃世泰獨負至聖牌位去後竟無恙世泰之力也入

祀鄉賢祠

林義衛人家貧性極友愛兄林仁爲夷人所掠義痛之乃鬻妻挾貲入夷巢贖兄歿於途負骸骨歸殮鋤地得銀三十兩適妻守節不污因復贖妻偕老人豔稱之

府志

國朝

戴維城廳大樹堡人道光庚子舉人天才聰穎智慧兼人卓犖不羈幼有神童之目每得一題千言立就三赴禮闈全無資斧隨作

詩文沿途送詣致名公碩學爭相餽贐敬禮不忘亦奇士也聞遺稿猶有存者惜未梓行鄉人咸以爲憾云

田洪 恩貢生官閬中縣訓導才藻宏富時作都江堰祭江文衆

推洪洪援筆成文不假思索語意超拔衆驚異之以爲何地無才

自此尤翁服今子孫猶在閬

以上原纂

李鳳翔字集廷廳人父錦宜工岐黃術遷自江西新淦鳳翔言行謹厚非公不至爲文清剛拔俗力祛浮靡爲後進所矜式遊其門者多所成就道光二十三年舉於鄉二十七年錦宜省墓江西回旋卒鳳翔廬於墓半載猥夷亂乃止咸豐三年大挑二等病歿於京邸閱六載有義僕蔣亨奉柩歸後選壁山縣訓導鳳翔歿已久

矣子本貞號配三廳附生同治二年粵匪賴裕新竄入境本貞禦  
鐔鏘密陣亡事 聞廕一弟爲雲騎尉義僕蔣亨自有傳

增新

游月恆廳人副貢事母最孝所行必稟所言必遵甚慰母心鄉里  
推服經歷某仰其品餽以資斧遂中副車素不干公同知王某虛  
心咨訪叩以考試弊端乃歷舉以對王某仿行積弊遂除寒士賴  
之善詩聯不假修琢盡成秀句樂於成就後進

郭如玉廳 恩貢生品學兼脩文章優著所作文辭獨有靈氣往  
來前未出貢時廳主同知汪某敬重之延爲院長成就後學出其  
門者皆得秀氣書院一碑是其所作亦吉光片羽也

唐釗廳 恩貢生天才穎異充以學識所作詩古衝口而出自成

秀旬設帳於家成就後學尤多每屆院試廳生半出其門後選太平縣訓導

馮毓麟廳歲貢生襁褓失恃父娶繼母後相繼亡毓麟事祖母繼母極孝每事先意承志每食必得歡顏喪葬獨任不累昆季兼善屬文如布帛菽粟耐人尋味成就後學滋多後選南江訓導

李朝時廳拔貢生學業名望兼優 朝考後設學於家從其門者雋發頗多兼有列賢書者尤善書法匾宇馳名省會厯署劍州石碛學官到處推重求書者衆粵逆毀後鄉僻尙有存者

李茂仁廳拔貢生博覽羣書洽聞強記凡經史子集無不周知爲文盡有根柢設教於家善誘多方出其門者俱爲佳士

唐有志廳廩生品誼優長學宗家傳善於訓迪文武各官咸仰其  
才樂與交好同知某公延爲院長人咸敬服一時俊乂多出其門  
饒益歲貢生廳大樹堡人篤厚謙謹言行不苟素爲里黨推崇後  
任慶符縣訓導以上原纂季子學海相繼授徒於家一時文人多出其

門

楊應剛廳武生官馬邊營游擊同治二年署本營叅將時粵匪石  
達開盤據紫大地應剛率兵勇僅計三百前往屢書招降石逆頗  
信之欲詣其營決誓應剛不避炮石不畏艱險躬詣敵營與石逆  
誓逆衆欲犯應剛叱之毛髮豎立後石逆勢感投降應剛遂握石  
逆手同過洗馬姑涼橋卒平石逆應剛之力也總督駱秉章入奏

賞花翎副將銜今其族盡遷冕甯縣越境無存者

以上原纂

余梯雲字景萊廳城人咸豐九年恩貢越甯營叅將長瑞延課其四子凡七年今已故大學士文忠公榮祿其一也同治元年粵匪由滇入川大憲檄朱桂秋統帶蕭軍十七營前往西昌會理等處堵禦石逆已由冕甯竄入紫大地蕭軍撤旋回越甯越甯人以前次過境騷擾閉城不納朱營哨弁劉鶴林欲縋城索糧守城兵宋玉柱登陴抵拒鶴林回激衆怒桂秋遽傳令欲屠城梯雲聞變入署面稟同知周岐源邀集衆紳親至城北報恩寺朱營城中聞礮警衆紳家屬危朱統帶之欲害之也競至梯雲家譁噪幸梯雲與朱幕夏再綸有舊力爲陳說認饋糧米明日蕭軍始去越是役



也梯雲保全越城功甚大九年贊周達武剿普雄有功保國子監  
學正銜光緒十一年授蒲江縣學教諭著有

聖諭佐證四

卷梓行于世其妻劉氏幼育梯雲家嘗割股療姑病後以壽終

增新

馬忠良字襄鄰廳南中所填人五歲喪父母陳氏苦節自守歲饑  
陳氏採野菜和雜糧以食其課忠良讀書不少懈也忠良以諸生  
貢成均教授於里佳士多出其門創脩廳志閱十餘年稿凡數易  
今所脩即其手稿也長子湘幼子枏相繼充選貢湘由永甯縣教  
諭改大竹縣陞順慶府教授枏以知縣仕雲南現署陸涼州知州  
三子暄增生早卒

增新

高德成文童捐備秋田壹段添入本廳卷局借放生息爲文童廳

試歲科兩正場卷貲亦義舉也

傅恆修廡醫學天性友愛父母早逝遺兄弟五人撫諸弟曲盡教養躬操家政秉公無私其四弟恆信入泮食餼名冊廣文皆其力也諸弟亦恂謹自守恪遵兄教

馮廷莊武生事母極孝食必親侍母或養於姪家相距里許每日

三往定省寒暑無間

以上原纂

張應聯大樹堡人好善樂施同治二年粵逆竄擾甯遠一帶被擄難民自堡逃出者恒按路程遠近助資斧令歸共計三百餘千光緒二十四年饑自出穀救荒全活甚衆又營脩堡城北門繼善橋行旅賴之

續纂

饒繼遠廳大樹堡人學海次子長兄繼道夫婦俱早逝遺子三人繼遠孝友性成上事老母下撫幼姪人咸重之子四人應暄遊學日本應銘肄業成都高等學堂鳳翔議敘巡檢

周維綱廳恩貢生城北街人性質直好讀書年十七補博士弟子員旋食餼廩光緒元年恩貢家居課徒爲業門下甚盛素不入公門人以爲有滅明之風云長子勳年十六入泮早卒次繼志繼增三十年同入泮去維綱歿十餘年其義方可見已

李大同字節和廳南山嘴人先世明洪武中遷自江南已淪於夷父長富充邛部宣撫司頭目勤慎辦公尤慕儒術大同幼時即遣入塾大同頗敏悟亦甚嚮學聞名師輒從問業嘗肄業府城研經

書院二年弱冠補弟子員癸巳鄉闈薦卷每至省垣多購經史子集課徒里中年三十病卒李姓家世本習夷俗自大同知學慨然有改土之志凡夷俗之陋習如宰牲做白火化等事大同皆力革之惜年壽不永多有志未逮云然今山嘴夷人諳漢禮服衣冠子弟多讀書皆大同力也

以上  
新增

羅雙盛廳南中所填人性倜儻任俠好施嘗充場中客長爲人排難解紛凡爭鬥口角得其語無不立解以去有因微資互抵不休者即按數墊給亦皆罷爭又時以錢米周恤貧困鄉中待舉火者恆不乏人光緒庚子歲大饑先捐鉅款並協同人勸募設粥廠平糶局全活甚衆方辦賑時嘗有老幼數十人日守其門俟出皆呼

曰羅小爺饑甚雙盛即倩市餅餌者於前令徧食之食畢給錢終始無吝容鄉里稱爲羅善人

續纂

蔣亨一名德亨廳城人侍孝廉李鳳翔赴禮闈鳳翔大挑後歿於京邸亨涕泣走訃同鄉官殮殯如禮檢其篋尙有銀若干將浼四川塘務差員某寄鳳翔家中備後日迎柩費有同鄉武舉某聞之心動給言能寄銀亨以爲信遂予之某潛赴槽河差遣亨偵知之前往索款某竟賄漕吏下亨於獄且誣亨背主蝕金將重懲焉一夕亨遁去連日夜還都門訴冤且告幫於同鄉官與上公車者百計哀懇衆義之多所飲助卒扶鳳翔柩回籍安葬計始殮至歸葬六載有餘凡亨所往返約二萬餘里不辭艱險生死以之故閱數

十年鄉人猶稱其義爲不可及云脩

義夫楊道實張瑞麟均三十歲妻故終身未娶光緒十六年同

旌原纂

王得堯光緒二十六年年八十六歲詳請給冠帶

續纂

郭宗賢字希聖中所填人以寒素起家生平急公好義樂善不倦  
施棺木置義塚捨藥放生弟宗禮庶母所生同處一室雍睦無間  
光緒十六年夷匪夜入宗禮夫婦被害宗賢誓必爲弟復仇後竟  
齎志以歿尋議賠給銀一百五十兩其家堅辭不受二十六年歲  
大稜移款開設粥廠不足嗣子體仁捐百十金助賑全活無算長  
孫萬傑遊學成都

李春元字芳亭中所填人施棺捨藥敦行不怠鄉里目爲善人秉性剛直所與交有過輒面斥人咸憚之長子郭舟歲貢生

李某馬蝗溝人稟性誠篤惜字如命拾自汙泥中必洗淨焚置河中年八十餘猶健步如常平日講論以敦品行執業自強勸後輩人咸敬受之光緒二十九年卒於中所填未殯鄰有火警遷柩禹王宮偏殿逾年場上又火宮亦被燬黎明趨視柩竟無恙惟和頭微焦而已人皆以爲好善惜字之報云子三長光林候補把總

以上  
新增

案曰方志人物例出鄉評是是非非決非操觚者所能懸揣然直道之行久非三代中國本無議院廳屬紳士又不免拘

於方隅自漢迄今歷年不爲不久一廳之大敘錄僅若干人本卷如余梯雲周維綱郭宗賢李春元諸人皆與襄鄰封君同時原纂未登得之新採則前此之文獻失徵概可知已然習俗移人賢者不免即原纂寥寥數人中其中各阿所好者恐不能保其必無也明季而後爲子孫者往往奉其祖父崇祀鄉賢近世粵匪之難又多以病故者子孫冒請襲廕是非失實由來舊已後卷所錄如定越營越嚮營武安營各昭忠祠其中歿於王事者固多而私相崇奉者亦屬不少無論疆臣不皆題請部議是否允行而善善從長固亦君子之所許然人心易昧天道難誣餘慶餘殃各以類至苟或言之不實



自欺欺人予祖父以虛名貽子孫以實禍亦何益已有識之士盍謀所以不辱其先而審所從違哉

越巂廳全志卷九之三

忠義志

明

陳剛衛人任遼東叅將陣亡

國朝

周元儒永甯外委隨征緬甸戰歿 卹廕如例

陳倫衛人甯越營外委隨征金川陣歿 卹廕如例

趙祥廳人靖遠營千總隨征邪匪嘉慶八年八月二十五日邪賊

至劍口江口河失足致水淹斃

高從義廳人官千總從征教匪擊賊陣亡廕子守謙雲騎尉後亦

擊賊陣亡忠義一門共祀昭忠祠

張東來廳人官把總從征教匪擊賊陣歿廕子銳雲騎尉後於普  
雄案內從征夷匪擊賊陣亡橋梓忠義共祀昭忠祠

李本貞文生當粵逆僞宰輔賴裕新率衆犯境在罈鑽礮地方擊  
賊陣亡事 聞廕一弟雲騎尉

朱邦彩文生粵逆過境率衆在王家屯地方擊賊陣亡事 聞廕  
一子爲雲騎尉

龍玉貴廳人官外委從征夷匪馬日擯陣亡廕其子鳳春八品廕  
監後署跑馬坪把總夷匪焚汛擊賊陣亡忠義一家同祀昭忠祠  
舒方申廳武生官邑梅營守備粵匪亂楚擾及酉陽秀山界打仗

追賊奮不顧身爲賊所戕祀昭忠祠

周接受廳人官把總出師廣西擊賊陣亡祀昭忠祠

附前後出師效力陣亡入祀昭忠祠弁兵

嘉慶初年出師川楚效力戰歿

唐士茂 王芳 李明元 范啟賢 彭德福 周應岐

許世賓 倪廷 黃應芳 周文奉 王忠秀 田占先

丁友文 湯學成 趙德 劉福榮 熊文正 向和

陳全美 鄧在坤 周大用 郭如珍 徐相 陳登福

胡高 戴萬雄 陳義 李玉春 陳有 游宏印

楊登雲 王元旭 陳登連 詹志福 陳登富 朱正明

張 德	張 俊	張 九盛	蔣從林	劉 富	馬漢章	楊玉貴	楊洪德	馮世才	陳君義	游 忠
金德茂	張九盛	蔣萬忠	龔良舉	張文倫	左天慶	李登雲	葉萬才	郭萬鍾	毛萬雄	熊仲魁
車文昭	王朝林	胡德貴	王朝林	舒方申	宋從義	陳登奉	呂 容	余 奉	戴天傑	張應琦
顏秀武	任定坤	鍾得勝	任定坤	徐廷樑	張玉棟	張 福	李清友	孫萬德	毛成貴	楊學成
孔上德	杜應山	田自貴	杜應山	張玉棟	張 福	舒天明	張廷富	劉國新	何國啟	童紹新
施全良	楊玉林	高 貴	楊玉林	朱向陽	舒天明			周 能	王恩榮	

咸豐二三年出師湖南北效力戰歿

楊懷玉 廖得申 鄧元貞 艾吉士 李啟章 劉萬貴

王文喜 張應高 袁三超 張得申 王朝斌 李應玉

宋玉春 陳玉申 龔文貴 余維春 李永申 社廷相

耿世春 牟登魁 達榮陞 王宋高 邱得魁 龔慶福

周發洪 傅榮先 王萬高 周邦治 楊玉福 鄧邦賢

嚴定福 張祿 王朝福 張應科 劉富榮 何有元

王玉富 曹廷棟 王經邦 周開統 陳登榜 趙啟貴

熊應奇 陳玉恩 宋承統 王玉祥 范紀元 羅明

王元富 蘇廷高 游得喜 蘇占超 金文煜 景仲邦

周邦順 熊廷科 周榮富 耿仲祿 王永發 邵得魁

施發勝 陳金順 向明受 王啟奉 王成福 陳登高

馮懷德 羅文貴 毛啟超 張文高 郭仕貞 許萬福

吳旒貴 金恆 姚奉剛 蘇國彪 鄒元彪 帥鳳揚

龍鳳明 余有元

咸豐五年進軍跑馬坪普雄冕山會理州白泥灣效力戰歿

陳應科安徽 買有福 周德魁 朱登魁 劉雙元 蘇世得

朱正榮 陳玉軫 鄭得順 龔慶得 李得貴 郭定喜

廖奉高 張發志 蒙仲凱 郭定榜 黃得榮 郭約安

王啟奉 秦申 陳登雲 倪顯章 劉應高 劉又新

陳國忠	許志賢	耿旭貴	周得恩	王玉祥	陳應申
呂成富	楊純修	沈萬清	羅錦裳	田春榮	楊世華
張懷玉	曹廷貴	余得雲	張應祥	龔得奉	馬登雲
姜登	左芳貞	田占彪	周聯申	陳玉清	吳啟榮
熊定申	周洪春	殷順祥	楊文	劉雙元	羅應琮
張應科	朱占超	郭榮升	蔣瑞雲	徐洪新	楊顯忠
余文奉	汪浩潏	余世雲	楊朝貴	童兆龍	馮永貞
陳進寬	羅文福	童新邦	魏連高	譚公義	馬國林
羅舉睿	饒世貴			<small>楚川</small>	<small>楚川</small>

同治二年團民殉髮匪難入祀昭忠祠



通志卷之三十一 名臣二

董學偉 羅萬友 宋載道 吳文才 黃應發 田元壽

楊庚龍 陳六么 劉遵智 李登科 董學誥 徐輔君

葉宗茂 戴維垣 吳文學 王文炳 汪登友 徐九如

周春光 陳登耀 楊永章 金鳳華 吳福生 吳有生

金克貴 楊啟貴 朱三娃 李四娃 楊三娃 李登先

吳來受 金三蠻 王老么 彭石匠 蕭洪福 朱其榮

朱朝用 耿啟福 李喜喜 鄧光前 陳得勝 朱文舉

門啟國 羅洪禮 劉送箴 鄧龍才 倪芝和 楊懷茂

楊占魁 楊發魁 楊樹新 楊樹茂 范中元 鄭玉品

龔映江 龔映湖 王剛 蔣萬勝 白萬志 宋玉清

宋玉高	鄭喜	吳啟榮	楊永秀	蔣世才	韓存德
黃德新	藍萬福	朱廷安	朱盛	金榮選	徐汝貴
陳閏壽	陳登喜	吳應奇	吳應揚	陳易維	陳滿滿
金二蠻	吳啟榮	金喜喜	鍾錡	吳應魁	蔣德成
金鳳魁	唐海	金克成	王廷方	譚正才	施金剛
張善品	楊富貴	黃國賢	饒洪發	葛喜喜	葛光耀
任有壽	任占祥	陳占魁	金榮陞	蔣德敏	蔣德立
蔣年古	唐任美	唐任先	唐黑蠻	丁長命	丁東生
丁志士	陳登富	陳維明	陳易揚	金丕榮	金國昭
金玉春	金玉壽	李子盛	李朝選	李得明	朱自詳

朱邦魁 朱占元 胡彥昭徽安 黃明先 以上原纂

定越營慰忠祠崇祀統領幫帶弁勇姓名

統領同知周岐源支山 統領同知梅震煦筱山 統領同知李

德迪簡侯 統領同知蹇誥子振 統領同知傅廉湘泉 越嶠

營叅將蔣宗漢 本營幫帶劉永祿壽山 李錫成觀堂 本營

哨官汪朝相邁侯 李定國靖廷 王廷棟蓋臣 以上官弁

鄭育庚 李選三 劉雙和 王欽臣 何占魁 余崇新

高步雲 王存寬 錢進朝 鄧明阜 彭澤潤 蔣朝舉

季得勝 余清銓 呂禮義 彭占春 魯仕蘭 胡得佑

黃詩烜 湯慶雲 陳占魁 蘇占彪 閻正剛 唐鳳鳴

梁世勳	龍鳳春	李文耀	彭遵	毛占雲	彭永年
彭文炳	車飾金	宋萬順	李占洪	陸洪順	袁占雄
張福成	鄭定邦	何占魁	朱光彩	陳占彪	吳兆洪
汪玉順	陳占魁	姚得高	楊仕鳳	何定魁	駱有洪
呂是明	樊耀廷	蔣富貴	張應魁	柯向富	楊得勝
楊洪得	余廷魁	徐約洪	羅明遠	陳登俊	宋萬順
李廷吉	郭長命	彭清元	萬洪元	張應魁	李芝生
羅洪順	馮占彪	王洪順	張洪春	張成福	鄧旭廷
張玉彩	李占彪	李和尙	趙世龍	楊國順	王老二
袁先明	杜連升	陳登相	鄧啓得	張時齋	蘇玉棟

高友元	李逢春	趙成福	耿啓高	耿應春	毛正青
曹二苟	舒世龍	劉星耀	喻聯陞	鄧仲祥	馮占榜
馮得勝	廖洪升	陳登仕	雷必超	周洪順	王三春
鄧得高	張五么	田喜成	倪得勝	韋元香	周富恆
游道士	杜洪	周萬品	劉得魁	徐有福	陳福忠
馮占春	孫玉美	彭占魁	艾發支	許文魁	李登高
彭有福	蔣玉春	蔣啓超	倪有福	孫耀州	李洪發
李洪升	李占雄	楊啓勝	劉以興	舒得勝	姜得勝
盧得勝	陳占高	鄧光輝	姜啓高	宋玉元	劉俸山
王如林	王連升	黃文元	楊國勝	賈元貞	余占彪

劉占魁	徐占春	盧應元	賴得福	蕭占勝	唐國正
李發春	郭朝臣	魏登高	廖得勝	張天喜	莫洪升
陸先卯	孔得勝	劉占敖	朱殿元	翁寶廷	曹洪順
李復元	曾朝舉	馮懷高	胡得勝	王元品	山得春
吳老三	張光裕	宋占魁	范占魁	李廷福	喻正邦
王占高	李元春	王大川	張玉良	丁春福	辛友方
耿開勝	譚應超	丁仕龍	江占魁	劉升高	楊玉彪
耿耀安	劉得勝	鍾旭成	游朗如	景廷超	黃進喜
李俸春	余廷祥	蒙古高	余雲龍	劉仕先	賴洪春
任貴	彭文友	駱有洪	彭發明	盧選海	余應海

蒙尙彪	徐洪清	彭文清	景起雲	李耀廷	吳幹廷
范成清	劉照雄	僧綱師	劉少坤	辛國仲	老劉
胡定邦	趙一成	包鳳鳴	蕭得餘	李文欽	彭有俸
張廷顯	蔣長青	雒銓	李光顯	葉洪先	丁占雲
甘國棟	吳三春	黃復勝	李應魁	胡發高	李向揚
劉洪貴	田得勝	耿國勝	車元明	李得勝	任仲和
朱廷榜	朱相之	朱國寶	鄧得成	周文炳	耿發清
文東升	陳文高	以上勇			

越舊營昭忠祠崇祀叅府同知紳士暨千把世職外委額外官兵  
叅將張必祿 叅將張協忠 同知葉樹東 叅將塔方阿 叅

將徐聯魁 同知周岐源 叅將蔣宗漢 叅將王廷相 蒲江  
縣教諭余梯雲 邑梅營守備舒方申 文生李本貞 把總周  
接受 以上官紳

譚公義	鄒元彪	余廷樑	張銳	張東來	唐自鎬
龍鳳春	童興發	周如春	舒玉璽	李連級	龍世忠
張宗枝	馬喜麟	馬國甯	蘇紹申	龍玉貴	高得昌
左恆建	賈有福	張世源	羅舉睿	楊頂相	張世龍
倪顯章	耿三元	余福謙	吳必升	朱懷昌	胡榮升
羅文福	吳必仲	余廷璧	楊懷玉	廖得升	鄧元貞
艾吉士	李啓章	劉萬貴	王文熹	張應高	袁三超



張懷甲 王朝富 李應士 宋玉甲 陳玉升 龔文貴

余維春 李永升 杜廷相 耿世春 牟登魁 達榮升

王宋高 邱得魁 龔慶福 周發洪 傅榮先 王大高

周邦治 楊玉福 鄧邦賢 嚴定福 張祿 王朝貞

劉富榮 張應魁 陳玉超 張玉升 郭定仲 王定超

童興明 李國恩 李獻文 李正福 周開順 趙騰芳

邵成龍 陳文彩 向天才 黃自沛 饒世貴 魏連高

焦順 馬占魁 蘇世才 耿耀宗 姚占元 楊鳳高

侯熊山 嚴本順 傅天貴 葉步雲 張國恩 耿占魁

李洪順 周占大 常永順 劉占高 張得勝 楊正清

張萬高	胡有祿	周占升	陳玉貞	李得元	劉萬喜
杜廷才	龍成富	劉占春	羅宗義	王大勝	楊國興
趙洪玉	張應彪	杜旭勝	鄭廷超	蘇世得	楊國仲
朱正榮	丁文才	陳定國	趙正魁	汪浩隣	蘇世高
王朝升	魏成春	葛啟雲	楊學智	宋朝榮	李得福
土俸高	胡慶松	周正興	左芳春	向天福	劉金甲
劉俸高	鄧仕珍	權榮富	孔吉玉	李芳春	譚天玉
馬登雲	張應祥	曹廷貴	楊世華	羅錦裳	沈萬清
楊純修	陳應甲	周得恩	馮永楨	童兆龍	楊朝貴
周得魁	陳進寬	吳啓榮	陳玉清	楊文	周聯甲

田占彪	孫奇貴	田國友	車玉甫	郭如恆	吳世明
舒應雄	車玉	朱貴	王忠秀	周文俸	黃應芳
倪廷	宋天佑	田國富	王子帆	郭萬祥	楊登富
王仕明	郭如俊	唐得明	周占魁	曹芹	魏連得
范秀	陳玉文	金不新	孫萬全	謝啓雲	任士才
萬貴	劉祿福	楊懷富	沈國連	陳國玉	陳珍林
任文元	王朝斌	王有發	耿耀光	吳必畏	宋玉高
蔣有喜	金文高	蘇占超	景仲邦	張得升	邵得魁
劉春洪	孫文	耿仲祿	施發勝	康炳南	甘世華
周邦順	王元富	王定忠	蘇國彪	陳樂甲	楊世得

姜登榮	張志通	徐定國	曹廷棟	金恆	王玉高	范紀元	包洪清	黃得榮	王玉祥
余得榮	李珍華	陳金順	龍春明	趙啓貴	何有元	郭嗣珍	劉得勝	蒙仲凱	王啓發
朱占超	黃國清	宋承統	龍青雲	馮懷得	許萬福	陳玉恩	王明高	蘇廷高	張懷玉
王陳福	李佐新	陳登高	杜廷芳	余有元	張文高	熊映奇	田喜禾	蘇元升	呂成田
吳啓貴	耿旭貴	羅明	張富華	毛啓超	周開純	陳登榜	劉得榮	蘇占才	田應彪
田春榮	龍得俸	劉世超	張華	姚鳳剛	羅文貴	吳欲貴	熊廷科	王經邦	陳國忠

陳登連	李義春	陳登福	陳應魁	余文奉	馬勝龍	龔慶得	徐洪興	秦申	杜廷彪
王元旭	胡高	顏秀武	舒玉美	藍國珍	張世龍	許志賢	郭玉祥	朱登魁	王成貴
張得	徐相	車雲昭	胡彥昭	吳必英	劉俸高	許旭祥	楊顯忠	郭榮升	郭定榜
朱得明	郭如珍	汪永申	陳有	張得珍	文成傑	郭定喜	熊定申	鄭得順	郭金安
陳登富	周大用	王仲元	陳玉	唐自遠	蔣瑞雲	張發志	劉雙元	陳登雲	周洪春
詹志福	金得玉	游洪印	戴萬雄	杜廷拔	余世榮	杜恩仲	殷順祥	童登邦	劉文興

楊登雲	龔良舉	蔣從林	張升	唐自惠	杜天成
蔣萬中	張九盛	張俊	施全良	孔上得	高貴
田自貴	鍾得勝	田得貴	張文能	劉文富	杜應山
任定坤	王朝林	趙得	劉福榮	蕭文元	熊文正
向如	陳金美	鄧在坤	張玉棟	徐廷樑	左天慶
馬漢章	許世彬	周應岐	彭得福	范啓賢	李明元
王芳	唐仕茂	田光先	丁有文	湯旭武	余受潤
彭仕潤	余澤寬	汪浩邦	趙啓榮	黃連升	陳得順
周占榮	劉伯仲	以上兵			

武安營陣亡勞績病故官弁勇丁忠魂之名列後

清... 卷之二

李錫成 蕭紹榮 李忠恕 劉永祿 楊國龍 馬俊英

甘松廷 袁曙臣 史松岩 汪幹臣 毛覲庭 李福春

冉玉春 潘鼎新 蔣懷富 以上官弁

劉清泉 蒙紹海 王紹明 楊云福 李紹庭 張紹榮

蒙紹仁 余益勝 龔得勝 周曉堂 陳在明 彭有章

李樹蕃 龔濟升 饒玉龍 朱殿高 黃永興 汪春林

楊洪順 張名揚 馬吉斯 張洪興 易清林 朱桂昌

鍾明 老周 賀登高 李立和 王茂春 羅得勝

汪友升 葉金山 王得友 何聯芳 林福春 譚明德

吳得明 張得勝 殷在渭 馮茂森 鄧金山 徐鶴亭

吳洪揚	龔接盛	秦光耀	熊宗美	龍濟雲	譚有明
李玉清	洪定國	汪全福	李元發	譚佐田	劉曉雲
汪福廷	高和品	趙得昇	李裕和	顏新梧	彭定安
胡安邦	陳萬盛	楊鳳蓮	陳在田	王殿臣	鄭星照
龍玉成	黎福田	戴定邦	方于斯	李升山	袁有明
袁賜福	馮茂林	高光第	黃海門	董鳳鳴	李桂林
楊福雲	周藍田	戴祥斌	劉炳忠	劉明海	蔣偉才
周如忻	王定山	楊登雲	汪星階	唐松亭	廖友勝
殷太和	戴有才	李瑞瀾	蔣有元	李恩波	蔣占魁
李勳和	羅正元	張全忠	蔡得勝	蘇朝用	余越臣



古今圖書集成  
事類彙編  
卷之三十三  
名方  
三

楊楚雲 以上勇

以上  
新增

越嶺廳全志卷九之四

列女志

明

黃貞女衛人幼字同衛某未歸而夫死貞女聞訃卽誓志不字以

處女終事聞旌表

府志

王氏廳人匡舉女未于歸壻家近在比鄰姑病危女暗持刀自剖其腹取肝一葉烹敬姑候姑食畢坐磨盤而斃鄰近報官卽以香泥糊塑其身送入城西北隅寺中號貞孝禪林 國朝道光九年

旌光緒十六年同知傅廉建節孝祠移身正殿猶見骷髏宛然肉身孝鞋在磨盤中取出

詩載藝文志○案藝文志無此詩○又案府志王姑越嶺人及笄未字父廷舉母周氏早亡後母楊病姑割股療之及卒

守貞終身人愛其孝爭聘之氏遂為尼今之姑姑寺為其所棲止處建於萬歷丁酉年三月云云與廳志互異錄以備考

周氏唐氏周為衛指揮女王自敏妻唐為衛庠生湯諳妻姻婭也流賊攻城甚急周唐知不免相謂曰我等死耳遂合室自焚又庠生張光裕聘室王氏吳獻才聘室俞氏唐純智聘室宋氏吳鶴臯聘室唐氏庠生張瑾聘室唐氏同時赴火死以上俱通志府志同陶氏指揮程雲妻雲早逝青年苦節事聞旌表

國朝

王氏廳人指揮自敏女彭縣趙弼妻流賊攻越嶺城陷氏年十九

自縊死原纂

彭縣費密王氏小傳王氏越嶺衛指揮司王自明女也母曰周氏適成都府彭縣士人趙弼弼父

司鉉舉鄉試尙未拜官流賊遂陷成都弼才十餘歲未有家室後弼父爲越鷲指揮與自明共城治事越鷲本西南夷地四面皆番獠自明能用其衆番獠頗畏之賊亂四川三載而誅其餘賊遁入雲南又一年來陷建昌越鷲恐懼自明有女年十七未嫁自明之客杜生者與弼父故舊請女妻弼王氏遂爲弼妻焉女母周氏卽自明貧賤時之妾適妻亡無子周氏生兩男一女與自明同甘苦十餘歲自明乃得嗣其世廕周氏多智畧嘗佐自明謀事自明愛之遂以爲妻越鷲旣近獠獠人喜掠其耆帥有愛子來掠越鷲城下官兵殺之獠妻激獠爲子報仇殘越鷲甚久自明遣人往撫獠不肯從獠妻曰自吾兒死吾殺越鷲人亦多今鹽布皆不來受和好乃便獠遂與妻來見自明誓不內犯獠妻婦人也入謁周氏獠妻臨去娶周氏出視周氏曰當視汝吾前日欲往村中收蓄有事未得行汝屯與吾村中相近今必來矣明日周氏從數婢至村中召獠妻來迎執其手曰汝屯處無屋吾久待汝於此因與共觀刈蓄經理田事久始飲食獠妻多與之酒命侍婢左右勸酬歡呼至暮盡醉乃罷又益加食物令獠妻持去越鷲以此得無事者數年後成都亂自明率衛軍從曹勳於大渡河所拒賊賊遁復治越鷲自明與勳有隙周氏力解勳兵饑越鷲饋糧往救者皆周氏之力弼婚之次年自明同勳裨將攻建昌數月不下自明病且死時番獠乘內變多爲

盜路阻不通周氏召其嘗所惠之番獠往迎自明自明歸而卒人樂周氏賢故子乘龍復總其眾  
次年楊展遣部將馬朝宣援建昌朝宣至越鶴部下見獠騎好馬殺而奪之獠眾來戰匿東山下  
先以羸弱誘朝宣輕之直渡與戰周氏登樓見朝宣兵渡歎曰為獠所詐矣果敗還朝宣暴亂乘  
龍所將悍卒欲攻朝宣周氏不許朝宣知以木旌其門周氏遣人謝曰吾輩何嘗有異志不受其  
榜次年曹勳攻建昌兵敗賊追至越鶴周氏聞賊兵且至以次子屬人奔大渡河所積草樓下與  
孀妻自縊孀妻娠未娩遂死時年十九周氏繩絕墮地刎又不死自焚於樓下後得遺骨瓦礫中  
合葬之人謂之雙冢云

羅五壽廳中所填含學之女許字龍繼宗尙未婚嫁其婿身故女

披麻一縵投縵而死乾隆四十九年通判張純賢旌以成仁取義

貞烈女碑道光九年

旌

○案府志年十八未嫁而繼宗死女聞遂自縊署越鶴通判  
某以貞烈可風表其門與此小異

通判張純賢烈女羅五壽記烈女五壽許字龍門年甫十五大義早悉於胸中質方弱齡賢孝已  
彰於閭里無如未及跨鳳之期忽來破鏡之慘慷慨捐軀勉植綱常於塵世激烈就義克完白璧

於泉臺乃竟潛德弗彰幽光未闡賢守土是邦諒訪得實爰勒瑣珉用昭節烈之光復旌門閭以樹風聲之化誌曰成仁取義貞烈女羅五壽碑記俾其族人生員羅永昌豎立於其鄉之道左乾隆四十九年

邱氏廳大樹堡人許字潘門受聘未字其婿遠出年久不歸女矢志自守皓首不嫁學使潘光藻旌以匾曰守貞完孝後年六十餘卒待旌

王氏武生宋占魁妻廳城北街人年二十五歲夫故矢志守節艱難歷盡誨子致祥官把總道光九年旌

薛氏民戴珩妻廳大樹堡人年二十五歲夫故食貧守節享壽八十撫一子翊卿成立孫二德舉德先曾孫維憲恩貢生崔氏廩生戴德舉妻諸生崔鏹女年十六歸德舉舉一子維斗因多病勸夫

納妾生二子夫病刲股夫故氏年二十六撫孤成立孫名揚歲貢  
生名臣增生名潛附生曾孫二澍炳附生張氏增生戴德先妻清  
溪貢生張某女年二十八歲夫故矢志守節撫孤子維城中道光  
十九年舉人繪剪耳課子圖一時簾內諸公互相題讚時與嫂崔  
氏同室守貞稱一門雙節云

主考沈兆霖詩有子通經能奪席絳紗篝火夜九熊范滂傳在兒能讀賢母由來說蜀中

主考羅慎衍詩歐荻教書柳丸助讀節比貞松謀貽式穀隔紗受業堪繼文宣桂香今折母範成  
賢

桂明詩懿哉賢母令德堪欽松筠勸節冰雪爲心勤苦勗學勞逸垂箴子登虎榜不著徽音

馬百齡詩奇材夙具員生慧慈訓欽承柳母嚴此日暫酬期望意一家喜氣上眉尖 儒生華國  
著文章督課勞心感北堂短句不堪揚懿美新陰也喜在門牆 桂澂秋高虎氣騰壽護堂上瀾

師承縱橫錦字千絲淚慘淡貧家一盞燈 聖壽難忘慈母教賢書却羨小郎登折屐畫荻風難  
再贏得蘭階瑞靄凝

朱鳴英詩鹿鳴賦罷溯傳經難得慈闈賢未星記否寒閨親課讀辟纒當伴一燈青 慈竹而今  
笑曉風冰霜閱盡報逾豐待兒花探蓮山上可憶當年母折衷

提調建昌道張日景詩登科盛事推劉蛻教子名賢比敬姜苦盡甘回移造化喜看邊檄破天荒  
(國朝越雋登科自維城始) 我亦傷心少也孤篝燈畫景宛相符勝藍應更增顏色好補恩

情積慶圖(余嘗繪屏風十二歷紀太恭人所歷名恩勸積慶圖)

監試甯遠知府黃魯溪詩教子推慈母賢哉副所期功名何足重衾影最難欺養志斯爲孝捫心  
盍自思當年多訓迪曾否或忘之

成都府教授劉體仁詩廿四冰霜志愈堅篝燈課子憶當年天心特念熊丸苦桂籍先聲著母賢  
秋風得意又春風位盼泥金信早通他日入官思母訓功名事業畫圖中

前越雋同知甯遠知府葉樹東詩我年十三齡即遭陟岵傷慈母義方訓篝燈倣怠荒遊幕走天  
涯廿載摧肝腸一官走四裔雲山道阻長萬里板輿迎五載侍高堂春暉苦難報跼踖冠蓋場凡



我之所云諒君亦備嘗秋風拔幟起蓬島遙相望移孝以作忠親志庶可償保養奉甘旨飽食有餘慶理與分相權心與力並將春風送子行慈闈進一觴

四川學政何桂馨詩老屋傳經一鏡紫蜚菽丸熊曾可擬兒時廢學母心悲匍匐呼前襲其耳艱辛歷盡始成名一舉天荒破越鷓鳴呼富貴功名如敝屣爾毋沾沾以自喜會須立品更窮經上慰母心勝甘旨

曹氏姜某妻廳大樹堡人年二十四歲夫故守節撫孤子泰壽子復失明更撫其孫秉元性情柔惠樂善好施後秉元入武庠曾孫國仲中道光二十七年武榜眼官大明總鎮

楊氏民張富才妻城北街人年二十四歲夫故親老子幼甘守苦節事翁姑撫幼子文超官把總咸豐三年 旌

廖氏廳民郭珍妻城西街人年二十八夫故撫孤守節備嘗甘苦

四十餘年不渝素志咸豐四年

旌

以上原纂

陳氏吏員馬本興妻廳南關外人年十四歸馬道光四年本興病歿陳氏年二十八上有孀姑子一纔五歲女三值歲再饑陳氏采野菜和雜糧以食或以蕎子磨麵取其精者養其姑以飼其子而自食其味之苦者晏如也姑歿殮殯以禮督其子忠良力於學能以儒世其家咸豐六年

詔旌其門陳氏歿已十一年矣有節孝錄未梓子忠良自有傳

脩

同知蹇說節孝馬母陳太孀人墓表辛巳仲春予奉檄分守越嶺下車之初訪求者宿首得一士曰馬襄鄰忠良其人厚飭恂恂造次必於禮法教授鄉里佳士多出其門予心焉敬之襄鄰雖非公不至予則時造其廬論文每相得也久之襄鄰出其母氏行略暨人所題詠者都爲一編名曰節孝錄乞一言表墓按行略孀人氏陳處士謨三女年十四歸吏員馬本興道光甲申本興以病

歿歿之日老母尙存遺于一女三子即襄鄰也孺人矢志守節撫孤養老艱窘爲人所難堪歷廿餘年竟以勞瘁卒奉

旨旌表襄鄰弱冠後則入學食餼比以 恩詔貢成均孫男四湘柎先後中拔萃科湘考授 武英殿校錄官永甯縣教諭暄學官弟子增及曾孫男紀鉦等八人皆業儒術於是掩卷歎曰國家敦崇風教舉凡孝子悌弟節婦義夫當事但上事蹟於 朝無不立子 旌獎風聲所樹士女皆爭自濯磨其以節孝顯者大郡縣至以千百計越嚮一邊那節婦數且逾百余任五載復請旌三十餘人至如孺人之苦節方之古列女所稱又何多讓彤史之盛不誠度越前古歟然予尙別有說焉節婦如彼其衆世之苦節如孺人者當亦不乏節孝之門其後必大以越嚮而論食其報者已不知凡幾是理之常不足爲異所可異者襄鄰早傷孤乃能自拔流俗文章行誼卓絕一時著述之富爲此邦向所未有非孺人訓子有法能若是乎人皆謂孺人備嘗艱苦以爲獨爲其難而不知孺人能善其貽謀且令子孫皆知信守刻苦讀書各不失爲一鄉善士此中專務義方正不知竭幾許心力蓋尤爲難之又難也嗚呼賢哉子旣重違襄鄰之請且念發潛闡幽守土責也遂爲論次如右俾揭墓門以詔後世噫爲節母者可以取法矣爲子孫者當益知自勉矣光緒乙酉冬

日

李登淮馬太母陳氏節孝坊題詞炎天獨坐軒窗啟思揖天風拂塵几廣文先生俄戾止手攜一編道所以開槭鏗誦驚且喜萬斛塵襟滌秋水讀罷焚香作長跪彷彿仙姝曳霞綺馬太孺人習書史白眉夫婿迎涓涘一朝傳說騎箕尾地老天荒慟入髓上有孀姑下有子揆諸大義不得死獨惜儒門拙生理登山人慣呼庚癸重以木饑連水毀糠覈充饑亦無幾此景此情危莫比鬚眉男子尙頽靡孺人熒熒一釐耳獨養正氣扶綱紀孟家冬筍姜家鯉視膳何嘗缺甘旨深雪天寒伏牀第一兒三女相依倚嫁衣鸞罄典簪珥一家活命寄十指况復宵深燈落藥和丸薑菽猶未已卓哉襄鄰方穉齒五色蓮花開舌底聲華早貴洛陽紙階種芝蘭門桃李孺人笑謂事畢矣駕鶴翩翩返蒿里大府封章達朝士天子曰吁馬陳氏節孝兩全非溢美生子建坊歿崇祀孺人初心豈及此小往大來不終否即今隆隆錫繁祉龍門百尺孫枝旒一科再科拔萃起淮忝同官情妮妮山之蒼蒼水瀾瀾我心欽遲到越嶠願藉長歌作嚆矢公侯子孫必復始李瀘州人壬子舉人叙永廳教諭

廳舉人李鳳翔馬陳氏節孝序孺人氏陳那處士謨公三女也幼嫻閨訓介節性成歸馬公後生

子一女三其子卽諸生忠良也時甫五齡所天遽殞維時一門孤苦家計蕭條殆有未可罄述者孺人以柏舟自矢上事孀姑養生送死一切盡禮下撫遺孤備極艱辛雖債欠甚多惟刻意勤儉樽節多方漸推漸償居常愛護其子然一言一動必範以法稍長卽爲擇師送讀屢遇荒旱採野菜和雜糧共食更以菽頭再磨取麵苦似魚膽甘食無怨閒或日不舉火亦相與安之而餉其子必別以可食者給之復勸女工針黹以佐膏火之費如是者十有餘年子女俱各成立一一爲之婚配子得遊泮專心舉子業欲藉此顯達以仰慰親志也迺孺人竟先謝世不獲親覩旌表之榮嗚呼孺人何貞於德而緇於數哉蓋睿論之守節之難於殉節夫人知之矣迺難之中尤有更難者他如境處豐腴而保全令節固足多焉猶未甚異也惟夫勢旣臨以不容殉分又責以不容辭而其所居復迫之以萬難處而沉鬱頓挫艱苦萬狀卒不改其盤根錯節之志幸而家始成業子已成名在旁觀第見目前之境遇如是矣苟令身受者撫境追溯回憶夫前此之苦心孤詣委曲成全正不知費幾許心血也有不聲淚俱下哉以孺人辛勤教子採芹食餼方諸古之九熊畫荻者又何讓焉余與其子爲同學友開窗風雨得悉顛末故直敘孺人教子苦衷以明爲人子者當永體親志作事死如生之助至於闡幽光表貞節已荷 朝廷褒錫建坊以顯其貞祀事以

隆其典又足慰靈苦心爲報苦節之不爽也是爲序

西陽舉人吳楚咸豐六年丙辰四川總督臣某 言越舊廳節婦陳氏邑處士謨公之三女幼沉  
重寡言動嫻禮法年十四歸臨生馬本與上事孀姑勸帥以敬生子良女三道光甲申本與卒節  
婦年僅二十八歲良甫五齡既無伯叔終鮮兄弟滿目鬢倪煢煢相倚且逋負叢集耕食屯田數  
頃佃當已多時羣情偵探不諒人只之策搖撼於節婦前者相繼也節婦概屏絕之藉女紅度日  
供姑以甘旨已則佐藜藿焉姑旋卒加佃謀葬一一如禮延舅氏陳課良書每夜讀必盡三鼓績  
麻賣履以作膏火費盡辛苦而師之束脩未嘗缺也道光壬辰癸巳歲再稔租穀歉收家無斗糧  
夜少燈火節婦惟勤鍼黹關旁地數弓種菜日易升菴自磨以麩之稍好者餌良其餘屑合蕎覈  
再磨更磨始篩作麩色如綠豆苦如魚膽節婦與女共食之冬稍得田租不敢碾米兼糶糠磨食  
穀芒格格刺喉難下咽節婦啖之晏如也次第嫁其女屯田典盡資益甚力益竭而課良益勤已  
亥良補弟子員有聲庠序間能課徒自給然後借貸殆不可支而卒以力其家成其子慰其夫  
於九泉如是者蓋二十五年而節婦卒夫士大夫言託孤任重則尙嬰白砥節高尚則推管邴茹  
苦食貧則欽淵煮執經教子則豔韋桓節婦以一巾幘實兼有其志其識遂屹然克自樹立如是



雅話橋梓聯輝追陸宋之文章荆棠競爽簪纓肇啟世澤絲長麟趾螽斯方興未艾是誠足以勵風俗式閨幃福祉畢萃於一門徽音流芳於百世

訓導鄧春元題馬孺人節孝鶴峰皎露千秋雪鶴江澄涵一片月誰得山水氣之清苦節孝行兩卓絕我聞蕩州馬母賢至情至性生而然平居寡言慎色笑從父夙嫻內則篇十四子歸宜其家糟糠弗厭度年華不讓古人鴻舉校不羨古人鹿挽車非遇盤根並錯節良工利器無從識一朝黃鵠痛不雙天地爲愁鬼爲泣豈無不入耳之歡和舟矢志殊難奪肝腸直作瑤池雪心思不起古井瀾獨憐積債伊胡底孤苦莫分鄰舍米斷將炊爨甌塵生質盡田園家水洗堂上孀姑待旨甘膝前男一女成三食指浩繁生計細辛勤鍼巧女紅諳時復薦饑屢荒早野菜和羹煮作飯收蓄不敢遂加餐旋乾磨上精粗判精以奉姑分哺兒糠粃自茹甘如飴送死養生媳即子不惜教子延名師二十五年心力瘁食餼膠庠子顯貴况復競秀多蘭孫一入芹宮兩拔萃從此幽光聞聖代綽楔以旌祀典載天之報施尙有餘 芝誥花封正未艾行看拜颺述祖德 丹陛非常賜顏色太史爲之秉直筆直將烈女傳中增一席豈獨坊表蕩州作矜式

宋氏兵丁舒應發妻廳城西街人年二十五歲夫歿家貧親老上



事孀姑下撫襁褓咸豐九年 旌

楊氏廳民李注妻城南街人年二十八歲夫故矢志守節上事翁

姑下撫孤子咸豐九年 旌

以上原纂

楊氏馮丙妻廳城南關外人年二十四歲丙故姑耿氏病甚楊氏嘗割股療治子懷膏方三歲楊氏親自撫育持家有法田業日增性好施與捨棺木埋枯骸至老不衰里有貧婦多依以養懷膏以拔貢官京師咸豐九年御史王大宗奏其事得

旨查覆旌表如例同治二年將就養宛平任所至清溪道卒媳李氏亦以割股聞 脩

口口文邦從讀馮母節孝傳有感我生曾見苦節人悲憤填胸當未伸偶然有觸泪如注心中數

日含酸辛今夏入都寓城北赤日行天暑氣逼茗椀詩筒竹樹間清談得侍高人側雨田先生品如玉母喪解組將歸蜀未完舊牘迹權留深痛春暉時太促手出慈親傳一篇廣徵詩句意拳拳風簷展讀騰文藻金石光輝露錦箋母之孝思出天性沃盥奉匱誠且敬願益衰齡禱彼蒼不妨割股療親病母之大節何堂堂受命撫孤能自強廿四年華夫早逝終身凜凜如冰霜先生失怙甫三歲八歲從師讀最慧歸來記誦偶遺忘母自加鞭暗垂涕直使羣邪泯覬覦持家日益壤膏腴歲收貧女資荆布月檢枯飢葬嶺隅作善降祥似操券雨田先生頭角見采芹食餼正英年拔萃文名傳誦遍無何夷匪患邊疆先生協力聯團防家移寨堡安鴻雁雪滿弓刀禦虎狼賊氛既息全鄉里保薦頻膺名大迺捧檄登堂有笑容毛生何喜爲親喜瀕行母謂子來前家中不用居官錢我今健飯汝毋念但博循聲即汝賢赴任所施皆自當每懷白髮倍惆悵 詰封旌節屢承恩速遣板輿圖就養烽火關山長間隔露冷霜飛萱草折疆耗驚聞絕復蘇征涓袍著皆成血先生不日將西行我出一語慰先生先生長君最闊達與我同處皆推誠聞道次君更英妙博學能文年且少會當甲第慶聯翩地下有知定含笑感此涕零悲不止我有叔母姓張氏生男襁褓繼叔下世叔母廿年撫孤子學成婚畢子遽亡數天遺孫病又殤子婦同居形影單年餘婦死尤淒

涼爰將我子承宗祀是時母年已老矣憔悴憂傷歲月深未屆六旬寢疾死夜臺幽恨不消磨曰  
楊蕭蕭怨氣多他時縱得崇 封典母死不見將奈何較此生前荷 榮秩境遇何能及萬

一欲向蒼天訴不平由來冥漠難相質身世榮枯縱不倫共堪千古播芳芬誰操史館如椽筆採  
集人間節孝文

李氏文生姜炳南妻廳大樹堡人同治二年髮逆鼠擾境內夫婦  
攜家逃難至清溪之馬家溝遇賊炳南恐婦女爲賊所污勉以大  
節李氏率三女一孫女五人同赴泅江數日五尸浮出顏面如生  
同治四年 旌

廳貢生戴名揚妻李氏盡節序孺人氏李德圃姜公名炳南之德配也髮匪之變孺人母女避難  
河北遇寇騎恐爲所污携次女何門五女季女孫女等全節泅水後尸浮出聚集一處顏色如生  
時同治癸亥二月十三日事定請於 朝蒙 旌表准予建坊入祀節孝祠嗚呼何其榮也夫石  
逆之難守貞不屈一人且難况一門乎孺人母女激昂大義蹈死不顧非節烈根於至性何皦皦

若是與宜其膺 聖天子之旌揚遺徽彤管與古之隕崖投穢者爭光日月焉豈僅閭里之榮哉  
爰記其畧俾探風者編入女史爲之風世云

同治六年採訪同治二年粵匪之役各處殉難婦女四十七口入  
奏均奉

旨從祀節孝祠

倪李氏	李張氏	楊朱氏	周羅氏	宋倪氏	楊李氏
楊蔣氏	宋魏氏	田馬氏	顏唐氏	王吳氏	吳胡氏
劉祝氏	王蕭氏	羅張氏	葛吳氏	金朱氏	金何氏
金鍾氏	金劉氏	金馬氏	金唐氏	藍梁氏	金耿氏
余馮氏	蔣朱氏	陳何氏	陳吳氏	余丁氏	丁宋氏

薛蔣氏 唐蔣氏 陳蔣氏 丁郭氏 朱蔣氏 唐丁氏

周大女 朱么女 譙玉鳳 唐閨鳳 吳桂蓮 吳黑么

金小么 金喜第 金三么 楊潤蓮 唐喜鳳

陳氏大樹堡人許字劉門同治二年粵匪之變守貞不屈遇害

羅氏大樹堡人同治二年粵匪之變投崖自盡

曹氏民馮某妻貢生曹學妹大樹堡人年十九歲夫故守節撫孤  
子宗仁家赤貧伶仃孤苦惟母兄是依娶媳張氏廩生張昭明妹  
亦曲盡婦道生一子宗仁身故子復幼殤撫族子學海承祧舉報  
旌表

姜氏民楊權妻姜英女文生姜炳南姊大樹堡人年二十歲夫故

守節撫孤幼殤撫兄子邦璽爲嗣姑媳家貧茹苦共撫孤孫

洪氏民權世合妻洪一潤女廳北街人年二十二歲夫故遺腹生子中經計守節五十年光緒三年 旌

馬氏民程培筠妻吏員馬本興女廳西街人年二十八歲夫故遺二子珍祥琨祥馬氏上事病姑下撫遺子珍祥由吏典議敘從九光緒三年 旌

張氏民范自明妻張德相女廳南街人年二十八歲夫故遺一子氏矢志守節上事病翁下撫孤子教其子英年入泮光緒三年 旌

周氏文生湯繼堯妻周應品女廳城東街人年二十九歲夫故遺

一子澤溥氏矢志守節上孝翁姑下撫孤子教其子澤溥名列膠庠光緒三年 旌

張氏兵丁顧文惠妻廳屬栢香營人年十六歲其夫奉派出師十九歲夫陣亡遺一子祥氏立志守節教其孫世瑜游泮光緒六年 旌

馮氏兵丁宋承統妻馮丙女廳南關外人年二十歲其夫奉派出師逾年陣亡遺一子玉棟氏矢志貞節上孝翁姑下撫孤子光緒六年 旌

張氏李君友妻廳城北街人年十六歸李姑耿氏嘗患病張氏剖臂肉和藥以進疾乃瘳後十年君友服賈會理未兩月病歿逆旅

張氏念姑老子幼立志苦守先是君友以百二十金質某田金給半而君友卒某以未署券抗不予田張氏力爭不能得一日某妻病癩聲言其夫昧良事某愧悔踵門願立券割田爲質人以爲張氏苦節所感云子文斌三歲而孤張氏藉鍼術以助脩脯卒能食餼於庠光緒六年張氏年七十有六大吏上其事得

旌如例文斌以授徒養親嘗哀集官紳褒贈諸作題曰坤維正範藏於家張氏年九十三以壽終脩

廳貢生馬忠良贈言五十韻銘守東西訓何殊內則傳李膺才夙重張說女多賢得遂登龍願奇逢射雀緣天桃宜室後采藻主家年諳性承阿母虛衷事所天倡隨俱有範敬戒必無偏親病兼旬臥兒肱片肉捐膏育教乍起氣體尚依然世肄縹緗業夫操貨殖權一誠經折挫萬變謹周旋廉讓芳規繼寬仁大局全裘需狐腋集道取馬蹏先詎料如三絳俄驚赴九泉軀甘臣妾殉心爲



祖孫懸姑老憑誰託雖孤倩孰憐吞聲呈菽水含淚授芸篇薄產分膏火微租備几筵饗殮常味  
藿羞膳素烹鮮志效共姜矢邠懷孟母懇裁成情最切培養念彌堅籠貯肥兒藥囊儲買肉錢趨  
庭聊啟迪就傅使鑽研經執依楊震師嚴比鄭虔深思功日益內省事朝乾立品身如玉臨文筆  
似椽周庠初拔擢虞廩又騰騫帳設皮憑虎堂開地有鱣寸心管厚養一硯足良田采幸名門納  
絲看繡幕牽鵲橋星始駕鸞鏡月常圓長姒方摧矣慈容忽杳焉主持由叔手撫育獨身肩猶子  
熊韜裕從軍鶚薦連江南除寇壘楚北靖烽煙考績維疆鎮酬庸早闡專仲兮相駿發伯也引蟬  
聯女亦名媛稱耶曾拔萃還文章融買馬仕宦歷幽燕濟濟孫曾起遙遙歲月綿一堂同世四八  
秩卜秋千子舍班凝綵辰垣葵耀躔 今皇崇節孝訪使遍山川探列輶軒內 恩褒殿閣  
邊 紫宸頒 雨露 丹詔闡冰淵此日 龍章錫他時 鳳誥宣家箴藏玉櫝女  
史載瑤編閭里欽模範詩歌被管絃行彰能啟後名顯自光前報德真應爾同懷合勉旃登堂爭  
獻頌題詠煥雲箋

訓導鄧春元節孝李張氏節略非節之難而苦節之難以苦節事姑教子而並使一家之全節以  
逝者有以玉成其後而無憾則尤難信乎非矢志堅於金石者不足以勝其苦而勉其難也幾此

者其叔舊之張太孺人乎孺人張公朝仲之女李公君友嫡配而明經用周之母也幼習女箴長  
嫻姆教十六適李氏有不猶夫人之事翁姑相夫子者方姑病百藥罔效舉家倉皇無計孺人剖  
肱以進而愈或以爲類傷生虧體者之瀕於危而不知固仁孝之苦心所迫而出焉者也設良人  
病於家何難以療其姑者療其夫乎蓋君友公出貿數百里外病沒三絳孺人于歸後十年也訃  
至痛不欲生轉念上有衰姑下遺孤子仔肩綦重隱忍旦夕然家不豐裕勤鍼黹務女紅恃十指  
度日操亦苦矣時復饑饉自茹草糗以所入微租上供甘旨下給讀書膏火費勤儉積累家用小  
康卒至姑以天年終喪葬隨叔盡禮子則食餼膠庠蓋自矢其志而苦也克勝之難也足勉之矣  
未已也家有孀妣卽世孺人視猶子卽己子以武功顯撫猶女卽己女爲門楣光全己及人其節  
孝中之不價錫類者歟光緒辛巳余司訓來嚮方舉揚城鄉之守貞盡孝者以爲人心風俗勸迺  
用周移館就署匝月時相接談得悉顛末且知孺人年近八裘身其康強子孫逢吉躬膺 鉅典  
之旌目覩一門之盛則將來之餘慶正未有艾也易曰苦節貞甘節吉是固由苦而得甘者  
同知蹇詵李張氏節孝讚古稱婦德孝親相夫從一而終之死靡渝嗟哉節母與古爲徒忽矢所  
天誓以身殉內艱徬徨親衰子病乃抑哀思乃理家政篝燈夜課盤匱畫進養旣終老子名亦成

惠周嫻黨競起簪纓天道好還無施不報節母享之孫賢子孝 國恩表閭身猶康吉我贊其實  
用示婦則

同知傅廉題節孝李張氏傳後懿哉孺人至性肫篤割臂奇孝宜膺厚福胡所生之不辰竟遭罹  
夫六極悲鴻孤與鵠寡慘形單而影隻霜老護根燼餘荻筆淚灑篋枯家徒壁立廼矢兩髦撫三  
尺娛菽水謀鞠育甘荼苦以如飴恒蓼辛之是集松柏堅操日月比潔宜其荷 旌揚之盛典邀  
綽楔於 天錫身其 康強子孫逢吉允矣巾幗完人式坤維而風末俗

廳恩貢生余梯雲李張氏懿行歌碧雞金馬峙越疆地靈人傑理之常從古輩出忠義者今兮可  
以相頡頏其閒更有節孝婦橫渠之裔賢者後年既及笄適龍門隴西望族稱佳耦一從琴瑟兩  
相賡井白初無詬誶聲堂上有姑頭白早晨昏洗手爲調羹無端姑病困牀褥二豎爲災烈且酷  
割臂和藥疾頓瘳翻笑羣醫手盡束由是賢名滿鄉閭衆口一詞非過譽從使割肝有王氏先後  
爭輝不讓渠似此淑媛福應荷如何青年命相左十載鸞儔去不歸頓令雙眉愁乍鎖上有衰姑  
下有兒大厦可憐一木支仰事俯畜多少事天地長久了無期安貧自合茶根齧衰姑非肉猶不  
飽朝朝壓綫易肥甘敢怨勞人惜指爪無何孤兒又受書膏火之需闢辟纏靜夜篝燈勸督課望

兒勵志作名儒躊躇滿志會有日姑媳祖孫歡一室誰諳風木竟生悲哀姑不起膏盲疾喪葬盡禮復盡哀姻親觀葬四方來部署有條何井井既憐且慕嗟其才母子煢煢既孤若猶憐無子亦無父兩個孤兒一樣看身兼草文並朱武兒博五典富三墳使試他題冠童車信是採芹如拾芥功名何止到青雲姪爛六韜裕三略揮戈殺賊賊膽落凱歌一奏勞旋師闔外將軍磨好爵成已成人義般般芝蘭玉樹映蒼顏膝前徧繞孫曾輩舞衣猶笑老萊斑一門孝慈萃推推人言無間話從容合詞先叩賢司馬次地陳情竟上封 丹書飛下九重霄如絲如綸雨露饒謂是勵俗先節孝榜門特許姓名標人入爭說 聖恩厚輝增巾幗光宇宙我道種麻還得麻一報一施天不漏君不見世間幾許負心人貧賤交情見假真漫言赴難託妻子衰時不如盛時親又不見古來摺紳客常變安危動其魄遑云寄命與託孤甘爲二臣不知惜觀此能無愧汗沱靦然面目奈伊何奈伊何玷難磨傳之千世下滅獲也相訶孰若此中流砥柱力挽狂波逆來能順受之死矢靡他苦盡甘回理不謬躬膺五福備三多置身長在安樂窩我羨此景欲吟哦拈筆無句悔蹉跎爰書其實敢傳訛但願鄉中青婺皆若此爲作長篇俚語歌

張氏文童馮宗仁妻貢生張昭明妹廳大樹堡人苦志守節光緒

七年 旌

郭氏文童馮毓秀妻民郭永壽女廳中所壩人夫故遺子積桂守節撫孤入泮光緒七年 旌

羅氏營書蔣朝選妻武生羅天成女夫故遺一子德雲矢志守節光緒七年 旌

湯氏監生鄧文藻妻夫故守節撫其子成立德彰廩生德周附生光緒九年 旌

郭氏李元富妻光緒八年 旌

車氏李仲妻撫子文通成立在定越營帶隊積勞加守備銜孫肇吳附生光緒十年 旌南關外建有專坊

郝氏劉學春妻光緒十年 旌

楊氏王心一妻守節三十三年

丁氏周肇美妻守節三十八年並媳楊氏一門雙節

周氏王國仲妻守節四十二年

周貞女李茂林未婚妻守貞四十二年

以上四名口於光緒十四年請

旌以上原纂

戴氏帥開疆妻戴震乾女夫故守節三十三年光緒十年 旌

鄧氏馮積妻鄧耀榮女夫故守節四十四年光緒十二年 旌

羅氏饒起高妻羅定先女夫故守節三十四年光緒十二年 旌

王氏余全章妻王正富女夫故守節三十三年光緒十三年 旌

王氏戴應發妻王永祿女夫故守節三十年

潘氏張廷棟妻潘曰龍女夫故守節三十三年

禹氏候選訓導高德隆妻禹聯科女夫故守節三十一年

許氏宋天佐妻許萬林女夫故守節四十五年

童氏李朝榮妻童連女夫故守節三十二年

劉氏周學堯妻劉光耀女夫故守節四十二年

陳氏耿齊瑞妻陳占魁女夫故守節三十五年

陳氏張玉仲妻陳占魁女夫故守節三十九年

余氏劉文舉妻余廷舉女夫故守節三十二年

饒氏牟國珩妻饒學詩女夫故守節三十一年

馮氏郭正順妻馮宗仁女夫故守節二十九年

戴氏馮肇先妻戴仲彬女夫故守節五十一年

杜氏鄧聯登妻武生杜學詩女夫故守節二十九年

周氏蔣春山妻周德惠女夫故守節四十一年

閆氏楊良材妻閆心燁女夫故守節二十七年

楊氏周興壽妻楊邦傑女夫故守節三十年

杜氏余廷相妻杜和軒女夫故守節四十二年

鄭氏李映林妻鄭應華女夫故守節三十年

張氏黃啟文妻張文品女夫故守節三十一年

唐氏汪仲魁妻唐明女夫故守節三十一年



曹氏樊子春妻曹德明女夫故守節六十四年

王氏田興禾妻王國清女夫故守節五十六年

朱氏鄧聯攀妻朱占雲女夫故守節三十五年

李氏孫廷祐妻李建高女夫故守節五十二年

曹氏王多才妻曹哲女夫故守節四十二年

張氏宋玉興妻張騰洪女夫故守節三十二年

郭氏陳應貴妻郭永川女夫故守節四十八年

以上二十七口均光緒十六年先後旌

郭陳氏光緒十九年旌

唐氏程文斌妻唐士一女守節三十六年光緒二十一年旌

唐氏李子芳妻唐英女夫故守節三十四年

劉氏潘玉美妻劉成文女夫故守節七十四年

以上二口均光緒二十二年 旌

陳氏王廷棟妻陳錦堂女夫故守節二十五年

耿氏宋承基妻耿旭聖女夫故守節五十二年

王氏陳登第妻王茂蘭女夫故守節四十一年

姜氏曹樹臻妻姜泰盛女夫故守節三十四年

蔣陳氏

以上五口均光緒二十九年

旌以上續纂

東海傳之詞

越鶴廳全志卷九之五

流寓志 附仙釋

唐

王珪字叔玠世居郿高祖入關李綱薦署世子府諮議參軍太子與秦王有隙帝責珪不能輔導流鶴州後太宗召為諫議大夫累遷侍中又杜淹韋挺與王珪並流越鶴 新唐書本傳

薛元超蒲州汾陰人收子九歲襲爵及長好學善屬文高宗即位遷給事中累拜東臺侍郎坐貶簡州刺史歲餘又坐與上官儀文章款密流鶴州上元初赦還 新唐書薛收傳

李元道隴西人貞觀初累遷給事中世為幽州長史左都督王君

廓不法每以義裁糾之嘗遺元道婢不納由是始隙君廓入朝元道寓書房元齡元齡本甥也君廓發其書不識草字疑以謀已遂

反坐流鶴州未幾擢常州刺史

新唐書褚遂良傳

鄭世翼鄭州滎陽人貞觀時坐怨謗流死鶴州譏交游傳行於世

新唐書文藝崔信明傳

李行芳紀王慎起兵謫巴州薨於道七子琮等五人並爲武后所殺琮三子行遠行芳行休永昌時行遠行芳斥鶴州六道使至行遠先就戮行芳幼當赦抱持請代遂與俱死西南人稱冤悌云

新唐

書太宗諸子傳

胡元範申州義陽人介廉有才武后持政徐敬業兵興后議討之  
裴炎曰今若復子明辟賊不討而解后捕炎送詔獄鳳閣侍郎胡  
元範曰炎社稷臣有功於國悉心事上天下所知臣明其不反后  
曰炎反有端顧卿未知耳遂斬於都亭驛元範以炎故流死嶺州

新唐書裴炎傳○以上六人原纂未  
錄今節抄府志以冠流寓志之首

### 國朝

李曰盛清溪縣人乾隆戊申科舉人家赤貧而富於學峻於品光  
設帳於廳屬大樹堡從之者衆訓迪有方越嚮通判馬如龍仰其  
才延爲書院院長時與詩文唱和一時名士多出其門教人以通  
經敦品明倫爲先故教有成法歷任官府皆尊仰之歿不能運柩

回籍葬西關外山中遺有十景詩載藝文志

唐兆扶湖南衡州名士嘉慶十九年來廳屬之大樹堡訪庠內某士嗜學一日面謁某聆其吐屬敏妙款若生平論五經古文娓娓背誦不爽毫末文章詩古得題毫不構思千言立就皆成異采一時名士爭與交好爲延館地然其爲人卓然不苟皎然不欺歲暮某延於家過歲手錄其所著作遠近爭傳至今尙有記誦者

胡運恆字北山黔南貴筑人道光丁酉科副車博學多才文詩均冠絕一時性豪放幕遊沈黎愛瀘江南北山水之勝遂成家於此咸豐辛亥攜妻女寓於廳北三百里之桂賢村就館其地四壁環堵晏如也課文之餘好吟咏其爲詩潛思幽婉疊意迴舒酷肖晚

唐名句卒後書帙盈籠略無存貲貢生許亮卿葬於桂賢村之東

### 附仙釋

侯仙明萬歷時人蒼顏白髮一老道老者居治南關外二里高巖廟中爲人言休咎往往奇中與人卜葬人敬信之然不良於行有邀之者與一陶器二木椿但言地在某處至期視其地有椿者葬之有好事者前往窺視見陶器覆地上揭視之惟一白猿倏忽不見自此隱匿無覩之者或謂正一真人府中降謫至此古塚多有稱侯仙所葬者故名侯仙

郭和尚本廳乾隆時人生性淡泊不慕榮利父母爲聘娶至合巹之夕潛遁於北關外十里之天王寺不就婚媾遂披剃出家清虛



無欲不干凡塵凡除禪寂齋供外惟觀山色玩雲水而已僧俗咸敬重之垂六十餘年卒先是有客賣碗與和尚者歎碗貲若干約迴日取卒之日客自建回遇於瀘沽峽中詢其所往云到瀘山所歎碗貲令徒還償且言鑰匙在某處錢在某處客至寺中始知遇僧之日即僧坐化之日發其所言一一符合羣驚訝之以爲仙云卽今墓塔猶在寺門外北首

龜壺道人隱其姓氏唐時修鍊於治西北四十里之瓦巖山洞中

卽石洞瓊鐘處詳古蹟志

修丹鍊汞洞口常有白雲呵護旣飛昇後仙蹟猶存有

遺詩云北倚峩眉西闔峯雲間歧路去皆空時融玉浪鳴幽谷夜半鐘聲響太空嵐擁翠崖秋聳碧雲侵丹室曉舒紅九篇眞訣無

人識誰信金元太素宮

以上俱  
原纂

我壽德全  
家之五  
流寓

四

東洋通志卷之三十一

卷之三十一

越嶺廳全志卷十之一

風俗志

霑濡聲教習尙衣冠

通志

士 涉文藝而爭進取不尙服物不好詞訟雖乏理學名儒文章經濟之盛而潔身自愛少干公件是亦狷者不爲之意

農 日出而作日入而息五穀菽麥之外不種雜產種亦不善滋生近惟大樹堡河道有種花生甘蔗芝麻者視其土宜古風未改工 不尙淫巧亦不能爲淫巧一切器具類多古板較他處細巧花樣窮極工麗者舉不能爲爲亦無購之者惟安於古樸而已商 道光以前子弟除耕讀而外惟事行伍書役不諳經商惟豫

章嘉陽人爲之近頗有經商者然不能如他處之奸巧險詐以計愚人但貿遷居積所作者本分交易

冠禮 古者加冠於首曰冠冠而字之敬其名也越向昧此禮惟於成婚之前一日同歲或稍長稍幼者送給號匾贈以二字曰某燕爾之喜題其字曰某某尙仿古禮冠而字之敬其名也之義然行其事而不知其意足見風尙之樸

婚禮 二姓門戶相當男家先倩媒妁登女家門求庚得庚回倩星者合之合得倩媒如女家道喜年餘男家筵賓兼請媒氏或三人或四人俱夫婦盛服而往命男叩拜名曰作伐喜期前數月延男家親賓燕於女家送諸牲酒簪飾令女出拜諸賓皆有餽贈名

曰插花酒迎娶前日請媒送豬酒鹽茶米豆衣環燭礮表裏名曰聘禮吉時女家扶女上頭筵賓名梳頭酒男家彩輿登門扶女辭神及父母兄弟迎娶回宴賓名圓夕酒次日早扶男女出拜賓親各送糖茶一盞入席名拜茶酒至午女家邀親送席一盒赴男家宴名送飯酒三日回門一切稱家豐儉量力而行恪遵舊制如婿贅女家謂之倒紮門

喪禮 父母初歿必訃告親族父則俟其伯叔母則俟其舅衿畢集浴尸入棺設魂帛靈位謂之小殮以金銀器塞死者之口以麥麪餅塞手三日開棺俟親族視畢取出蓋棺謂之大殮於三日沒時並七日沒時設香帛醴酒徧室灑灰舉家迴避逾時開門視死

者來否於灰面驗其痕迹謂之回煞開弔賓親陸續來弔及葬期  
開奠設銘旌訃音請禮官或鄉紳題主延紳賓奠祭免髮設盥洗  
三獻方相開山一切半如文公家禮七七小祥或有延僧道諷經  
者謂之懺悔舉家哀感惟搢紳之家未全信

祭禮 上元清明中元十月朔先祭奠先祖清明前十日富室殺  
豬宰羊挈擔提盒邀請賓親男女持香帛告墓猜拳行令盡一日  
之會而回墓上樹長大紙錢一樹謂之旺山錢貧者亦以香帛酒  
醴扶老攜幼至墓酬奠亦出旺錢一樹謂之挂素紙有竹枝詞中元自  
七月十一二日遞祭先祖以紙錢封固面書考妣名氏整筵致獻  
至晚徧地插香焚化送靈徧街巷煙火絡繹不絕新歿者舉家哀

哭極貧之家亦必設酒焚楮十月朔日亦以紙衣雜香帛楮酒婦墓謂之送寒衣隨節致祭亦世傳春露秋霜之感云

婦女 無豔妝簪環無奇巧之飾衣服不尚花邊鑲滾簪花亦取樸素無珠圍翠繞之奇不矜各樣妖淫豔冶之色或有用之者不過胸衿領袖不及他處十分之七城內市鎮略重服色鄉村之間更爲古樸荆釵布服古風未遠但穿領褂不繫羅裙雖便於工作而近於固陋俗尙所便難驟易也

服物 農工子弟安於樸陋搢紳之家亦不尚文飾除應穿袍褂

閒或綢緞而外尋常皆大布衫

俗稱毛藍白定

青布褂一體樸素袍褂亦

取顏色老到式樣莊重無各樣新豔奪目之色奇巧特異之式或



有好尙巧豔者鄉里疏而遠之不與同坐

過歲 以前中堂鋪松毛橫五尺餘豎三尺便於拜跪迎春中龍獅竹馬高粧雜劇斗級辨峻德耕田集春場爭演謂之搶春至正月月初四日沿街散帖逐門首戲耍鑼鼓喧闐十五日乃罷

又正月初三日至初九日有拜香者無論男女幼壯舊稱父母有疾許愿拜香或三五一一路或六七同途倩善唱者鑼鼓香燈手捧小木橙插香沿途禮拜十餘步跪拜一次遇廟門牌燈燈杆皆拜且行且唱不憚遠行至天王寺或報恩寺或梓潼宮各神前倩廟祝喃喃訴說滿案燒香乃去

有竹枝詞

又至上元夕將門外桃符一切取下焚燒俗語云火燒門前紙各

人尋生理大的打土塊小的撿牛屎亦世代相沿勤農之意十六日及端午日無論男婦徧遊城垣鄉村則遊郊外謂之遊百病春分日備酒醴盤飧飲食已閒空一日不理農事清明前後或男行或女伴約聚盤盒逐伴遊郊外一日謂之踏青

三月二十七日迎東嶽五月二十七日迎城隍六月二十五日迎川主中所填則二月八日迎城隍大樹堡則五月十六日迎凡此數日男婦入廟燒香者以千計所辦社火有高粧有一切各戲有塗面包頭乘馬居神前遊戲者有步行者有神頭鬼臉辦雞脚神無常吳二娘李狗劉氏小鬼諸劇沿街跪走者不一而足街房人家於是日請姊接妹邀諸女眷謂之看會書館學生於是日不入

塾亦謂之看會各鄉村老幼男女沿街填塞習俗沿流年年如是  
三月初三上巳日金馬山會凡男女無子者許童子愿生子者還  
童子愿有送童子還愿方經通說爲人搶去者有剛至廟門爲人  
搶去者有所搶得童子被人奪者自早至午喧闐半日謂之搶童  
子得者喜笑而去方還愿而被搶去者亦不深怪

俗信鬼神老年婆婦聚積錢米或四五十人或六七十人將被服  
搬入廟倩衆僧諷經晝夜拜禮約一月餘名曰修因會又曰做好  
事其子弟親戚有送米麪餅食者名曰打齋

有竹  
杖詞

又有走陰者男婦皆有往告病家言病者見在陰司其家備香燭  
冥楮酒醴盤飧即三數十里外皆倩走陰者入城隍祠燒香所備

盤飧諸乞兒一搶而空已乃沿途叫魂用一人應之謂之上錢會

班有竹枝詞  
以上原纂

案曰原纂風俗志所陳各節其儉樸之風信非內地所及然近十年來洋布洋紗以及各種玩耍之物亦多有喜用者則亦非復舊習矣其他迎神賽會入廟燒香等事

大清律例早已垂爲厲禁雖經前署任蹇子振先生刊有齊民錄一書士子鮮有明大義舉以曉諭婦孺者則習俗安之不易也至如清明掃墓古人持素告哀事死事亡至爲悱惻乃云猜拳行令則大可駭怪又如拜香一事尤爲惡習每屆日期多以四更五更起程親友多者或各持刀叉前後護衛一

或不慎反被凶夷搶擄而去方求神福竟遭夷禍神之無靈亦可見已中國迷信之俗已二千年於茲越嶺半染夷風本不足怪然近日耶穌天主各教往往亦能破其迷信則非民之果愚亦我在上者無以化導之也城內米市前建有

### 聖諭亭

一座其他如大樹堡平夷堡河南站大灣等處各有宣講生數名其所演說大都因果猥瑣之談甚至有上表拜疏各文尤爲無謂余在任時凡請給宣講生頂戴者必給以

### 聖諭廣訓直解一部以正識趨而資開導亦不卜其果能實行否也

惟近日開辦學堂科學益以發達爲教習者務舉實業以相演說數年以後則迷信舊習自不難一掃而空已原纂此卷

以地方之人述地方之俗固宜其不遺瑣屑也要在官斯土者知其弊乃可救其失耳

貞  
卷  
三  
一  
一

越嶲廳全志卷十之二

夷俗志

總志唐懿宗時郡爲蒙詔所據改曰建昌府以烏白二蠻實之九州要記云越嶲之西有文夷人身面青有文如龍鱗於臂之間將婚會於路歌謠相感合以爲夫婦焉

本志云東門十部蠻羣居竹籬板舍不事修飾刻木爲信裙不過脛或時乘馬則併坐橫足酋長死無子則妻女繼之俗尙火葬而樂送以鼓吹爲送終有疾者不用醫藥召女巫以雞骨卜事無巨細皆決之巫善製堅質利刃又能作弩置毒其末沾血立斃九種志云獠獯人性最惡刻木爲信男子摘鬚腰繫皮繩索以帕



裹頭夜不解刃居山頂以板蓋屋刀耕火種性喜獵凡有事以艾炙羊膀骨占吉凶出入必以凶器男女紐髮盤頂上下身衣土綉花長衣赤足無履外披氈衫爲上蓋飢食蕎麥餅婚姻以牛羊爲禮酒席鋪松毛於地盤足坐松上男女分席擊牛羊剝皮豬用火燒半割碎和蒜菜謂之叱牲飲泡唾酒木碗木杓卽其器皿食肉以竹簽爲筯喪禮男女俱無棺槨富家以錦緞纏之故謂之獾部又謂之獾羅也

土夷考云夷之錯居越巂衛東南東北者頗馴擾惟西去月落三渡水妙竹等一十九寨恃其險阻常引水外生蕃不時入寇自萬歷建立定蕃堡募兵戍之稍斂迹不敢出沒

寰宇記云夷人於大水之上置藤爲橋謂之爲筏史記筏都古西南夷自越嶲以東北君長以十數筏都最大

峩眉木瓜夷有二有木瓜旁通西赤口去煖歹只二日過木瓜橋稍前十里爲大木瓜卽今三枝降夷所處一枝凶瓜一枝匪瓜一枝卜特瓜通大木瓜五十里爲利濟山極高峻與大涼山相接又五十里至大赤口外卽馬湖之地諸瓜之先分自大赤口凡十二枝乃卜特其大者世居兩河屬馬湖土官安氏鈐轄自改流以諸瓜判入邛笮歸嶺氏自西河大小赤口涼山雪山等處周圍蟠據北達越嶲西接嘉嶲南通馬湖窟穴蹊徑四藏入達其間山深林密地各不同俗亦各異要以刀耕火種牛羊牲畜弓弩刀矛爲

通鑑卷之二十一  
盛由其野性使然也

范守已九夷考一曰西番其人長大猛勇好居山頂男子紐髮成條不櫛面賦不滌兵刃不離身婦人辮髮懸珊瑚翠石爲飾衣短衣覆以羊皮赤足種青稞圓根爲食以酥煎菜爲羹燕會殺牛沃酒燒豬羊肉半生熟食之疾病不服藥延番僧誦經死葬用生前偏氈裝斂以大桶爲棺山頂爲一小室停放其中竹笆塞門再不開視

八曰獯獪其人性很好殺挽髮作結著長衣腰繫皮帶曰饑飽素裹帕赤足身佩刀劍居板屋刀耕火種喜獵有事以艾炙羊膾卜吉凶有急以刀刺人或自刺而死輕生樂鬪蓋其俗習婦人紐髮

蟠頭上身著繡花長衣無袴赤足外披細氈衫覆之乘騎盤足橫坐馬背上不墜飲食以蕎麪作餅以菜作羹燕會撒松毛鋪地盤膝坐待漢人以矮小棹橙男女分席而坐殺豬用火燒去其毛以生肝蘸椒鹽食之泡啣酒飲之器用木盃木勺筋用竹簽婚姻以牛馬羊爲聘死葬不用棺槨以錦帛纏之燒化以土掩之乃刻木以羊毛綫纏繫爲祖宗每歲六月二十四日宰牛羊祭之夜然炬

聚飲

按所考與越巂之夷俗別有異同而番俗半似今之猺羅今僅按其俗志之

猺羅有二種曰生日熟曰黑曰白統謂之夷人河內熟夷有土千百戶夷兵之目爲土目煙戶遠者如打土茅草填屬邛部宣撫司上官六格屬煖帶密土司或甯越營管河外生夷則分支數數甚

繁黑曰黑骨頭爲家主不操作以家奴代之白曰白骨頭稱娃子  
做活出門黑骨乘馬白骨步隨飲食黑骨倨坐白骨跪進性貪鄙  
以偷盜爲長記仇不記恩畏威不懷德

好尙 夷人性好鹽好酒好煙好海椒布帛牲畜尤好育女女嫁  
時多索財帛牛馬以舅家妻家女家三家爲貴或與別支打冤家  
三族幫兵更爲出力病不服藥用夷僧擊羊皮鼓名曰做和尚束  
草人殺牲跳舞襪送口中喃喃作唸

服食 夷人自幼不齷面不澡身不薙髮男首向前挽額髻橫竹  
簪一支以青布裹頭中挺一角內穿汗衣製窄短獨喜藍白二色  
袴腳寬大外披黑白羊毛氈衣赤足寒甚方著氈襪草鞋襪如月

鏘形遇雪披蓑衣於外名哨耳挖戴氈笠形似蓮房夷婦以青布裹頭大如盤不著中衣用五色布剪裁各成一截疊爲細褶勦裙富者穿緞馬褂金銀首飾領扣如醋碟大耳環如豆芽上綴珊瑚瑪瑙珠串跣足亦寒甚乃著氈襪草鞋食蕎麥以糗粬爲常行動皆羊皮口袋盛之掬溪水拌食無竈以三石支釜名曰鍋莊肉菜雜煮肉半生席地或團坐竹笆分食湯用木勺取貯團轉分食好敬客客至必殺牲供之以火燒去其毛卽以享客每歲以六月二十四爲過小年殺牲以木杵擊其腦飲酒歡慶夜然炬跳舞滿山星火名火把會十月朔日爲大過年必打牛羊跳鍋莊極貧者亦多買豆腐慶賀

畜牧 獐羅以畜牛羊馬之多寡論家之貧富豕不飼食撒放室外遊牧食草根數年始售漢人購得殺賣者其皮硬不能咬名獐羅豬馬不飼芻豆放草場不施羈勒駝騎時始收回轡小木鞍木橙鞍以牛革爲之名獐羅鞍亦喜馳但瘦不堪或有佳者稱值金若干值銀若干值人幾箇能跑圈子故也

器用 獐羅幼小習長矛名閃標長近二丈用持手中數閃而後拋刺刺則勢銳佩長刀生子時卽以鐵三四十斤入火燒錘鍊一年數鍊鍊至十五六歲時鐵止七八斤造爲長刀鑲以金銀靴鋒芒甚利披鎧鎧用牛革製成不長而堅佩弓弓長四尺兩頭無稍以牛筋作弦箭一尺五寸有倒鈎裝皮筒帶左腋下每筒五十支

內藥箭三支中人立斃有倒鉤者中不能拔必連肉割去寸許而後出傳信用木刻頃刻百里事急登山以氈衫搭地而呼有手式有暗號遠近皆能知言吉凶以火炙羊膀觀其文路甚驗卜日取寅午子以虎馬鼠取強最捷食不用箸用木勺盛菜名曰枯摸盛食者名挖咱居板屋高不逾尋以竹笆圍繞一日而成者最佳夜無燈以竹然照無床男女皆依鍋莊團臥以雜糧泡酒用一竹竿中間打通咀吮之名曰啞酒盟誓取牛血合酒飲懸牛革以身鑽之誓無悔

婚姻 以牛馬羊豕爲聘十四五歲時迎過門迎法婿偕媒至岳家岳族家人伺門將近門以水交撲媒婿逃去更追撲里許然後



請入爲宴至嫁期女衣五彩首戴金銀蒙氈斗篷跨馬徐行數十夷人圍繞跟隨嫁奩折銀使女若干娃子若干女至壻門三日私奔回家壻家擇期又迎三迎三返而後定婦不輕與夫同處必壻到岳家偷宿生子女乃歸

喪葬 不用棺槨以火焚化富者用緇裹尸貧者以布積薪焚之用土石掩蓋親戚堡衆來弔者各備牲酒哭奠其家俟衆奠畢乃以已牲酒哭奠奠畢共飲三年後請夷僧誦經及祖考同超度謂之做白前期打木刻通知遠近親族來者俱送牲酒衣鮮衣披黑白氈衫首戴金銀簪飾女著金銀斗篷五彩衣裙乘馬而來酒食畢乘馬飛馳跑圓圈以決勝負後馬能越過前馬者爲勝唱名曰

某支某人之馬誇耀無比或打冤家亦兩下各聚母族妻族紮成陣勢用董事者往來解說後各支用一夷女督解而散否則或傷及幫助之人冤家又從此起矣

稱謂 猓獠呼父曰阿達母曰阿模祖曰阿譜翁亦曰卜姑曰阿

卜子曰噉呼媳曰曠呼孫曰兒矣妻曰邪本卜官曰漢呷息卜

西蕃 即唐吐蕃之遺性馴業耕種前西山一帶橫多自明劉縱征勦殺戮其勢始衰

國朝川陝總督岳鍾琪疏通大道勦撫兼用均各納糧應役道光初總督琦善巡閱見其貧苦免差徭後戶口更稀惟河道松林地尚多


西蕃尙勤儉男女均勞穿中衣穿鞋喜緝羊毛綫頭插綫車腰繫小篋筐盛羊毛出入走坐手不停緝用織鐵皮羊肚布毛氈男愛煙酒女愛紅綫好鹽茶布帛重牲畜有三四分近漢俗處以上原纂

案曰越嶲夷疆也官名同知而別之曰撫夷其夷之宜撫不宜勦明矣今之官斯土者或以其夷俗而輕之支分派別既莫能詳語言不通舌人舞弊斯固然已夫知州知縣職重能明府設同知法亦猶是越嶲夷多漢少夷卽民也有地方之責者其可不識夷情耶余嘗札飭各汛弁編查夷戶鮮克詳明獨柏香坪外委胡允齡既熟夷情頗知譜法據實開列略見一斑昔者諸葛武侯爲夷作圖譜以今仿古或庶幾萬一

焉至於夷人語言原纂雖有稱謂一條亦未詳悉邛部土司頭目張啟文余既令其教授在卡夷童又令其暇將漢語夷語分類編譯俾知大略庶免欺朦記云在官言官以撫夷之官而述夷後之君子其尙鑒予增輯之心乎

戈雞支夷派

戈雞或作鍋基查諸夷支派不一而鍋基爲大舉此爲例餘可類推



武壽德全志 卷下之二 夷俗

七

吉詩

阿時茲

阿鐵

吾助

路書

撒鐵

阿察

阿奪

卓耳

日牛

耶辜

戈雞阿租支

住二人海棠

戈雞拉茲支

住三十人河道

戈雞阿時茲支

住四人

羅葡地

戈雞撒鐵

額蒲尺

支

現共三百人住冕甯普雄濫田壩

木姑死在署卡未換

查蒲尺支

現以額僻欲舒

支合茲填班

戈雞阿奪支

二十人住大

戈雞隋茲支

住二十人冕甯

阿歪支

住一百三十人冕甯河道

戈雞阿呷支

住五人和尚坪

戈雞吉黑支

住五十人里甯

查該支二三房共  
換一班長房未換  
戈雞衣車支  
五十人住普雄  
地  
戈雞拉別  
甲芝支  
百

三十人住上普雄  
查甲芝支  
戈雞阿芝支  
二百人住  
戈雞吾助  
阿芝坡

現在換班庚芝支死在卡未換  
查墓坡支向未換  
戈雞路書支  
四十人住  
戈雞

支二百人住耳雖  
查墓坡支向未換  
戈雞路書支  
四十人住  
戈雞

耶墓支  
三十人住柏  
香坪後山  
戈雞日牛支  
八十人住南  
戈雞卓耳支  
四十人住  
乾龍灘

呷拉  
曲慕茲  
二十八人  
阿支  
曲呷  
死在卡未換  
存者十八人

家巴

客賴

屋租  
欲哈茲  
八人  
換班

吉畔  
五人住  
河道

欲戈  
黃都  
住布雞羅  
共十四人

阿渣  
十五人  
牛牛

阿戈  
察雞

德全志  
卷二十一 夷俗

走 養 展 之 三 三 三 一 一 一 一

阿支

雞摸

擢耳拉茲

四十人

克畔

月拉

罽毳

四人

阿茲

格支

白茲

月租

落迷

七人

呼格

曲拉

六人

月雷

應里

三人

月都

哈拉

三人

月呼

姑黑

十一人

挖囉

葯哈

七人

合家

阿打

二人

附譯夷言

邛部宣撫司頭日張啟文譯

天文

天

摸迷

日合布月

六布星

莫箕

風莫叫

雲木哈

雷墨茲

雨嗎哈

電木叻

露

之落霜哈趨虹雖生水助助霧哈落電澤日蝕哈唏曉茲月蝕六唏曉茲小風莫明

衣力暴風莫明阿瓜迅雷黑茲阿瓜細雨嗎哈衣力白雲木哈阿咄烏雲木哈阿落

日出合布讀月出六布讀日落合布歌落巫月落六布歌落巫天乾莫力擦瓜雨

水多嗎哈阿瓜天氣好莫力美

地理地的迷山碑巫海舒木河魚木田車迷溝六多基路格木西橋則街皆皆

城明脚鄉脚巴鍋土則黑石二碼堡子麻呷高坡碑巫的平壩脚巴邊界的呷東

方唏都南方唏箕西方衣巫北方衣密中央固都田埂的唏河壩衣姑菜園合

姑白水衣谷阿曲山頂碑巫阿拖山脚碑巫及脚木橋系則石橋明則草坪碑施

地名越窩城巫拖中所壩羊腸乾河壩格的足巴張家灣挖姑阿布塘

奶脚大河嗎拖衣呷柏香坪巴哈五里牌巫來牌陶家營譚加一小哨色舒土



城碑莫馬嶺溝木合鍋吉家山基吾落撐堡畧合巫鄧家壩加大巴泥頂山

橋卓則鍋下堡子則姑格基山嘴扎子大孤山木模小孤山呷布西李子蘭仍

叫李子蘭青山嘴挖之姚家灣挖姑碧子上茲鐵阿木王家屯塔子堡大寨二

嗎的大魚洞鋪吾小魚洞意加吳家堡吾加巫老鴉溝畧六巫瓦岩勿岩釣

口巖脚課草鑿鑿窠特夫的廣河割河後山獠落山脚下巴麻竹呷喇伯關阿

枯獠獠河壩獠獠鍋板橋河獠獠不沙青岡關呷沙呷曲高蓋堡蘇呷吾大屯

大頭天王擯他姑句青龍嘴六巫巴科一窩樹阿呷吾小王家屯王加巫白家

河壩曲基衣呷普雄卜合拉噠濫田壩衣落脚巫五里裙述鍋火燒坡呷姑挖西

乾龍潭思莫黑河上坪和沙坪藍裙窩落叻側跑馬坪不羅拉噠土潭窠呷谷的

河東阿呷吐

人類 帝帝 衙衙 莫莫 官官 息息 婆婆 文文 官官 礎礎 居居 息息 婆婆 武武 官官 摸摸 使使 息息 婆婆 人人 礎礎 土土 人人 特特 衣衣 玉玉 礎礎 農農

人人 車車 茲茲 車車 摸摸 礎礎 手手 藝藝 人人 六六 姑姑 買買 賣賣 人人 巫巫 六六 摸摸 漢漢 人人 漢漢 叩叩 回回 回回 披披 必必 夷夷 人人 猓猓 藁藁 西西

番番 吾吾 助助 洋洋 人人 仍仍 叫叫 洋洋 人人 大大 人人 礎礎 阿阿 格格 小小 人人 礎礎 衣衣 茲茲 男男 子子 阿阿 子子 女女 子子 阿阿 迷迷 婦婦 人人 雖雖 力力

老老 人人 木木 梳梳 窮窮 人人 蘇蘇 沙沙 富富 人人 蘇蘇 叩叩 癡癡 人人 茲茲 格格 聰聰 明明 人人 雜雜 花花 狡狡 猾猾 人人 礎礎 格格 歹歹 人人 礎礎 阿阿

美美 好好 人人 礎礎 美美 知知 禮禮 人人 而而 讀讀 及及 主主 人人 月月 離離 家家 奴奴 娃娃 子子 使使 婢婢 僕僕 聾聾 子子 落落 波波 瞎瞎 子子 畧畧 唼唼

跛跛 子子 莽莽 唼唼 駝駝 子子 足足 姑姑 瘋瘋 子子 蹉蹉 巫巫

月月 數數 正正 月月 甲甲 寅寅 拉拉 而而 慈慈 啼啼 二二 月月 乙乙 卯卯 頭頭 而而 離離 啼啼 三三 月月 丙丙 辰辰 呷呷 而而 藁藁 啼啼 四四 月月

丁丁 巳巳 詩詩 而而 呷呷 啼啼 五五 月月 戊戊 午午 木木 而而 哀哀 啼啼 六六 月月 己己 未未 欲欲 而而 呼呼 啼啼 七七 月月 辛辛 酉酉 挖挖 而而 黑黑 啼啼

九九 月月 壬壬 戌戌 曉曉 而而 姑姑 啼啼 十十 月月 癸癸 亥亥 衙衙 而而 側側 啼啼 十十 一一 月月 甲甲 子子 黑黑 而而 側側 慈慈 啼啼 十十 二二 月月

乙乙 丑丑 奶奶 而而 側側 離離 啼啼

天數 初一多慈黎初二多離黎初三多蓂黎初四多叫黎初五多哀黎初六

多呼黎初七多時黎初八多黑黎初九多姑黎初十多側黎十一多側慈黎十二多

側離黎十三多側蓂黎十四多側叫黎十五多側哀黎

十五日滿又折轉以衣分從起一

十六衣慈黎十七衣離黎十八衣蓂黎十九衣叫黎二十衣哀黎二十一衣呼黎

二十二衣時黎二十三衣黑黎二十四衣姑黎二十五衣側黎二十六衣側慈

黎二十七衣側離黎二十八衣側蓂黎二十九衣側叫黎三十衣側哀黎

銀 一錢慈西 二錢離西 三錢蓂西 四錢叫西 五錢哀西 六錢呼西 七錢時西

八錢黑西 九錢姑西 壹兩擇西慈約

錢 一百慈西 二百離西 三百蓂西 四百叫西 五百哀西 六百呼西 七百時西

時西八百黑西九百姑西壹吊慈約

飲食 白米茲曲阿趨蘇紅米茲曲阿力蘇酒米力曲穀子車系包穀玉密荳

子落嗎 莢子額麥子車居豌豆沙落胡荳蠶荳樹荳甲都瓜都呷桃子四箇李

子四呷 杏子四也栗子莫期梨子四達柿子力哞柑子四足花椒黑嗎胡椒則

六海椒殺哉生姜恰皮葱子吾吐蒜苗黑期青菜黑皮白菜黑皮阿曲蘿蔔聞則

蠶荳六擇膏糧格布元羹挖期茶拉足

衣服 馬褂子衣的掛子衫子挖呷汗衣衣的小衣哈帽子哇而鞋子希力

襪子挖茲靴子襪子領架奶呷子套頭挖貼帶子足挖裹肚足手圈落姑戒

指落唎 耳環羅博則都

植物 松胎柏哈系柳墨沙如青欄絲基柏楊意來鐵沙舒香樟雖椿絲吾

夷俗 十一

漆基槐助竹墨舒杏四也核四密柿力哪

動物

龍明詩蛇

吳詩虎拉木

豹拉來馬木

牛奶羊欲

雞挖犬呢

豕窩鵝

勿鴨

耶鵲阿渣

鷹足木

兔頭而鹿澤

漁黑鳥哈茲

貓阿力鼠阿黑

騾姑而熊窩

木獐

麋

期登肺鳩獺奶

器具

鍋黑雞碗折茲

篾着水衣故

火木都棹着

茲椅几茲

橙巴得櫃

革子戩

登

子秤及杯之折

犁絲姑鋤

茲木巴足挂

果挖鋤

茲木奶的丁

扒茲木落故

剪刀

叮噤

火箝呷叮石炭

雜雖崗炭

絲雖瓢挖落

杠衣谷則都

桶桃啼梳窩

啼窩

鏡沙呷

鎗墨咄

刀敵密金詩

銀趨銅篋

鐵詩都錫

咄

親戚

祖阿鋪妣

阿挖父阿博

母阿木伯

阿必基母

莫依叔

吧巫母

麻呷兄

嫂阿米弟

依依媳

麻文姐

巫木妹

力嗎姑

依峻孃

依波舅

窩裡表

阿波朋

茲曲

禮節 你那日來的裡曉鐵鍋拉我昨日來的阿力的黑拉你來謂甚事裡

希時拉 我來走親戚吉希都格你來好幾日了裡拉曉力立及我來四五日

了阿拉嗎力哀力及你家在那裡坐裡依鍋息叮作我未在裡去過阿裡依

鍋足各阿作 明日到你家去耍莫時力裡依鍋足格你歡喜不歡喜你照巫黑阿

巫你請此處坐哈足立拉你吃飯無有你咱鄰鄰你未吃飯你咱阿鄰我去

做飯你吃阿咱摸裡鄰我吃飯了不銷咱阿鄰阿作你吃酒不吃西你支多支

阿多 我去打酒你吃阿支巫你多我不吃酒不銷支阿多巫阿作我去煨茶

來你吃阿拉依時你多口不渴不吃茶克皮拉曉拉阿多我去那煙來你吃阿

煙手時你多 我不吃煙不銷阿囉阿多阿作你家父母康健乎你阿博阿本美美

沾天之祐還好莫迷梅時美你家弟兄幾人你歪巫依衣曉力約我家弟兄

我請德人全  
家卜一二夷俗

四人 歪巫依衣 咁約 在做甚事 希莫摸 在做庄務 芋密車模 今年穀子芋麥

好不好 樹枯車系芋密美阿美 都還跟上往年 河力慈枯足達 你家有好多牛

羊 你依鍋奶欲曉力博 有四五個 咁茲哀茲足 還有好幾匹馬 莫巴曉力嗎足只

有二匹馬 慈嗎的足 你家有好幾條豬 你依鍋窩巴曉力嗎足 有七八條 時嗎

黑嗎足 你家有幾條狗 依鍋曉曉力嗎足 有貓無有 阿叮足的阿足 你一家弟

兄到勤儉 慈家歪巫依衣雜花 無有一日空閑 慈力奶都阿足 不砍柴即去搯

炭 系阿日雞雞辦 你家婦人勤快 你家媳木雜花 做茶飯看家務 咁模依鍋博時

一家人都如此 慈家阿咁似達 衣食都穿吃不完 挖咁咁鄒撒阿達 後日

必定發財 力莫力蘇咁 發財要讀書寫字 蘇咁特依玉特依咁 讀書戴頂子

做官 特依玉頂子的息婆模 做官要管民管兵 息婆模磋居模居 行走那裡騎

馬坐轎客姑依莫茲轎子立 一家人都有名聲 慈家阿明黑巫 弟兄亦得沾光

歪巫依衣以密的 你看讀書好不好 特依玉美阿美 寫字好不好 特依晰美阿美

看此為官者 息婆摸鍋波 以就得知 阿明的及

附載清流縣土司志方言以備參考

天 木密 日 黑不月 那 填 星 木幾 辰 吉石 風 木列 雲 害羅 雷 木茲 雨 媽掃 霧 露母 烈

霜 喜吸 雪 窩電 木 列 虹 不 氣 果墨 寒 木此 冷 鍋過 春 牽那 夏 兒那 哀 那 秋 時那 血

那冬 木茲吉 年 茲谷古日 節 脚○以  
上天類

地密的山川 米磔米傑 江 大一 河 以賣 水 一顧 石 羅媽 土地 密田 車 蜜 坡 皆馬 城

六哭池 舒市 懋 寨堡 此吾○以  
上地類

人勿磋 皇上勿木 土司 茲模 頭人 蘇日 通司 把識 祖 阿卜 父 阿達 母 阿媽 妻 甯



烈子則孫里約家門此已差役茲女阿密奴菊夷人洛粟漢人黑呷頭呷切手

路項古烈身果薄脚希宗派戡次正派雨物一弱心黑媽眼眼茲口可吻鼻約比

耳洛薄腹過洛髮子不○以  
上人類

屋屋葉几椋希床夜的飯維酒枝菜恰別肉食鹽擇茶腊烟煙碗者則碟

小盤杯者媽則箸主牛吽羊約猪窩雞哇野雞哈子班鳩他耳雀木扎虎納麻

豹哨獐勒鹿黑墨媽雜筆師紙桃一弓黑媽箭哈鞞刀及密鎗處炮補褂龍

掛鞋新烈帶爵凹兜窩洛甲哈○以  
上物類

案曰日本志新增夷譜夷言人或譏為瑣屑且夷譜僅詳戈雞  
一支譚譯僅憑張啟文一人尤嫌掛漏其說是已然杜氏通  
典已載獠人丈夫稱阿暮阿改婦人阿夷阿等之類唐書載

其官曰坦綽布燮久贊之類則古人固有行之者且就四川言之嘉慶雅州府志繪有各夷形狀圖並其夷律道光清溪縣志其於夷語具載天地人物四類冕甯縣志亦略載稱謂數條此物此志也夫轡軒使者絕代語蜀人揚雄氏所撰之方言也武威張澍蜀典載有方言則意在考古光緒敘州府志則從遵義府志摘錄蜀語亦以其爲土音耳近日歐米人傳教來華者著有西蜀方言一巨冊雖譯音間有異同其欲周知方語則猶是也吾嘗讀泰西新史攬要如英人苛刻之於哈唯島即華人所謂檀香山是也英人慕法之於鼈邱鴉拿人在南非洲皆以其傳教法門爲殖民政策而中國之西南夷二千年來尙未歸

我大同之治近者各支夷人傳奉西教者亦不少矣我不設法教育甘爲魚爵之毆他日之憂其有艾耶使凡爲地方官者久於其任寓封建於郡縣之中而卽以苛刻慕法輩之術行之不獨諸種夷人服我王化可以改土歸流而五鑛漸開生利不竭其於我中國富強之道裨益豈淺鮮哉西藏添設行省將見實行矣新政所頒必詳求所以治西南夷者狂夫之言聖人擇焉請卽以鄙人之說爲芻蕘之獻可也

越嶲廳全志卷十一之一

祥異志

漢成帝建始三年十二月越嶲山崩

前漢書

後漢明帝永平七年十月丙子越嶲雷

見伏無忌古今注

安帝延光四年蜀郡越嶲山崩殺四百餘人

唐高祖武德六年七月二十日越嶲山崩川水咽流

高宗乾封二年秋七月劍南嶺州等州旱百姓乏絕

憲宗元和九年三月丙辰嶺州地震晝夜八十震壓死百餘人

以上

俱舊志

明憲宗成化十六年七八月越嶲雨雪交作寒氣若冬八月丁巳

越鶴街七日一震越數日連震

神宗萬曆三十八年冰雹大如雞子菽麥入土成泥

莊烈帝十年八月越鶴衛井沸

以上府志

國朝乾隆五十一年五月初六日地震城池衙署民房坍塌大半乍震乍止

光緒二十年四月十四日南鄉李子蘭等處冰雹灾署同知勞衡

芝稟提三費局同仁堂存款銀壹百伍拾兩賑濟

以上新増

二十六年春大饑署同知周鳳藻稟請發款辦賑

續纂

二十七年夏五月初七八九日雨水廳城附近南北鄉與大樹堡之海螺埧均被灾先後溺斃漢民十七丁口署同知袁啓琨稟請

賑款施濟

二十八年七月二日西路紫大地剽老鴉山崩水淹新街子溺斃漢民六七百丁口同知孫鏘捐廉撫恤錢肆百伍拾千文又稟奉

撥款銀貳千兩賑濟

以上新增○  
以上天地類

後漢獻帝建安元年越鬻男子變爲女

後漢書

海螺埧張老治北二百八十里大樹堡側乾隆五十一年地震山崩塞大渡河行人不用舟楫攜手而過涸月餘激而行之風濤不息田廬皆成蛟龍之窟水退一片白沙形似海螺遂名海螺埧其時桂皮落有張姓者素忠厚水發時舉家擁去一日夜至蘇州埧不知其幾千里合家無恙邑人爭問焉地方官以聞得

旌其閭至今以巨族傳

鄧仕甫廳民家治南二十里之田埧祖孫曾元五世同堂家傳樸素耕讀貽謀其子孫入文武庠者代多其人族亦繁衍

湯鏞文生家治南三十里之柏香汛崇尚古道年九十餘猶負斗米趨場赤足踐水同知書綸延入客坐待以優禮尙背誦入泮題文娓娓不倦書公贈以袍料肉米輿送還家近百歲方卒

杜天經武生家城西街開棚教習入其門登武庠者五十餘人猶口講指授午夜不倦愛著衣冠祭祀宴會必先至精神老而逾強近百歲方卒其子亦入武庠

李應祺廳民家治東南十五里馬蝗溝誠樸厚重夫婦皆登九十

餘猶愛培植子弟讀書習武耕田外無他務其子國臣國補武生  
孫光輝同治癸酉科武舉光明武生幾百歲方卒其妻九十餘尙  
存

劉大年廳民家南關外樸實務農夫婦皆九十餘齊眉到老誠篤  
無僞近百歲方卒

馮廷莊武生家城南街夫婦皆九十餘齊眉到老每爲鄉里排難  
解紛爲學中老成典型及其卒夫婦同時同葬蓋亦奇也

范遵賢文生家城南街平生樂勸善事年九十餘猶精神強固遇  
善念必玉成之近百歲方卒其子寬庠生曾孫邦傑增生

耿學聖廳人家城北街由稿書官保安營外委辭退性謹慎謙和



非禮不言爲鄉里法年九十餘夫婦齊眉到老每早誦大洞經感  
應篇飲食調和精神煥發子齊紳保藍翎把總孫曾繁衍夫婦俱  
九十餘

鄧耀榮武生家北街城隍巷好置書史歷延名師教其子光華入  
泮至老猶力於農事強健不衰不喜時好年九十餘歲

薛母廳屬中所填人家貧無子年過百歲鄉人好義者倡衆歛錢  
四十餘千代爲經理取其息以養終壽前武字營弁某予以百歲  
老人區歷一百四歲方故

陳母廳中所填人性賢淑老益康強其子及孫相繼入武庠餘亦  
繁盛享受奉養年九十七歲

以上  
原纂

馮毓華河東人少嬰家難遠賈滇南起家農田爲一方最性好施予允伉直不阿余在任時延爲平議局董事經理數月訟庭闐如光緒三十一年東北民饑奉委散賑攜一孫銘策騎前往不辭勞瘁今年七十一其妻耿氏年七十三常以割股療親病齊眉偕老五世同堂洵昇平人瑞也耿氏之兄號小峯年近八十杜門不出不如毓華之健步然其家有子三人孫五人曾孫三人元孫一人

亦五世同堂云

新增○以上人類

漢平帝元始二年春黃龍游江

原纂

安帝六年春正月庚申詔越巂置長利高望始昌三苑

西京雜記成帝時交趾越嚮獻長鳴伺晨雞卽下漏驗之晷刻無

差雞長鳴一食頃不絕長距善鬪通志引刪伺晨雞三字則所云  
下漏驗之晷刻無差爲贅語矣王子年拾遺記黃龍元年吳始都  
武昌時越鶴之南獻背明鳥形如鶴狀止不向明巢常對北多肉  
少毛其聲百變聞鐘磬笙竽之音則奮翅搖頭

蜀典  
新增

大樹有六 一爲栢樹在城東湯氏園內城樹雖多獨此岸然不  
羣自明歷今數百年蒼翠婆娑顏色不改或以爲城內風水云

一治北二十里大屯場口其樹虬蟠蒼勁俯視前後左右諸樹有  
如子孫數百年古幹不衰或以爲冕甯風水蒼翠冕必豐和稍枯  
冕必歉缺越有至冕者父老必問大樹無恙不

一治南關外真武觀山門內蒼翠巖岸古色斑然當同治癸亥粵

逆自南鄉下竄遙見此樹似大將旗幟有無數兵馬在內莫之敢犯繞教場東去賊中逃出者言

一治北二百七十里李子坪路側大樹堡口樹色婆娑蒼秀絕倫枝葉長青疏密相間爲全堡風水數百年神物也大樹堡由此名一開建橋有大樹一株大可合抱上結海椒其味甚辣有能食者難盡一枚

海棠東北偏有昆季松大欲合圍亦數百年物忽於光緒三年六月初旬火燒樹心七晝夜土人百計蔽之乃止樹心雖空皮色白若仍然綠葉青枝未見毀敗亦一奇也

元燈有二一治南四十里小哨之北東山爲觀音巖西山對面頂

上道光十五年鎮軍張必祿命樹燈杆於上經年然點紅燈派兵經理歷久而懈而其處深夜往往有紅火如豆若常點然

一治北二百八十里大樹堡後觀音閣在山阜之上山小而高上有清泉自閣流出淙淙有聲其山之南峭壁千仞每於良夜有火數點其大如星照數武土人以爲元燈現示閣後有一洞中有石筍小而多土人有拆出養於花盆用水灌溉者洞中有白泥極細歲歉土人取以和麪餅全活甚衆

別名爲觀首粉

碧鷄山治東百餘里夷地前有銅廠道光中開而仍止今雖未開其地每有毫光發見似虹非虹光彩直上或者地不愛寶終爲國家裕財

百鳥治南二十里田埧當春夏時有鳥羣飛集於田間大如鴻色  
如鷺行有伍而不亂聲一鳴而羣和性馴不擾不壞禾稼見人不  
避人無傷之者

以上原纂○  
以上物類

走 峯 廬 之 記  
卷 十 一 一 六 一

越嶲廳全志卷十一之二

雜記志

尙書牧誓庸蜀羌髳微盧彭濮人孔安國傳八國皆蠻髳羌在西蜀叟髳微在巴蜀彭在西北庸濮在江漢之南按孔氏傳今人句讀多舛岳珂九經三傳沿革例羌在西句蜀叟句髳微在巴句蜀彭在西北句庸濮在江漢之南句最爲分明髳即旄牛種卽越嶲旄西南旄傳天漢四年以沈黎郡并蜀郡爲置兩都尉一居旄牛主徼外旄延光二年旄牛旄叛攻靈關蜀志張嶷傳旄牛道絕已百餘年嶷賂其帥狼路通舊道千里肅清復古亭驛奏封路爲旄牛响町王華陽國志旄牛地在邛崃山表寰宇記通望縣有故旄



牛城俗呼爲牛頭城又云陽山縣臺登縣卽旄牛故縣地詩小雅如蠻如髦箋髦西夸別名武王伐紂八國從焉疏牧誓曰及庸蜀羌髳微盧彭濮彼髳此髦音義同也是髦旄髳字通旄又通髦亦通犛也唐貞觀時置髳州括地志云姚府以南古髦州之地楊用修謂髦卽叟誤矣又以髳徙斯叟實爲一種尤誤考徙語斯本一種字相通李奇音徙爲斯漢紀元狩中發使者出驪出冉出徙出邛夔指求身毒卽此徙也司馬相如文云略斯榆卽徙陽漢屬蜀郡晉時屬漢嘉郡宋齊訛爲始陽華陽國志邛都之初有七部後爲七部營軍後又有四部斯叟其一是斯卽邛部夸也實巴郡廩君之後爲彭夸不得與斯叟爲一張嶷傳有斯都耆帥李承殺

越巂太守龔祿是斯非叟更非孛審矣微卽木耳夸九州要記越巂郡界千里有木耳夸常居木上作屋有尾長二寸若損尾立死若欲地上居則預窟穴以安尾蓋以此夸生尾故謂之微微字與尾通書鳥獸孳尾古文作字微論語微生高人表作尾生高也水經注建興三年分益州爲建寧郡于溫水側皆是高山山水之間悉是木耳夸居士差平和而無瘴毒卽微夸之地矣

漢書匈奴傳揚雄諫辭匈奴疏云探姑繒之壁師古曰姑繒謂西南夸種也在益州按漢書孝昭始元元年益州廉頭姑繒民反殺長吏後三歲姑繒葉榆復反姑繒卽今建昌地繒作繪者誤

水經注漢武元封四年以蜀郡西部邛笮邛按戴東原曰此十四

字不可通當作漢武帝元鼎六年以蜀郡西部徠都置沈黎郡不得繫之元封四年也又越巂郡治邛都沈黎郡治徠都不得兼言邛徠明矣

漢書王莽時有越巂太守枚根爲邛穀王任貴所殺風俗通云枚氏黃帝臣力牧之後漢有越巂太守牧根顏籀云枚根一作牧根也

十六國春秋蜀錄李雄玉衡十七年春正月越巂斯叟反甯州秀才潘遺起義兵應之攻圍鎮南將軍任回及太守李謙等雄遣征南將軍羅恆費黑救之甯州刺史尹奉遣裨將姚嶽朱提太守楊術援遺戰於臺登嶽等敗績術力戰死夏四月斯叟破

事物記原諸葛亮南征將渡瀘水土俗殺人首祭神亮令以羊豕代取麪畫人頭祭之饅頭名始此按郎瑛七脩類藁蠻地以人頭祭神諸葛亮之征孟獲命以麪包肉爲人頭以祭謂蠻頭今訛爲

饅頭也

以上六條從張樹  
蜀典採入○新增

石鼓演武廳乾河一紫紅石高二尺許以石擊之鏗然有聲如鐘土人呼爲石鼓相傳武侯所遺

李力士失其名明慶曆時人牧牛大瑞山遇雨手拓三石一石遮其首以二遮左右今三石尙懸巖際約七八百觔

鎮雄營柏香汛下埧黑保鬚爲古營地不知始於何時今其地居民老約文契皆名其地爲鎮雄營確有證據

走舊屬之二三  
卷一 一〇六  
古路前明大道由後山經臘八關而南至魚洞站始折而東走阿  
布塘入冕邑之木廠溝合路故有關有站父老云某學使見天于  
山活龍奔江乃改今路恰拴龍項形象亦似

沈天官園天官失名大約明時官之謫戍者相傳其第在南關外  
遺址甚闊今爲民居至教場大路尙呼沈家橋沈家巷云

象笏治城內元通寺寺爲前明李贊善第贊善無子舍其第爲寺  
象笏與珠藏佛腹中爲盜竊去僧追回象笏即今尙存香爐上有  
字可考同知蹇誥有象笏歌

王氏肉身城東北貞孝禪林王孝女割肝救姑坐磨死

今尙存詳  
列女志

鴛鴦塘先是前明陶指揮祖墓在治南陶家營對面五山羅列一

似彩旗誤信地師語起另葬甫起有二鴛鴦飛去用多人擡棺追至東山鴛鴦止處即葬呼其地爲鴛鴦塘

打虎溝明末多虎相傳有刈草者於城外山下虎突至撲所負背羅急切難退羣刈者以刀石戕之虎斃地遂名打虎溝

眞武觀前明有指揮名陶亨者出師軍中得眞武祖師擁護得功升都督許愿建祠凱旋創建莫擇其地夢神豎一旗於南關外半里許遂修觀地爲白塔山脈眞僊境也

湖田利濟站澤中雙鶴處其地縱橫七八里水紅朽不滅不產五穀或以爲登臺隱寺常住田佃戶以敗穀欺僧言不產出僧云任他不出遂不能種爲廢地云

登臺隱寺相傳在南箐山中恆隱而不見有偶見者其人必富貴  
順利有薙髮者隨僧入寺薙月餘僧酬以豆半升其人憤擲地下  
而出歸家袖中尙餘二顆視之金豆也質錢而歸適符工價復入  
山尋寺杳不復見

順治初年流賊之亂孫可望劉文秀帥黨自建昌焦家屯竄出一  
路殺戮村民潛匿西山羊打寨爲賊所覺屠戮無遺婦女多盡節  
者海棠一路猶甚惜舊志散失無考

乾隆五十一年五月初六日地震城池衙署民房坍塌大半午震  
乍止自北而南地中彷彿有聲雞犬皆鳴缸水傾側人不能立震  
後微微作顫移時復震如是數月時成都西南響三聲通省皆聞

係清溪縣山崩壅塞瀘江斷流行人踐河底而過不用舟楫五月十六日忽決頭高數十丈一湧而下沿河飄泊嘉定府城西南沖塌數百丈江中舊有鐵牛高丈許藉以堵水亦沖去敘瀘以下山村房料壅蔽江面同竹筏然黔江山亦崩塞水由山底伏流始入大江至湖北宜昌勢方平而打箭鑪建南一帶房舍坍塌被火延燒至八月後方定

葛有民生員家王家屯相傳乾隆間夷匪滋擾屯中有民令鄉人盡室以行伏於場口兩頭僻靜處室中各炊爨熟牛酒腊肉以俟之夷人入室見酒食爭噉醉輒無力尋路奔竄兩頭伏起殲殺大半自是不敢輕視二屯



石龍石虎治北五里青龍鬻棠樹林內二山相峙宛似龍虎昔謠云石龍對石虎金銀萬萬伍有人能識破建昌買齊成都府不知出自何人

小峭觀音巖半巖有飛觀音像深溝觀音巖半巖亦有飛觀音像

土司王應元倩畫師以布纏腰放下為飾以金光彩寓目不知自何而有或石自生成何以酷肖

如是

仙人洞有四一在瓦巖山中即石洞瓊鐘處詳仙釋志一在小峭觀音巖入洞有石床石橙石竈石几數折而南有石龍宛然如生口內滴水鏗鏗不絕週年不匱四圍俱石惟滴水處有細泥潤膩無比歲旱土人取其水供神祈雨頗效洞極深有然火入者一層

有一層景象巖壁上石有光滑如壁者有洞似月宮門者有窄處似羊腸鳥道寬處似福地洞天或直似坦途曲似盤蛇約五里許聞水聲行穿者見前有大河一木杆大數圍水洶湧無津而返一在治西南四十里核桃園入洞數武有生就石神三尊又一層有石鼓擊之有聲壁上石有如碗盂者有如各樣花草者有如人物蟲魚者土人愛之擊下取出觀玩然擊下必碎不易得一大樹堡

觀音閣後

詳祥  
異志

紅海有二一在阿露山頂闊約三十餘丈其水碧色相傳中有蟄龍歲旱打海即雨凡打海者必先飽食尋巖洞藏身然後以瓦石投中登時黑霧雪雹驟雨狂風銳不可當遠見者望黑雲放鎗礮

乃止一在南箐山中海水澄清無渣滓塵每天色晴明青煙一縷  
從海內直沖天際旁邊穰林野竹細草蒙茸蒼秀絕倫週圍有樹  
葉落卽有鳥衝出銜去過五尺許赤地一片寸草不生歲旱亦有  
打以祈雨者

三洞橋南關外下坎處爲城濠溝水舊修三洞石橋於上上爲街  
路橋在暗中俗云一出南門三洞橋知者甚少

倒流水北關外報恩寺門外一溪凡水皆自南而北獨此溪自北  
而南與玉帶橋水合俗云北寺門前水倒流

頂子花鳳尾峰有樹扶疏蒼翠結果圓如頂戴俗呼爲頂子花  
海棠謠詞不知何人作云眞武打坐海棠城龜蛇二將把東門雙

馬朝天分水嶺二龍入地火草坪酷肖海棠地形

海馬俗傳前時老令熨地在今柏香汛南有海馬倏忽百里往來如風一日方炊家人乘至建昌買菜歸而炊猶未熟

同治二年正月楚軍入建拒粵匪過海棠忽地中有聲自北而南若鼓吹然約兩時許方沒

五里箐夷地有一紅海闊四十五里許水清潔無塵其中有物光緒二年四月望間夷人以雞犬宰殺投海中是夜大風雨海中湧出紅水由柏香而下淹田最多而海忽遷於五里箐山上十餘里其故海則已乾枯而山頂則另生一海亦奇事也

夷務之亂各鄉村爭作碉房獨天王嶺有張姓者將山洞搜空作

室寬闊一類人家有扞隔有堂廚有牛檻豕柵恐土之墜以木爲頂觀洞外挖一大池長二丈寬丈餘中聚糞水滿池晝用板搭橋出入夜抽去夷人攻之欲放火而煙不能入欲用矛而曲不能施欲進無計而洞裏則有鎗礮可擊外面夷人無可如何亦人之智

也

以上均原籍

越巂廳全志卷十二

藝文志

○原纂文詩統載今擇其有類可附者分載各項之下此外無類可附或可附而失移者均載於此

唐雍陶蜀人爲南蠻俘虜

陶字國鈞成都人太和進士官簡州刺史

但見城池還漢將豈知佳麗屬蠻兵  
錦江南渡聞遙哭盡是離家別國聲

大渡河邊蠻亦愁漢人將渡盡回頭  
此中郵寄思鄉淚南去應無水北流

越巂城南無難地傷心從此便爲蠻  
冤聲一慟悲風起雲暗青天日下山

雲南路出陷河西毒草長青瘴色低  
漸近蠻城誰敢哭一時收淚

美猿嘯

唐馬義蜀中經蠻後寄雍陶

曾馬渡瀘水北來如鳥輕幾年期鳳闕一日破龜城此地有征戰  
誰家無死生人悲還舊里鳥喜下空營弟姪意初定交朋心尙驚  
自從經亂後吟苦似猿聲

明王自誠題金馬山湧泉

避俗探玄靜日陰青山常與白雲深岫屏覽盡煙霞色一派流泉  
智者心

鳴琴石下響春濱流水高山得趣眞聽罷游魚情若躍子期何處  
覓知音

國朝顧汝學金馬山

紫微星燦照龍泉棟宇宏開敞法筵山結金胎佳氣繞水分仙窟  
慶源綿主持喉舌扶皇運管領圖書啟後賢從此夷風看不變

臨祠仰止思依然

湯祜龍臺溪懷古

山巖曲處掛飛泉此地當年勝洞天址沒苔階情可惜煙迷蔓草  
景堪憐山花凝露姿容淡古樹垂陰薜荔懸游客登臨憑弔處只  
今惟有水潺潺

又游登臺古洞題

叩嶮山勢倚青天巖穴空如洞裏仙勝地形踪無可覓白雲來去



鎖峰巔

登臺形勝彷彿西天蹤跡幽清不見仙踏破芒鞋無處覓空懸明月  
上山巔

又題鐘鼓樓

聳峙層樓駐鼓鞳崔嵬欲並暮雲齊高臨北斗羣峰小俯接南山  
相嶺低野色漸添新氣象蠻煙從此絕端倪只愁笑語驚閭闔謝  
眺佳篇莫亂攜

又除夕觀梅

冰魂消息竟何如况是冬殘歲又除騷客欲探驢背信驛人應寄  
隴頭書疏枝耐冷香飄遠老圃衝寒藥放初喜得迎春今已屆瓶

中特插慶春餘

建昌道鄭成基過大渡河

馬蹶涉亂流驚沙障遠樹望見隔岸山河聲雄大渡年來慣行役  
過此逢春暮落紅溼不飛碧波杳然去擊楫一高歌快哉清百慮  
又大樹堡夜雨

沉雷急雨催一快老農情伏枕得涼夢推窗開曉晴花寒香較晚  
麥秀浪初平又上肩輿去看山眼倍明

又越嚮道中

漢嘉春色已過半鼠姑正開鶯粲粲出門晴暖雲物和豆麥盈疇  
景堪玩大渡河南天愈炎單衣行旅猶揮汗昨宵利濟住郵程誰

信擁鑪裘尙輕遠山積雪射眉睫照壁寒燈半明滅我來今日越  
嶠路節後如何又遲暮溪頭楊柳青作煙屋角桃花紅滿樹乘傳  
迢迢未浹旬時同境異轉驚人不知更向甯西去別有風光入眼

新

又大渡河

瀘水雖云險春來兩度過青山隨舞幟紅日湧江波菜麥芳郊滿

人家樂歲和不堪思往事三月掃干戈

九年春剿辦黑馬  
溪探夷駐此三月

又越嶠道中

客路喜春晴山程移步異寒暄倏變遷桃李多遲媚風裊隔溪煙  
雪明遠嶺樹漢夷雜沓處營汛碁布置誰言此巖疆駕馭費控制

古人喻禽魚可格在信義寄言諸寅恭治理須加意勿以事小忽  
補救殊非易我來覽山川徘徊度軒輕豈徒藉遨遊不爲適興致  
稔知上下情務在去詐僞終日困登涉林巒自蒼翠勞心吾敢辭  
邊防慎弛備

又大樹堡道中曉行

遠塢野煙空山零散曉風水如前日碧花又隔年紅客感增疏鬢  
嚴程怯倦驄臚經關上路形勢控蠻戎

同知姚光鼐受替留別

無端捧檄到山城羌笛邊笳別有聲漫道蠻夷心畏服敢云期月  
政能平推誠差信豚魚格據理潛消雀鼠爭一片丹心常捧日時

時照鑒玉壺清

連朝風雪釀清寒簾鼓聲中歲漸闌往事休思將去吏新恩留待  
後來官農桑俗古關心勸桃李陰濃拭目看宦囊惟餘琴鶴伴東  
風轉後送征鞍

幕友倪越軍署後泛舟

山影迷離轉四圍一篙撐出釣魚磯柳風和露知多少迸作清涼  
上客衣

同知秦象曾邛部紀實

羽檄頻催未敢留鸚鵡同上數星郵嶺雲遠隔瀘江闊贏得征人

紀壯遊

紀履任也

短堞山村聽夜籌烽煙時抱杞人憂年來邊徼原無事浪說鴛鴦

起寇讐

敘夷氛也

禦寇人傳屢著功偏師深入誤元戎成城未識三軍志呼渡空聞

百戰中

輓護鎮也

警報飛傳絳節臨時艱獨繫蓋臣心窮廬今識寬仁政暮夜無驚

感自深

頌觀察也

虎<sup>每</sup>鍔窺伺動疑猜重鎮還須濟世才釋甲投戈看底事有人報到

令公來

贊鎮軍也

甘心隱忍歷艱難愧我無能報上官猶幸參謀多俊傑更餘猛將

悉登壇

美同人也

比戶傳宣守望規徒煩文告亦空爲戈矛有暇宜修習莫以安時  
不計危勸團練也

轍迹經年任往還忽從瘴海識夷蠻秋風莫逐思鱸膾望到峨眉

願仰攀期瓜代也

又丙辰秋初聞靖遠夷患

一官匏繫詎求援獨抱憂心賦北門征調幾回嗟遣戍蠻荒百計  
逞浮言那堪閩外難爲策猶幸田間尙有村指點嶺州山外路空  
餘戰壘說兵屯

口口夷蠻黷貨財鄰封邊釁又聞開蒼天果肯收餘孽黑骨何難  
付劫灰猛獸搏人飛矢石潛蛟得水撼風雷荒衙寂寂空惆悵歷

盡艱危愧不才

構難年年怨譴滋罷兵盼到用兵期誅鋤惟願殲羣醜寬大豈專  
爲野夷瘴雨連宵聽淅瀝賊氛三楚繫懷思任他物議甘分謗自  
矢愚忱莫笑癡

登高時欲豁雙眸巡到城堙上戍樓星逐長槍占讖緯風嘶錦鞞  
脫兜鍪籌邊只合連營計埽穴差同築室謀傀儡登場殊自笑感  
深知遇更何酬

奉委又赴越郡

不因鐵羽問升沉何日高騫出舊林久別怕添兒女態重來慮失  
漢夷心笳聲催起霜天鶴鏡唱爭傳雪夜禽仗劍軍門頻拂拭漫



彈長鋏作空吟

副榜游月恆贈廣文何晴鰲

因避夷難於大樹堡  
性好雜體特贈之

春風化雨隔晴天  
自分登龍未有緣  
何意山城驚小醜  
偏教野寺駐高賢  
汪洋氣度無清濁  
淡泊情懷近佛仙  
最是明倫根本地  
如公師範幾人傳

高人隨地覺優游  
窄窄僧房自愛幽  
歡少客情思穩臥  
勤還詩債怕輸籌  
達能知命心常泰  
病不延巫鬼亦愁說  
到休官休便急夢  
魂幾度駕扁舟

灰盡塵心不受牽  
殷殷解組賦歸田  
每持尊酒思陶令  
漫把才名慕鄭虔  
點竄書文看課子  
平章花木好娛年  
何時快覩團家宴  
計

到中秋月正圓

署同知梅元珩履越薦任

地僻能生六月寒方秋已自怯衣單途間烽火銷蠻壘座上威儀  
仰漢官黎庶欲安誠未易鯨鯢能剪尙非難循良別有傷心處怎  
奈蕭條滿目看

勸得捐輸又練團凋殘形可繪圖看並無故事銘銅柱豈有邊方  
貢木難白水盟心誰報國朱門得路盡彈冠淮陰不遇蕭何薦尙  
自灘頭理釣竿

駱鳴鳳生擒僞翼王石達開凱歌五章

三年節制古蠶叢一德承天喜氣同力掃欃槍清海宇紅旗捷

報慰宸衷

參謀誰似蔡中郎  
決計河防費主張  
莫道瀘江天設險  
人功到處

協天昌

蔡太守統漢土  
兵沿河防剿

綺交棋布復星羅  
扼險爭奇鳥道過  
自是先聲能奪衆  
生擒僞翼

靖山河

胡軍門防  
河上游

唐兵如虎賊如羊  
羊自觸藩虎自強  
夜半火標齊發處  
前驅追逐

盡奔亡

唐鎮軍防河下游  
五月五日夜以火  
標為號唐兵渡江  
殲賊餘黨數千人

文武和衷夜聽刁  
十年氛氣見全消  
擒王破陣須臾事  
祇在丹心

翊聖朝

石逆自廣西起亂  
十三省在  
事諸公協力圍剿  
克平大憝

學使鍾駿聲鯨鯢觀

同治初年瘞石達開  
逆黨數千人於此

未共遊魚躍順流掀天波浪鼓神州翻將溟海眞如沸鎖到蠻夷  
不自由可有燐光飛黑夜已看虹氣掃蚩尤鯨鯢地下應相悔白  
骨森森萬古愁

又途中有編木葉爲衣者詠之

身是菩提樹穿林不見人迎風聲綵繚照月影輪囷絕域旄牛徼  
荒山飲馬津卉衣遵古制太始有遺民

又過大渡河

四月南風過大渡馮嶠順軌不敢怒翩然一舸下中流片時繫纜  
長堤樹旁人笑指渡河穩我亦茫茫不知故憶昔西山片石頑破  
碎溟雲走蛇兔洪波一阻望洋歎十丈妖星墜如鷺即今大澤產

龍蛇細柳營屯列烽戍瘴雨吹開鸚鵡螺盲風飽嚼檳榔脯灑酒  
椎牛獻誓書鐵脚蠻丁胥內附古來擒縱在人爲玉斧當年坐自  
誤偉哉聲教遍遐荒南人不反天威布使者輶車千里來遠陟邛  
徠駕騏驎宣風直欲到流沙高闢文園封武庫爲歌一曲上青峰  
迴望煙波渺如霧

又自大渡河南行途中兵衛甚盛

文軫南行似出師夢回清曉角聲吹螺盤黑髻遮蠻鬼馬簇紅旗  
擁健兒礪外冕山今靖遠峰前孫水古通夷儒生所仗惟忠信何  
事橫遮十丈旗

又至越巂周渭臣提戎以墨竹紙筆見貽賦此報謝

蕭蕭寫出兩三竿直與凌煙一例看  
虎帳秋生邛杖落龍韜夜靜  
筆花寒奉揚德比東陽箴揮灑風生上將壇  
想見用兵如此竹涼  
山孫水報平安

通判馬如龍越齋十景詩

三巴多秀氣直與此峰通  
誰把岐陽鳥來儀萬仞宮

鳳尾孤峰

凌雲千尺白照耀日初昇  
對此心如洗何須夕飲冰

雪山朝霽

紫府飛霞處潛魚出石淙  
風雲從得會平地起蛟龍

金馬魚洞

涇渭由來別同流各有真  
泮池分左右文武合爲斌

紅白交潭

名傳三藏古佛法悼希聞  
果悟經中意那須石上文

晒經文石

古刹雲深處神泉別有源  
不逢青眼顧誰識水能言

雲嵩聖泉

疑是龜壺擊空山響遠音乘槎尋古寺明月入深林

石洞瓊鐘

潔白源頭水清心雲病根殷盤朝夕御曾否借泉溫

溫泉春禊

炎漢平蠻日南箕始見天白雲飛不到石屋有人烟

南天相嶺

威烈壯千秋將軍尙在不石碑風雨斷鐵膽日星留

鯨鱗封處

舉人李曰盛和韻

岐陽鐘鼓地脉脉蜀山通獨羨邛崃郡高岡倚泮宮

鳳尾孤峰

露嶺層層白朝來爽氣升清光遙映處勝貯玉壺冰

雪山朝霽

紫微星燦燦仙窟水淙淙佇望攀鱗者雲騰會六龍

金馬魚洞

朱紫何容混爭研惡奪真分明紅白水文彩適斌斌

紅白交潭

圓寂空三界真經不易聞如何千載後石上有遺文

晒經文石

蜀相征南日仙泉出異源獨憑心似石真教水能言

雲嵩聖泉

石巖空洞處響外有遺音問是何人擊清風度遠林

石洞瓊鐘

石磴崎嶇路雲深不見天方疑南斗近萬壑起爐煙

南天相嶺

寒暑無愆度和平萬事根薰風隨意扇冷水稱情溫

溫泉春禊

義氣凜千秋番夷尙畏不英雄今已矣碑斷倩誰留

鯨鱗封處

教授聶汝俊和韻

中城峰突起卓爾碧蓉通髣髴東山下簫韶奏泮宮

鳳尾孤峰

一望千重白晶明旭日升磷磷還鑿鑿白石盡為冰

雪山朝霽

飛霞金馬走百谷響懸淙貫貫看魚躍升騰欲化龍

金馬魚洞

麗澤成雙美相形色倍真還如連理樹同氣發華斌

紅白交潭



西天真有佛那避俗人聞隱隱虛無意癡看石上文 晒經文石

默默神無語流川何處源至誠天地動豈仗水能言 雲嵩聖泉

何處瓊鐘響齊鳴百谷音猿啼寒夜月鶴唳捲風林 石洞瓊鐘

體泉惟獻瑞甘露本無根豈為曾吹律能移黍谷溫 溫泉春禊

南嶺橫無際高高別有天嶙峋何處路足下起雲煙 南天相嶺

夷狄外春秋征南到此不百年金石泐載道口碑留 鯨鱗封處

廳貢生張昭明登文筆山

七十二峰環雲霄咫尺間不知身在頂祇覺眼無山紅日穿濤出

青天撥霧攀登高今造極俯視躡經關

又登觀音閣

南海移來第一山分明頂上叩禪關  
九霄日月雙鳧解百里蠻煙  
一帶環天爲鍾靈開面去我來選勝  
得心間登臨畢竟無窮妙卜  
吉尋幽若是班

又久雨偕王愚谷叅軍祈晴

半年浙瀝雨兼風頃刻祥雲捧日紅  
一郡星辰仁愛內萬家衣食  
照臨中不須藉石鞭陽氣但使焚香  
補化工直與甘霖同禱應精  
誠依舊倚蒼穹

又小哨驛

幾行村店亂峰環半壁斜陽鎖暮煙  
古驛樓臺深樹裏荒街燈火  
晚風前一輪斜挂邊城月十里中分  
相嶺天極目東南雲漢表橫

空秋色浩無邊

又澗江竹枝詞

鳴蟬髻子鳳頭丫一絡青絲護曉霞  
摹出新妝宮樣巧梅花額上點梅花

繫胸牢前解得無如環壓領映花  
膚風流女貌觀音樣項下橫拖一串珠

家住瀘江江水頭一家一箇舊漁舟  
縱橫水面田千頃收得魚苗半是秋

丁字棒纔三尺長阿郎辛苦阿奴忙  
待他住拐還家日趕箇殘冬臘月場

蹇詵越鶴詠物有序

牛官

民間畜牛每數家或十數家共倩一人牧放旦日牧人吹竹管鳴作聲牛聞聲出欄各隨以往山巔水涯恣其飲嚙將晚復吹竹牛遂隨歸頤指氣使若甚相習其牧人俗

謂之牛官

司牧等治人名稱亦有因寢訛將與共疴癢劇相親邀客非劉訓

帝京春遊以觀牡丹為盛賞富人劉訓邀客賞花乃繫水牛數百在前指曰此黑牡丹也出唐人說部

留賓笑甯茵

甯茵於山莊夜坐有叩關稱黃特處士相訪繼而南山班

黃將軍來謁茵留置酒及明視門外惟牛蹶虎迹而已見唐人說部

乘田能盡職吾愧長官身

羊棧

夷俗重牧羊衣食以之山民亦多業此者居羊之室編木為欄名曰羊棧

山田礲礪甚溫飽賴柔毛編木期羣處求芻得共牢出淵難再覓

吳房堂溪有白羊淵淵水舊有羊出漢武元封二年有白羊出此淵畜牧者禱祀之初出一羊歸人大驚拍手羊自此絕焉出郡國志

入苙更無勞作苦烹

魚日歡呼具濁醪

馬脚

建南山路險峻財貨流通專資馬力道途來往十百為羣驅馬之人稱為馬脚

致遠屢遊征權將馬代耕長途千里近生計四蹠輕風雨勤芻豢  
驂騮老驛程人間無伯樂驤首許誰鳴

鶴田

城北四十里利濟踏溝東汎間有斥鹵地數百畝水草不分無能耕獲舊有二鶴飲啄其際已不知其紀也近年復增二鶴亦不知所自來露宿不巢居終年翔集於是蜀中無鶴里人羣以仙呼之且名其地為鶴田云

自昔稱仙客胎禽品獨尊豈知成羽翮尙復有田園飲啄安吾素

耘耔詎彼煩稻梁猶不羨高蹈陋乘軒以上俱原稟

同知孫鏘留別詩八章

我生生長古明州萬里西川學宦遊莫訝鳳凰池見奪五雲深處

忍回頭

余官內閣例待俸滿戊戌指請分發到川幸免庚子拳匪之劫

棒檄匆匆秋近中水田高下共占豐民間更有新奇諺四境兇夷

不接風新官到任夷人出巢滋事諺謂之接風余初視事無之而是秋大熟米價亦甚平云

文廟遷脩百載餘今秋羣喜兆賢書須知插架萬千卷繼起多才

賴夙儲文廟自嘉慶八年遷入城內今年始行培修並改外門浚泮池而陳生在靈適領鄉薦然科名末也書院新購經史及中外新書萬餘卷諸生潛心肄業必有人才出其中矣

詞訟多由少剝糧借飛佃約欠精詳何當測算開民智下隰高原

自丈量田不丈量糧不剝戶借飛多偽佃壓不清必俟民智大開知清丈之有益訟自無矣

河道人心不近情火災水患累羣生改良未必天終負願與番夷

保太平西路自王繼昌承襲松林地土都可後與通把王在澄生隙民各成黨互相仇怨而喜樂積玉兩場火災紫大地水患鄉間受害不少今土都可與通把乘仇尋好從此當可保太平矣

風氣邊城未大開學堂規畫費心裁文翁遺學當年事輸入文明

待後來廳屬士子少知上進屢勸遊學不甚信從今聞余將交卸現有陳生毓麟鄭生倬才蔣生福銘高生培祿稟請遊學云

貧民生計太無聊賴有蓄糧腹不朽五鑛開成通鐵軌工商應共

樂逍遙貧民衣履不完全恃雜糧裹腹他日學生回籍五鑛俱開無業之民皆飽煖矣

公議權從紳董持入門開化有初基一方禍福非榮辱毀譽由人

心不疑余稟設平議局即地方自治基礎也久刻有開化入門八集並越嚮要略時務三字經等書均為蒙學堂課本今雖去任其板均存學堂藏書處 以上續纂

計開刊刷廳志捐銀姓名

署理越嶠軍糧府蹇念恆

捐銀叁拾兩

前辦越嶠釐務李常需

捐銀叁拾兩

越嶠廳儒學正堂楊有成

捐銀肆兩

署保安營都閩府楊有奎

捐銀叁兩

署照磨李登瀛

捐銀貳兩

議敘知縣陳在鑫

捐銀拾兩

歲貢生張立璵

捐銀貳兩

職員范成炳

捐銀拾陸兩

候選知縣張 柵

捐銀肆兩



職員馮毓華

捐銀拾兩

歲貢生韓金聲

捐銀肆兩

軍功蔣德貴

捐銀叁兩

廩生田學林

捐銀肆兩

廩生傅光礎

捐銀肆兩

廩生高培德

捐銀肆兩

廩生王正倫

捐銀肆兩

職員郭體仁

捐銀拾兩

增生吳專一

捐銀肆兩

增生李本深

捐銀壹兩

職員楊世珍

捐銀肆兩

武生楊樹樟

捐銀貳兩

附生鄭瑩

捐銀貳兩

附生鄭啓元

捐銀肆兩

軍功高霈雲

捐銀壹兩

職員彭名煦

捐銀貳兩

增生羅世榮

捐銀拾兩

郭朝明

捐銀肆兩

唐自敏

捐銀壹兩

李維周

捐銀貳兩

武一尊德仁志

捐款姓名

二

武生朱萬福

捐銀壹兩

職員唐登明

捐銀貳兩

職員周明政

捐銀貳兩

程壽祥

捐銀貳兩

周如軒

捐銀壹兩

續捐姓氏

饒應銘

捐銀貳兩捌錢肆分

張懷仁

捐銀貳兩捌錢肆分

戴本坤

捐銀貳兩捌錢肆分

康應福

捐銀貳兩捌錢肆分

劉萬華

捐銀貳兩捌錢肆分

蕭相如

捐銀壹兩肆錢貳分

李鴻源

捐銀壹兩肆錢貳分

尹萬程

捐銀壹兩肆錢貳分

周繼增

牟名璠

陳德俊

廖金順

王玉銘

馮大賓

馮鈞

許樹人

張志鐘

戴萬洲

徐樹清

戴萬傑

王尊賢

羅隆遇

以上一十四名各捐銀壹兩